



M

27 num: 11
IO: CHRYSOSTOMI
MAGNENI

Burgundi, Philosophi, Medici, & in ce-
leberrima Ticinensi Vniuersitate
Regij Medicinæ Professoris

DEMOCRITVS REVIVISCENS
SIVE

DE ATOMIS

Ad Excellentissimum SENATVM Mediolanensem.

Addita est Democriti vita cum Indicibus necessarijs.



P A P I Æ. Apud Io: Andream Magrimum. Ann. M. DC. XLVI.

SVPERIORVM PERMISSV.

14. 2 G. 4

IMOT202YH3 IO
M A G N E N S I S

DE ATOMIS

*O*pus philosophicum Doff. Medicæ Io: Chrysoſtomi Adagami Ticinenſis Profeſſoris, cui ſcribitur eſt Democritus Reuſciſcent, ego inſcriptus aſſenſi perlegi, & cum nihil contineat, quod legibus aduerſetur, quoniam ſingulari doctrina ſubtilitate, ac eruditione ſit reſortum, idcirco dignum cenſeo, ut Typis expreſſum in publicum prodeat utilitatem, ſi ita videbitur Reuerendiſſimo Patri Inquiſitori &c.

*E*go Io: Baptiſta Belcredus Doctdr Collegiatus Regius
Interpres Primarius in Gymnaſio Ticinenſi, & San-
ctiſſimæ Inquiſitionis Librorum Cenſor &c.

Imprimatur
Vicarius Sancti Officij Papæ.

Comes Maior agius pro Excellentiſſimo Senatu.

DE
ATOMIS



ATOMIS

D

EXCELLENTISSIMI
SENATVS
MEDIOLANENSIS

ÆQVISSIMO PRÆSIDI

D. OCTAVIANO PICENARDO

I. C. CREMONENSI

ILLVSTRISSIMIS CONSVLTISSIMISQVE

SENATORIBVS

D. ALOYSIO BELCREDIO I. C. Ticinensi.

D. IO: BAPTISTÆ BONETTO I. C. Cremonensi.

D. PETRO PETRACINO I. C. Laudensi.

D. IO: ARIAS MALDONATO I. C. Hispano.

D. OTHONI CAIMO I. C. Mediolanensi.

D. ANDREÆ ALIFERO I. C. Mediolanensi.

D. MATTHÆO BIMIO I. C. Mediolanensi.

D. IO: BAPTISTÆ CANTONO I. C. Alexandrino.

D. ALFONSO DELRIO NORIEGA I. C. Hispano.

D. FABIO FRANCISCO DVGNANO I. C. Mediol.

D. GUIDO BONO CAVALCHINO I. C. Ticinensi.

D. CAROLO PATELLANO I. C. Mediolanensi.

D. AVGVSTINO NAVARRO BVRENÆ I. C. Hispano.

Jo: Chryzostomus Magnenus immortalē gloriam P.



PATRES AMPLISSIMI.



CONSECR O vestro nomini philoso-
phiae meae primitias, quae vobis prius de-
stinatae sunt quam natae: ijs singulares
vniuscuiusque vestrum adoraturus eram,
virtutes, at nunc insigne mihi à vestra
munificentia collatum agniturus benefi-
cium; quo scilicet me in emeritorum sub-
sellia euexistis, dum Regium nominauistis
Professorem, & honorario meritis meis maiori auxistis.
Sento satis tanto plus à me expectari quo gradus maior est
in quo me esse voluistis; neque verò fauistis ut ignauia otioq;
torperem, sed quam ab vnoquoque vestrum grauissimam
accepi adhortationem dum adiui singulorum domos, bene-
ficientissimas in me manus, venerabundè delibaturus; *vide-
rem ut spei de me conceptae responderent facta, expleremq; omni-
um expectationem*, haec inquam admonitio ita insedit menti
ut vires animosq; dederit ad referendos Elysios, rediuium
vobis stituro Democritum, cuius sapientissima doctrina iam
dudum interpretem sibi exposcebat vel apologiam. Reuerà
cum amicorum suasionibus adductus fui ut ab physica qua-
dam tractatione typos lacerarem, diu animo fui inter va-
rias designationes fluctuante; Dum itaq; anceps animi con-
siliū meum excutio, id quod Seuerinus ille Boetius ordinis
Sena-

Senatorij, triumphantisq; togæ sapientissimum ferculum,
 sibi in carcere detento contigit. finxit cum philosophia ipsa
 colloqui, id enim verò mihi in masæo pene accidit, veterum
 juniorumq; Sapientias audire disceptantes: illa quidem ob-
 soletis vestibus, obscuro vultu; vixq; humani quidquam ob-
 lutum, & squallorem retinente; hæc autem loquacior, com-
 ptula & fastu pene tyranico superba; ac ubi antiquior Se-
 niorq; sapientia plurimà aquà serenum sibi natiuumq; vul-
 tum sorditie abiectà restituit; tunc enim maiestatis visa mi-
 hi est pene adorandæ, vnumq; pro se adduxit argumentum.
 quod scilicet propior origini, æternæ scilicet veritati, ab æ-
 minus aliquanto quam iunior sophia aberraret: atomorumq;
 opinionem veluti grande palmariumq; mentium humana-
 rum opus produxit in medium, reliquitq; me in hac atomo-
 rum cogitatione defixum. Ea sanè digna visa est quæ ab
 ipsius antiquioris Sapientiæ ore prodiret, appositumq; vobis
 munusculum duxi, tum quod id opus à nullo hætenus fue-
 rit pertractatum (Sennertus si quidem qui vno capite de
 illis agit atomos nequaquam, sed minima physica dari pro-
 bavit) tum etiam quod subtilissimæ indagationis, in præ-
 struendis principijs, & ad stabiliendam doctrinam, elicien-
 dasq; consequentias, plurimum haberet. *Res ardua est ve-*
tustis novitatem dare; novis auctoritatem, obsoletis nitorem, ob-
securis lucem, fastiditis gratiam, dubijs fidem, omnibus verò na-
turam, & natura sua omnia: itaque etiam non assecutus voluisse
pulchrum est. Non explebo vnquam vel assequar exquisitissi-
 ma Democriti sensa, sed sicuti pueri olim repandis vlnis
 Rhodij Colossi digitos metiebantur; ità vastas huius inge-
 niorum Phænicis cogitationes veluti pumilo nisu ambiri à
 me perspicietis; Democritum itaq; lucis nostræ restituere
 placuit, & tanto philosopho ad celeberrimum tot philosophis

Seculum esse admissionalis, vitam illi concessi posthumam;
mixtasq; minutissimis cineribus eius corporis atomos ab an-
tiquorum ruderibus, regisque eruere sum conatus: imperfe-
ctum sanè spirat, lucisque huius vsuram ab vestrae protectio-
nis aura sibi exposcit, cæteroqui si favore destituatur vestro
comburetur iterum, fatoq; illi subiacebit acerbissimo, quod
exfuscitatum impijs artibus ab Erichone cadaver de quo elo-
quentissimus Poeta Lucanus

Vadit defunctus ad ignes.

Absit hoc omen: fouebitis enim virum legiflatorem, Sena-
tus abderitani præsidem, diuinæq; si Herculem consecramus,
nobilitatis; amplectentur Hippocratis amicum Medici, scien-
tiæq; vniuersalis virum docti omnes apud quos id fortè pro-
mouero, ut illorum aliquis excultioris ingenij id perficiat,
cui principium dedi. Vos interea, PATRES CON-
SCRIPTI, conatibus meis fauete, & dum alij cælos in-
tegrus, fori contentiones, medelarumq; volumina vestræ aris
appendent, atomum etiam inter ea donaria adesse patiamini.
Valet.

*Ticini Regij prid. Kal. Maij
Anno M. DC. XLVI.*

S Y L L A B V S

Disputationum, & Propositionum de Atomis.

PROLEGOMENA.

D emocriti vita pag.	1	Synopsis doctrinae Democriti pro atomis	21
Libri à Democrito scri- pti pag.	8	Distributio eiusdem doctrinae per capita.	26
Testimonia de sapientia, & do- ctrina Democriti.	15	Praefatio ad Lectorem	28
Inuenta Democriti	20		

DEMOCRITVS REVIVISCENS SIVE DE ATOMIS.

Fundamentum totius Operis eius
distributio, & methodus 31

DISPUTATIO I.

An detur materia prima diuersa
ab elementis. 33

Definitiones 33

Principia 34

Postulata 35

Caput I. Elementa esse mate-
riam primam. 35

Propositio I. Quatuor sunt ma-
teriae primae proprietates ab ip-
sa inseparabiles: prima ut sit
primum uniuscuiusque corporis
subiectum, secunda ut in om-
nibus corporibus naturalibus

eadem reperiatur inesse, ter-
tia ut sit ingenerabilis, & in-
corruptibilis, quarta ut in
ipsa corpora omnia per dissolu-
tionem ultimam resoluantur. 36

Propositio II. Elementa sunt
primum uniuscuiusque corporis
subiectum, in omnibus corpo-
ribus naturalibus eadem re-
periuntur inesse, sunt ingene-
rabilia, & incorruptibilia,
quodlibet corpus in ipsa per
dissolutionem ultimam reso-
luitur. 37

Propositio III. Elementa sunt
materia prima. 48

Pro-

SYLLABVS:

Propositio IV. Materia prima quam Aristoteles proponit ex Aegyptiorum mente, omni-
no inutilis est, tum physico,
tum medico. 49

Caput II. De natura, nume-
ro, & proprietatibus elemen-
torum, iuxta Democriti pla-
cita. 49

Propositio V. Quatuor sunt
Neotericorum de Elementis
opiniones praeipuae. 50

Propositio VI. Elementa iux-
ta Democriti placita defini-
re. 52

Propositio VII. Elementum
non componitur ex materia,
& forma. 54

Propositio VIII. In quouis ele-
mento tria sunt primaria
consideranda, prima moles sub-
stantialis corporea: secundo
qualitas prima: tertio appe-
tentia mixtionis. Secundario
autem elementa contemplan-
da sunt ut partes coniunctae,
& ut mobilia localiter. 56

Propositio IX. Non est satis pro-
batum a philosophis dari qua-
tuor elementa. 59

Propositio X. Aer non est ele-
mentum. 65

Propositio XI. Dantur tria
tantum Elementa, Terra,
Aqua, Jennis. 70

Propositio XII. Definitiones
primarum qualitatum ab Ari-
stotele traditae, sunt improprie,
quare alias afferre tentavi,
Democriti placitis confor-
mes. 72

Caput III. Satisfit obiectioni-
bus contra superiorem De-
mocriti doctrinam. 76

Obiectiones contra incorruptibili-
tatem, & numerum Elemen-
torum. 77

Obiectiones contra ternarium ele-
mentorum numerum. 83

Propositio XIII. Aer caret gra-
uitate, & leuitate. 86

Obiectio contra aeris indifferen-
tiam. 91

DISPUTATIO II.

De compositione rerum ex atomis. 94

Definitiones. 95

Principia. 96

Postulata. 98

Caput I. Sententiae celebres de
com-

SYLLABVS:

6

compositione continui 98	da ratione vacui, tertia ratio- ne mixti 116
Propositio XIV. Continuum nō constat ex punctis mathema- ticis 98	Propositio XXII. Datur sym- pathia inter atomos 118
Propositio XV. Continuum nō cōponitur ex partibus, et pun- ctis mathematicis simul. 100	Propositio XXIII. De ato- morum paritate aliquid conie- cturā asequi 122
Propositio XVI. Continuum non cōstat ex simplici entitate ante diuisionē indistincta 101	Propositio XXIV. Atomis ae- ris insitum est, & proprium ē alijs vniri nunquam 125
Propositio XVII. Continuum non constat partibus syncate- gorematicis infinitis 102	Propositio XXV. Quomodo se habeant atomi ignea, aqua, & terrea ad unionem deter- minare 126
Propositio XVIII. Numerus partium continui non est sicut numeri finiti possibiles 102	Propositio XXVI. Atomis sua inest figura 129
Caput II. Quod omnia ex ato- mis consent 104	Examen doctrinae Platonicae de elementorum figuris 130
Propositio XIX. Continuum cō- ponitur ex atomis, siue corpu- sculis finitis numero, ad aqua- ritē inter se distinctis, certa & determinata area 104	Propositio XXVII. Atomis igneis figurā assignare ex De- mocrito 138
Propositio XX. Atomis defini- tionem dare 113	Propositio XXVIII. Atomo- rum terrearum figurā ex De- mocrito determinare 143
Caput III. De atomorū pro- prietatibus 116	Propositio XXIX. Atomorū aquearum figuram determi- nare 149
Propositio XXI. Omnibus ato- mis conuenit triplex mobilitas prima ratione vniuersi, secun-	Propositio XXX. De atomo- rum aerearum figura iuxta Democritū pronuntiare 153

Propo-

SYLLABVS:

Propositiu XXXI. Motus atomorum ad figuram potest explicari analogicè. 155

Caput IV. De mixtione, & dissolutione atomorum. 160

Propositiu XXXII. Mundi genesis explicare per atomos iuxta Democritum. 160

Propositiu XXXIII. Modus agendi atomorum est triplex: Primus per intrusionem sui in poros: Secundus per propagationem qualitatis in spatio libero: Tertius per inhibitionem qualitatis contraria. 166

Propositiu XXXIV. Modum quo atomi miscetur explicare. 169

Propositiu XXXV. Plures sunt mixtionum gradus, una ordinatur ad perfectiorem, & mixta simpliciora perfectiorum sunt materia, mixtiſq; plurimi sunt pori qui ab atomorū feriatiſq; positarum connexione ortum habent. 172

Propositiu XXXVI. Explicatur dissolutio mixti ex Democriti principijs. 178

sive, paradigma explicandi ardua quævis per corpusculorum doctrinam. 183

Thema Philosophicum. 183

Status questionis. 183

Investigatio generalis. 183

Color, sine adaptatio. 185

Resolutio questionis. 186

Annotationes. 186

Reflexio. 187

Caput V. Difficultatum in questione continui solutio ex proprijs atomorum principijs. 188

Seminarium Responsionū ad argumenta mathematica. 188

Lemma I. Mathematica abstrahit ab omni materia, & subiecto reali. 188

Lemma II. Diuisibilitas extrinseca non infert diuisibilitatem intrinsecam. 189

Lemma III. Non sunt expendenda actiones physica regulis geometricis. 190

Obiectiones mathematicæ. 191

Obiectio I. De triangulo. 191

Obiectio II. De quadrato. 191

Obiectio III. De circulis concentricis. 193

Obiectio

DEMOCRITVS Docens,

SYLLABVS.

Propositio XLVII. Quamuis admitti debeat aliqua in natu- ra rarefactio improprie dicta, nulla tamen datur propria, & legitima: siue omnis rarefa- ctio fit per intrusionem atomo- rum, condensatio per extru- sionem. 250	Propositio XLIII. Potissi- ma corporum alteratio fit per ordinem, & positionem mul- tiplicem atomorum, remissio per solutionem ordinis. 258
Obiectio de multiplici experientia quã videtur concludi rarefa- ctio, & condensatio. 253	Caput IIII. De Colorum gene- ratione iuxta Democritũ. 264
Caput III. De alteratione, intensione, & remissione, qualitatum iuxta Democri-	Propositio XLIX. Color est lu- men internum coporum ab ato- mis igneis diffusũ, & per alt- as atomos refractum. 264
	Obiectioes. 272
	Conclusio totius Operis. 276

FINIS SYLLABI.

PROLEGOMENA

S I V E

Anteloquia ad doctrinam Democriti de atomis autorandam, & melius intelligendam.



VM primogenitam inter omnes sapientum sectas atomorum philosophiam restituere designauerim, eiusque opinionis famam mille calumnis obsoletam vindicare, opera pretium visum est anteloquia quaedam praemittere in quibus curiosus lector de vita, moribus, scriptis, ingenioque illius qui eam sententiam accuratissime omnium pertractauit iudicare posset, adde quod necessarium fuisse selectis autoritatibus ostendere legitima fuisse illius institutoris placita, quae à me deducuntur, tum maioris claritatis gratia uniuersam in synopsi tanquam in thesibus unoque aspectu colligere opinionem, & tandem in praefatione ad lectorem de huius temporis philosophis deque meo instituto pauca differere. Praecipuus atomorum patronus fuit Democritus quem Abderitem alij, alij Milesium vocauerunt hos inter fuit Blancanus in Chronologia mathematicarum. Ille est Democritus cui risum insanum affinxerunt literatorum plebs, huius vitam innocentissimam, mores probabiles, subtilissimos libros, stupenda inuenta, laudes meritis minores, doctrinamque curiosam aequè ac facilem paucis his prolegomenis accipe.

DE

SYLLABVS

Obiectio IV. De circuli tetra- ragonismo. 194	pars B quā maiores, & ma- iores in infinitum in eadem
Propositio XXXVII. Pro- blema. Meniscum, siue lu- nulam quadrare. 196	atomo ABC possumus af- signare. 204
Obiectio V. De linea conchi- li. 197	Obiectio IX. De motu rotæ. 208
Propositio XXXVIII. Dā- tur linea quæ producit in infi- nitum semper magis, ac magis accedunt, nunquam tamen vel intersecant se, vel se an- gunt, & quamvis aliunde di- stent magis, & magis in infi- nitum, nunquam tamen ul- tra certam distantiam à se in- uicem abire possunt. 198	Obiectio X. De comparatione maioris, & minoris exten- sionis. 209
Scholium. 200	Obiectio XI. De luminis propa- gatione, & figuracione. 210
Obiectio VI. De contactu glo- bi, & plani. 201	Obiectio XII. De illumina- tione globi. 212
Obiectio VII. De lineis in- scabilibus. 202	Obiectio XIII. De continuo, & tempore. 214
Propositio XXXIX. La- tus quadrati est incommensu- rabilis longitudine cum diame- tro sua. 203	Obiectio XIV. De quantita- tis ratione. 214
Obiectio VIII. De angulo con- tactus, & angulo acuto. 204	Obiectio XV. De indivisibili- bus simul iunctis. 216
Propositio XXXX. In ato- mo ABC potest designari	Obiectio XVI. Argumentum Zenonis. 216
	Obiectio XVII. Contra indi- uisibilitatem atomorum. 217
	Caput VI. Respoña ad Obie- ctiones singularem atomorum doctrinam impugnantes. 217
	Obiectio I. Pro Aristotelis tex- tu 66. 3. de calo cōtra id quod diximus proposi. 26. tetra- dra nō posse repleri eccl̃. 218
	Propositio XLI. Tetraedra nō replent

SYLLABVS:

replet locum solidum. 219	Obiectiones. Contra doctrinam
Obiectio. II. De Atomis, & vacuo Democriti. 223	Democriti de motu locali. 237
Obiectio. III. De mixtionis imperfectione. 223	Obiectio I. De motu tardissimo, & velocissimo. 237
Obiectio. IV. De motu, tempore, rarefactione condensatione, intensione, & remissione. 223	Obiectio II. De quietibus, & saltibus, siue transmissione spatorum non transeunda per medium. 238
DISPUTATIO III.	Propositio XLIV. Circularis motus in rotatione tripliciter fertur, motu scilicet progressiuo, motu regressiuo, & circa centrum, maior autem est retrocessio in maiori circulo quam in minori. 240
De consequentijs praeceptis ex Democriti philosophia deductis. 225	Obiectio III. De successione motus. 244
Definitiones. 225	Caput II. De rarefactione, & condensatione iuxta Democritum. 245
Principia. 226	Propositio XLV. Rerum quotidianus usus rarefactionis, & condensationis naturam ostendit. 245
Postulata. 227	Propositio XLVI. Unica atomus siue rarefactione, siue infusione aut reproductione potest naturaliter occupare maiorem, et maiorem locum infinitum. 247
Caput I. De motu locali atomorum. 228	
Propositio XLII. Quamuis admitti debeat grauitas, & leuitas popularis, nihilominus tamen non datur grauitas neque leuitas strictè, & philosophice dicta. 228	
Propositio XLIII. Motus localis est entitas permanens, tota simul in natura, & successiuo in commotione, cuius causa productrix est solus impetus. 233	

DEMOCRITI VITA.



QUANTVM authoritas hominum opinionibus imponit, tantum nosse interest authorem eorum, quæ adducuntur in medium; ob id plurimos de rebus à Democrito gestis, scriptis, dictisue consului, ut tum meæ tum aliorum cupiditati satisfaceret. Omnes honorificam de eo faciunt mentionem: ut *Hipocrates sibi coævus, Ari-*

Stoteles, Theophrastus, Ælianus, Seneca, Constantinus Cæsar, Plinius, Iulianus, Lucretius, Plutarchus, Eustatius, Athenodorus, Athenæus, Diogenes Laertius, Lucianus, Apuleius, Petronius Arbiter, alijq; minores litterarum Genij quos post tanta nomina laudare nefas sit.

Ante annos bis mille supra 166., sexcentis, & octoginta, post excidium Troianum annis, æternæ mentis Numen duo molitum est ædificia, Imperij scilicet Romani fundamenta iecit dictatore l. qui Imperatores referret creato, & sapiëntiæ colossum erexit in Thracia effuso in lucem *Democrito*; ut dum caput orbis cæterę genti humanæ iura diceret; *Democritus* regnaret in omniunt ingenia. Non parum contulit ad erigendos eius animos natalium splendor; qui plerumq; circumstantium pompæ familiaritate altas cogitationes inspirat designationesq; maiorum gloria non indignas. Invenit cælestem nobilitatem domi; erat enim *Herculis* ex fratre nepos, ut testatur *Abderitę* epistola ad *Hippocratē* ex *Oenopidis* familia; tepit opulentiam præterea, regios philosophos patris domesticos, penates Monarcharum hospitalitate inclytos, celebres sapientum conuentus foris, & ubiq; addiscendi opportunitatem.

A

Cum

Cum Xerxes apud Democriti patrem esset hospitatus, regio munere gratiam illi rependit; Is doctissimos Persas, quos ob reconditam sapientiam magos vocant, Caldæosq; astrologiæ peritissimos hospiti suo reliquit, qui Democritum diuinæ cælestisq; scientiæ mysterijs initiarunt, & cum viuacis ingenij iuueni admirationem sui fecissent, siuè sua reuiscendi cupiditas consilium corrumperet, siuè quod omni ratione cumulatam sui discipuli sapiētiam optarent, exterorum ingesserunt curiositatem. Patre ergo demortuo hæreditas fratribus tribus diuisa est, quorum minimus natu Democritus, minorem vltro sibi poposcit portionem: Ea peregrinaturus erat accommodata, ut pote pecuniæ vis, quæ centum auri talenta, hoc est, iuxta plurimorum calculos, sexaginta aureorum millia facile excederet. sed quamuis ea electio in fratrum commoda videretur, suspitione tamen vexârunt Democritum, quasi subdolosè moliretur aliquid; aded ambigüe creditur ingenioso.

Præceptoribus itaq; suis viæ ducibus, consuluit in Ægypto Gymno sophistas, sacerdotum geometriam audiuit, & ad interiora Aliæ scientiarum ingeniorumq; triumphator penetrans Caldæorum principes per totam Persidem inuestigauit; tum reflexit se ad Arabicum sinum, vbi sacra ciuilibq; doctrina felicioribus auspicijs excolebatur. Vidit in India quidquid magorum arx portenti clauderet, quam pene fabulosam nimio miraculo facit Philostratus: congressuq; cum litteratis hisce habito, lustrauit Æthiopiam, & vbiq; perspicacis ingenij, honestæq; liberalitatis vestigia reliquit. Enim verò regressus in patriam omnium egens præterquam doctrinæ Damasum fratrem patricognominem, paterno in se animo est expertus. Ille enim suædi hæres paterni copiosissimo reditu sublimem, Oenopidis familiæ gradum alebat; dum purius patrimoniū, sed quod ideo facilius effluit, aurum scilicet cūsum signatumq; paucis

paucis annis Democritus exhausisset.

Quod mille minis, inuitâ Minervâ, studium vix delibant pueri, id etiam adolescenti Democrito ita placuit ut in voluptuariam domum, quæ hortu paterniſq; ædibus ferè adhebat, secederet, ut commodius in eo silentio libris naturæq; contemplationi dederetur; reuera ita defixus erat in cogitatione animus, ut licet sacrificium iuxta Orphei præscripta Deo Pani Pater appararet, non aduerterit nisi tùm demum cum monitus fuit, facienti assisteret. Hoc excolendæ mentis studium, quod voluptatis adoratio iuventuti adedò incommoda, quod rei augendæ cupiditas quæ virilem ferè ætatem fascinat nulla ratione potuerunt minuere, ad extremam vsq; senectutem servavit; tãtum interest pulcherrimo otio à pueris assuescere. Auri pecuniarumq; contemptor quam qui maximè, *diuitias enim*, ut ait Seneca de providentia, *tamquam onus bonæ mentis proiecit.*

Italicæ sectæ princeps fuit *Pherecydes*, cui *Pythagoras*, & deinde *Telauges filius* tanto parenti non impar in philosophico regno successit, sceptrum deinde *Xenophani* datum, postea caput renunciatus est *Parmenides*, post hunc conscendit pulpitum *Zeno Eleates*, deinde *Leucippus* qui moriens *Democrito* locum cessit: antequam tamen has partes obtineret rempublicam administravit patrij consilij, arbiter, leges sanxit, optimasq; consuetudines inuexit; ita ut totius Civitatis curam, oculosq; in se converteret, & instar cælestis cuiusdam numinis coleretur. Verum cum innata confirmataq; per tot annorum curricula discendi scribendiq; cupiditas eû publicis negotijs non rarò subtraheret, quæreretq; solitudines, sepulcris præterea frequentandis non abstineret, exploraret imaginationis vires, felicem specierum visibilium opinionem explicaret, rarasq; vulgaribus ingenijs disciplinas crederet, in de-

mentis suspicionem venit: neq; satis ab ea illum suspicionem vindicauit Hippocrates, quin etiam Seneca populari errato sit assensus. Diuino senis nostri iudicio absolutus est, sapientiq; cumulatissimæ renuntiatus, quippe qui non seipsum modo, verum etiam si quem alloqueretur sapientissimum felici contagione faceret.

In ea solitudine libros conscripsit quorum syllabum connectam; chymicis vacabat operationibus; naturæ explorabat in plantis vires; astrorum naturam motusq; contemplabatur: ibi specierum visibilibus effusiones, quibus ad eam ætas nostra gloriatur, adinuenit primus; neq; aliâ ratione frequentata ab ipso sepulcra crediderim, quam ut obscuritatis fauore imagines rerum melius detegeret; illapsæ enim per foramina in obscurum species in oppositis parietibus albis produnt se se. Astrologiam calluit quamqui maximè, planetarumq; numerum septenario non limitari pronunciauit, auctore Seneca; nostrisq; ideo huius sæculi *Kepleris, Galileis, Scheueris, Reitenisq;* palmam præripuit. Prædixit plurima quæ diuinitatis famam honorisq; etiam conciliarunt, quod effectus naturales suis in causis futuros præcognosceret, & ea quæ nunc arcana pro plantis herbisq; fucandis, inscribendis fœcundandisq; à plurimis tanquam noua venditantur, Democrito adscribi debent, teste Constantino Cæsare in lib. de agricultura: lac ab Hippocrate oblatum, capellæ quæ primò pepererat, & nigræ esse cognouit: diligentis curiosissimo miraculo.

Imo ut aliqua à festiuo philosopho subdamus minus seuera, puellam Hippocratis comitem Virginem primò, sequenti verò die fœminam salutauit quod nocturnæ deflorationis vestigia in eius oculis perciperet; inuisâ generis humani dimidio sagacitate.

Facundia erat gratissimæ quæq; animos deuinciret; qui geniuus

genūinus est eloquentiæ character; vnde in priuatis etiam sermocinationibus ea afferebat sermonis condimenta, vt omne fastidium abesset, atq; fuit aded mirabili, vt quod naturæ vires superat, mortuam Darij Regis coniugem ad vitam reuocare lugenti principi, consolationemq; omnem respicienti promiserit: audiuit magna cupiditate audax propositum Darius recepitq; daturū se quidquid ad inferos referandos esset opus; petijt à Rege, *trium nomina qui luxissent nunquam*: tractabiliorēq; Regis animum ea propositione, quæ communem hominum sortem explicat, ita solatus est, vt quietè deinceps desiderium coniugis pertulerit nihil ingeniosius eo artificio adinuenit vnquam Rhetorica, *hæc Iulianus in epistola ad Amerinum*. Morum præterea integritas pudicitiaq; tanta vt rationibus exemploq; rarum veneris vsum commendaret, *vt post Plinium, ait Rodericus à castro l. 3. c. 4. de natura mulierum*: vnicum è coniuge filium suscepit Protagoram Abderitem, qui à patris sapientia absuit quantum à viro puer *vt testatur Alianus lib. 1. c. 23. faretur equidem Laertius, Protagoram, Democriti auditorem, sed parentem assignat, Artemonem, Apollodorus, & Dion in Persicis Mæandrum*. Protagoras tamen quamuis tantum à præceptoris, vel Patris sui Democriti abfuerit sublimitate, *Sapientia*, vocabatur teste Phauorino, elogio planè insigni quod vnica infortunatum viuenteq; sapientia celebrat; cumq; valdè suspexit Plato qui ei dialogum inscribit, & Apuleius in apolog. & in flor. l. 3.

Natus erat ad amicitias Democritus, vnde, & Hippocrati medicorum Principi percarus, quo etiam nomine venerationem apud præcipuos medicæ vindices meretur: Philolao vsus est familiarissimè, cum Leucippo doctissimam amicitiam coluit: at verò non nihil simultatis fuit in Anaxagoram, quem insecutus est publicè quod sibi opinioniones de sole, & luna arro-

garet quas à Democrito mutuas tantum habuerat, easq; à
 priscis ad se derivatas ingenuo famæ contemptu confessus est :
 dignus planè cuius gloriæ consultum sit qui ità antiquorum di-
 gnitati favit : ceterum præter eam simultatis occasionem aliã
 referunt ; Anaxagoras ab tanti viri consortio auram captans
 popularem illum ijs horis adiuit quibus necessitas vnumquem-
 libet officiosis vrbauitibus deesse cogit ; excusatum ergo col-
 loquium est ; quam repulsam iniquè ferens Anaxagoras in sui
 contemptum reflecti exillimauit ; sed præter stolorum digla-
 diationes nihil cruenti hæc inimicitia peperit : plurium præte-
 rea familiaritatem fouit, quod seueritatem vitæ, scientiarumq;
 profundissima arcana, miris leporibus condiret, & facetissi-
 mus idem idemq; grauius videretur : præterea tot genti-
 bus lustratis, tot ingeniorum concursatione cicur, excultusq;
 animus, facillimè ad aliorum genium inflectebat se se : duo
 enim sunt, quæ præter institutionem à puero vrbauum flexibi-
 lemq; reddunt, gerere vel sua vel aliorum negotia ciuilia, &
 nationes lustrare.

Socratis ambiuit colloquium, & cum lycæi contentiones
 fecissent Athenis nomen, illuc occultus ingeniorum doctrinæq;
 explorator penetrauit, gloria quam in illo litteratorum
 theatro tulisset spreta ; voluptatem præterea maledicentiæ
 quæ viros in litteris illustres non rarò titillat, ita auersatus est
 vt innoxijs facetijs solummodo luderet, serenog; potius vultu
 prodiret in publicum quam (licet aliquantulo tempore
 id ab eo sit factum) vt effulse riserit semper, quod ineptè qui-
 dam existimarunt hoc enim viro in Craitate sua Præsidi, Le-
 gislatori, Principi, Philosopho omnem abstulisset authorita-
 tem, & qui ob secessum solitudinisq; amorem dementia est ac-
 cusatus ob ridendi sine ansa consuetudinem stultissimus leuissi-
 musq; mortalium esset astutus, tantum abest, vt sapiens

ta, corpus sapientia, Philosophia, in scientijs pentathlos, ab Hippocrate, Abderitanis quoque interdegebat, & Anaxagora esset salutat, alijsque nobilissimis honestatus ubique; fuisset elogijs: futurum potius quam risum ipsi Atheniensium, & Seneca adscribere deditque inter alios Aristoteli occasionem tantum tribuendi in problematibus ubi utrique pro praestantioribus ingenijs.

Defecisse senio testatur Laertius; pene furentem sub vitae ultimam periodum scripsit Atheneus, & ille quidem odore panis triduo vitam protraxisse, dum Cerealia celebrarentur, ne eius sorores funeris causa ab caetero mulierum conuentu abessent; hic autem aereo melle fouisse vitam narrat in sapientum coenis lib. 2. c. 3. reuera melle Pythagoricorum more delectabatur Democritus, Pythagorei enim praeter mel panis adhibebant omnino nihil; Rogatusque Democritus quomodo sanitati providendum esset, si exteriora, inquit oleo, interiora melle irrigentur. Suam experientia valde fauorabili confirmavit opinionem, vita ad centesimum nonum annum prorogata. Sed enim lege cautum erat ne qui patrimonium consumpserat sepeliretur, vivens itaque sibi iustorum funebrium ius recuperavit Democritus, recitato publice eximio palmarioque opere suo quod diacosmum magnum seu de mundorum systematibus composuerat, unde non sepulturae modo ius, verum etiam quinque aureorum millia pro lectionis suae honorario abstulit, eique posita sunt statuae quibus peculiaris honor habebatur, cuiusque in eius honorem nummi. Senatus populi que Abderitani publico ductu ingenti pompa elatus est. Haec fuit Democriti vita, hic finis. Quoad eius personam habitumque corporis ut hoc annotationis demus Phyllognomicis, & Metoposcopicis pauca annotavi. Ipse Democritus ait Hippocrates in epistola ad Damagetum) *Sub ampla, ac humilissima platano sedebat in veste crassa; citra humeros desinente, solus, discalceatus, super lapidea sede, valde palli-*

duc ac macilentus promissa barba. Lusciosis oculis fuisse videtur indicare Poeta vetus apud Gellium, Democriti enim oculos dicit luscificatos fuisse; fronte fuit mediocri, lineis constanti tractu sulcatis sed modice longis, minusq; profundis, naso inter aquilum, & simum sed simo magis, labris tantisper hiulcis, statura quam diuitem vocant: solitudini deditus ubi solus nonnumquam subridebat: in arguendo audax plusquam decuit ut patet in epistola ad Hippocratem; Ingenio quoad mores priuatos seu monasticam raro, quoad civilem satyrico, ad politicam serio, ad æconomicam indifferenti, in physicis præcelluit, herbarum præsertim magiæq; naturalis, ut vocant, arcana pleraq; prodidit quod testantur Seneca, Plinius, Constantinus Cæsar. temperamento herculeo fuit ex bile, & melancholia, hæc constantem illa viuulum prumptumq; reddidit. Floruit maximè sub Peloponesiaco bello 300. anno ab V. C. ut refert Plinius l. 30. c. 1.

Scriptit autem Moralia, Physica, Mathematica, Philologica, & Mechanica, hæc sunt quinque eius operum classes huiusmodi libri quorum plerosq; à Diogene Laertio accepi; reliquos cum suo teste laudo.

MORALIA.

- 1 Pythagoras.
- 2 De affectu sapientis.
- 3 De his quæ sunt apud inferos.
- 4 Tritogenia, hoc est quod omnia ex tribus fiant quæ omnia humana contineant.
- 5 De probitate seu virtute.
- 6 De copiarum cornu.
- 7 De sedatione animi, hoc est de tranquillitate, eius libri mentionem fecit Seneca.

- 8 Commentariorum vel domorum, idest de œconomica disciplina.
- 9 Euesto, de felicitate seu felici statu perierat iam Thrasyli tempore hic liber.
- 10 Scripsit etiam librum cuius titulus erat, Sermo operis umbra ut videtur innuere Anaxagoras.
- 11 Legales causæ.

PHYSICA.

- 1 Magnus diacosmus, palmarium Democriti opus in 12. saltem libros diuisum, quod tamen Leucippo adscribit Theophrastus, sed enim illum publice recitauit, ut ait Antisthenes, citaturq; à pluribus antiquis tanquam legitimus Democriti partus ut ab Epicuro epist. ad Herodot.
- 2 Paruus diacosmus: hic, & superior de mundi machina agebat, si titulus idem dat libri; hic tamen de huius mundi compositione, alter verò de mundo isto deq; alijs quos innumeros sibi persuadebat.
- 3 Cosmographia. Lustratas à se prouincias complectebatur siquidem maximam orbis partem viderat.
- 4 De sideribus vagis seu planetis: in isto libro alios planetas præter septem vulgatos asserebat quod postea nuntij sideris prodiderunt: id extra dubium ponit Seneca l. 7. nat. q. c. 3.
- 5 De natura.
- 6 De natura hominis siue de carne, hic liber consecratus est Hippocrati à Democrito extat enim epistola ea de re apud Hippocratem nu. 37. quam floridè scripserit Democritus manifestè apparet.
- 7 De mente.
- 8 De sensibus.
- 9 De anima.
- 10 De liquoribus.
- 11 De

- 11 De coloribus.
- 12 De differentibus fragoribus hoc est de sono.
- 13 Iudicium rerum naturalium.
- 14 De imagine seu præuidentia.
- 15 De pestibus.
- 16 Normę seu canones: hoc est principia, & axiomata totius philosophiæ naturalis.
- 17 De ambiguis, seu dubiorum libri tres.
- 18 Cælestes causę siue de influxibus.
- 19 Aerię causę siue de meteorologicis.
- 20 Phanę causę id est de sole vel apparentijs, quo in loco lucis, & umbra naturam explicuit, & sub apparentijs solares maculas complexus, est. Est autem sol apud Macrobiū phanę, & phanes ut apud Orpheum amor ita vocatur, quia ex Chao apparuit primus: sol autem quod maximè appareat, & quotidie oritur dicitur phanes.
- 21 De igne, & de his quę sunt in igne, Causę.
- 22 Vocum causę.
- 23 De causis plantarum, de semine, arbore fructu, quā parte quantum excelluerit conijce ab eius industriarum fragmentis quę collegit in suo libro de agricultura Constantinus Cæsar, & Plinius alijs.
- 24 De causis animalium.
- 25 De causis æquiuocis seu promiscuijs.
- 26 De lapidibus, hic etiam doctissimas fuit Democritus, primus enim liquandi lapides, fingendi sinaragdos, & quemlibet resundendi colorem rationes adinuenit, ut ait Seneca lib. 14. epistola 9. ebur mollire nouerat aliq; innumera.
- 27 De atomis scripsit librum quem sibi Epicurus adscribebat ut ex Halicarnasseo est autor Laertius lib. 10. in Epicuri uita.
- 28 De imaginatione reliquit imperfectū opus quamuis illius uires adhuc explorasset.

- 29 Prænotiones medicinae de ratione victus.
- 30 Intempēstiuorum, & tempestiuorum causæ.
- 31 De febre.
- 32 De excretis per tussim.
- 33 De infania, hunc enim librum scribebat eo ipso tempore cum eum insanum iudicabant Abderita, inuenitq; illi operi incumbente Hippocrates in epistola ad Damagetum num. 21. ipse autem Democritus de polis ac sphaeris tunc commentarios scripsisse refert in epist. ad Hippocratem, duo fortasse opera habens præ manibus.
- 34 De simulacris vagantibus seu speciebus visibilibus: idopus à se scriptum ait Democritus apud Hippo. in epist. nu. 28.

MATHEMATICA.

- 1 De contactu circuli, & sphaeræ.
- 2 De sententiæ differentiis, siue in quibus mathematici inter se differant.
- 3 De geometria.
- 4 De geometricorum numeris, hoc est de soluendis per numeros geometricis problematibus.
- 5 De mutis, ac solidis lineis; has Euclides, & pleriq; mathematici comparabiles, & incommensurabiles vocant, nomenq; muti, ac solidi relinquunt arithmetica.
- 6 Explicationes.
- 7 Magnus annus, siue astronomia, complectens vniuersam eali machinam, cum ea planetarum omnium ratione, vt à puncto vnde primomoueri ceperunt ad idem redeant omnes: Et magnum quidem annum Democritus, alij Platicum dixere, nonnulli vniuersalem, Cicero in somnio Scipionis eleganter annum reuertente vocat.
- 8 Parapegma. Instruimentum astronomicum quo ortus occasusq; syderum tempestiuumq; significationes cognoscuntur, & inueniuntur: dicitur parapegma quod ex multis partibus sit compactum, &

concinatum, ut ait Suidas, eiusq; instrumenti meminit Vitruvius l. 9. c. 7. respondet fortasse ipsi quonunc utimur astrolabio, vel planisphario aut armillari sphaera: nisi forte sphaera Chaldeorum fuit quae plurimum abest à sphaeris Ptolomei, Longomontani, Orontij Finæ, vulgarisq;. Ille analemma inuenit; Longomontanus lib. 1. sphaericorum c. 4. Sphaeram habet 9. circulis aequalibus compactam, Orontius 4 magnos circulos cum uno quadrante lib. 5. cosmog. c. 3. & aliam è tribus tantum circulis in lib. horolog. vulgaris tropica, & minores circulos habet. Chaldaica autem homo centricis quibusdam unoq; horizonte constat alijsq;. A Caldaeis astrologiam didicerat.

- 9 Certamen clepsydrae: siue examen motus clepsydrae cum motu calis; quem librum subtilissimum fuisse oportet, agebat enim de motuum, & temporum commensuratione, & comparabilitate. Sunt clepsydrae horologia ex aqua.
- 10 Caeli descriptio: hoc est asterisismi, & constellationes.
- 11 Terræ descriptio.
- 12 Poli descriptio.
- 13 Radiorum descriptio siue de projectionibus opticis, & geometricis, & propagatione linearum physicarum.
- 14 De concentu, & harmonia.
- 15 De quaternario scripsisse ait Plinius sed in quibusdam exemplaribus Demetrium autorem legi in alijs Democritum l. 28. c. 6.

PHILOLOGICA.

- 1 De Poesi.
- 2 De carminis venustate.
- 3 De Homero siue de versuum rectitudine.
- 4 De consonis, & dissonis rebus id est de sympathia, & antipathia.

- 3 De linguis.
- 6 De carmine.
- 7 De verbis, & nominibus.
- 8 De Sacris in Babylone litteris, hoc est hyperglyphicorū lectura.
- 9 De his quæ sunt in Meroe.
- 10 Oceani nauigatio.
- 11 Historia Chaldaica.
- 12 Historia Phrygia.
- 13 Chirocinera scripsit, id est de rerum magia seu miraculis naturalibus. Ut ait Plinius lib. 24. c. 17. ubi Pythagora, & Clemporo medico illius gloriam aufert voluminis; atq; Democriti certè esse constat.

MECHANICA, ET MISCELLANEA.

- 1 De architectura, cuius legibus adinuenit modum concamerationum, & fornicum, quamuis Seneca lib. 14. epist. 91. frigidissimo argumento id neget, quod ante Democritum pontes fierent; equidem sed non erant fornicati, & per arcus inflexi ita ut esset totius operis vnica clauis, ut ante Europaorum aduentum in America constructierant in rapidissimis fluuijs pontes, sed nihil erat concamerati.
- 2 De agricultura, in qua quantum excelluit testis est Constantinus Caesar, qui pulcherrima inuenta Democrito adscripta refert plusquam quadraginta dispersa per omnes suos agricultura libros.
- 3 De pictura.
- 4 De re militari, & armis, machinisq; præclarum mechanicæ scientiæ argumentum.
- 5 Problemata quæ Chernica vocantur à Laertio, quod vocabulum nusquam inuenire potui: an legere deberemus potius Chænica? (modica enim est differentia) & sic sensus huius tituli esset. Problemata, hoc est quæstiones quæ Chænica vocantur seu coniuiales Chænix enim diurna esca est, ut ait Laertius lib. 8. in Pythagora, vel

ra: vel potius cum Chœnices fuerint pedica quædam, ligna scilicet crassa rotunda instar Chœnicis (quod Paulus Æginæ mensuræ nomen est) in quæ crura immittebantur, dici possit problemata Chœnica fuisse quæstiones ita difficiles ut respondentem caperent, & inuoluerent ijs difficultatibus quibus se non posset extricare veluti qui in Chœnicis seu vinculis detinetur.

6 Composuit etiam de herbis ut ait Plinius l. 25. c. 2. nisi forte liber iste sit idem atq; is quem de agricultura aut de plantarum causis recensuimus superius.

7 Videtur etiam Commentaria, & elucidationes edidisse in libros Apollonicis Capridenis, et Dardani Phœnicij: ut colligimus ex Plinio l. 30. c. 1. ubi ait hos authores à Democrito illustratos.

Hos verò libros omnes Democriti memoriæ inuidens Plato comburere statuerat, ut ait Aristoxenus in historicis comentarijs apud Laertium, cumq; maximam exemplarium copiam magno sumptu maiori diligentia congregasset, ab hac impia designatione abductus est Amyclæ, & Clinix Pythagoricorum monitis; quod apud plerosq; diffusi essent huiusmodi libri: assentitur Aristoxeno Laertius, silentiumq; Platonis de Democrito grandem facit sceleris suspensionem: non audebat, ut ait Laertius, contra optimum philosophorum inite certamen neq; vero florenti adeo nomini suis laudibus voluit suffragari.

At quod Plato designauerat exequutus est Alexandri opus Aristoteles, quasi parum esset Alexandro si se monarcham redderet Asiæ, nisi Aristoteli ius in philosophos daret, qui quod sua tantum de tot antiquis monumenta superesse voluit, tyrannidem in ingenia videtur affectasse, ea ratione qua Turcarum Dominus fratres necat suos, ut ne in paterni imperij possessione quenquam riualem habeat: aut eorum exemplo potius qui cruentam legitimorum principum purpuram iniuste sibi arrogat: dum itaq; Regum fortunas vnica vincendi libidine

dine ductus euerteret Alexander, superbissimo furore ambitio-
sus nominis Aristoteles in philosophorum Principes est debac-
chatus, vnoq; incendio congestas triginta sex seculis tot sa-
pientiæ diuitias absumpsit, & si quæ voluit superesse func-
ri, ea omnium ludibrio dicerijsq; laceffenda tradidit posteris,
dum in optimorum bona inuectus abscissis perditisq; sapientiæ
statuarum capitibus, suū imposuit singulis: neq; obscurè litte-
rarij peculatus reum facit Aristotelem curiosissimus Plinius
in præfat. ad D. Vespasianum Imp. Sed nihil egisti Aristoteles
Democritus enim etsi libris nuspiam, vbiq; tamen inclyto no-
mine est; Viuit viuetq; in doctissimorum monumentis, & dū
philosophia aliquo in honore erit, comitem æui sui laudem De-
mocriti trahet, omnisq; posteritas etiam scripta quæ non ex-
tant mirabitur, cum verò in eum factum execrabitur.

Testimonia de Sapientia, & doctrina Democriti.

Hippocratis, & Abderitarum Democriti Ciuium.

Hippocrates in epist. Somnium Hippocratis. *Ipsa quidem
veritas, apud Democritum manet, Opinio verò apud Abderi-
tas habitat.* Quam autem ob causam dementiæ fuerit insimula-
tus à suis, videre est apud Hipp. in epist. nu. 5. *Hic præ multa
quæ detinet ipsum sapientia agrotat, ut timor sit, ne nostra urbs
Abderitarum pessumdetur si Democritus mente fuerit motus. Ete-
nim oblitus sui omniumq; vigilans, & noctu, & interdiu, & om-
nia deridens totamq; vitam nibili faciens vitam agit, ridetq; si quem
videt aut hilarem aut mæstum. Idolis aerem plenum esse dicit, vo-
lucrum voces explorat, si que aliquando in rerum immensitate profi-
cisci dicit, & Democritos esse similes sibi ipsi innumerabiles, corpusq;
cum mente corrumpit.*

Anima

Anime autem Democriti gratia etiam si urbs aurum esset dederetur. Leges putamus egrotare à Hipp. ad sis optimè vir curaturus virum insignem. Non medicus sed conditor sacrationem Ionia murum circumdabis, Civitatem Senatūq; curabis: Serua corpus sapientia, & ipsam ad te supplicem mitti doctrinam puta; gratificaberis etiam futuro seculo, si non destitueris Democritum propter veritatem cuius primas se laturum sperat: tu enim genere, & arte coniunctus es Æsculapio: hic verò Hercules est ex fratre nepos: hæc aliq; complura ad Hipp. Abderitæ deprecanti, ut Democritum ab infania liberaret. Respondit Hipp. Epistolam vestram legi, & admiratus sum quod ob unum hominem, ut si ipse unus Civitas esset, turbati estis. Et beati profecto sunt populi qui, sciunt bonos viros sua esse munimenta, non autem turres aut muros sed sapientum consilia: audio autem Democritum grauib; ac solidis moribus præditum esse, & urbis vestre ornamentum. Et ad Philopœmonem; Una sapientia cura alias exigit mente, ut dum tumultuantibus ancillis vera apparet conquiescunt, sic sapientia conspectu reliquæ affectiones velut famule decedunt: in veritatis regione quam sapientia colustrat non est pater, nec mater uxore aut cognati, non liberi nec fratres neq; famuli fortunaq; vel aliud ex his quæ tumultum faciunt. Democritus illuc præ sapientia commigravit, & infania teneri creditur ob solitudinis amorem. Et ad Dionysium Excellentia, morbi opinionem de se præbet, propter iudicantium imperitiam. Iuit ad Democritum Hippocrates decem talentis æstimata visitatione, siue mille, & ducentis nummis aureis Ppilippicis. Scripsitq; quid sibi cum Democrito contigisset in epist. ad Damagetum nu. 21. Hoc erat illud, Damagete, quod coniectabamus, non insanit Democritus sed super omnia sapit, & nos sapientiores effecit, & per nos omnes homines; vide sis curiosissimam hanc Hipp. epist. quæ quod longior sit à me tantum defloratur. Ridebat itaq; Democritus hominum infaniam qui vicissitudinis rerum igna-

ri veluti

ri veluti firma, ac stabilis sua vita fortunæq; esset, multis calamitatibus repentinis opprimebantur. Terram fodientes argentum quarunt, argento reperto terram emunt, emptæ terra fructus vendunt, fructibus venditis argentum accipiunt eaq; agitatione veluti rota semper circumuoluti nullo cupiditatibus sine imposito. Quæso te Hipp. non ridere de eo plorantem propter amorem, eo quod voluptate sua exclusus est? Intra sufficientiam se feræ continent; Quis enim leo aurum oculuit? quis taurus uberius alimenti gratia pugnat? quam pardalim insatiabilitas capis? sitit aper usq; ad aquæ appetentiam; Lupus deuorato alimento necessario quiescit, annuorum temporum ordo brutis terminus est ad coitum: at homo perpetuo ingluuiei libidinisq; æstro stimulat. Quemadmodum optimus corporis habitus periculosus, ita successuum fortuna magnitudo periculosa, quorum præuidentiam cæci ex aliorum malis habere debuerant. Hisq; qui beneficere cogitant fulminis ictum pro gratiarum ætione accipiunt ut tuus ille progenitor Æsculapius: videtur enim, & mundus ipse hominibus insensus. Totus homo ex nativitate morbus est; dum educatur inutilis alienæ opis egens, dum crescit proteruus, & insipiens pedagogo coercendus, dum riget audacia abripiatur, dum decrescit miserabilis. Utinam facultas esset nobis vniuersorum habitacula reuelare, singulaq; ætiorum humanarum momenta perpendere, videremus &c. Hæc autem cum diceret subridebat, & mihi, ò Damagete, diuina specie apparebat, & velut quæ priorem suam formam exuisset. Et ego, multa, ò Democrite, sapientie admiratione me impleuisti: Discedo veritatis tuæ præco. vidi Democritum virum sapientissimum qui solus potentissimus est homines prudentes facere, & num. 31. optimum naturæ ac mundi interpretem vocat Democritum. Hoc Hipp. testimonium eo luculentius est quod ab homine falli pene nescio, & Democriti coæuo procedit.

ANAXAGORÆ.

Anaxagoras cū Socrate de Democrito locutus, hic (inquit) philosophus similis est quinq; certaminum victori, nam naturalia, mathematica, politiores litteras, mechanicarumq; peritiam omnem callebat: vnde & omniscium appellat Laertius.

ARISTOTELIS.

Ab inuido laudes expressit Democriti virtus: Sic enim ille
 1. de gen. t. 3. *Democritus videtur omnia curasse, & principia
 apposuisse, quæ ad omnia accommodari possunt, & ad alios motus.*
 Eustat. l. 2. moral. c. 1. *Id quod de Democrito alibi ait Aristoteles
 qui apte quasi in natura inhabitasset, naturalia pertractaret, & ut
 Pythagoræ, qui cum omne in mathematicis studium collocarent, de
 rebus naturalibus loquentes, imperitè suis eas rationibus, non eis suas
 dissertationes accommodabant.* Et cap. 2. l. 1. de gen. *Ad summum
 de nulla mutatione, nisi superficie tenus quicquam alius definiuit, præ
 terquam Democritus, cui omnia curæ videntur fuisse; Hoc Aristote
 lis testimonium ut Democrito fauet, ita multis iniuriosum
 est, quasi verò omnia superficie tenus scripserit Hipp. à quo
 optima quæque veterum spoliator accepit, & in furto maluit
 deprehendi quam bona fide suum cuique reddere: nusquam
 enim Hippocratis meminit, quod Andree Laurentio lectissimi
 ingenij medicobilem mouit l. 8. anat. q. 30.*

SENECÆ, PLINII, CELSI.

Seneca Sapientissimus ille Hispanus nat. q. l. 7. c. 3. *antiquo
 rum omnium subtilissimum vocat Democritum, & alibi antistitem
 litterarum, sapientiæ caput, naturæq; linguam.* Plura Democriti
 admirator optimus Plinius; l. 28. c. 6. l. 18. c. 28. l. 30. c. 1.
 & alibi. Cornelius Celsus medicorum Cicero in præf. Mul-

tos ex sapientia professoribus peritos medicine fuisse accepimus, clarissimos vero ex his Pythagoram, & Empedoclem, & Democritum; huius autem ut quidam crediderunt discipulus Hipp. Crous. Sed Democriti nequaquam discipulus fuit Hippocrates, erat enim iam Senex cum illum primo cognouit ut patet in epistola ad ipsum Democritum na. 31.

PETRONII, LUCIANI, APVLEII.

Petronius Neronis deliciarum Arbiter, quiq; ut ait Tacitus, eruditio fuit laxa, in suo satyrico, Itaq; hercule inquit, omnium barbararum succos Democritus expressit: & ne lapidum virgultorumq; vis lateret atatem inter experimenta consumpsit. Lucianus nulli philosophorum præterquam Democrito parcat, & admiranda ab illo scripta esse testatur. Apuleius in apol. Democritum inter precipuos rerum natura patronos recenset, & Flor. l. 3. Protagoras sophista fuit longè multifcius, & cum primis Rhetoricæ repertis perfacundus: Democriti physici cuius æquæus: inde ei supæditata doctrina est. Hæc mitiorum ingeniorum testimonia adducere volui post seueriores viros, ut omnibus Democritum aituisse ostenderem.

LVCRETII, IUVENALIS.

Lucretius qui academiam in parnassum deduxit nusquam Democriti sine honore meminit ut l. 3. & iterum l. 5.

Democriti quod sensibla viri sententia ponit

Ingeniosissimus poetarum Iunius Iuuenalis in votorum satyra 10. sic de Democrito.

*Tunc quoq; materiam visus inuenit ad omnes
Occursus hominum, cuius prudentia monstrat,
Summos posse viros, & magna exempla daturus,
Veruecram in patria, crassoq; sub aere nasci.*

Sapientem vocat, summum virum quiq; magna exempla dederit: è Thracia fuit Democritus quod barbarum solum suo ortu nobilitauit.

Ad hæc testimonia subnecto vnum quo summa.

Democriti felicitas pateat, vulgaris est ingenij addiscere, felicitis, & commodi inuentis addere, at paucissimis inuenire concessum.

Democritus tamen diuino præditus ingenio plurima adinuenit, quæ illum veterum omnium gentilium sapientissimum doctissimumq; reddunt, ita vt eorum nulli ingenium vastius fuisse putem.

1 Species visibiles à corporibus omnibus fluere deprehēdit.

2 Primus ostendit cali, et terra societate, artemq; tēpestates, abundantiam penuriamq; prædicendi aperuit, teste Plinio, qui coemptum omne tractus vnius oleum à Democrito dixit, ignorantibus mirantibusq; ciuib; qui paupertatem, & quietem doctrinarū siebant imprimis cordi esse, atq; vs apparuit causa, & ingens diuitiarum cursus, restituisse mercedem anxie dominorum penitentia, contentum ita probasse opes sibi, preuisa rerum caritate, in facili cum vellet fore l. 18. c. 18. vide præterea historiam metentis Damasi Constan. l. 5. c. 41.

3 Magiam inuexit naturalem vnde Plin. l. 30. c. 1. plenum miraculi, & hoc pariter verasq; artes e floruisse, medicinam dico magicenq; eadem atate illam Hippocrate, hanc Democrito illustrantibus.

4 Concameratorum fornicum rationem architectonicam adinuenit, teste Seneca, pontesq; in fluuijs è lapidibus eo præscribente constructi primum.

5 Lapides liquare, ebur mollire, quemlibet fingere lapillum pretiosum, & ad libitum colore suo tingere nouerat.

6 Instrumenta mathematica excogitauit quibus non stellarum modo cursus, verum etiam futurarum tempestiuitatum ratio-

rationes accurate exponebat : ignes inextinguibiles nisi laete, speculaq; portentosa finxit.

7 In agricultura fuit peritissimus ex Constantino Cæsare Pogonato, qui multa à Democrito transcribit pulcherrima arcana.

8 In plantarum, & lapidum non historia modo, verum quod maius est, experimentis viribusq; fuit versatissimus ex Petronio.

9 Omnem fontium habuit peritiam, tum inueniendorum ficubi sub terra laterent, tum deducendorum vt videre est apud Const. l. 2. c. 5. & alios.

10 Effluuia corporum, atomosq; comperit, & inuexit omnium primus ex Laertio : quod vnum tanti apud me est, vt cogestas omnium Philosophorum laudes vel exæquet vel superet.

Synopsis doctrinæ Democriti quæ ad atomos pertinet :

Omissis ijs opinionibus quæ ad præsens institutum non faciunt, ex vno fere Aristotele, qui suis operibus optimas Democriti laciniâs intexuit, doctrinam quæ ad atomos spectat adductis autoritatibus delibabo.

I. Ex lib. 1. phys. t. 6. agens de principiis corporum; *Et si infinita aut sic, vt Democritus, genere quidem vnum, figura vero vel specie differentia aut etiam contraria. hoc est : principia corporum conueniunt in genere atomi differunt autem aliqua specie, & figura.*

II. Lib. 3. phys. t. 27. *Quicumq; autem infinita faciunt elementa, quemadmodum Anaxagoras, & Democritus, ille quidem ex ijs quæ sunt similium partium, hic autem, & omnifeminatio figura-*



rum tactu, continuum infinitum esse dicunt, siue vt vertit Auerrois interpret Mantinus, Democritus. Verò ex illo quod vocat radicem omnis figura, & semen omnis figura. PANSPERMIAM. Infinitum etiam est quod libet continuum ex Democriti sententia, sed tantum extrinsecè, & designatiuè, vt videbimus inferius.

III. lb. textu 29. Democritus autem nullum aliud ex alio fieri primorum dixit, sed tamen ipsum commune corpus omnium esse principium, magnitudine secundum partes figuraq; differens: siue vt melius ex græco colligitur, ratio corporis diuersa est in speciebus, partibus, quantitate, & figura.

IV. Lib. 8. t. 10. Democritus monstrat quod impossibile est omnia facta esse, tempus enim ingenitum esse, & t. 15. Democritus non quaesuit eorum quæ semper essent causam. Vide l. 2. de gen. animal. c. 4.

V. Lib. 4. de cælo t. 42. disputans de causa grauis, & leuis refert Democriti sententiam, qui existimabat stricta corpora descendere quod pauca ipsis resistent, lata verò ascendere super aquam: addit instantiam Democriti t. 43. deberet enim, in aere hoc etiam fieri, sed soluit molliter (Democritus) ait enim non in unum impetum facere sonum, vocans sonum motum eorum, quæ sursum mouentur corporum. Sonus autem est vox abigentis aues apud Aristoph. in comœdia de Vespis. crediderim à sono quæ edunt in aere corpora usurpatam à Democrito, nam quæ fortius aerem secant eum edunt sonum. Soluit autem instantiam Democritus non molliter, sed neruose negando paritatem, est enim maxima differentia inter motus qui fiunt in aqua, & eos qui in aere; quam verò commodè respondeat Democritus ostendemus suo loco.

VI. Lib. 1. de gen. t. 1. Democritus autem, & Leucippus ex corporibus indiuisibilibus alia componi inquirunt: hæc autem infinita, & multitudine, & formis esse, ipsa autem à seipsis differre his, ex quibus sunt

sunt, et positione, et ordine horum expressè in græco, ex atomis, quæ infinita figuris, & multitudine sunt: earum autem positionem ordinemq; inducere differentias voluit.

VII. lb. t. 5. Democritus videtur omnia curasse, & principia supposuisse quæ ad omnia accomodari possunt, & ad alios motus..... Democritus autem, & Leucippus facientes figuras alterationem, & generationem ex his faciunt segregatione quidem, & congregatione generationem, & corruptionem, ordine autem, & positione alterationem. Quoniam autem existimabans verum esse in apparendo, contraria autem sunt, & infinita quæ apparent, figuras infinitas fecerunt, ita ut transmutationibus ipsius compositi idem videatur contrarium alijs, & alijs, & transmutetur paruo immisso, & omnino aliud appareat uno transmutato, ex eisdem enim tragædia, & comædia fit litteris. Ex hoc textu colligimus quantus fuerit Democritus, qui principia adeo commoda adinvenit: eius præterea de generatione, corruptione, accretione, alteratione sententiam claram apertamq; habemus.

VIII. lb. t. 56. 57. Actionem, & passionem fieri dixerunt, iidem Democritus, & Leucippus, per meatus insensibiles. Unde Empedocles miseri ea voluit quorumcunq; meatus ad invicem sunt mensurati, quæ via maximè, & de omnibus uno sermone determinaverunt Leucippus, & Democritus, principium cum fecerunt secundum naturam quod est. Voluit autem duo tantum esse absolutè Democritus, atomum & vacuum quo nomine intelligit aerem, quod clarè colligimus ex Galeno de theriaca ad Pisonem c. 2. Si enim ex atomis, & vacuo, sicut Democritus, & Epicurus asserunt, omnia constitissent, vel ut Asclepiades medicus, inquit, mobilibus, & vacuo seu meatibus, nam eandem quam illi de rerum natura sententiam cum retineat, nominibus tantum mutatis, atomos moles, vacuum meatus appellat. Ex quibus patet quodnam sit Democriti inane vel vacuum, aer scilicet qui poros implet.

IX. Lib. 1. de animat. 20. Democritus ignem quendam, & calorem dicit esse animam, infinitis enim existentibus figuris, & atomis quæ specie rotundæ, ignem & animam dicit, (ut in aere quæ vocantur rauenta, quæ videntur in radijs qui per fenestras eunt) quarum omni seminarium elementa dicit Democritus totius nature: similiter autem, & Leucippus: horum autem sphaerica animam, propterea quod maxime possunt per totum penetrare huiusmodi figuræ, & mouere reliqua, cum moueantur, & ipsa: arbitantes animam esse id, quod dat animalibus motum. Ex quibus videre est atomos igneas Democrito fuisse sphaericas, & animam ex illis constare, verum alium quendam ignem pro anima componenda intelligebat quam elementarem; quam opinionem repetit Aristotel. textu 30. 44. 68. 71. 73. lib. 1. de anima, & lib. de resp. c. 6.

X. Ex lib. de sensu, & sensili c. 4. Album quidem, & nigrum hoc quidem asperum dicit esse, hoc verò laue; ad figuras autem reducit sapes. Vide Gal. l. 1. de elementis c. 2. quantum autem mysterij sit in his paucis verbis aduertemus disp. 3. c. ultimo huius libri cum de colorum generatione erit sermo. Hæc pauca ex Aristotele annotasse sit satis: alias eius opiniones inuenies apud Diogenem Laertium, Senecam, Plinium, Theophrastum, Galenum, & alios veteres.

XI. Diogenes itaq; ei dat tres opiniones pulcherrimas: Prima generationes fieri ex atomorum concursu, quarum motus ciatur à vertigine cæli; imò & vniuersum mundum atq; adeò mundos innumeros fortuito atomorū coalitu generatos, vertiginem verò cæli vocat necessitatem. Secunda visionem ex al-lapsu imaginum ab obiectis in oculum missis fieri, quam ei sententiam adscribit Aristotel. l. de sens. & sensili c. 2. Tertia finē hominis, seu beatitatem in hac vita esse quietum statum, seu animi tranquillitatem

XII. Plinius l. 7. c. 55. de resurrectione mortuorum refert
scaten-

sententiam Democriti quā, cultissimus ille sed impius irridet.
Puerilium; inquit, *ista deliramentorum, auida; nunquam desinere mortalitatis commenta sunt. Similis & de asseruandis corporibus hominum, ac reuiuiscendis promissa à Democrito vanitas, qui non reuixit ipse.*

XIII. Censuit dari mundos infinitos, vt docet Hipp. epist. ad Damagetum, quam opinionem eleganter expressit Claudianus pan. Manl.

*Ille ferox, vnoq; regi non passus olympo
 Immensum per inane volat, finemq; perosus
 Parturis innumeros angusto pectore mundos.*

Vide Lucret. l. 2. qui omnem hanc doctrinam luculenter explicat.

Secundò mundum coaluisse digladiantibus, & se se inuicē per inane quærentibus, trudentibusq; atomis; vnde Virgil. Democriti assecla ecloga. 6. siue in Sileno.

*Nanque canebat vti magnum per inane coacta
 Semina, terrarumq; animæq; marisq; fuissent,
 Et liquidi simul ignis, vt bis exordia primis
 Omnia, & ipse tener mundi concreuerit orbis.*

Tertiò videtur Claudianus illum impietatis accusare l. 1. in Ruffinum.

*..... Viam non sponte sequubar
 Alterius, vacuo qua currere semina motu
 Affirmat, magnumq; nouas per inane figuras
 Fortuna non arte regi, qua Numina sensu
 Ambiguo vel nulla putat vel nescia nostri.*

Plinius tamen l. 2. c. 7. duos Democrito Deos fuisse ait, Poenam, & Beneficium: at ipsemet Democritus opera Dei agnoscit esse creaturas in epist. apud Hipp. nu. 22. quare alterum illum Claudianus fortasse Lucretium poetam intelligit, qui pessimè de anima, peius de Deo scripsit l. 3. & lib. 5.

Omissis

Omissis ergo erroribus qui Democritum ut alios gentiles deturparunt, hæc sunt legitima illius placita quæ mihi explicanda stabiliendaq; proposui, ex quibus tota atomorum doctrina veluti compendio quodam percipi potest.

I. Censuit materiam primam esse elementa, cum vocat illa seminarium figurarum, *text. 29. l. 1. de an.*

II. Existimauit elementa non transmutari inuicem, 3. *phys. tex. 29.* clarèq; id testatur Diogenes Laërtius in eius vita l. 9. cum dicit ex mente Democriti ob firmitatem, & soliditatem, passioni, & mutationi non esse obnoxia elementa: idq; Empedocles statuit l. 2. *de gen. & corrupt. tex. 37.*

III. Vocat elementa ignem, aquam, terram de quibus mentionem fecit l. *meteor. de anim. de resp.* Aeris ab eo non fit mentio, tanquam de elemento propriè dicto: imo l. *de resp.* facit aerem aliarum atomorum receptaculum, ac proinde ad illas erit omnino indifferens. Vide Galen. *de ther. ad Pisop. c. 11. Arist. l. 1. de gen. t. 1. lib. 1. de an. t. 20. & Lucret. l. 6.*

IV. Negare videtur aeri gravitatem, & leuitatem 4. *cæli t. 43.* imo aerem, & vacuum seu inane Democriti superius statuimus idem esse ex Arist. Galen. Virgiliq; autoritate.

V. Omnia ex atomis componi voluit.

VI. Atomis infinitas esse figuras l. 1. *de anim. t. 20. l. 3. phys. t. 29. l. 1. de gen. t. 1.*

VII. Atomis mutabiles esse figuras: probatur l. 3. *phys. t. 29.* ubi corpus commune nihil aliud est quam elementorum compages, & l. 1. *de an. t. 20.* vocatur omniseminarium figurarum, radixq; figurarum.

VIII. Igneas atomos voluit esse sphaericas l. 1. *de an. t. 20. 44. 30. & alibi.*

IX. Atomum in Democriti sententia indiuisibile sunt modo communi, & non proprio ex Auerroes 1. *phys. comment. 35.* Id est ato-

est atomus una non potest scari realiter ita ut ex una fiant duæ, sed tamen est diuisibilis modo Mathematico proprio, siue per designationem, per intellectum, extrinsecè. Vocat autem modum communem diuisionem realem, quia ita vulgus intelligit, diuisionem autem mathematicam vocat propriam, quod atomis ea propria sit: Vnde, & continuum vocauit infinitum, quod mathematicè posset in infinitum diuidi, quamuis physicè esset finitum. His quatuor verbis tanta inest vis ut totam atomorum doctrinam sustineat.

X. Congregatione atomorum fieri generationem, segregatione corruptionem voluit. *l. 1. de ortu t. 5.*

XI. Ex paucis mutatis totum mutari, imo ex eisdem aliter dispositis fieri diuersum quid, ut ex eisdem literis fit tragoedia, & comœdia. *l. 1. de ortu, & inter. t. 5.* ex qua etiam complicatione varios emergere colores censuit *l. de sens. & sensili c. 4.*

XII. Alterationem fieri per meatus pronuntiauit, corpusculis siue atomis proportionatos sibi poros subeuntibus *l. 1. de gen. t. 56. 57.* quam sententiam sequitur Democriti lingua, Lucretius *l. 2. & l. 6.*

XIII. Intensionem, & remissionem qualitaturn per ordinationem, & positionem seriatim atomorum explicuit *l. 1. de ortu. t. 5.*

XIV. Motum omnem impetu fieri dixit *l. 4. calit. 42. 43.*

Hæ sunt legitimæ Democriti opiniones de quibus nulli dubium erit quin ad eum spectent cum necessaria ratiocinationis colligatione hæreant, & si qui dubium cuiuspiam esset num ita censuerit Democritus, legat diligenter Aristotelem, Galenum; Diogenem Laertium, & maximè Lucretium, planumque erit quam sedulo eius sensa perquisiuerim quamque sincere exponam. Annōtaui præterea de alia Democriti scientia complures opiniones quas breui curiositati publicæ dabo, veteraque noua videbuntur.

DEMO.

Præfatio ad lectorem.



TRIPLEX philosophantium genus in lucem nostra ætas effudit alij enim certo cuidam autori sunt addicti, cuius verbis veluti catena quadam adamantina alligantur, vnde rotum suum ponunt studium vt sensus principi suo fauorabiles inueniant, excogitent illi tuendo subterfugia, & si aperto Marte propugnare non liceat, stratagematis vtantur. Ità sunt nunc peripaterici, qui vni vacantes Aristoteli non intelligunt, quid intersit autorem explanare vel eius adhærere placitis. Ingeniosum est sacramentum philosophicum dicere, & in verba magistri conceptis verbis adigi, & quantus sit Aristoteles vix vllus fauorabilius, quam ego, iudicauit. Ad hanc philosophorum sectam reducimus omnes eos qui alicuius insistentes vestigijs, scriptis alienis explanandis incumbunt, quales sunt qui Scotum adorant, qui Ræmundum Lullum colunt, qui Paracelsi portentosa mirantur deliria.

Alij sunt libertatis philosophicæ vindices qui nullius auctoritatem, & omnium rationes ponderant, seq; veluti naturæ, & Lycæi vel arbitros faciunt vel restitutores: Isti nouis sectis principium faciunt, siue veram habeant sapientiam, siue ambitioso errore sint præcipites. Ità Sebastianus Basso qui noua aduersus Aristotelem inuexit. Ità Paracelsus Hippocrati, Galeno, & Auicennæ iniuriosissimus ebrius. Sic Thomas Campanella propriam sibi physiologiam vulgauit, artemq; medicinalem ex proprijs principijs descripsit. Sic Fluddus, Crollius innumerabilesq; chymici. Hosq; optime in varias classes

clafles diftinxeris, quidam enim nouorum curiofi funt, conſciji quam parum in vulgata philoſophia certitudinis fit: alij factionum capita dici ambiunt; pauci nullius retinentes ſententiæ, imo ne ſuæ quidem, ſoli veritati locum dant, veterum imitatores, inuentoribus conditoribusq; ſcientiarum annumerandi qui poſita experientia philoſophantur, quales fuerunt noſtro ſæculo Tychoſes Kepleri, Galilæi, Scheineri qui immixtas philoſophiæ mathematicas illuſtrarunt, & nullo pene plagiato ſunt uſi. Iſtis eſſe ſemper debuit pro emblemate puta lux, pro anima verò; *Amicus Plato, amicus Ariſtoteles, magis amica Veritas.*

Tertium philoſophorū genus adoleſcentioribus placitis vel ſpretis vel iam delibatis ad philoſophiam anum vetulamq; regreſſi quærunt ecquidnā decoris firmitatiſq; ſuo tempore haberit quæ nunc collapſa in cineribus fax eſt. Sic Samij Ariſtarchi Aſtrogiam deduxit Copernicus, Platonis doctrinam celebrauit cum ſuis Florentinis Marſilius Ficinus, & à multis ſæculis obſoletā, pene Empedoclis philoſophiam ex parte cecinit, cultiſſimus Lucretius, reſtituereq; in hoc opere tentamus Democriti.

De tribus hiſce ſectis ſi iudicium à me quæris, dicam, omnibus ſuum honorem deberi, potiſſimamq; eſſe quæ vnum, veritatis ſolem adorat: At pro iuuentutis inſtitutione ſatius eſt Ariſtotelem prælegere, quod eius methodus, & ſenſa omni ſint exceptione maiora, tum etiam quia meliori Philoſopho caremus abſumptis veterum libris, Platoneq; qui ſolus cum Ariſtotele ſuperuixit, in ſcientia naturali valdè parco nec ordinato. Vnde grauifſimo omnium pene populorum conſenſu ſancta, & inuiolabilis eſt in Academijſ peripateticorum principis maietas, vt maiori diligentia illi ſtudeat iuuentus, quem à veteranis quibusq; vident ſcrupuloſiſſimè coli. Quare cum Democriti

philo-

philosophiâ à me restitui debere censui, id primò veritatis desiderio ingenijq; exercendi causa susceptum à me est opus, deinde cum in philosophicis nulla possit esse præscriptio non abs re fore duxi in integrû restituere sententiasque primò viguerunt. Si verum attingimus, optatis potimur, sin minus, à nostris deviationibus alteri factioni non parum accedit autoritatis. Hæc tamen privato studio continebuntur placita, neq; alius mecum è philosophis cathedram ascendet regiam, præterquâ Aristoteles, in publicis enim prælectionibus iuuenturis institutioni non autem genio nouitativæ est indulgendum.

Vnum insuper moneo, brevitatis consilio multas è meis ratiocinationibus emergentes difficultates vel omisissas vel abscissas, cum doctis apertum sit, in acurata sententiæ explicatione omnium obiectionum solutiones, tanquam in seminario quodam contineri. Aliquis fortasse expectabit pro Democrito argumenta quæ aduersarium vel mutum vel desperatum reddant. Eluduntur omnia philosophorum tela præsertim in scientia naturali, in qua omnes circutimus, & promittere ratiocinationes demonstratiuas in physicis vel temerarij est, vel ignari lubrica esse sophistarum ingenia, & nullo pacto vinciri posse. Id tamen sanctè seruaturum me spondeo, nullas difficultates à me in aciem malignè deducendas, sed potius omniratione nitari vt robur suum habeant. Interca mihi scilicet si Democritum producere dedignaris, nec ipse curabit, & tibi benignus arridebit.

DEMOCRITVS REVIVISCENS

S I V E

DE ATOMIS:

*Fundamentum totius operis, eius distri-
butio, & methodus.*



Væstioni de compositione continui omnibusque annexis hoc est toti pæne philosophiæ naturali, tot incubant tenebræ, vt fatendum sit nos ali- quod latere principium è quo toti disputationi lumen esset mutuandum: maximæq; fiunt à ve- ritate peregrinationes dum prætermisiss quibusdam necessa- rijs, falsisue subsumptis errores in consequentibus multiplicari contingit, error enim in principio levis, maximus est in fine. Ab hoc ergo vel malè præsupposito, aut omisso principio motus, tempus, alteratio, intensio, temperamentum, rarefactio, con- densatio, mixtio, augmentatio, nutritio, propagatio rerum aliaq; innumera sic inuoluuntur vt diligentissimum quemque confundant.

Suspicio in tribus esse posse nostram circa illud principium ignorationem; primò quidem in distinctione vera materialis, & spiritualis quam à diuisibilitate alij, alij aliunde petunt; se- cundò in essentia quantitatis assignanda, quam non pauci ma- teriæ primæ diuisibilitatem dixerunt afferre. Sed tertium mi- hi potius omnium difficultatum origo videtur, ignoratio veræ materiæ primæ. Ratio meæ coniecturæ hæc est: forma præsup- ponit materiâ vt ab alijs etiam accidentibus præsupponitur su- biectum, ergo vt erit materia, ita & continuitas: forma enim; & accidentia quæ educuntur debent sequi naturam materiæ,

cum

cum quidquid recipitur per modum recipientis recipiatur, ergo accidentia nihil ad continuitatis rationem possunt asserere, materia enim prius est continua quam frigida quantaue; hoc principium dissimularunt ij qui in hæc absurda impegerunt clarissimi ceteroqui scriptores; *Materia spoliata quantitate est tota in toto, & tota in qualibet parte, & totius mundi materia in punctum mathematicum conflueret si quantitate spoliaretur*; ita Vasquez, & alij.

Primum itaq; inuestigandam mihi esse duxi materiam primam, quam deinde atomis constare contendo, sicq; duæ sunt primæ huius libri partes prima de materia prima, altera de atomis, quibus tertia subnecti debuit consequentiarum, cum nec atomos sine motu stabilire, nec opus absq; rarefactionis difficultate explanata complere potuerim. Ecce itaq; libri tripartitam diuisionem.

Quoad methodum; tentavi nobilissimam Euclidis consuetudinem, maioris claritatis causa, à geometrico pulvere in lycaum inuehere, definitiones axiomata, & postulata præstruens propositionibus; deinde cum mille in rebus mathematicarum scientiæq; naturalis compererim societatem, data occasione, demonstrationes geometricas, & arithmeticas admiscui; multis itaq; interest mathematicis, elementis saltem Euclidis esse initiatum, nihil enim magni in philosophia faciet, qui mathesim ignorat, atomorum certè subtilissimam scientiam nullo modo percipiet, nedum ad illius suprema mysteria deuehetur.



DISPUTATIO I.

An detur materia prima diuersa ab elementis:

In his capitibus hanc dissertationem expediā, ostēsurus primò iuxtà Democritum nullam dari materiam primam diuersam ab elementis; Secundò de eorum natura numero, & proprietatibus secundum atomorū doctrinam tractabo; Tertiò obiectiones diluam. Quæ disputatio necessariò præmitti debuit vt primas atomorum species possemus distinguere. Sed vt meam fidem liberem, methodicè Euclidis consuetudine ordiar à definitionibus, tūc verborum, tūc etiam rerum, ne vlla subsit æquiuocatio.

DEFINITIONES.

I. Elementi nomine intelligo corpus simplex ad mixtorum compositionem concurrens quodq; sit purè homogeneous.

II. Subiectum primarium est illud, quod qualitatum à se immediatè promanantium sedes est, & principium materiale, aut efficiens: *sic ignis caloris à se diffusi subiectum est primarium.*

III. Subiectum secundarium est illud quod recipit accidens ab extrinseco agente transmissum: *vt aer est subiectum secundarium caloris ignis.*

IV. Subiectum denominationis illud est quod denominatione tantum tale est, à potiori scilicet parte denominatione sumpta. Huius distinctionis fundamentum sumitur à natura mixtionis, quā sic partes inter se miscentur, vt nulla ad sensum sit amplius distinguibilis ab alia, ac proinde totum denominatur ab eo, quod magis percipitur, ceteris qualitatibus latentibus, & sub imperio oppressis.

V. Subiectum inhaesionis est illud, cui strictè, & formaliter

C

acci-

accidens inest. Ita terra est formaliter subiectum inhesionis frigoris, homo autem subiectum denominationis, neque enim animus algore vexari potest.

V I. Elementū symbolū est, quod vna qualitate cum alio consentit; ut aer, & ignis ex Aristotele, qui utriq; calorem assignat.

V I I. Elementa disymbola sunt, quæ in nulla qualitate cōueniunt, ut aqua, & ignis ex Aristot.

P R I N C I P I A.

I. Ex nihilo nihil fit: hoc est agentia naturalia exigunt subiectum ut agent, & materiam circa quam versentur.

I I. Mundus destrui non potest per causas naturales vi propria, & naturaliter applicatas: secus si virtute diuina applicentur passo. Sic enim seculi consummatione ignis omnia vastabit, & erit calum, terraq; noua: apoc. c. 21. v. 1.

I I I. Agentium naturalium actio iuuatur ab extensione dummodo sit ea absq; dispersione virtutis: pariter, & resistentia passi iuuatur ab extensione virtuti suæ actiuæ proportionata. Ità magnus ignis plus agit quam paruus, & centum libræ glaciæ diutius resistent aëli, quam sex librae.

I V. Sublata parte essentiali perit totum, siuè pars illa se habeat ex parte materiæ, efficientis, formæ, finisue, nihil enim absq; hisce causis esse potest in natura.

V. Quinq; sunt mundi partes principes, & essentielles terra, aqua, aer, ignis, se habentes ex parte materiæ.

V I. Vbi contrarietas datur inter agens, & passum ibi necessariò est alteratio successiua præcedens passi destructionem substantialem.

V I I. Natura semper intendit quod perfectissimum est.

V I I I. Non potest introduci forma sine præuijs dispositionibus, & vbi sunt dispositiones omnes ibi est forma.

IX. Causa principalis debet continere effectum suum vel formaliter, vel eminenter.

X. Idem est finis actionum, & essentiae, nam esse est propter operari.

XI. In ijs quæ sub sensum cadunt posita experientia oportet philosophari, sensibilia enim per sensus iudicanda sunt.

XII. Existentia rei dignosci potest à tribus, primò ex causæ necessariæ aut effectus necessarij existentia, *ut ignis est, ergo etiam calor, dies est, ergo sol lucet.* Secundò ex proportionem, & reciprocationem actionum, & connexionem cum alio externo existente, rerum enim non existentium nulla est actio. Tertiò cum est ad totius vniuersi bonum.

XIII. Magis, & minus non faciunt differre essentialiter.

POSTVLATA.

I. Concedatur dari materiam primam quæcunq; tandem, sit, & formas substantiales.

II. Concedatur dari elementa, de eorum autem natura, numero proprietatibusq; nihil postulo.

III. Consideremus elementa in sua puritate, non autem quatenus mixta sunt aut alterata.

CAPVT PRIMVM.

Elementa esse materiam primam.

Mirabile utiq; Aristotelis ingenium in quatuor potissimè rebus enituit, primò in formis syllogisticis: deinde moralium lib. præsertim polit. l. 5. tertiò in mechanicis questionibus. 4. in methodo qua usus est ad autorandam nobilem materiam primæ fabulam, quam ab Ægyptijs ad Græcos esse derivatam testatur Laertius l. 1. Utq; in primo exultissimè ra-

riocinationis se fuisse ostendit, in secundo ciuile animalibus humanis aptissimum, in tertio subtilitatis mathematicæ scientissimum, in quarto certè, dum antiquis parum tribuit, hominem se, qui falli posset, patefecit: utq; in primo excolit intellectum, in secundo voluntatem, & mores, in tertio imaginationem, cuius palmarium opus est mechanica, ità in quarto suo partu non satis auertit se ab illa facultate animi, quam Platonici quidam eleganti nomine Erraticam appellant. Materiam certè primam dari negabit nullus, at an sit inanis illa potentia de qua certant inter se Peripatetici nunc est inquirendum, eruenda à fundamentis veritas, neq; aduersariorum defectus dissimulandi, vel tantum tribuendum autoritati, ut ipsi ratio, & experientia cedant.

PROPOSITIO I.

Quatuor sunt materie primæ proprietates ab ipsa inseparabiles: prima ut sit primum uniuscuiusq; corporis subiectum, secunda ut in omnibus corporibus naturalibus eadem reperiatur inesse, tertia ut sit ingenerabilis, & incorruptibilis, quarta ut in ipsâ corpora omnia per dissolutionem ultimam resoluantur.

Prima proprietas est veluti conceptus materie primæ essentialis, & assentitur Aristotel. in primo phys. Secunda sequitur necessariò ex prima, cum enim sit primum omnium rerum subiectum, debet etiam intelligi inesse. Ratio à priori est, quia modus agendi materie est per sui communicationem ut etiam formæ, aliarum verò causarum est vel per influxum, vel per intentionem, aut directionem, ut patet in efficiente, finali, & idæali: cum ergo materia agat tantum per sui communicationem quæ propria est agendi ratio causarum internarum, sequitur eius absentiam cum sui effectus seu compositi subli.

subsistentia nullo modo posse intelligi, ergo in omnibus eadem reperietur inesse.

Tertia proprietas probatur ab Aristotele primò phys. c. 5. & sequitur euidenter ex præmissis: si enim esset generabilis vel fieret ex subiecto vel sine subiecto, si primum, non esset materia prima quandoquidem assignatur prior, si secundum, neq; pariter erit necessaria ad generationem cum sine subiecto fiat: deinde daretur creatio naturaliter contra princip. 1.

Quarta conditio vt in ipsam omnia resoluantur est etiam Aristotelis qui ait, *si quid corrumpitur in eam ultimore soluitur*, & probatur ratione, quia vt est compositio, ita & resolutio in opposita ratione, sed in cōpositione corporis materia est primum quod supponitur, ergo in resolutione erit vltimum, vis enim resolutionis incipit ab eo quod primum in compositione fuit. Conuenit ergo cum Democrito Aristoteles in eo, quatuor esse materiæ primæ characteres essentialis, quod erat ostendendum.

PROPOSITIO II.

Elementa sunt primum vniuscuiusq; corporis subiectum, in omnibus corporibus naturalibus eadem reperiuntur inesse, sunt ingenerabilia, & incorruptibilia, quodlibet corpus in ipsa per dissolutionem ultimam resoluitur.

HÆC propositio est minor syllogismi cuius præcedens maioris locū obtinet, quā si probauero acta res est. Et primò quidem nullus dubitat de secunda nostrę propositionis parte, quod scilicet omnibus mixtis eadem insint elementa, id enim eorum resolutione patet: totius rei cardo vertitur in asserenda prima materiæ primæ proprietate, quā est primum vniuscuiusque corporis subiectum, nam ex illa dependent tertia, & quarta. Et quamuis id probare difficillimum sit, neq; à Peripateticis

ticis hæcenus satis probatum sit dari illam potentiam puram, seu materiæ primæ inanitatem, tamen in arduis ausum suam laudem meretur.

Probatur itaq; prima proprietas per tertiam. Elementa sunt ingenerabilia, & incorruptibilia, ergo sunt primum vniuscuiusq; corporis subiectum. Consequentia est evidens, nam si daretur aliud subiectum, daretur illorum generatio, & corruptio, si autem sunt ingenerabilia, & incorruptibilia sequitur in ipsa per dissolutionem ultimam cuncta resolui, neq; enim in incorruptibili ulterius datur resolutio. Ex tertia itaq; proprietate, siue ab antecedenti posito omnes aliæ asseruntur, probatur ergo antecedens,

Primò à priori: Elementorum finis est certis quibusdam præfinitisq; generationibus in natura præsidere, si autem generabilia essent, & corruptibilia nequaquam id fieret, quia ex mutatis principiis consequentias mutari necesse est, atq; vt doctissimus cecinit Lucretius l. 1. circa medium.

..... si primordia rerum
 Commutari aliqua possent ratione reuincta,
 Incertum quog; iam constet, quid possit oriri.
 Quid ne queat.....
 Nec toties possent generatim, sæcla referre
 Naturam, motus, vitæ, moresq; parentum.

Quia scilicet imminuta parte essentiali natura non potest amplius suis insistere vestigijs neq; iuxta suas regulas intendere quod optimum est, quale in omnibus est temperamentum adiutivum, diminutioni scilicet vel corruptioni subiacentibus elementis: ergo cum sit adeo proprium naturæ perfectius intendere ex p. 7. etiam medium illius intentionis elementorum firmitas, & inuariata natura supponi debuit.

Probatur secundò. Si elementa essent corruptibilia, & generabilia

rabilia mundus destrui posset per causas naturales vi propria applicatas, contra prin. 2. quod sumptum est à Pytagora, & Platone, qui mundum à Deo solo creatum; & ab ipso solo dissoluendū dixere apud Valles. de Sacra phil. c. 1. & quidem rectè, perennant enim opera Dei vel per indiuiduorum successiōnem aut per eorum immortalitatem; neq; verò potest mundi machina alteratione quadam successina dissolui, vna enim parte essentiali sublata reliquum redderetur inutile, ac proinde annihilandum, Deus enim & natura nihil frustra faciunt. Si autem per causas naturales fieret huiusmodi interitus sensim fieret, & eo prorsus modo, quo videmus indiuiduorum dissolutiones contingere; ergo per eas fieri nequit ob residuorum partium inutilitatem. Natura autem sapientis œconomi instar nihil deperdit, omnia conseruat, & quamuis cæcis obscurisq; effluuijs imminui videatur, quod tamen abit, nullo modo corrumpitur, sed ad suam originem, veluti penum quandam redit, quod probauit mirus Hipp. de nat. humana, cuius relegens vestigia Lucretius ita cecinit l. 2. sub finem.

Nam sua cuiq; locis ex omnibus omnia plagis

Corpora distribuuntur, & ad sua sacra recedunt.

Humor ad humorem, terrene corpore terra

Crescit, & ignem ignes producunt, ætheraq; æther.

Sicuti in typis contingit prælo fuito characteres singulos suis in oculis distribui, vnde iterum ad alias formas explendas resumantur; quibus ita explicatis.

Probatur maior, quæ ita se habet, si elementa essent corruptibilia mundus destrui posset per causas naturales vi sua applicatas. Supponamus enim ignem mutasse in se vnum aeris cubitum; nonne plus æget virtus ignis noua illa extensione aucti, quam antea, ex p. 3. minusq; alteri sui corruptioni resistere poterit aer, ex p. eodem? ergo poterit aliam aliamq; portionē

aeris transmutare : totoq; aere è natura eliminato mundum
perire necesse erit ex p. 4. & 5.

Confirmatur, quia hæcenus eo statu res se continuerunt, vt
nullam huiusmodi corruptionem deprehendamus, ergo signū
est à posteriori elementa esse ingenerabilia, & incorruptibilia.

Dices primo elades vtrinq; æquari, & dispendia aeris no-
uis in igne victorijs cōpensari, quare geometrica proportionē
sic iacturæ, & lucra computantur vt nihil hic aeris pereat quin
alibi tantumdem ignis corrumpatur, vt si sub torrida zona
deperit aer crescitq; ignis, sub circulis polaribus vincit aer, &
ventorum agitatione semper æqualis manet sibi similis regio.

Sed contra primò : hæc compensatio iacturarum fabulam
redolet: secundò, si velint zonę torridę exemplo vti, legant Io-
sephum Acoſtam de natura noui orbis videruntq; quam inani
fundamento ista in medium adducantur, ibi enim non, vt vo-
luit Aristoteles perpetuo ardent arene steriles, sed temperata
multis in locis aeris aspiratione fruuntur fertilitateq; supra spē.

Dices secundò interitum terris à sole imminere qui ided
descendit vt terram comburat, 80., nempè terrestris globi dia-
metris depressiorem solem dicunt esse astrologi quam ante an-
nos bis mille, ergo eo tandem vicinię veniet, vt incendia mi-
sceat, sicq; mundus suis viribus aduretur.

Sed contra primò quamuis enim sol suam mutet declinatio-
nem ab æquatore, nihilominus tamen illum depressiorem
fieri dubitatione non vacat, ratio est, quia eadem puncta tro-
picorum in sphæris armillaribus vmbram Solis in cancro, vel
capricorno sibi recipiunt inuariabili ratione, ergo signum est
ipsum sensibili adeo deuiatione non deprimi, nam quo stella
humilior est eo longiores vmbras projicit vt probat Clavius
c. 1. in sphæram Io. de Sacrobosco, quod si dicas in eadem
omnino circuli sectione remanere, vnde & pares in aspectu an-
gulos

gulos faciet vt facillè demonstrari potest ex 5. & 6. primi Euclidis, tamen sensibile esset caloris augmentum, cum tamen contrarium experiamur sæuientibus hyemibus, æstibusq; impurissimis. Senescit fortasse Sol, & virtutis effœtæ annum suis terminis non amplius coercere potest. Phaetontem è sole facere contendunt sydus hominum commodis natum; si itaq; descendit sequetur suas in perigæo periodos, quarum puncta vbi primum attigerit, nostræ incolumitati consulens ad apogæum reuertetur.

Prob. secundò idem antecedens, nempe elementa esse ingenerabilia, & incorruptibilia, ratiocinatione sumpta ab igne, cuius corruptionem maximè sensibilem, & ipsa luce clariorem, nec nisi ab impudente negadam aduersa Democrito Stoa proficitur: Sed tollant mihi hunc scrupulum Peripatetici. Corruptio ignis non potest fieri in instanti, sed extinctio ignis fit in instanti, ergo extinctio ignis non est eius corruptio; vnica autem extinctio sensibus subiacet quam ipsi cum corruptione confundunt. Minor syllogismi patet sensu experientiaq; ex sufflata enim vel suffocata candela statim, ignis extinguitur, quod nec aquæ aut aeri terræue contingit. Ad maioris probationem quod corruptio ignis non possit fieri in instanti, suppono corruptionem vnus esse alterius generationem, vnde sic argumentor.

Si ignis corrumperetur dùm extinguitur vel mutaretur in elementum symbolum, vel dissymbolum, aut aliquod mixtū, nullum ex his dici potest, ergo non corrumpitur. Maior est adæquate diuisionis ex qua licet argumentari negatiuè. Probatur minor. Non potest mutari in elementum symbolum quin adsit pugna inter qualitates cōtrarias, multò minus in dissymbolum, neq; itidem in mixtum quin retundantur, & alterentur eius vires, sed in omni contrarietate est alteratio, & omnis
alteratio

alteratio fit successiue, si præsertim plurium sit graduum, edo-
mantur enim prius aliquæ partes, tum intensiois, tum exten-
sionis, & succedunt aliæ, donec ad eam moderationem quali-
tates deueniant, quæ alterius formæ inclinationi sufficiat,
ergo cum corruptio ignis non possit fieri in instanti, propter
dispositionem alij formæ introducendæ necessariam, extinctio
autem ignis fiat in instanti, sequitur quod extinctio ignis non
est corruptio ignis. Et reuera extinctio dicit tantum remotio-
nem lucoris ab humido pingui fluentis, corruptio verò re-
spicit generationem nouæ substantiæ, & alterius destructionē.

Dices extinctionem fieri successiue, sed contra, illud non
perit successiue quod desinit totum simul, sed per extinctionē,
ignis desinit lucere totus simul, ergo extinctio non fit successi-
ue, cæteroque deberet paulatim perire lux, & sensim obtene-
brari aer, dum tandem tota candela flamma perisset, quod ad-
uersarius non potest dicere, cum sensibus repugnet. Sed pro-
batur vterius ignis incorruptio sequenti ratiocinatione quæ
de igne, & de aqua potest intelligi, cuius mutationem in aerē
oculis patere credunt: quam transmutationem vt fieri non
posse ostendam,

Obseruo primò in via Aristotelis elementa componi ex ma-
teria, & forma substantialibus, neque formam absq; dispositio-
num conuenienti apparatu introduci posse.

Obseruo secundò plura requiri ad primam formæ introdu-
ctionem, quam ad eius conseruationem in subiecto, quod fœ-
tuum experientia patet, aliarumq; generationum in quibus fit
tam delicatus accidentium apparatus, & tam elaborata dispo-
sicio, quæ deinde sine substantiæ detrimento certos limites
intensiois, & diminutionis pati potest; Quod quidem, &
ratione, & experientia comprobari potest, ratione quidem,
nam ad id vt introducat^{ur} forma talis determinata, prærequi-

runtur

runtur sigilla quædam accidentium, quæ ipsi proportionatum omnino domicilium præparent, at dum in ipso dominatur corpore, potest se se tueri aliquatenus contra insultus contrariorum, suis scilicet qualitatibus vel occultis vel apertis, quas ex se immediatè profundit; & quæ elementaribus legem faciunt; deinde quod vinculum formæ cum materia non ita faciliè dissolui possit, ob insitum rebus omnibus perennandi amorem; nam omnia fugiunt interitum, neq; solum esse cupiunt commodamq; durationem habere, verum etiam diurnam. Experientia clara est in embryone, qui dubio procul moreretur si persentireth yemale frigus, quod pueri impune tolerant. Ut pullulet è grano spica, tantus requiritur apparatus, ut gentilis superstitio spicæ procreandæ duodecim Deos præfecerit, maturis frugibus vnicum. His positus.

Probatur aquam non mutari in aerem. Primò experientia vaporum, qui iterum in aquam resoluuntur nubium rorisq; forma, aut certè insensibili madore ut exprimit Lucretius l. 1. qui ait vestes vulescere insensibiliter si aquarû habeant viciniã:

In paruas igitur partes dispergitur humor.

Deinde experimentis chymicæ quotidianis, quibus aquæ liquorumq; metamorphoses innumeræ eo tandem deducuntur, ut exprimatur sub vaporum forma defæcata aqua, liquorq; purior.

Probatur secundò ad hominem contra eos qui dicunt aerem esse frigidum. Raritas est dispositio ad formam aeris, sed raritas est effectus caloris quo aer caret ex te, ergo ab aere non introducetur raritas in aquam; deinde introducendo calorem in aquam ut rareſcat, impedies ne fiat aer; qui ex te frigidus est.

Probatur tertio idem antecedens. Maior est resistentia aquæ, quàm sit ætuitas aeris, nam aquæ resistentia iuuatur ab
humidi.

humiditate, cui tam propria est adhæsiō partium cum partibus, & à densitate sibi congenita, actiuitas verò aeris imminuitur tum ab eius raritate, tum quod vis actiua aeris quæ in calore sita est, minor est aliquanto eius humiditate si quam habet: ergo aer non potest introducere in aquam dispositiones transmutationi aquæ in aerem proportionatas.

Dices mediante igne hanc mutationem futuram.

Sed contra: Ignis non est formaliter neq; eminenter aer, ergo ignis non potest esse causa principalis generatiua aeris ex principio 9. In pari enim dignitatis gradu sunt elementa unde nullum ab alio eminenter continetur; sed neq; formaliter, sunt enim contraria, ergo nullum produci poterit ab alio. Quæ ratiocinatio vt in meliorem diem ponatur, annotandæ sunt quatuor regulæ quibus rerum dignitas expendi, & conferri potest.

Regula prima logica est: Illud est nobilius alio quod de meliori, & nobiliori specie, & differentia participat ita equus nobilior est lapide, quia hic sub Mixto, ille sub Viuente reperitur. Cum ergo omnia elementa sint sub eodem prædicato corporis simplicis, habeantq; vltimas differentias sine vlllo excessu alterius in alterum, sequitur quod nullum continet aliud eminenter, & quod in eodem dignitatis gradu sunt posita.

Regula secunda est metaphysica. Contrariorum positiuè, & propriè eadem est dignitas absoluta. Dixi positiuè, nam in contrarijs priuatiuis ignobilius est non Ens ipso Ente, sic tenebræ luci, vmbra lumini, mors vitæ concedunt. Addidi propriè vt contraria relatiuè excluderem, Dominus enim seruo, Pater filio, Præceptor discipulo dignior est, subiunxi digni tamen absolutam, respectiue enim potest fieri vt aliquid alio sit optabilius. Dices alexipharmacum potius esse veneno digniusq; absoltè, & tamen sunt in positiua contrarietate. Res-

pondeo

pondeo negando esse contrarietatem positivam sed tantum respectivam, mediatam, & impropriam; alexipharmacum enim veneno aduersatur, venenum autem homini non verò alexipharmaco. Cum ergo elementa ex Stagyrictis sint propriè contraria, sequitur illa in pari dignitatis gradu esse constituta, quamvis secundum situm, locum, & alia respectiva, nonnulla digniora videantur.

Regula tertia physica est. Vbi actiones qualitatum non extrahuntur extra competentiam aut contrarietatem, tum in intentione, tum in ratione categorica, ibi substantiarum est æqualis dignitas; quam ab actionibus tantum nosse possumus: sed actiones elementorum nunquam sunt extra contrarietatem, & competentiam, suntq; in eadem serie, ergo etiam substantiæ elementorum paræ, & æqualis erunt dignitatis, ac proinde nullum alterius causa esse poterit: neq; calor frigore nobilior censendus, cæteroqui sui contrarij perpetuo victor esset, quod est contra experientiam.

Regula quarta est geometrica. Vbicunq; eiusdem rationis sunt numeri ibi est æqualitas, sed in via Aristotelis æquales sunt numeri in qualitatibus elementorum, ergo inter ea pura interuenit æqualisq; ratio. Ita ignis ex Circumambulorum placitis est calidus vt 8. Siccus vt 4. Aer calidus vt 4. humidus vt 8. Aqua humida vt 4. frigida vt 8. Terra frigida vt 4. sicca vt 8. Cum ergo paribus momentis contrariæ illæ qualitates sint distributæ, sequitur ad hominem æqualis dignitas, parq; vndiq; & geometrica æqualitas.

Confirmatur hæc doctrina, quia nulla qualitas prima continet aliam primam vel formaliter vel eminenter, ob contrarietatis rationem, ergo sequitur neq; eam præminentiam eorum formis substantialibus esse concedendam.

Dices ignem esse omnium nobilissimum ratione actiuitatis, effe-

effectuum, loci & imperij quod habet in natura.

Sed contra. Sequitur ergo ignem esse ingenerabilem, & incorruptibilem cum non sit assignabilis causa vel nobilior vel æquè nobilis quæ illum vel generet vel corrumpat: quis enim vnquam Peripateticorum concessit ignem frige fieri, & tamen id de aqua concedunt, obliti sui principij quod contrariorum eadem sunt passionēs? Dices eam mutationem fieri à causis æquiuocis. Sed contra, eæ enim causæ sine certis dispositionibus formæ introductioni non præsunt, cum autem nihil sit quod in ignem introducat aquæ dispositiones, si quætur ignem non posse vnquam mutari in aquam, neq; aquam in aerem. Contraria enim se se potius expellunt quam generent, & inimicitia elementorum, vt mixtis prodest, sic ipsis necessariam affert sterilitatem. Cum ergo aqua nec ab aere nec ab igne mutari possit, multò minus id à terra fiet, cum è diametro aduersetur: ingenerabilia itaq; & incorruptibilia sunt elementa.

Confirmatur primò, quia nullum inanimatum habet vim productiuam sui similis, sed hoc viuientibus proprium est, ergo neq; ignis ignem, neq; aquam aqua, aut terram terra generabit, quod si in mixtis animo carentibus hanc sterilitatem animaduertimus, sintq; illorum causæ æquiuocæ, quanto magis in elementis concedi debet, tùm ob ignobiliorem sui conditionem, tùm quod generare sibi simile perfectius sit quam nutrirī vel augeri, viuentia enim nisi certum attigerint perfectionis gradum semine carent. Adde quod, hac sterilitate mundi totius tutelæ cautum esse debuit, ob insanam elementorum extensionem, quare virtute assimilatiua carent, quæ etiam ipsis eo nomine est deneganda, quod cum finis essentię, & actionum sit idem, esse enim est propter operari, vt loquuntur metaphysici, ergo essentia se habet in ratione analoga mediij ad finem: sequitur elementis nullam nisi mixtorum gratia competere

petere actionem, at mixtis transmutatio illa omnino inutilis est, ergo non datur transmutatio inter elementa, sunt ergo ingenerabilia, & incorruptibilia.

Confirmatur secundò ex princip. 11. posita experientia, oportet philosophari, sed in omni corruptione mixtorumq; dissolutione videntur superesse elementa, terra in cineribus, qui nullo igne flamma fiunt, aqua in vaporibus denuò in guttas reformatis, cur ergo de igne aliter philosophabimur quam illum cineribus, & rogo suo superesse immortalem?

Probatur quartò elementa esse ingenerabilia, & incorruptibilia. Elementa esse formaliter in mixto existimat tota fere iuniorum schola, quod placitum licet non habeat expressas Principum nostrorum leges, tamen Fernelius l. 2. de elem. c. 6. veterum esse contendit, fuit enim Democriti, Empedoclis, Leucippi, Epicuri, Platonis, Pythagoræ, Lucretij &c. Hanc certè sequutus est *Auicenna* l. 1. *Fen.* 1. *doct.* 3. videturq; fauere *Hipp.* l. de natura humana: *Gal.* autem l. 1. *method.* c. 2. de his definire superuacaneum medico esse censet. *Aristoteles* l. 1. *meteor.* sum. 1. c. 2. negatiuam sequi videtur; ut ut sit affirmatiuam admitto supponoq; stabilitam apud *Fernel.* loc. cit. & in l. de abditis: *Dandinum*, *Iandinum*, *Ioubertum* aliosq; qui ut prudentissimè formas admiscere partiales, & elementa formaliter in mixto, ita non video quam ratione loquantur consequenter, dùm corrumpi transmutariq; concedunt.

1. Quia transmutatio, & corruptio inutilis est vbi integra, puraq; requiruntur elementa, atqui in mixto debent esse formaliter, cum ergo ex principio 10. omnes elementorum actiones sint propter mixta, ut omnia serui commoda pro domino, nequaquam corrumpentur aut transmutabuntur.

2. Si admittunt minima in elementis quomodo corrumpi explicabunt? Sit enim minimum terræ: B. illud ex aduersario

diuidi

diuidi potest, diuidatur ergo in partes duas A. C. sequitur vel materiam esse spoliata omni forma naturaliter, quod negant fieri posse, vel dari annihilationem naturalem quod nullus admittit, vel in partibus A. C. remanere formam elementarē, proinde B. non esse minimum physicum in quo forma posset subsistere, contra suppositionem.

3. Si elementa sunt corruptibilia quomodo erunt in mixto formaliter? nam ibi debet corrumpi ignis ubi caret dispositionibus necessarijs, & conditionibus ad existentiam connaturalibus, quales sunt latitudo medij, alimentum extra sphaerā, intensio certa qualitatum suarum, quibus omnibus in congelato saxo caret, ubi sine calore actuali, sine alimento, sine spatio, angustijs coarctatus est, ergo vel ibi vel nusquam corrumpi debet: remanet autem in saxo in statu adeo violento, & quidem diutissime, sequitur ergo esse incorruptibilem, & ingenerabilem. Elementa itaq; perennia sunt, & ingenerabilia; erunt proinde primum vniuscuiusq; rei subiectum, omnibus mixtis inerunt, & per ultimam dissolutionem in ea mixta omnia resoluentur, quod erat instituti nostri probare.

PROPOSITIO III.

Elementa sunt materia prima.

HÆC propositio conclusio est syllogismi cuius duæ præcedentes propositiones præmissarum loco se habent: Illud est materia prima, quod est primum subiectum; ex quo in existente fit vnum per se, & in quod si quid corrumpitur ultimo resoluitur; sed hæc conueniunt elementis, nam sunt primum subiectum, vt pote ingenerabilia, & incorruptibilia, inexistunt in mixtis, ex his, & forma substantiali fit vnū per se, & in omni corruptione resolutio fit in elementa, ergo sunt materia prima, quod erat demonstrandū.

Pro-

PROPOSITIO IV.

Materia prima quam Aristoteles proponit ex Ægyptiorum mente, omnino inutilis est, tum physico, tum medico.

P Robatur primò, quia ea omissa facilius explicantur omnia, ut patebit inferius : deinde quia elementa ad omnimodam mixtionem sufficiunt ; tertio quia medicus elementa tantum in corporibus contemplatur, physicus autem nullam materiam primæ Aristotelicæ necessitatem ostendere potest, quare cum nihil in natura frustra sit, eam materiam non dari concludendum. Reuera Arabum Medicorum Sultanus Auicenna nullam præter elementa agnouit materiam, quem multi è peritioribus medicis sequuntur. Neq; verò mihi inutilis tantum, sed etiam impossibilis videtur, & in terminis contradictionem inuoluere, certè illius concepitum idæamq; animo nunquam potui adaptare, quibus autem fundamentis nitatur perpendemus capite 3. huius disp. cum aduersariorum retundemus tela, obiectiones enim nisi explicatæ acuratus Democriti sententiæ subdi non debuerunt, ne ordo confunderetur doctrinæ.

CAPVT SECVNDVM.

De natura, numero; & proprietatibus elementorum, iuxta Democriti placita.

NOLO hic fusè de elementis pertractare, sed quantum ad præsens institutum de atomis necessarium est, prætermittis curiosissimis quæstionibus, de igne artificiali, aereo, subterraneo ; de luce igni insita : de atmosphæa, de spiritibus aereis, & igneis, de mutatione, & phasibus ac-

ris: De aquis mineralibus, & bituminosis, defontium miraculis præsertim quæ in Indijs vtrisque; & nouis Argonautis sunt reperta: de virtute magnetica terræ, de centro grauium, de quiete terræ, de terrarum varietate; his inquâ alijsq; omiſſis me cōfero ad ea quæ lumen dicēdis afferre necessariò debeant.

PROPOSITO V.

Quatuor sunt Neotericorum de Elementis opiniones præcipue.

Prima opinio sic elementum definit; *Corpus simplex formaliter existens in mixto, vt principium materiale ex tribus veluti cōpaētum humore, succo, & solida substantia.* Prima pars definitionis vsq; ad id *ex tribus veluti &c.* aperta est, sentitq; cum Democrito dum vocat elementum principium materiale: at verò quis succus ignis, quis terræ humor, quæ soliditas aquæ aut aeri adscribi potest? An ignis humidus est, & succi plenus? humor .n. supponit humiditatem, succus mitionem cum concoctione ex Theophrasto l. 1. *hist. plant.* c. 19. De soliditate nihil disputo illa enim mathematicè penes dimensiones, physicèq; penes plenitudinem potest explicari. Is tamen, qui huius opinionis est caput, adscribit igni sic citatem in summo, sicuti etiam terræ, vbi ergo erit humor succusue qui semper de genere liquoris est, licet addensari possit? vnde videtur sibi ipsi parum consentiens; Sed cum nemo non auditus damnandus sit, ab hac opinione exagitanda superse deo, cuius nudam solummodo thesim vidi editam Lugdunî.

Secunda opinio sic elementum definit. *Corpus simplex mixtorum basis, & materia è duobus coalescens, mole scilicet, & influxu fixo.* Ità nobilis Hungarus quem forte fortuna in itinere biddud comitem habui cum secundo in Italiam venirem. Influxum dicebat esse portionem ætheream ipsi elemento congenitam quæ cum orbe superiori, & cælestibus mixta singula coniunge-

iungeret mediante ipso elemento , & singula ad suos planetas referret , vt planetę ad stellas fixas , & ipsi referuntur analogia mündana . Volebat elementa esse septem , terram , aquam , ignem , spiritum , seu ventum , essentiam , regulam , numerum , quę septem in singulis mixtis reperiuntur . Terram diluit aqua , aquam distribuit spiritus , spiritum vegetat ignis , ignem eleuat essentia , seu radicalis ros mixtorum cui insitę sunt , & veluti radicatę proprietates , totum certa figura coercet regula , & numerus partibus modum ponit . Regula autem , & numero substantias intelligebat , improprie ad eum sensum vocabulis . Terram Saturno , aquam Lunę , ignem Ioui , Spiritum Mercurio , regulam Marti , numerum Veneri , essentiam Soli non absurdę componebat . Sed cum de planetis Ioualibus fieret à me certior , vnde & adinuenienda quatuor elementa sympathica igni pro stellis Medicęis , & duo sympathica terre , nam Saturni stella tribus globis deinceps positis dicitur componi ; Respondit ea se habere per modum vnius : gratis audiui quę gratis dicerentur , nec mihi ad alia festināti tor refellere vacat , veltunc scholastica contentione curiosas confabulationes corrumpere .

Tertia opinio est multorum Chymicorum ē quorum numero , & superiorem fuisse puto . Illi duo dari volunt elementa , Terram quam damnatā , maledictā , & caput mortuum vocant , & Aquam vel insipidum phlegma , quę omni sale , mercurio , & sulphure careat . Quorundam Chymicorum absque sententię etiam vocabulis , quibus nitor , & claritas adesse semper debet , magnam authoritatis partem suę arti abstulerunt , quid enim de ijs censendum est quam quod Lucret. l. 1. de Heraclito pronuntiat ,

*Clarus ob obscuram linguam , magis inter inanes ,
Quam grauior Græcos , inter qui verarequirunt :*

*Omnia enim stolidi magis admirantur, amantque,
Inuersis quæ sub verbis latitantia cernunt.*

Chymicorum plurimi à suis officinis egressi ab alambici fulcris tanquã ab Apollinis tripode, reuelata sibi arcana iactant, & ea loquuntur quæ nec ipsimet intelligant. Naturæ mysteria etiam si mille facibus reuelentur, arbitrantium oculis nunquam tota excipientur, restabit semper quod quæras, & quo plus scies, eo plura à te ignorari miraberis.

Quarta opinio sic definit elementum, *corpus simplex à nullo naturaliter dissolubile, constans substantiâ, qualitate acerrimâ, & mobilitate primariâ simplici.* Verum quidem est, in ratione qualitatum sensibilibum elementares esse omnium acerrimas vincuntur tamen in actiuitate ab ijs quæ à formis substantialibus mixtorum immediatè promanant. Admittit hæc sententia quinq; elementa ignem, seu æthera, aquam, terram, influxum quem astra rerum, & stellarum particulas vocat, & gultinosum tartarum ad omnium vnionem necessarium.

Prima opinio fundatur in proportionem eorum quæ ad mixtum videntur accomodata. Secunda nititur analogia maioris, & minoris mundi, & relatione quam sublunaria habent cum cælestibus, quam quisq; ad libitum explicat. Tertia prætendit experientiam, & sensibus nititur. Quarta vt nouum quidpiam afferret astrorum fragmentis nos ditauit, sed illa exhibet Chymicus.

PROPOSITIO VI.

Elementum iuxta Democriti placita definire.

Elementa definiuntur à Galeno l. i. de elementis c. i. *quæ natura prima, & simplicissima sunt, quæque in alia non amplius dissolui queunt; in quam definitionem recidit Auicennæ definitio l. i. Fen. i. doctrina 2. cum dicit; Elementa sunt corpora simplicia*

plicia, & partes primæ corporis humani, & aliorum, quæ in corpora diuersarum formarum diuidi minimè possunt ex quarum commixtione species diuersa generatorum fiunt. Aristoteles autem 5. met. t. 4. Elementum dicitur ex quo inexistente indiuisibili secundum speciem in aliam speciem, aliquid componitur; quæ definitio metaphysica est & vniuersalissima, sed deinde ab eodem Aristotele restringitur ad elementa corporum, cum vocat vltima in quæ corpora diuiduntur, illa verò non amplius in alia specie differentia corpora, & siue vnum, siue plura huiusmodi sint, hæc elementa aiunt, & in fine textus ibid. omnibus verò elementi acceptionibus commune est illud cuiusq; esse elementum quod primum cuiq; inest; ex quibus manifestum est vnicum elementorum characterem in quo tres isti litterarum legislatores conueniunt, esse perfectam homogeneitatem. Definiri autem posset elementum; Corpus simplex seu purè homogeneum natura sua institutum ut in mixtorum compositionem veniat; quæ definitio datur per causam finalem, & respectum transcendentalem, quo ab alijs distinguitur. Hæ definitiones optimè sunt neq; Democriti sensibus vlla ratione contrariæ, imò potius fauorabiles, si præsertim addamus pronuntiatum Aristotelis 5. metaphys. t. 4. Paruum, simplex, indiuisibile elementum dicitur. Nihilominus tamen aliam colligo Democriti definitionem ex l. 1. phys. & ex Lucretio l. 5.

Elementa sunt seminariū primū atomorū simpliciter figuratarū, & vnirogenarum secundū quarum variationem, & conitionem diuersam mixta quauis generantur, & in qua omnia vltimò resolantur. Dixi seminariū primum, quia dantur figuræ, & minima secundæ fortis quæ à forma substantiali, cæli vertigine, alijsq; causis ad mixtorum obsequium variam obtinent figuram. Dixi simpliciter, quia cōpositione omni carēt. Vocavi vnirogenas, hoc est, figuræ aut atomi aqueæ omnes sunt eiusdem rationis, idem de terreis igneisq; iudicium esto; Cætera plana ciunt ex se-

quentibus. Confirmatur hæc doctrina à Lucretio qui dicit omnia corpuscula terrea adunata in vnum, & de alijs elementis ità similiter docet l. 5.

*Quippe etenim primum terræ corpora quæq;
Propterea quod erant grauiâ, & perplexa, coibant.
In medioq; imas capiebant omnia sedes.*

Definiuimus ergo elementum secundum Democritum, quod erat propositi nostri.

PROPOSITIO. VII.

Elementum non componitur ex materia, & forma.

HÆC conclusio necessariò sequitur ex prop. 2. & 3. Illud enim non componitur ex materia, & forma quod est ingenerabile, & incorruptibile, sed elementa sunt huiusmodi per prop. 2. ergo non componuntur ex materia, & forma. Maior euidēs est, incorruptio enim absoluta, & omnimoda, qualē damus elementis, non potest stare cum illa compositione quæ separationem materiæ, & formæ facit possibilem. Verùm non est hic dissimulanda difficultas quæ exurgit à definitione corporis naturalis ab Aristotele tradita, quamq; omnes adorant philosophi. *Corpus naturale est compositum substantiale (ex materia, & forma) habens principium motus, & quietis sensibilis*, quæ sententia elicitur ex 1. & 2. physicæ auscult. & ex cap. 4. l. 5. metaphys. ad quam difficultatem soluendam, & ponendum Democriti placitis stabile fundamentum,

Obseruo primò: rationem corporis vniuersalissimam abstrahere ab omni compositione vt colligimus ex Aristotel. l. 13. metaphys. c. 2. & probatur ex eiusdem philosophi doctrina, qui materiam primam vocat substantiam corpoream seu corpus, & tamen omni forma caret. Adde quod ratio corporis apud Mathematicos aliud importat, vnde definitur corpus
ab ipsis

ab ipsis pro figura solida, vt sit habens longitudinem, latitudinem, & crassitiem, & pro extremitate superficiem, ita Eucl. I. 10. elem. definitione, 1. & 2. quæ tres dimensiones sumuntur penes perpendicularem, quæ omnium linearum mensura est quia est vna, breuissima, & inuariabilis, vt demonstrauit Proclus, in 16. & 17. primi elem. Euclidis, vnde, & ratio corporis apud Mathematicos sumitur tantum extensiuè vel quantitatiuè, & reuerà ipsi abstrahunt à materia, vt docet Aristotel. I. 13. metaphys. summa 1. c. 3.

Obseruo secundò differentiam essentialem corporis physici, sumi penes intrinsecum illud principium immanens motus, & quietis sensibilis primò & per se, non per accidens, quare corpus prout abstrahit à simplici, & composito (nam mathematicorum corpus est figura tantum solida, & æquiuocè corpus quale ab ipsis umbrarum terminis effingitur) definiri inquam debet. *Substantia materialis quantitatis, & extensionis exigitiua*; diuideturq; in corpus simplex, & compositum. Corpus simplex, est *substantia materialis homogenea exigitiua quantitatiua extensionis, habens principium motus, & quietis sensibilis primò, & per se & non per accidens*. Corpus verò compositum. Est corpus naturale, seu *substantia materialis completa heterogenea ex actu substantiali, & materia composita, habens principium motus, & quietis primò, & per se non per accidens*. Cum ergo ratio corporis vniuersaliter sumpta nō importet secum essentialiter compositionem ex materia, & forma, sitque alia ratio corporis simplicis, & alia mixti quæ ab homogeneitate, & heterogeneitate tanquam à proprijs sigillis distinguitur ab Auicenna, sequitur ex hoc capite nihil officii, quo minus demonstratum sit, materiam & formam elementis non inesse, quod erat faciendum.

PROPOSITIO. VIII.

In quovis elemento tria sunt primariò consideranda, primò moles substantialis corporea: secundò qualitas prima; tertio appetentia mixtionis. Secundariò autem elementa contemplanda sunt ut partes uniuersi, & ut mobilia localiter,

Explicatur, & probatur propositio. Moles substantialis corporea est ens substantiale simplex corporeum sub tribus dimensionibus comprehensum longitudine, latitudine, & altitudine, cum exigentia quantitatis quâ fiat impenetrabile.

Nomine qualitatis, quæ est secunda elementi ratio, intelligo qualitates primas quas adinuenit omnium primus noster Hippocrates ex Galeno l. 1. methodi c. 2. calorem, frigus, humiditatem, & siccitatem: Molis autem substantialis exigentia, est nota, & character eius essentialis, nam moles ignis à mole aquæ in eo differt primò, quod ista humiditatem, illa calorem exigit. Et sicuti in alijs omnibus philosophi essentiam nunquam constituunt in actu secundo, sed tantum in actu primo qui est potentia respectu secundi ut ait Aristoteles l. 2. de anima cap. 5. Ita moles substantialis aquæ est in potentia ad humiditatem, quare elementum metaphysicè componitur ex mole, & exigentia qua ponitur in actu primo ad illam qualitatem quam moles prior naturà, ex se profundit: itaq; exigentia illa est veluti actus metaphysicus quæ molem sub certa specie ponit.

Dices nonnullos existimare in philosophia Democriti nullâ dari qualitatem primam, & adducere possent pro se Lucretium qui varias atomorum figuras modo frigus modo calorem gignere dicit. l. 2.

Sed ne

Sed ne forte putes solo spoliata colore.

Corpora prima manere, etiam secreta teporis

Sunt ac frigoris omnino, calidique vaporis

Et sonitu sterilia, & succo ieiuna feruntur.

Et libro quarto ubi qualitates sensibiles explicat per figuras, & meatus excipientes; Verum tantum abest ut sit Democriti sensus, ut ipse quidem secundas, tertias, quartasque qualitates à proportionem secundarum, tertiarum, quartarumque atomorum oriri existimet, at primas influxu vero diffundi posse censeret; Lucretius quidem Empedoclis sententiam sequitur, nos autem Democriti. Sed de his fusius dicemus disp. 2. Deinde dico unam atomum seorsum sumptam non posse frigidificare, aut calefacere, quia actiones physice construuntur uti pyramides quarum basis est in agente, vertex in passio, atqui ubi tantum est punctum non potest fieri basis, quæ lineam indiget physicam, ergo neque ab una atomo potest ulla actio sensibilis promanare.

Appetentia verò formarum, & mixtionis omnibus elementis est essentialis quatenus sunt principium materiale, & subiectum formarum, moles itaque, exigentia qualitatis, & appetentia mixtionis sunt essentialiter in quovis elemento, & sicuti varia est in singulis qualitatum exigentia, ita dici potest, appetentiam formæ omnibus elementis communem, ad unumquodque contrahi per peculiarem subiectionem qua formæ subseruiunt, namaliter ignis, aliter aqua, & terra ad mixtionem veniunt quamvis simul sumpta faciant unicam materiam primam completam. Quæ doctrina adoratur ab Auicenna l. 1. Fen. 1. doctrina 2. cum ait. *Terræ usus est ad retentionem fixationem, & ad conservationem figuræ, & formæ; aqua extendit, & suscipit figuras; aer subleuat, & attenuat; Ignis maturat, permiscet eiusque penetratione currit substantia aerea, & ut duorum elementorum gravium frigidorumque puram frigiditatem frangat, & ut de elementaria proprietate*

prietate ad complexionalitatem redeat. Duo autem grāuia plus iuuant ad membrorum generationem, & eorum quietem: & duo leuia ad spiritus, motionemq; tum spirituum tum membrorum: licet motus nō sit nisi ab anima; hæc doctissimus Princeps, quæ videbis elucidius exponi prop. 12. huius disp.

Differunt autem appetitio, & potentia recipiendi formas eo quod appetitus connotet tendentiam ad sui perfectionem, potentia verò solam recipiendi capacitatem videatur significare: sunt autem duæ formalitates resq; vnica.

Quoad alia, quæ secundariò consideranda dixi, nempe de mobilitate, & quatenus sunt vniuersi partes, relictis ad disp. 3. quæ ad motum pertinent,

Obseruo elementis triplicem inesse mobilitatem, primam quatenus sursum deorsumque proprijs nutibus feruntur, secunda est superioris ordinis nempe ad bonum commune, quod ut magis promoucant frequenti generatione sunt locis permixta omnibus elementa, neq; terram, aut aquam puram habemus sed omnia sunt immixta ad vniuersi bonum, præsertim quæ in atmosphæra circa terram reperiuntur. Tertiæ mobilitati cedunt duæ iam explicatæ, nam ista ordinatur ad generalissimum vniuersi bonum ad fugam penetrabiliratis, & vacui. Corpora enim simplicia, ut potè machinæ mundanæ fundamenta debent fouere connexionem vniuersalem, & omnia loca replere. Prima mobilitas oritur à densitate, raritate, latitudine, & cōpaginatione, aut gravitate leuitateq;. Secūda ex appetentia mixtionis, & formarum. Tertia ad totius commodum cui priuata subseruiunt, ut in Repub. ita in natura. Ob primam mobilitatem elementa mouentur lineis perpendicularibus ad centrum vel circumferentiam. Ob secundam obliquè mouentur dum quærunt mixtionis locum aggregatiuum, in ipso autem actu mixtionis nullum motum respuunt. Ob tertiam ve-

rò omni

in omni motu per omnem lineam cientur, his ita explicatis.

Probatur proposit. elementum est substantia materialis simplex exigitua quantitat, est enim de ratione corporis ut sit impenetrabiliter in loco: deinde vult poni sub certis dimensionibus, ut pote ens finitum, & determinatum: Exigit præterea suas qualitates quibus agere possit ad extra, cum enim eius essentia sit pro alio nempe pro mixto, actio etiam elementi debet esse pro alio, ergo extrinseca est, & transiens, actio autem transiens non potest fieri nisi per qualitatem, ergo elementum illam exigit. Apperitus formæ est essentialis principio primo materiali, conuenitq; elemento mobilitas, ut melius nature institutis subseruiat, ergo hæc omnia in elementis sunt agnoscenda, quod erat nobis propositum demonstrare.

PROPOSITIO IX.

Non est satis probatum à philosophis dari quatuor elementa.

Probatur ex confutatione rationum Aristotelis, Auicennæ, Galeni, & aliorum. Aristoteles ita argumentatur in l. de cælo, & meteor. Tot sunt corpora simplicia quod sunt motus simplices, sed sunt quinque motus simplices, sursum secundum quid, & simpliciter, deorsum simpliciter, & secundum quid, & motus circa cætrum, ergo erunt quinque corpora simplicia, quibus hi motus conueniunt, cælum, ignis, aer, aqua, terra. Maior probatur quia cum natura sit principium motus, & cum sint quinque motus illi primarij, & simplices motus, sequitur dari quinque prima nature corpora; minor argumenti primi est adæquatæ diuisionis, & inductio experientia confirmatur, ergo sunt quatuor elementa præter ætherem.

Respondere posset Democritus Aristotelem supponere tria valde dubia, & querere ignotum per ignotius; primum de principio motus localis intrinseco corporum, secundo motus cælorum

lorum ad rationes antiquorum astronomorū *expensis* . Tertiò de natura centri grauium . Verum ne videamur difficultatibus nouis hanc obiectionem inuolutam eludere , aut totius philosophiæ naturalis fundamenta vni diluendo syllogismo conuellere , transeat motus elementorum à grauitate , & leuitate oriri , secundò transeat in cælis dari homocentrica omnia vt explicuit Fracastorius , tertiò transeat cælos moueri à propria forma , hæc enim ab Aristotelis argumento supponuntur , nam excentrici , & epicycli quos inuenit omnium primus *ex Arist.* l. 12. metaphys. t. 47. Calippus astrologus , non mouentur circa centrum grauium : deinde si cæli sunt fluidi , neq; planetæ mouentur circa centrum cum habeant varietatem cursus sui adeò variam vt annotarunt astrologi , & si intelligentia cælos astraq; mouet vt ipse Aristoteles docet l. 12. metaphys. t. 48. quid conuincet ab illo motu qui externa vi imprimitur ? His ita dissimulatis . Respondeo in forma transeat maior , nego minorem ; sunt enim tantum tres motus simplices sursum deorsum , & circa centrum , alter à grauitate , alter à leuitate , tertius à vi motrice innominata ; magis enim , & minus non faciunt differentiam essentialem vnde deorsum simpliciter , & secundum quid nullatenus differunt specificè , neq; verò absolute loquendo datur vllus motus deorsum secundum quid , nam aqua , cui ille motus abscribitur , per viam breuissimam ad centrum vsq; pergeret nisi præpediretur , sicuti terra non descendit dato obitaculo . Dices motus specificari à termino ad quē qui quadruplex est pro elementorum sedibus . Respondeo primò hos terminos ad libitum constitui , nam illos vt lubebit multiplicabo , in aere enim tres sunt regiones ergo tres termini ad quem . Vnus est autem grauium terminus ad quem , centrum mundi ad quod licet non perueniant , illuc tamen collimant , & per accidens est , si autu suo defraudentur , deinde quotus-

quisq;

isq; admittit ignem in concaud lunæ, quem multi pabuli gratia vagari credunt? ijs tamen tanquam suppositionibus nititur Aristotelis ratiocinatio. At suppositio vel nunquam fallax esse debet, qualis est mathematicorum, vel certa experientiâ, aut alibi demonstrata. Vis autem corporum motrix quam parum habet apud philosophos in sui notitia conuenientiâ? dum alij grauitatem tantum, leuitatem præterea alij, nonnulli solum impetum, mechanici extrusionem, Aristarchi Sectatores qui Copernici stipendia merent, virtutem magneticam, nonnulli virtutem motricem indifferentem, alij antipathiam, sympathiamq;, Lucretius, & Empedocles primorum corporum cursitationes in meatibus, alij alia comminiscuntur? Cum ergo tam dubia pro certis supponat philosophus, & conclusio sequatur deteriore partem, dicamus eius propositionem parû veritatis minusq; certitudinis habere.

Hipocrates vt ait Gal. l. 1. de elementis c. 9. *videtur primus omnium naturæ elementa excogitasse atq; quantum satis esse possit demonstrasse, & ipse Aristoteles* ex Gal. l. 1. de elem. c. 3. *videtur in suarum rationum forma Hippocratem imitatum fuisse.* Diuinus itaq; senex l. de carnibus textu primo vbi ostendit quomodo ex elementis quatuor variè immixtis homo sit generatus, hanc adducit rationem pro elementorum numero. Datur corpus intelligentiæ particeps siue calidum immortale quod vocant æthera; datur quod occupat medium mundi locum, infimum, & supra illud infimum, humidissimum quid ac crassissimum, ergo sunt quatuor elementa ratione sui situs satis distincta, hanc autem rationem deduxit suo modo Aristotele illiq; satisfacimus. Verum in tenebris natus Hipp. ijs erroribus hic scater, quos Christiani in admirabile lumen vocati deridemus, hominem scilicet ex putri natum, deinde animam, & ignem calidum esse, quod Democrito etiâ placuit, quare sua sponte ruit Hipp. ratiocinatio.

Gale.

Galenus l. 1. de elementis c. 5. sic argumentatur ex Hipp. placitis. Corpora quæ rerum vniuersitatem componunt, & ex quibus omnia fiunt, sunt elementa, sed sunt quatuor huiusmodi, regionibus, qualitatibusq; distincta, ergo sunt quatuor elementa, quæ, & ipse recenset terram, aquam, aerem, ignem omnium prima, & simplicissima.

Responderi potest ex Democriti placitis concedendo maiorem, & negando minorem, nam licet dentur hæc quatuor corpora, negabit tamen ex ijs omnibus propriè mixta fieri, vt fusius explicabitur inferius, & qualitates primas singulis inesse.

Auicenna l. 1. Fen. 1. d. 2. sic argumentatur à causa finali. Non potest fieri coporis naturalis generatio quin adsit fixio quædam, extensio, & dilutio partium, permeatio, & subtilisatio, deinde mixtio cum motu. Atqui fixationem terra præstat, extensionem, & dilutionem aqua, permeabilitatem, & tenuitatem aer, motum verò mixtionis ignis promouet, ergo cum hæc quatuor ad generationem omnem concurrant, sequitur esse elementa.

Hæc ratio cinatio doctissimi Arabis plus apud me est quam Aristotelis. Concedo itaq; requiri hæc omnia ad generationem perfectam, concedo etiam ab quatuor istis corporibus aliquid horum fieri, concedo aeris beneficio poros esse permeabiles, at nego attenuare aerem, cum vnus ignis ad hoc munus sufficiat: aer enim non figitur vt dicemus inferius, estq; alijs elemētis impermiscibilis, vt voluit Democritus, qui illum confudit cum inani, corpora enim ex tribus elementis componi censuit quæ facerent molem, meatus autem ab aere, quare licet optimè Princeps Auicenna probet dari quatuor corpora, quæ concurrant ad generationem, non probat tamen satis illa esse elementa propriè, & peripateticè dicta.

Quidam insuper ita probant dari elementa quatuor primò.

Tot sunt elementa quot sunt anni tempora, sed sunt quatuor anni tempora, veri respondet aer, æstati ignis, autumnus terre, hyems aquæ: ergo sunt quatuor elementa, 2. Adde quod dantur quatuor signorum triplicitates in zodiaco, 3. quatuor humores in corpore qui quatuor elementis respondent, 4. quatuor humorum motus, 5. quatuor in die naturali differentiarum 6. quatuor morborum tempora, 7. quatuor qualitatum ordines, 8. quatuor in extractionibus chymicis rerum differentiarum, 9. quatuor in rebus quæ subsident regiones, ergo debent admitti elementa quatuor.

Respondet ridens Democritus ad primum, rectè proponi hanc objectionem in Europa sub zona temperata, Peruanorum Yncas, Malabarum Brachmanes, Sumatræ Iogues minorem, negabunt, quod patet ex cursu solis, his enim provincijs sub zona æquidiali 6. mensium est æstas, 6. mensium hyems utraq; duplex eo quod sphaeram habeant rectam. In Brasiliæ tractibus quibusdam ver est perpetuum ex Beretario. Cur non dixit potius dantur 12. menses, ergo & totidem elementa, sunt enim qualitatum sensibilibus diuersarum, aut cum Hungaro dantur 7. planetæ, ergo & 7. elementa. Ad 2. de signorum triplicitatibus quatuor concedo eas dari at nego ex ijs probari elementa quatuor, imo supponunt probata. Ad 3. Respondeo primò soluendum esse S. Thomæ, & Stoicis qui negant aerem esse calidum, & humidum, Vallesio qui nobiscum est, alijq; deinde negabitur absolutè consequentia, cur enim non dixit potius dantur tres principes hominis partes, cerebro respondet aqua ob humiditatem, nam ut ait Hipp. l. de carnibus t. 4. *Cerebrum est, metropolis frigidi, & glutinosi.* Cordi ignis ob calorem, *calidum enim*, ut ait Ibid. Hipp. *pinguis sedes est*, pingue autem igni dat pabulum. Hepati respondet terra, in eo enim venæ arborum, & herbarum instar implantantur. Ad

4. nego ab vitalibus motibus ad elementales esse argumentandū. Ad 5. 6. dico nihil illis concludi. Ad 7. concedo has qualitarum differentias ex Galeno simpl. med. fac. l. 5. Sed nego oriri ab elementis, ut satis à me probatū est l. de manna cap. 13. de tabaco Exercit. 3. & ex professo l. 1. de purgātib. prælectione 7. Ad 8. dico plurimos chymicos admittere tres tantum differentias rerum, alios quinque; quas vocant fæces, phlegma, oleum, essentiam, æthera qui verò tres, dicunt esse falem, sulphur, mercurium, Ad 9. Nego in ijs quæ subsident quatuor apparere regiones sed aliquando quinque; aliquando tres pro variorum corporum differentia.

Mihi arrisisset magis argumentum à Timæo Platonis sumptum, *Corpora propter ignem videri ait, & propter terram tangi:* addo propter aquā gustari, vehiculum enim saporum est humidum, quod diluit salium differentias, ex quibus oritur sapor, sonum edere propter aerem: ergo propter elementum quintum odorati sunt proportionata; dabuntur ergo quinque; elementa. Verum his minus seueris omissis alias perpendamus ratiocinationes.

Tres aliæ supersunt viæ inuestigandi numerum elementorum, prima per qualitates primas, secunda ex natura mixtionis, tertia à motu locali mixtorum.

Pro prima sic fit argumentum. Tot sunt elementa quot sunt possibiles primarum qualitarum combinationes, sed sunt quatuor, ergo totidem elementa; maior probatur, quia à positione proprietatis diuersæ, sequitur positio naturæ diuersæ, ergo cū dentur hæ qualitates, ut patet experiētia, sequitur earum combinationes reperiri. Sunt autem quatuor tantum possibiles, calidum, & siccum; calidum, & humidum, humidum, & frigidum, frigidum, & siccum; ergo sunt quatuor elementa.

Pro secunda. Sublato quolibet ex elementis sequitur inæqualitas

qualitas miscibilium quæ mixtioni contraria est, duo enim frigida vincunt vnum calidum, & duo calida vnum frigidum, ergo superest vt sint duo calida, & duo frigida ad mixtionis perfectionem, quæ ratio elicitur ab Anicenna loc. cit.

Pro tertia: Mixta vt ait Arist. 2. de gen. t. 40. mouentur ad motum elementi prævalentis: cum ergo quadruplex motus deprehendatur in mixtis erunt quatuor elementa, sic ignea sursum feruntur, terrea deorsum, aerea aquis innatant, fluida terminantur alienis terminis, & expanduntur vt aqua: quod patet in flamma, plumbo, lignis, & liquoribus, ergo cum illi motus sint quadruplices, & pendeant ab elemento prædominante, sequitur dari quatuor elementa.

Responderi potest ad primum, soluendam esse eam difficultatem S. Thomæ, Senecæ, Vallesio, Stoicis omnibus, ipsiq; Galeno qui omnes aerem calidum esse negant. Seneca certè l. 2. nat. q. c. 10. *aer frigidus per se est, & obscurus, lumen illi calorq; aliunde sunt*, & in fine cap. *Natura enim aeris gelida est*. Quæ assertio Stoicorum etiam est: Valles. in 4. meteor. Galenus 8. de vsu partium c. 3. falsam vocat Aristotelis assertionem, *aerem esse calidum*. Deinde quid probat contra illum qui diceret dari tantum tres qualitates primas, calorem, humiditatem, frigus & siccitas enim priuatio est cum vix vlla eius actio deprehendi possit quæ à solo calore non possit explicari dissipante humorem, at verò frigus sensibile est. Præterea negabunt hæc combinationes, sed corpori simplici, simplicem, & vnicam qualitatem actiuam assignabunt, quare ignem calidum, terram frigidam, aquam humidam faciunt, ponuntq; humiditatem tanquam medium contraria duo frigus, & calorem connectens, cum vtroq; enim sibi bene conuenit, ignem frigi fieri, terram cale fieri, aquam humiditate carere posse negant: sed horum actiones vel retundi vel admixtis particulis confun-

di, ità ad sensum terram apparere calidam cum id spiritibus igneis tribuendum sit. Cum ergo hæc prima via multa supponat aut valde controuersa, aut falsa de numero, & combinatione elementorum, & qualitatum, nihil per eam confici posse necessarium est. Et reuerà Valles. in 4. meteor. Arist. c. 1. hanc rationem vocat leuissimam.

Ad secundam rationem. Respondeo etiam si sint tantum tria elementa nihil impedit quo minus ea ratione possint dispensari, vt alterius copia aliorum numerum excedat. Sic enim corpus cui necessaria sit humiditas vt 3. calor vt 5. nonne ità dispensabuntur elementa vt sint ignis portiones 5. aquæ 3. terræ tres, illudq; corpus etiamsi vno constet calido, tamen calidis in primo annumerandum erit.

Ad tertium argumentum. Responderi potest primò vt supra, deinde retorqueo argumentū. Nullum enim mixtum sursum fertur, ergo vel in nullo præualet ignis, quod aduersarius non dicet, vel ignis non mouetur sursum naturaliter, & per se, sed tantum per accidens, imò videmus mixta cuiuscunq; sint leuitatis centrum petere, metalla, fossilia quæuis, ligna omnis generis, liquores, fructus, & etiam agaricum, suber, spongas &c. Quæ autem aquis innatant non alia id ratione faciunt quam quod porosa sint corpora, multo aere tumida, quare non ità innatant vt sola sui superficies aquam tangat, sed tantumdem in aquam deprimuntur quantum aquæ necessarium esset æquiponderando suo corpori. Sic naus centum millium pondo cum sibi in aqua defodit locum, & eo usq; deprimitur, dum hinc, & inde centum millia librarum aquæ extruserit, vnde, & ars nautica sibi sumpsit fundamentum, & regulam quæ onera nauibus certa proportionem præscribit imponenda. Et hac inductus experientia non existimo improbabilem eam esse sententiam, quæ omnia corpora mixta æqualis esse

esse gravitatis existimavit, differre autem ratione pororum seu meatuum quos inferat aer. Si ergo ratione elementi prædominantis corpora quædam innatant, ut vult aduersarius, quare in naui aurea; & argentea rursus navigari potest, ut norunt hi qui libros Archimedis de his quæ vehuntur in aqua, salutarunt è limine, aut qui hydraulicæ, staticæ, nauticæq; principia delibarent? Orontius Finæus in hydraulico horologio regio s. 2. horol. p. 17. naui cupream adhibuit, & integram machinam Henrico II. Galliarum Regi obtulit, eaq; aquis innatabat, ergo non ratione elementi prædominantis sed ratione porius aeris in poris vel sinubus inclusi vel positi innatant aut merguntur mixta. Idem quod in alijs videre poteris in oleo, quod si in vasto effuderis vase tantum in aquam deprimetur quantum moles eius habet cum mole aquæ in ratione ponderis proportionem, quod si nimia sit olei copia neq; via sit extrusioni, tunc instar operimenti superincumbet, quæ ratione succos in phialis asseruant pharmacopola. Ex quibus patet non probari sufficienter à philosophis dari quatuor elementa quod erat ostendendum, nunc audiamus in te tam graui Democritum.

PROPOSITIO. X.

Aer non est elementum.

PROBATUR primò. Quod caret qualitatibus primis illud non est elementum, sed aer caret qualitatibus primis, ergo non est elementum, maior est euident, & si à quopiam negetur quaestio erit de nomine, nam si elementum esse velit, corpus simplex cum reliquis rerum vniuersitatem constituens, concedam in eo sensu aerem esse elementum, sed ipsi rationes alias elementis essentielles inesse nego: probatur itaq; minor. Si aer haberet qualitates primas ineptus esset ad id munus cui destinatus est à natura, quæ illum constituit mediatorem in-

ter cælum, & terram, vehiculum specierum, actionum, influxuum, & accidentium transportatorem; locum vbi spheræ actiuitatis non mutilantur; sensibilibus cognitionum, & imaginum intentionalium sincerum fideiussorem; quare ob motus locales fecit facillè diuisibilem, ob species intentionales purissimum, & sine crassitie diaphanum; propter oculum sine colore, & aliorum sensuum gratia sine sono, sapore, odore, & tangibilitate, quod in aere quieto sinceroq; patet; vt actiones propaget cuiusvis externæ impressionis, est susceptibilis, atq; vt ait Trismegistus in Asclepio; *Aer est organum vel machina omnium per quam omnia fiunt.* Quæ qualitates, & officia, cum in aqua, terra, igniue non reperiuntur, videtur nobis ansa porrigi aliter de aere, quam de alijs philosophandi. Cuius insuper fluiditas vacuo impediendo, tenuitas poris subeundis, subtilitas dilatandis vaporibus crassis, rarefactioniq; corporum ob calorem adiuuandæ aprissima est, & vbiq; non tam sua, quam naturæ totius negotia pertractare aptus natus est aer. Vnde sic argumentor. Medium naturale, & proprium inter agens, & patiens de neutro participare debet, sed aer est huiusmodi, ergo de nullius agentis patientisue qualitatibus participat. sit enim aer frigidus, vt volunt Stoici, sic licebit ratiocinari.

Sicut non potest ignis actiuitas peruenire ad passum cum intermediat glacies, ita neq; ignis calor persentiri potest intermediente aere: quam enim ratione pura actio calidi vt 6. vel 5. perueniet ad nos per medium frigidum vt 7?

Dices raritate aeris eius reactionem præpediri.

Sed contra, intensio qualitatis etiam in subiecto raro resistit subiectioni contrariæ, ita flamma stuparum, & palearum, sic ignis aquæ vitæ quamuis sit rarus, numquam tamen frigori cedit, ita vt frigus in eadem parte sui sit cum calore, pariter si aer dicatur calidus humidusue, corrumpet, retundet,

det, & adulterabit actiones frigidas, & siccas: ergo necessario concludendum est, ob illud vniuersale aeris officium median-
di, nullam ipsi qualitatem actiuam inesse: neq; enim concipi
potest quam tandem ratione minoris virtutis agentium vis,
in medio sibi penitus contrario non pessumdetur.

Confirmatur ex officio aeris replendi locum, & poros su-
beundi, natura enim debuit huiusmodi corpus omnino inno-
xium creare, ne sua subtilitate, & quouis tendendi licentiâ,
alijs corporibus officeret. Vnde Vallesius in 4. meteor. Ari-
stotel. c. i. commentario primo cum ostendisset, quam parum
probasset suam de primarum qualitatum combinatione sen-
tentiam Dux Peripateticorum; *An non melior (inquit) ratio est
aerem, à quo homines, & perfectissima animantia erant perpetuo
perpassura, in agentium qualitatum nulla, mediocritatem excedere,
sed temperatum esse, ut illa mediocriter afficeret? Ego quidem arbi-
tror atq; proinde sentio quod in controuersijs confirmaui, aerem neq;
calidum neq; frigidum esse, sed in hac oppositione temperatum. Nam
præter dicta, quod aliqua qualitate est natura pradi-
bitur aut contrariam, sed aer nihil est quod citius mutetur, de calore
ad frigus, & contra de frigore ad calorem; & sq; adeo ut eadem die
calidus, & frigidus, & utrumq; impensè frequenter sit, ergo neq;
calidus neq; frigidus est. Hæc viri extra omnem doctrinæ aleam
positi sententia, quamuis nostræ faueat, tamen nobiscum non
est, in eo quod temperatum aerem faciat, hoc est de frigore,
caloreq; moderatè participantem, Sed etiam si haberet qua-
tuor gradus caloris tantum, & totidem frigoris, difficile traher-
etur ad septem, quia resisterent alij gradus, ergo neq; calidus
neq; frigidus est natura sua.*

Confirmatur secundo, quia nihil certi à sensibus haurire
possemus, si agentium qualitates in medio vel fauorabili, vel
vires addente, aduersante, & imminuente perciperemus.

Probatur secundò propositio. Illa non est qualitas insita, & effluens à corpore, cuius licet causam ab extrinseco assignare, sed in aere nulla est qualitas prima cuius causa nō sit extrinseca, nam calefcit à sole, frigescit à terra, humefit ab aqua, lacubus, vligine, paludibus, fossis, nubibus inficitur, non respuit fodinarum halitus, pestilentes vapores, cadauerum factorem, mutatur ventis, influxibus siderum, & tamquam Proteus omnium agentium impressionibus versatilis est, ergo nullam habet qualitatem innatam.

Confirmatur 1. quia omnibus elementis alijs insitam ubiq; eandē primariā qualitatem videmus, itā terra ubiq; frigida est, aqua humida, ignis nullibi calidus non est, aer tamen nusquam sibi in qualitate prima similis, nam variatur tum à celi aspectibus, & certis plagis, tum ab vicinia ignis subterranei, qui ubiq; maxima portione terræ immixtus est ex Hipp. l. de carnib. t. I. & sub eodem æquatore torretur in Monomotapa, riget in Peruiæ montibus, temperatus est in Brasilia, mutatur ventis, maris viciniā, orientis meridieiq; afflatu, & infinitis alijs varietatibus à causa extrinseca ortis subiacet, ergo nullam habet qualitatem insitam sibi.

Dices has omnes mutationes fieri successiue continuè, ubiq; aerem esse humidum, & a tribus tantum rebus aerem immutari in instanti ex Gal. l. de oculis, particula secunda c. 6. *Hæc tria sunt quæ aerem sine ullo temporis spatio immutant, lumen solis, fulgidus color, & lumen visibilis spiritus.* Quod autem aer ubique humidus sit patet ex sua consistentia, & humidi definitione, nam facile alienis terminis continetur, successio verò alterationis ostendit resistentiam insitæ qualitatis.

Sed contra. Illa mutatio non fit continuè successiue, nisi quòd præexistat in aere contraria qualitas, si enim aer nulla aduentitia re esset præalteratus sed sincerus esset, calefieret in
instan-

instanti: at verò cum à terra noctu sit frigidus factus, à sole paulatim sensimq; calefit. Ad rationem autè humidi, verum, quidem est aerem ubiq; liquidum esse, humidum verò nequaquam, hæc enim definitio liquidi est, vt videbimus prop. 12.

Confirmatur secundò, quia mutatio omnis quæ formæ inclinationi contraria est transit, & momento durat, ingenua, natiuaq; qualitate redeunte, atqui nulla qualitas ab aere reparatur, ergo nulla ipsi est insita.

Probatur tertio eadem propositio. Illud non est elementum quod non potest venire in compositionem mixti. Sed aer non potest venire in compositionem mixti, ergo aer non est elementum. Maior est certa, cum enim elementa sint ad mixtum faciendum, sequitur quod quæ ad eum scopum minimè attingere possunt, non sunt elementa, cum natura nihil frustra faciat. Probatur itaq; minor; Illud non potest venire in compositionem mixti quod refugit vnionem cum alijs, sed aer refugit vnionem, nam neq; in aqua, neq; in terra aut igne figuratur hæretue, videmus enim in globulum se se colligere vt maria diuidat, liquores ab eodem secari, & si à visciditate impediatur, tamen sine adhesionem in illis carceribus manebit, dum auolandi locus detur. Contrariâ verò ratione se se habent alia elementa, ignea enim corpuscula terræ miscuntur, quod patet in fictilibus, & ferro candente, aqua verò, & terra quam facile, quam subtiliter in limum coalescunt? ignis etiam intrudit spiritus in mediam aquam; Ergo cū neque aer cum alijs elementis vniamur, neq; ipsi conueniant qualitates vllæ ex primis, sequitur illi elementi nomen non conuenire, quod erat ostendendum.



PROPOSITIO XI.

Dantur tria tantum Elementa; Terra, Aqua, Ignis.

S Equitur hæc propositio tanquam Corollarium præcedentis nihilominus tamen ulterius


Probatur primò. Tot sunt elementa quot reperiuntur in corporum dissolutione, sed tria tantum reperiuntur, vt Chymicis est manifestum qui sulphur, mercurium, & sal in omnibus mixtis reperiunt, agnosce in sulphure ignem, aquam in mercurio, in sale terram: quamuis enim tria hæc sint mixta, nihilominus in singulis ita prædominantur sua elementa vt id potissimum esse videantur cuius potiores partes habet. Ignis ergo copiosissimus est in sulphure, aqua in mercurio qui totus in fumos abit, & à vaporibus iterum in mercurium coalescit; In terra sal, quod à pòdere coniungi potest æquè ac alijs rationibus sumptis à lib. meteor. Arist. & lib. de sensu, & sensili: sal enim se habet ad terram vulgarem vt 106. ad 92. Aqua marina se habet ad terram, vt 90. ad 93. quæ aqua marina immixto sale grauior est dulci, ad eam enim se habet vt 92. ad 74. ergo cum terra sit ponderosissima, sequitur quod vbi maximum est pondus ibi etiam illa prædominetur ex aduersario, ergo sal ad terram refertur. Adde quod in resolutione quotidiana mixtorum, & sine arte parata, sunt tantum tria, cineres, fumus, flamma, agnosce in cineribus terram, in fumo vapores aqueos, in flâma spiritus igneos, quod clarius exponâ c. 4. d. 2.

Illustrari posset hæc ratio Pythagoreorum placitis, nam in ternario fecunditatis symbolum, quæ elementis conuenit animaduertunt, est enim imparium primus ex paritate vna, & vnitatem coalescens &c. sed pro his vide doctissima Bungi commentaria in mysterijs numerorum; hic enim, non philologum, sed philosophum agere decreui.

Proba-

Probatur secundò de singulis. Terra in sua puritate considerata habet summum frigus, magnum pondus, densitatem crassam, diaphana est secundum quid, suis terminis faciliè, difficilè alienis coercetur, aspera & diuisionibus resistit, faciliè tamen cum alijs elementis vnitur, nam ad eorum contactus fit friabilis, quæ cum elementi naturam exhibeant sequitur terrâ esse elementum. Aqua humidissima, terræ se se faciliè insinuat, alienis terminis facilius quam suis continetur, fluida est, diaphana, densa, satis faciliè diuisibilis, facillimè vnibilis, mixtis diluendis aprissima, ergo est elementum. Ignis calidus, fluidus, agilis, rarus, vagus, permeans, spirituosus, actiuitatis magnæ, faciliè vnibilis, auctà luce gaudens, faciliè diuisibilis, disgregatiuus, sed dissolutiuius dum multum viget, congregatiuus, & vnitiuus si moderatiùs agat, colorum omnium radix, corporum expetita portio, aliorum syngenis, aquæ, & terræ acceptissimus hospes, vitæ instrumentum: Ex quibus ignem esse elementum statuo.

Sed hæc tria ad mixtionem sufficiunt, terra enim corpus vel in figura coercet, aut solidiorem ipsi dat crassam; aqua terrâ diluit, & cum prædominatur certa quadam ratione colliquata, & colata mixtum fluidum facit: ignis benigno calore vtrumque fouet, liquidum & transpirabile corpus reddit, & aquæ innatans ne congeletur à terra præpedit; ignis tamen, & terræ vinculum videtur aqua ob humiditatem frigoris, & caloris amicum; vnde cum aer sit ad mixtionem inutilis, hæcque tria sint satis, sequitur dari tantum tria Elementa, quod erat demonstrandum.



PROPOSITO XII.

Definitiones primarum qualitatum ab Aristotele tradite, sunt improprie, quare alias afferre tentavi, Democriti placitis conformes.

Aristoteles in definitionibus fuit mirabilis; Plato illius questionis æstimator quæ dicitur, *quid est?* totum terrarum orbem pro accurata definitione intelligenda peragrasset, plures sanè habemus descriptiones quam definitiones, quod inde colligere licet, quòd plurima absoluta per transcendentes respectus exponamus. Sic itaq; primas qualitates definiuit, Stagirita.

Calor est qualitas tactilis congregans homogenea, & disgregans heterogenea. 2. de gen. t. 8.

Frigus est qualitas tactilis congregans heterogenea. Ibid.

Siccitas est qualitas tactilis qua corpora facile suo termino, difficile alieno terminantur. 2. de gen. t. 9. & 4. meteor. c. 1.

Humiditas verò, est qualitas tactilis qua corpora difficile suis alienis verò terminis facile continentur. Ibid.

At cur illa particula tactilis in singulis definitionibus ponitur, vt scilicet in definitione postea potentiæ sensitiuæ vitiosus fiat circulus, definitur enim potentia in ordine ad obiectum, & hoc obiectum habet aliquid specificationis à potentia, quod nullo modo admittendum est: deinde nonne calor moderatus congregat heterogenea in coctionibus naturalibus, & artificiosis? & frigoris vis etiam homogenea congregat, & nimia etiam eius intensio diuidit, & separat, & homogenea, & heterogenea, vnde frigore disrumpi arbores in hercinia sylua, & saxa ipsa lacerari ferunt, fitq; tantum per accidens vt frigus in aqua gelu concreta compingat lignis lapidibusq; carcerem: quæ adunatio est tantum localis, non physica: melius autem fuisset definire has qualitates in ordine ad modum operandi in

mixtione,

mixtione, & generatione corporum, nam cum ad illam ordi-
nentur, perfectiorem notitiam inde oriri par est. Adde quod
definitio humidi sumitur tantum in ordine ad locum, & con-
uenit quæ igni, ac acri, vel aque, facile enim terminatur ignis
alienis terminis, quare dicendum est humidi, definitionem cō-
uenire tantum fluido, & definitionem sicci solido, nam cælum
ex Aristotele caret qualitatibus primis, tamen alienis terminis
non coercetur, ergo cælum est siccum, quod implicat ad homi-
nem. Proponam in re adedò difficili meos conceptus, alio-
rum si potiores sunt admitturus non inuitè, sic itaq; definiret
Democritus.

*Calor est qualitas prima rarefactiua corporum quibus est extrinse-
ca, instituta à natura, ut formarum ætèrnatem prouideret, & mixtū
in tugore detineat, moueatq; primò atomos ad mixtionem.*

*Frigus est qualitas prima condensatiua corporum quibus est ex-
trinseca, instituta à natura ut formæ imperium in corpore firmet, ef-
fluxus nimios impediat partesq; ad mixtionem venientes figat.*

*Siccitas est qualitas prima quæ corpora vñionem cum alijs refugi-
unt, comminutaq; difficile coalescunt, instituta à natura ad vincula
partium modificanda, & partes ipsas suo in situ, & figura conueni-
enter corrigendas.*

*Humiditas est qualitas 1. à qua corpora habent ut vñionē cū alijs
facile admittant adhæreantq; & diuisa facile coalescant, instituta à
natura ad vincula partium modificanda, & partes ipsas laxandas,
prout formæ fuerit opportunum.*

Hæ definitiones fundatæ sunt in modo agendi qualitatum,
videmus enim calorem rarefacere cum ab extrinseco agit in
aliud corpus, sic calor ignis aquam rarefacit, & soluit in va-
pores; at dum calor ille est intrinsecus, & naturalis alicui rei
illam non rarefacit, sic cor à calore sibi insiro non rarefit, neq;
piper quod calidum sit ideo rarum est: deinde calor est veluti
prin-

principiū motuū in naturā si loquamur de motu ad substantiam, vnde hyeme nullæ pene generationes, appetente vere calor dominans naturam mouet, & excitat omnia. Pariter neq; frigus insitum, & naturale cuiuspiam rei, illam condensat, sed tātum id agit in ea corpora quibus ab extrinseco, & veluti violenter communicatur, facit tamen ne nimia fiant effluuia, vnde, & impedita illa spirituum difflatione, & effluxu de quo Aristoteles l. 2. de plantis c. 1. firmitus inter mixta inanimata, & diuturnius reddit formæ dōminium, quo fit vt durent diutius frigida, calidis subinde pereuntibus, sic marmor, saxa, lapides pretiosi vix mutantur, cum tamen aluminosa, & bituminosa terrarumq; genera vltra certum tempus vsui in re medica esse non possint: deinde calor mouet, frigus verò motum figit quem non inuitè generationis amore sequebatur: fit enim vt paulatim eius influxu partes constipentur, & cum adsit calor in mixtione, coalescant cum sapientia, quæ naturæ motus dirigit; opus enim naturæ, opus intelligentiæ.

Siccitatis verò, & humiditatis definitiones à solido, & fluido distinguuntur satis, neq; ignem humidum esse concedam, cum ignis vnionem respuat cum multis neq; vt humidis contingit adhæreat, nam si digitum miseris in aquam madidum retrahes, si per ignem duxeris non adhærebunt partes igneæ. Deinde siccitas, & humiditas vinculis partium seu vnionis rationi modum ponunt; quare cum hæ definitiones petantur à fine ad quem à natura qualitates illæ institutæ sunt, videntur magis aptæ quam quæ vulgè Stagiritæ proponuntur, quæ ab effectis accidentalibus, vel à modo quo sunt in loco petitæ videntur, cum in indistinctione ab alijs rebus: cum tamen definitio rei naturam explicare debeat, ac proinde rem illam à qualibet alia distinguere, nam per illud idem res est per quod differt ab omni alio, vt aiunt metaphysici.

Quod

Quod spectat ad modum agendi qualitarum, etsi in omnibus mixtis admittamus effluvia corporum quæ Aristoteles loco citato à Democrito didicit, & celebrat passim Lucretius, medicinæq; patroni vno ore vindicant, ita vt in eo vix vllum dubium sit, in elementis tamen an ea dentur dubitatione non vacat, si quidem pura elementa poris carere probabile est quamuis Basso l. 2. de cælo intent. 2. art. 4. illis poros tribuat, qui planè necessarij sunt ad illam agendi rationem, nam meatibus indigent effluvia corporum siue aporroia. Verùm hæc controuersia facile solui potest, meatus enim ex parte passi, effluuium est ex parte agentis; ac primò quidem elementis adesse illa effluvia patet in igne qui paleas longè diffitas naphthamq; inuisibilibus scintillis accendit, terra exhalat, aquæ vapores tolluntur sursum, magno naturæ consilio quæ ea ratione generationes promouet. Atq; vt id concedatur in Democriti philosophia ita clarum non est an agant elementa per propagationem suæ qualitatis; dico itaq; vt nudam responsionem, omissa prolixitate, afferam, omnibus elementorum qualitatibus dari propagationem sui per aerem, qui omnis qualitatis capax est, quia nullam habet, quæ cum contrarietate sit coniuncta.

Calor ergo in agendo magnam habet sphaeram actiuitatis; frigus exiguam, nam frigida immediato pene contactu opus habent vt sentiantur: Sennertus certè experientia sibi cõperum esse dicit, nulli glaciem nisi palpet manu innotescere, si verò clausis oculis rem probet, fore vt nesciat an lignum an liberum aliudue socius admoveat: at contrarium expertus sum, licet enim, fateor, id à modico interuallo distingui possit, persentitur tamen obscurum frigus absq; contactu, resq; in niuis glaciq; cellis probari potest; Humiditas sola partium humidarum adhaesione madefacit, siccitas autem obscuram habet

bet actionem vixq; à calore dissipante distinctam. Maxima actiuitas est caloris, tum in propagatione sui, tum in agendi modo, & vi quam habet, vnde ignis potentissimum est naturæ instrumentum, quod axiomati locum dedit apud Medicos, *Quod non sanat diata sanat medicamentum, quod non sanat medicamentum sanat ferrum, quod non sanat ferrum sanat ignis.* Parua est sphaera actiuitatis frigoris nulla humidi; sed natura velocitate actionis hanc carentiam compensauit, impune enim digitum perflamman ignemq; trahes, at sis licet siccior arena, non immergeris aqua quin madeas. Si verò datur siccitas positiua, nescio qua ratione agat; humiditas autem, frigus, & calor in nulla sunt ratione: sicuti centrum circuli, diameter, & circumferentia, vnde & illorum actiuitates, & agendi limites sunt incommensurabiles actu, potentiâ autem commensurabilia videntur frigus, & calor, humiditas ne potentiâ quidem.

Atq; ex his facile est elementa singula definire iuxta Democritum, clariùs tamen singulorum proprietates intelliguntur cum de vltimis atomorum speciebus erit sermo. Attulimus ergo primarum qualitatum definitiones &c. quod erat faciendum: nunc autem diluendæ sunt emergentes aduersus hanc fundamentalem atomorum doctrinam obiectiones.

CAPVT TERTIVM.

Satisfit obiectionibus contra superiorem Democriti doctrinam.

Diximus elementa esse materam primam, eaq; ingenerabilia & incorruptibilia, dempsimus ex elementorum numero aerem quod qualitibus primis careat aliasq;

C. 3. Obiectiones contra Elementa Democriti. 77
 aliasq; consequenter adstruximus assertiones ex Democrito,
 quas vt hactenus munire sumus conati, nunc tuenda sunt.

OBIECTIONES

Contra incorruptibilitatem, & numerum Elementorum.

Objicitur primò. Incredibile est tantam ignis copiam in li-
 gno esse, quantam ab eius combustione promi vide mus,
 ergo sequitur generari, ac proinde elementa non esse ingene-
 rabilia.

Respondeo hanc difficultatem soluendam omnibus illis qui
 dicunt elementa esse formaliter in mixto, si enim ignis ad sui
 cōseruationem indiget calore actuali, pabulo, & latitudine
 medij, quomodo poterit esse in saxo? si non indiget qua de
 causa corrumpetur? soluo tamen difficultatem ex proprijs De-
 mocriti principijs, & vt mea solutio lenius admittatur, aduerto
 experiētiā sæpe repetitā edoctus sphærā igneam decies ter mil-
 lies octogentesies vigesies quater maiore ab vno pulueris ni-
 trati grano effici quam sit ipsum granum: cuius rei habes de-
 monstrationem in his numeris.

Grani integri diameter	2.	Radix
Circulus planus	4.	Planus numerus
Sphæra solida	8.	Cubus

Grani accensi diameter	48.	Radix
Circulus planus	2304.	Planus numerus
Sphæra solida	110592.	Cubus

At numerus 8. seu cubus grani nō accēsi cōtinetur 13924.
 in numero 110592. seu cubo accēsi, vt patet per diuisionis
 arithmeticæ, & algebræ regulas, ergo sphæra solida accēsi
 decies ter millies octingentesies xxiv. continet sphæram soli-
 dam non accēsi, quod erat demonstrandum: neq; cuiquam in

hisce

hisce numeris dubium erit qui Eucl. l. 12. elem. perciperit, sic enim ille prop. 2. *Circuli eam inter se rationem habent, quam descripta ad diametris quadrata*, & prop. 18. *Sphæra inter se rationem habent suarum diametrorum triplicatam*.

Tanta itaq; ignis copia quānam oritur ratione? & eam non esse tantam, videri tamen i. quia idem ignis in pluribus locis videtur ratione motus, & refractionis: sic vna scintilla sursum ascendens lineam ducere in aere videtur, & si baculum ignitum giraueris circulum igneum credes, quod ergo in his motibus cōtingit idem inflammā accēdere par est credere; superficiē scilicet igneorumq; spiritūū exigūū numerū multiplicem apparere, & eo copiosiorē quo motus velocior est, nā tardus in paucioribus locis videtur: præterea in omni flamma datur oleaginositas quæ refractionē facit, & diversū situm quo fit vteo etiā nōmine idē in pluribus locis multiplici distractaq; specie appareat. Quod si ē grano pulueris nitrati tanta ignis vis erumpere videtur, cum tamen illi generādo desint apparatus in omni generatione requisiti, quod dispositionibus quæ sensim introduci debent non sit tempus, quanto maior ignis copia in lignorum strue delitescat, deinde cum ignis sit lucidus sit vt omnis flamma ignis esse censeatur, vt pote lucētia, cum tamen res itā se non habeat, quare illud omne quod à sensibili magis caloris lucisq; prædominio rectē denominatur ignis, magnā aquæ terræ, & aeris portionem immixtam habet. Quod si hæc non satisfaciant aduersariis; quæret Democritus vt quid tanta vaporū copia ex vna aquæ cyathō emergit; nūm aqua de nouo generatur? rarefieri dicent, quod itidem de igne in ligno delitescēte concedemus: quare ignis est in mixtis veluti compactus, statim autem, ac in latitudinem medijs aeris potest erumpere rarefit, & magnum occupat locū: & dissolutio sensim facta, sensim etiā ignem prodit, fitq; vt ea diu.

ea diuturnitate maior censeatur eius copia, cum potius lentus motus æstimari deberet: quanam autē ratione fiat ea dissolutio explicabimus in calce disput. 2.

Obijcitur secundò multiplex experientia.

1 Aqua ex Æolypilo Vitruij exit in ventum mutata.

2 In maris medio vi remorum ignis scintillæ emicant, quia interceptus aer in ignem mutatur.

3 Ignis extinguitur, neq; ulli spiritus ignei supersunt etiam in vase hermeticè clauso.

4 Vbicunq; est ignis ibi est lux, ergo extincto igne nihil ignis superesse fatendum est, quia nulla lux residua est, ergo corruptio ignis secuta est eius extinctionem.

5 Dantur ignes qui aquā nutriuntur, & in Delphinatu ad Gratianopolim fons est qui aqua sua nutrit ignem, vnde & fons igneus, illi nomen inditum: cuius fontis meminit S. Aug. de Ciuit. Dei.

6 Sol eleuat vapores qui non semper soluuntur in pluias, superest ergo vt caloris vi, mutantur in aerem. Quibus experientijs alijsq; videtur conuinci elementa inter se transmutari, ac proinde malè stabiliri à Democrito ea esse ingenerabilia, & incorruptibilia.

Experientiæ succedit ratio Aristotelis l. 2. de gen. c. 6. qui ità agit contra Empedoclem qui cum Democrito sentiebat. Elementa (inquit) possunt comparari inter se ex quantitate, ergo habent aliquid commune ratione cuius mutari possunt. Hoc argumentum Aristotelis futile est si non penitus enucleetur, forte autem, & validum si lateus exquiratur medulla. Quantitas enim est accidens, ergo adheret alteri, sed in singulis elementis est quantitas, ergo in singulis est aliquid cui adhæreat, ergo illud subiectum est commune omnibus, ac proinde secundum illud mutari inuicem poterunt.

Et idem Stagirita cap. 5. sic arguit, quæcunq; mutuo sunt contraria possunt inuicem transmutari, sed elementa sunt inter se contraria, ergo inter se transmutabuntur, maior est clara ex definitione contrariorum, nam contraria sunt quæ sub eodem genere posita inter se maximè differunt, & ab eodem subiecto se se expellunt, ergo possunt esse in eodem subiecto saltem successiuè, ac proinde ex vnius corruptione alterius admittitur generatio: elementa verò contraria esse patet sensu.

Affero instantiã. Omnis alteratio est propter generationem substantialem, sed si ignis, verbi gratia, in terram agit eam alterat, ergo vt faciat aliquid substantiale: atqui omnium agentium finis est assimilare sibi effectum, ergo sine suo non debet priuari, præsertim cum sit prius igni propter se agere quam propter mixta. Cum itaq; ignis terram alteret, & alteratio sit via ad generationem, debeatq; passum assimilari agenti, sequitur terram ab igne corrumpi, & ratio à priori peti potest à p. 7. nam alteratione ponuntur dispositiones ad formam, ergo cum ignis in terram introducat dispositiones, & qualitates ignis sequitur etiam ignis formã debere succedere: adde quòd contrariæ qualitates debent posse inhærere subiecto eidem, ergo qualitates ignis possunt esse in materiali subiecto qualitatum aquæ, ergo & ipsa ratio specifica ignis siue forma substantialis.

Hæc sunt meo iudicio maioris momenti contra elementorum incorruptionem argumenta, quæ in suum diem ponere sum conatus, ne (quod in Aristotele damnamus qui malignè doctrinam aduersariorum adducit in medium) viderer præiudicari.

Respondeo ad primam experientiam, aquam in Æolypilo Vitruuij violèter, & artificiosè intrusam, ob tenuius foramen, exire non posse nisi in vapores attenuetur, qui deinde in aquã resoluuntur iterum, atqui vapor est formaliter aqua, ergo nulla ibi fit aquæ corruptio.

Ad

Ad secundam, respondeo vi remorum, ignis scintillas posse emicare, quia elementa sunt immixta locis, deinde vel è renis prodijisse dicam, sicut ex ligno lauri arctius constricto emicat, vt è saxo; vel illum ignem in aere ipso extitisse aut in aqua.

Ad 3. & 4. dico plures requiri conditiones igni ad id vt luceat: in flamma certè necessarium est humidum pingue, & aliqua partium ignearum adunio: Atomi autem spiritusq; ignei omnè chymicorū solertiani, pororum beneficio fallunt.

Ad quintam, nego vllum ignem aquà nutriri, qua de re videbis in mea Theorica militari lib. 4. Theor. 5. Ad fontem illum igneum qui à me tantum non est visus, respondeo sulphureos halitus vndiquaq; emergere qui aquas allambunt.

Ad sextam dico vapores illos vel asportari aliò à ventis vel in pluuias insensibiles solui, vt in rorem; aerem quem serotinum dicunt, qui ferè ros est vespertinus, in guttas noctu decedentes, in humorem illum qui in herbas, & alia allabitur, ergo nulla experientia probatum est elementa transmutari.

Ad rationem Aristotelis respondeo ipsi philosopho esse soluendam, Cælum enim quod ex ipsius placitis incorruptibile est habet quantitatem, ergo potest comparari cum elementis, ergo habet aliquid commune secundum quod transmutari possit. Sed ex proprijs Democriti principijs soluo argumentum in forma. Elementa possunt comparari inter se penes quantitatem concedo ant. ergo habent aliquid commune specificè nego, genericè concedo: atqui ad transmutationem requiritur communio specifica eiusdem subiecti: nam moles substantialis ignis differt specificè à mole substantiali terræ, ac proinde nihil est commune inter illa duo, nisi genericè, sic cæli materia si diuersa esset à materia terræ, certissimum est cælum nunquam in terram commutari posse; quia nihil est vtriusque commune nisi genericè, neq; obstat quod singulis elementis inhæreat quan-

titas, vnde concludet aduersarius, quòd erit subiectum specificè idem : nam in ijs quæ toto etiam genere differunt videmus non rarò eadem accidentia, & qualitates : equidem debuerat ostendere Stagirita suæ materiæ proprietates ab ipsa inseparabiles, & quas vocant quarto modo, ijsq; stabilitis, & demonstratis potuisset à posteriori ostendere vbinam ea materia reperiretur.

Ad secundam rationem. Contraria possunt inuicem transmutari, nego maiorem ad probationem maioris quod contraria se se expellant ab eodem subiecto, respondeo distinguendo, se expellunt à subiecto primario inhætionis nego, à subiecto denominationis, & subiecto secundario inhætionis concedo. Explico meum responsum, non existimo ab vllò philosopho admitti frigus in igne puro, & defecato posse inesse, ità vt ignea pars possit euadere frigida vt 6. si ergo in igne videatur hoc improbandum, cur in aqua concedetur, cum sit vtrobiq; par ratio, & contrariorum eadem sit philosophia? quare negavi contraria expellere se à subiecto primario inhætionis quod explicui def. 2. 3. 4. Contrarijs idem est subiectum inhætionis in aere, vnde se se mutuo expellunt qualitates sibi infensæ; In mixtis autem est tantum subiectum denominatiuè idem, nam à potiori denominatio sumitur, ibi enim est ignis, & aqua, sed pro alterutrius ad sensum dominatu mixtum dicetur calidum vel humidum aut frigidum, quamuis multæ particulæ aliter se se habeant.

Pro instantia vltimò adducta explico duo principia quibus innititur. I. Omne agens intendit sibi assimilare effectum : si sit agens vniucum, & nulli alteri subordinetur tanquam instrumentum causæ principali, verissimum est axioma, at si sit æquiucum vel instrumentum tantum alterius, est falsum, sic enim sol non intendit facere alium solem dum concurrat ad
gene.

generationem auri, & dolabra statuat dissecans non intendit facere dolabram, quia est instrumentum idæ quam habet artifex in mente, & ratio huius rei à priori peti potest à naturæ finis, qui ab omnibus medijs intenditur: quare, & huic axiomati inter philosophica datus est locus; Causæ instrumentales, & subordinatæ agunt in gratiam principalis agentis.

11. Autem principium, implicante fine frustra adhibentur media, verissimum est, & facit à nobis; finis enim elementorum, & suarum actionum vnus est, nam esse est propter operari, quare cum elementa sint propter mixta, etiam omnis generatio fiet in gratiam mixti, vnde non est prius igni assimilare sibi effectum, sed verus ordo est, vt ignis agat propter mixtum cui subordinatur: ex quibus patet solutio.

Ad confirmationem *Æ. 1.* distinguendo vt supra de subiecto inhaesionis primario, & secundo & de subiecto denominationis: *Æ. 2.* transeat posse frigus in igne, calorem in terra subiectari, nego sufficere huiusmodi dispositiones, cum aduersarius etiam concedat elementa formaliter in saxo vbi ignis calore pene omni caret, & tamen est formaliter ignis, præterquam quod hæc argumenta procedunt à suppositione quod detur materia prima diuersa ab elementis quod Democritus negauit.

OBIECTIONES

Contra ternarium elementorum numerum.

Objicitur primò: Vnum vni est contrarium, sed datur vñ frigidum, & siccum, nempe terra, ergo debet dari calidum, & humidum, nempe aer.

Respondeo primò, hoc argumentum soluendum esse S. Thomæ, Stoicisq; cum quibus Seneca in q. nat. ait aerem esse frigidum, Vallesio qui temperatum facit. Respondeo secundò

negando maiorem, nam vniplura sunt contraria, sic opio contraria sunt alexipharmaca, castorium, assa, semen rutæ, origanum. Bezahar indistinctè venenis datur ex Auicenna in Canticis, parte tertia, numero § 1. & l. 4. Fen. 6. t. 1. c. 5. Respondeo tertio, vnum vni est contrarium hoc est vna qualitas vniqualitati transeat maior, concedo minorem, nego consequentiam: nam in syllogismo fit transitus à qualitate ad substantiam cui nihil est contrarium. Eodem recidit argumentum à quatuor primis contrarietatibus petatum de quo supra egimus.

Obijcitur secundo. Grauitas, & leuitas oriuntur à qualitatibus primis, sed aer est grauis, ergo habet qualitatem à primis ortam, & consequenter primas, nam ab effectu necessario cognoscitur existentia causæ per princip. 12. Minor itaq; probatur primo à Mathematicis qui de aeris pondere scripserunt, inueneruntq; eius ponderis momenta, 2. à Francisco de Mendoza qui in suo viridario pblema instituit, an in aere nauigari possit, 3. à descensu lapidum, & aliorum grauium quæ aeris pondere prægrauata urgent suum descensum, & velocius in fine quam principio mouentur, 4. experimento adducto à Basione qui follem inflatum citius descendere ait quam aere vacuum, ob additum aeris pondus l. de motu intent. 1. art. 3.

Respondeo primo negando maiorem, prius enim est elementum esse mobile localiter quam calidum vel frigidum, nam corporis definitio motus importat principium quod grauitatem esse volunt.

Responderi posset secundo neglectâ maiori negando minorem, quæ est contra Aristotelem qui vult aerem esse leuem in l. 4. meteor, & l. de celo, l. de ortu, & alibi, verum siue leuem siue grauem dicat aerem, manet argumenti vis, quare distinguenda est maior: grauitas, & leuitas in mixtis oritur ab ele-

men-

mentis, & eorū crassi concedo, in simplicibus corporibus nego.
Ad primam probationē Respondeo à mechanicis plerisq;
admitti pro virtute motrice omnium corporum solam gravita-
tem vt per extrusionem deinde motus suos explicent, verūm
de sua hypothesi cura non est mathematico, & reuēra illam
probare alterius est facultatis, vt ait Aristoteles, ponderare au-
tem aerē, diligentia non superat humanā, licet enim exigere
videretur spatium corpore leuiori plenum vt esset ignis regio,
tamen, & in ipso aere, & in aqua examinari potest, leuior
enim aer citius extruditur sursum, ponderosior tardiū, dataq;
motuum proportionē de ipso pondere iudicari potest; In aere
autem puriori impurus aer potest examinari, vt si magnum
vtrem aere infercias ex valle desumpto, alium paris ponderis
montano, videbis in aere sereniori alterum altero præpondera-
re, quæ animaduersio vt in aquarum generibus non inutilis est
medicinæ, leuiiores enim probamus ex Hipp. & Galeno, itā,
& aeris examen ex bilance non est spernendum crassus enim
aer deterior; Verūm hæc nihil faciunt contra nos quia argumē-
tum procedit de elementis impuris contra postulatum 3.

Ad secundum Respondeo Mendosam loqui ex suppositione
quod detur ignis in lunæ concauo, elicereq; consequentiam
illustrandis veris Luciani historijs appositam: sint enim naues
sinus amplissimi in aeris conuexitate positæ, negat eas ad cen-
trum mundi casuras quia leuissima ignis substantia aere leuiori
replebuntur, vnde, & expansis velis remigioq; in aeris con-
uexa superficie poterit nauigari: quæ Mendosæ curiositas lu-
xus plurimum, parum autem contra nos roboris obtinet.

Ad tertium Respondeo negando impelli lapidem ab aere
sed mobile colligit impetum in descensu cuius proportionem
certis regulis digesserunt mechanici, quas fauente cælo vido-
bis in mea Theorica militari, l. 1, à Theor. 1. ad 20.

Ad quartum nego experientiam Bassonis veram esse; sed ipsum ex coniectura loqui assero; neq; à se factum illius rei experimentum scripsit; imo expertus sum æqualibus momentis vacuum plenumq; sollem descendere; quod vt melius explicetur, & vt solidissimum Democriticis assertionibus fundamētum ponā, sequentem instituo ratiocinationem ex princip. 11.

PROPOSITIO XIII.

Aer caret gravitate, & leuitate.

SI experientia quam assero omni caret errore peripateticam philosophiam ruisse existimo. Sæpius expertus sum diuersæ gravitatis, figuræ, molis pondera æquè velociter ab editioribus locis ad terram peruenire: lignum, & ferreum globum eodem momento ex eadē horizontali linea pari altitudine demissi, & vtrumq; pari velocitate ad terram delatum est; saxum, & glebam, librum, & plumbi globum, pilam lusoriam, globum ferreum, vesicam inflatam iunxi diuersis locis, & temporibus, nihil tamen vel minimæ differentiæ potui deprehendere, licet ab editissimis turribus experimenta repetiuerim: & id in aere sensi quod in inani contingere canit doctissimus Lucretius l. 2.

Omnia quapropter debent per inane quietum

Æquè ponderibus non æquis concita ferri.

Cuius experimenti rationem à priori ita reddere possumus, omnis virtus corporum inanimatorum oritur à primis corporibus; Sed prima corpora sunt æqualiter mobilia, ergo omnia corpora ab ipsis orta, maior admittitur dissorti ab Aristotele cū ait corpora moueri pro ratione elementorū, prob. minor. Ibi debet esse eadē vis motrix vbi par est illius necessitas, alioqui natura quæ ditissima est deficeret in sui primordijs, atqui par est exigentia vt omnia elementa paribus momentis moueantur,


antur, cum ad idem munus sint destinata mixtorum scilicet generationi, ergo debent paribus momentis ferri ad locum ubi perfectæ fiunt generationes qui est centrum mundi, & regio circa centrum posita. Quibus ita positis,


Probatur propositio. Si aer haberet gravitatē aut leuitatem faueret quibusdam corporibus in descensu, alia verò præpediret, atqui id non facit vt experientia patet, ergo aer caret gravitate, & leuitate, maioris sequelam perpendens Lucretius loco citato sic ait, posita scilicet in medio gravitate, & leuitate.

Nam per aquas quæcunq; cadunt, atq; aera deorsum.

Hac pro ponderibus casus celerare necesse est.

Probatur itaq; maior. Vt se habet gravitas aquæ ad ea quæ per ipsam descendunt ita se habet gravitas aeris. Sed gravitas aquæ remoratur leuiores, ergo idem deberet facere gravitas aeris. Idem de leuitate iudicium esto, pirum tardius fertur per aquam quam plumbeus globus, & si duas pilas ferreas diuersi pōderis vt altera sit vnc 2. altera lib. 6. minor citius ad aquæ fūdum perueniet. Quo enim corpus acutius est eo facilius diuidit resistētiā medij, vnde cunei quo acutiores eo melius diuidunt, & acutior cultri acies promptius secat: at minor globus facit angulum contactus cum aquæ plano magis dehiscētem; Sit enim globus maior F. globus minor E. aquæ superficies A B. angulus contactus à maiori circulo C A B. linea directionis motus à centro gravitas D sit diameter F D A. Dico primo angulum contactus à maiori circulo cum superficie aquæ esse acutiorem, quā à minori, ac proinde globum minorem facilius promptiusq; cæteris paribus diuidere aquam.





tum enim lineę DA, AB. faciant angulum rectum BAD. qui in duos angulos BAC, CAD. per circumferentiam A. C. diuiditur, sequitur quod acutiori factō angulo BAC. sit obtusior remanens DAC. ut patet ex communibus notionibus primi elementorum, atqui est anguli DAC diuidere, constituitur enim ex linea directionis, & superficie corporis ergo tardius diuidet: quod autem in minori circulo angulus contactus sit obtusior facili negotio comprobatur ex principio 9. 1. Euclid. se habet enim ut totum ad partem, ergo remanens angulus ex peripheria, & linea directionis acutior erit, quod erat demonstrandum. Magnus item globus superficiem habet à plano minus remotam, minor autem recedit statim multumq; distat à plano: quare, & aqua minus resistit minori. Confirmatur quia uterq; globus F & E. sibi defodiunt in aqua alueum quo ferantur, est autem in concauitate aque ambientis E magis præceps via, minusq; à linea directionis aliena, ergo minor globus promptius per aquam, & aliud medium resistens feretur.

Cur ergo idem in aere non contingit inæqualibus præsertim ponderibus: si enim ut ait Euclides l. de leui, & ponderoso di-

uersa

uerſe potentię diuerſi contingunt motus, vt quid eiufdem magnitudinis globi duo alter ligneus librę vnus, alter plumbeus librarum 50. per aerem æqualibus momentis feruntur: deberent enim per Theorema 2. habere differentes motiones ita vt dum vnum pedem emetiretur ligneus globus, quinquaginta petransiret plumbeus? An quia aer ſuſtinet omnino nihil; at prægrandes aues in aere librantur. An quia levis eſt aer abſq; vlla grauitate ac proinde grauib; quibuſcunq; cedit? at certè deberet ea leuitas grauioribus facilius cedere; ergo cum omnia perpendiculari motu æqualibus momentis per aerem ferantur ſignum eſt neq; grauem neq; leuem eſſe.

Quod cognoscens Democritus apud Ariſtotelem l. 4. cœli r. 42. ſoluit hanc difficultatem quæ maximi hoc in loco ponderis eſt; Democritus itaq; exiſtimabat, teſte philoſopho, ſtriſta corpora deſcendere quod pauca iſtis reſiſtant, lata verò aſcendere, ſuper aquam. Subdit inſtantiam à Democrito adductam textu 43. *deberet enim in aere hoc etiam fieri, ſed ſoluit molliter, ait enim non in vnum impetum facere SOVN, vocans SOVN motum eorum quæ ſuſum mouentur corporum*, quæ ſolutio non mollis eſt ſed neruoſa, negat enim paritatem Democritus, cum ait, non fieri motum in vno, & eodem medio; aqua enim reſiſtit ob grauitatem humiditatemq; , aer autem nullius eſt reſiſtentię quia grauitate, & leuitate omni caret. Quid verò intelligat per vocem SOVN innuit philoſophus, at illam particulam ſuſum intellige de omni motu qui in aere fit, aer enim reſpectiue ad aquam ſuperior videtur; abſolutè autem nihil datur ſuſum deorſumq; vt probatur à nobis in *aſtologia Democriti*, SOV autem eſt vox abigentiſ aues apud Ariſtophanem in *Veſpiſ*: delata enim violento motu pondera cum ſonum edunt: *Haec autem experientia de pari ponderum omnium ad terram*

ram descensu nullâ habitâ molis, figuræ, grauitatis excedentis ratione, aut aliorum quæ motum vel accelerare, vel præpedire possent, peripateticis omnibus contra sensum est neganda si suam stare velint doctrinam, cæteroquin mirum quantum Democriti sententiæ fauet, & Stagiritæ nocet: nam si virtus motrix deorsum est maior in saxo quam in ligno, cur lignum æquè cito descendit & si vtrôbiq; par est cur saxum maioris est grauitatis? certè admissâ semel grauitate, & leuitate nullo modo concedi potest id fieri, quod tamen oculis ipsiis depræhendimus.

Scio quosdam negare ab satis edito loco factam experientiam, dicereq; nonnullum quod si ab orbe lunæ deciderent huiusmodi pondera fore vt depræhenderetur diuersitas; sed contra; sensibilis diuersitas virtutis, imo ita diuersa vt altera sit in centupla proportionem, debet effectum facere sensibilibus diuersum in spatio satis conuenienti, sed nulla vnquam depræhenditur differentia quæ vel vnus cubiti imo palmæ sensibilis esset ergo nulla est virtutis differentia. Scribit Campanella quæst. 32. a. 1. physiologiæ expertum se citius pilam vnus vnciæ cadere, quam ferream 6. librarum, subditq; rationem quòd aer plus sustineat: at etiam plures sunt partes quæ resistantiam vincunt: neq; enim retardantur suis partibus pondera; cum vniciq; parti vis sua motrix insita sit: moles enim vim intrinsecam nō præpedit, cum ea paribus cum corpore crescat incrementis, quare æqualis est vtrinq; virtus respectiue ad partes quibus respondet, si enim maior globus 20. partes habet deuehendæ, ipsi concessa sunt 20. virtutis motricis momenta, & minori globo qui 4. constat momentis totidem correspondent partes: quare in medio non resistenti omnia æquè cito descendant. Verùm nec mihi nec Campanellæ fides sit, pro voco ad experientiam, quam adedò facilem, & propterea tot
vbiq;

vbique turrès editioraq; loca faciunt. Atq; vt omne suffugiũ tollatur aduersario, qui propter angulorum optidorum perpendicularem pene allapsum negat ab eo qui sursum est posse discrimen deprehendi, adsint inferius qui ponderum casum explorent, & qui superius est rationem habeat, vt vtriusq; ponderis superficies sit in eadem linea horizonti parallela, & bina eiusdem instanti demittantur, veritatis inuestigandę causã. Sæpius cum alijs, & solus, in aquam, in terram varijsq; ponderibus experientiam repetij, neq; vnquam vel la tum vnguē abfuerunt à similitudine cursus, videndum tamen ne ventus reflet, si enim aer non sit tranquillus, deuiabunt à linea perpendiculari pondera, & hæc illacq; rapiuntur, sed quęcunq; perpendiculariter cadent, ea porro nullo discrimine ad terram eodem instanti peruenisse deprehendes.

Ergo aer grauitate, & leuitate caret, etiam ex suppositione quod eæ qualitates dentur in rerum natura qua de re infra Democritus d. 3. c. 1. Videbis Theoricam meam militarem lib. 1. Theor. 12.

OBIECTIO

Contra aeris indifferentiam.

Objicitur tertio: Si aer careret qualitatibus primis inutilis esset respirationi ad quam potissimum à natura est ordinatus: neq; enim humectaret vel refrigeraret cor.

Vt huic obiectioni fiat satis. Obseruo 1. nõ idẽ moueri pulmones, quia succedit aer, sed ideo aerem succedere quia pulmo mouetur, principium enim motus est à viuentõ.

Obseruo 2. humanum genus in ea regione aeris viuere, quę à vulgo infima regio aeris, à doctis dicitur atmosphaera, hoc est vapida regio de qua Clauius lib. de crepusculis, Scheinerus in refractionibus celestibus, & in rosa vrsina, Kepplerus in para-

paralipomenis ad Vitelionem, eamq; non in terra modo sed etiam in stellis probabiliter admittit Galilæus, ob illud profluvium corporum quod in singulis pene deprehendimus. Hanc 52. miliaribus penes perpendicularem commensuratis fursum exporrectam, quousq; scilicet ascendunt vapores facillè censuerim, cum mathematica instrumenta id inferre videantur: quamvis eainæqualiter diffusa est, cum alibi crassiores aut frequentiores vapores ex halationesue fundantur, unde, & aeris diuersitas oritur, alibi verò infrequentiores, & subtiliores: quo fit vt crepuscula septentrionalia meridionalibus sint longiora, non idèò tantum quia obliquiores solis radij perueniunt illuc, verum etiam id à vaporû densitate exhalationibusq; densioribus oriri par est. Qua propter, & contra sphæræ rationes Hollandi in celebri illa nauigatione, quâ ultimò iter ad Sinas per septentrionis glacies tentarunt, 22. dies solem citius spe viderunt, quia refractione ingenti factum est, vt sol qui multis gradibus infra horizontem latebat, supra horizontem conspicuus fieret. Clavius ré mihi incredibilem de proportionè quam habent elementa refert in cap. 1. sphæræ Sacrobosci; cum ait ignis sphærâ habere proportionem maiorem cum terra, quàm 38289. ad 1. & ad aerem maiorem habere quàm 865803. ad 1. globus verò ex terra, & aqua coalescens eodè autore se habet ad aerè vt 23. ad 1. sed tâtû abest vt sectatores habeat, quin etiâ plurimi existiment aerem vsq; ad firmamenti concavum porrigi. In eo itaq; Clavius videtur hallucinatus, quod vaporum ascensum ab igne occurrente prohiberi crederet; unde cum 52. miliaribus tantum ascendant, coniecit non ulterius aerem exporrigi: Sed idèò sistuntur quia radius primarius reflectionis solaris non extenditur ulterius, quare vehiculo luminis, & caloris destituti vapores tolligunt, se ad statum suum nativum reddunt, & condensati resoluntur in pluvias, ex quibus,

Resp.

Resp. argumentò, negando maiorem, non enim respiramus aerem, vt est purè aer, sed quatenus vapores dilutos secum vehit quibus atmosphæra plena est: aer. n. purus à vaporibus inutilis est respirationi, vnde sicut aqua suffocat, ità aer subtilior est ex suapte natura, quā vt sit pulmonibus aptus: mixtus autē vaporibus respirationi aptissimus redditur. Aer itaq; loquē pulmonum motui, & refrigerationi vsui est, quia ob terræ, & aquæ viciniam frigus quoddam habet, vapores autem humectant ne lingua aut palatum exsicceetur. Quod confirmatur experiētiā, in montibus enim Peruuie altissimis nisi vaporibus à spongia madida ori nasq; admotā aer diluatur, ne scilicet benignis vaporibus incomitatus pectus petat, periculum vitæ manifestum est, & qui hoc spongiæ præsidio destituti, in transitu asthmatici tantum fiunt, secum verò præclarè actū existimant. Ergo vtilior est multò respirationi aer sine qualitatibus primis quam si eas haberet, quia nocuum semper esset haurire humidum vel frigidum in summo: benigniùs autē insinuant se aeri vapores, & cū illo immixti pectori conducunt.

Dices si aer frigidus non est cur ergo ventilamur æstate?

Resp. in æstu ad solem non sentiri ventilationem eamq; esse inutilem, in vmbra autem vbi aer modicè est refrigeratus vtilis est, & quod nouæ semper succedant aeris partes, ijs quæ nostro contactu incaluerant amotis.

Reliquas obiectiones si quæ sunt ex doctrina, & adducta, & adducenda nullo negotio diluere quiuīs poterit.



DISPUTATIO II.

De compositione rerum ex atomis.



Ræsuppositâ de materiali corporum principio doctrinâ, illud idem materiale contemplaturus est Democritus quatenus ex ipso cætera componitur, siue ut cōtinuum, & mixtū. Prius quæstio quid sit, fuit faciēda quā quæstio qualis sit. Vaquez materiā primā aristotelicā existimabat esse totā in toto, & totā in qualibet parte, & à quātitate superueniēte fieri diuisibile. Sed pace tanti viri prius subiectū diuisibile est quā sit quātā, nā radix originaria distinctionis est indiuiduitas quæ separationē sēper patitur, radix autē diuisionis actualis est vnio; Quātitas verò reddit corpus impenetrabile hoc est itā vt cūalijs eodē in loco esse nō possit, ac proinde diuisibilitatē mechanicā inducit quæ manu fit aut ferro, at verò sine quantitate, Angelus materiale principiū corporū posset optimē diuidere, cum partes indiuidualiter differant. Nunc ex his principijs quæ fusiūs comprobare metaphysicorum est, pergo ad maximum Democriticæ philosophiæ mysterium, scilicet ad demonstrationes quod omnia ex atomis sint compacta: progressus in infinitum, indeterminatas productiones, partium confusionem impossibilia sunt nedum quæ satis concipi possint. Equidem damnandus Democritus quod fortuito atomorum concursu mundos infinitos dixerit esse productos, damnandus quod eximiū adeo opus naturæq; vniuersitatem fortunæ potius cæcis impetibus quam prouidentia sapientibus momētis dispensari crediderit. Sed si dicamus Deum opt. maximum atomis omnia composuisse verisimiliorem doctrinam sectabimur, planiorem certò, & multò compendiosiore; quam vt melius insinuem sex capitibus

pitibus digesti. Primum ne alij non audiri dānētur p̄cipuas
opinionēs de continui compositione paucis expendo. Secun-
dō atomis omnia componi probare conor. Tertiū caput in
atomorum distinctione specifica, & proprietatibus singularum
specierum versatur. Quartum considerat atomos vt in mixtio-
nem veniunt. Quintō, & sextō obiectionibus communibus
nobisq; peculiaribus fit satis: mathematicorum autem more vt
superius feci definitiones, & p̄ncipia p̄mitto.

DEFINITIONES.

I. Pars determinata est ea quæ habet magnitudinem ter-
minis assignabilibus finitam.

II. Pars indeterminata est ea quæ nullis terminis assigna-
bilibus finitur.

III. Pars communicans est quæ habet aliquid commune
cum alia, sic semipalmus est pars communicans palmi.

IV. Linea incommensurabilis longitudine cum alia dici-
tur ea, quæ non est ad aliam vt numerus ad numerū, hoc est, de
qua institui non potest comparatio per numeros, vt si dicatur
linea A---B se habet ad lineam C---D vt 2. ad 4.

V. Linea commensurabilis potentia est ea cuius quadratū
est commensurable cum quadrato alterius: sic diameter qua-
drati, quæ est incommensurabilis longitudine cum costa, est ta-
men commensurabilis potentia, nam quadratum quod ex
diametro fit, duplū est quadrato costæ vt patet ex 47. proposi-
t. Eucl. ergo se habent in proportionē dupla quæ his numeris
efferi potest 4.8.16.

VI. Diuisibilitas mathematica, diuisibilitas extrinseca,
diuisibile designatiuè, per imaginationem, per intellectum
penes spatium extrinsecum, sunt termini synonymi apud De-
mocritum.

VII. Diuisibile verò physicè, & realiter est quod ità solui potest vt vnio vel vinculū soluatur ità vt ambæ partes existant separatae, vel si altera partium sit modus, is pereat, remanente absoluto, sic diuiditur physicè lignum, & carta.

VIII. Minimum naturale est minima extensio sub qua potest corpus aliquod connaturaliter existere: dicitur etiam atomus secundaria.

IX. Atomis simplices sunt elementorum indiuisibiles particulae, & linearum physicarum radices.

X. Linea physica est atomorum simplicium adunata series, siue longitudo physica latitudinis physicae expers, hoc est quæ physicè penes latitudinem sit indiuisibilis, quamuis mathematicè etiam secundum latitudinem diuidi possit in infinitum, vt etiam secundum longitudinem. Tot autem eius longitudo patitur diuisionem recales physicam; quod atomis lineæ componitur.

XI. Superficies physica est extensio in longum, & latum, profunditatis physicae expers, siue est prima veluti atomorum instratio.

XII. Figura est quæ sub aliquo vel aliquibus terminis comprehenditur.

XIII. Partes mathematicæ sunt eæ quæ sequuntur diuisibilitatem mathematicam de qua definit. 6.

PRINCIPIA

I. Ex eo quod res est vel non est potest dici esse vel non esse. Conceptus enim mensura est rei entitas, mensura autem vocis est conceptus, & ipsa res.

II. Radice distinctionis adequatæ in creatis est indiuiduatio, cuius nota vnica, & infalibilis est diuersa existentia, nam.

III. Per illud idem res distinguitur ab omni alia per quod constituitur in suo esse;

4. Eorum

IV. Eorum quæ identificantur non datur distinctio realis neq; separatio.

V. Non potest concipi quam ratione id quod tangit secundum se totum possit facere maius, si non habeat virtualiter partes, ac proinde verum est Aristotelis effatum: indiuisibile iunctum indiuisibili non potest facere maius.

VI. Natura abhorret processus in infinitum.

VII. Qui dat esse dat etiam consequentia ad esse.

VIII. Res naturales conantur semper redire ad naturalem suum statum quem primò; & per se appetit natura vt sibi magis conuenientem.

IX. Qui appetit finem, appetit etiam media ad illum necessaria.

X. Eadem est ratio totius homogenei; & omnium eius partium.

XI. Opus naturæ opus intelligentiæ.

XII. Similia facilius adunantur, vnde sympathiarum, & amicitiarum paronymphus est similitudo, amor enim similes vel inuenit vel facit, ignis ignem trahit, nam sicandelam admoveas foco videbis ad ipsum inclinari candelæ flammam.

XIII. Non sunt expendendæ actiones physicæ regulis strictè geometricis.

XIV. Sensibilia per sensus sunt iudicanda, nam illius est potentia iudicare de re perquam res cognoscitur, neq; fides omnis sensibus deneganda.

XV. Positâ experientiâ oportet philosophari, & experientias acuratè factas tanquam principia per se nota admittere.

XVI. Vnio siue sit modus realis siue connotatio est essentialiter plurium unio.

XVII. Tempus, locus seu spatium, & motus sunt analogi.

POSTVLATA

- I. Cuiuscunq; motus assignare spatium, & tempus.
- II. Quolibet assignato numero maiorem assignare, & quolibet linea data, maiorem ducere.
- III. Quidquid magnitudinem habet, finitamq; extensionem, si pluribus dimensionibus subter concedatur illi suam, inesse figuram.

CAPVT PRIMVM.

Sententiæ celebres de compositione continui.



PERÆpretium non est singulorum diuersa de continui compositione placita referre aut eorum discutere fundamenta, difficultates proponere, & vniuscuiusq; iugula manifestis argumentis petere, pauca quædam per synopsis retulisse satis erit instituto meo, qui omni plagiato abstinere proposui: adeat Aristotelis explanatores philosophiæ candidatus, perlegat Suarem in metaphys. Auerfam, Complutenses infinitosq; alios qui in hac quæstione plurimum insudarunt, breuiter se se expediet Democritus.

PROPOSITIO XIV.

Continuum non constat ex punctis mathematicis.

Definiuit Euclides punctū mathematicum, cuius pars nulla sit, caret, enim omni dimensione, longitudine scilicet latitudine, & profunditate, & consequenter etiam figurā nullā præditum est. Ex punctis mathematicis omnia componi ex antiquis complures, è recentioribus pauci voluerunt, hos inter Ariaga ingenuū sed tamen nō probabili philosophis confessione

fectione, eam dum pro viribus tuetur, nonnunquam obiectionibus à se fieri satis non posse dicit. Qui punctis mathematicis subscribunt triplicis sunt factionis, alij enim finita simpliciter, & determinatè, alij finita secundum quid seu indeterminatè, alij verò infinita simpliciter puncta in continuo quantumvis paruo admittunt. Qui admittunt finita negant illud axioma Aristotelis, punctum puncto additum non potest facere maius, afferuntq; exemplum è quantitate discreta, vnitas enim addita vnitati facit maius, ad probationem illius maioris quod scilicet punctum tangat secundum se totū ergo non potest facere maius, concedunt antecedens negant consequ. Qui autem infinita puncta admittunt in continuo ij cum Platone infinita duo admittunt magnum, & paruum. Vide Arist. 3. phys. t. 27. & isti quidem facilius soluunt argumenta mathematica, quorum 1. hypothesis est postul. 1. huius; nam quomodo diuidetur bifariam linea quinque punctorum, vel enim intermedium peribit vel alterutri parti adhærebit, si 1. est contra 1. postularum, si 2. est contra Euclid. lib. 1. prop. 9. Verum quidquid tandem subterfugij exquirant, clarè eam conuincit falsitatis, & impossibilitatis Aristoteles toto penult. lib. 6. phys. vbi ostendit motum, tempus, & spatium esse analogia, quare si componeretur continuum ex punctis mathematicis nullus motus altero velocior esset. Scio Arriagā, vt hanc cæteroqui non solubilem difficultatem eluderet, excogitasse genus quoddam motus quem morulis aut quiete interpolata distinguunt: vnde omnia æqualiter moueri vult, sed motus idè est lentus, quòd mobile sapius, idem idem, & diutius quiescat, motus verò idè censetur velox, quòd infrequentius mobile quiescat, formica lentius mouetur quam aquila quòd hæc breuioribus passis suum motum distinguit, illa longioribus: longissimis verò ijsq; frequentibus mouetur animas

illud americanū cui à lento in seſu *pigritia* nomen eſt factū, duobus enim diebus totidemq; noctibus non conficiet iter 10. paſum.

Qui ergo huic de punctis mathematicis ſententiæ ſubſcribunt concedunt. 1. punctum puncto additum facere maius. 2. non dari motum ſucceſſiuum ſed tantum diſcretum. 3. motus omnes æqualis eſſe velocitatis, ſunt enim puncta minimum, quod pertranſiri poſſit, & quies quæ in his motibus in eſſe ſingitur, non eſt motus, 4. Tempus etiam ex inſtantibus componūt, 5. debēt neceſſariò concedere rotam diſſolui dum mouetur circa axem, nam cum circulus ad axem lentius moueatur debet quieſcere dū circulus maior in circumferentia conſtitutus mouetur, ergo cum ſaltem vno puncto circulus exterior præcedat ſequitur puncta eadem punctis iſdem non correſpondere: quod eſt abſurdum, & incredibile, ergo continuum non conſtat ex punctis mathematicis.

PROPOSITIO XV.

Continuum non componitur ex partibus, & punctis mathematicis ſimul.

S Varez hanc tueretur ſententiam in metaphyſ. diſput. de quantitate, vbi dicit dari puncta quæ partes partibus iungant, ſed præterquam quod eaſdem difficultates habet quas opinio ſuperior, nouis in ſuper implicatur dū partes admittit, quoniam enim ratione intelligi poſſunt vnite aut terminate niſi puncta adæquentur partibus? deinde cum puncta illa entia ſint modalia vt volunt, nonne concedere debet partes entia ſcilicet abſoluta ſine ijs eſſe poſſe? amplius cum nō detur pars vltima quomodo dabitur punctū? vltimum id eſt terminatiuū? præterea vel inter vnum indiuiſibile, & alia indiuiſibilia intermediat aliquid vel nihil, ſi primum erit ergo pars ſine punctis,
ſi ſe-

si secundum totum constabit indiuisibilibus.

Hæc Suaris opinio, omnium difficillima est, omnium enim obiectiones suas facit, & nulla vitat argumenta quæ sint alicuius momenti.

PROPOSITIO XVI.

Continuum non constat ex simplici entitate ante diuisionem indistincta.

Albertinus huius factionis caput est negat enim partes continui ante diuisionem actualem esse distinctas inter se. Eamque dicendi rationem excogitauit ut difficultati de partium distinctione occurreret. Contendit is distinctionem omnem pendere ab extrinseco hoc est per designationem vel diuisionem actualem. Sed vnico argumento quod instat omnium est, refelli potest.

Quæ possunt existere actu separata distinguuntur realiter, sed partes possunt existere actu separata, ergo distinguuntur realiter etiam ante diuisionem, diuisio enim non dat eis entitatē, & indiuiduationem quæ ipsis est intrinseca, & est radix distinctionis. Maior syllogismi est vnica distinctionum regula quæ si neget Albertinus quomodo probabit Aristotelem à Platone distingui? minor est certa etiam sensu, pars enim A est sine parte B quamuis antea vnum continuum facerent, quod autem radix distinctionis sit propria entitas prob. ex principi. 3. per illud idem res distinguitur ab omni alia per quam constituitur in suo esse, sed singula constituuntur in suo esse per suam entitatem ergo per illam distinguuntur à quauis alia, deinde non potest dici pars A est pars B ergo pars A distinguitur realiter à parte B. quæ ex 1. 2. 3. & 4. principio nota sunt.

PROPOSITIO XVII.

Continuum non constat partibus syncategorematicè infinitis.

Hanc opinionem vulgus philosophorum nunc docent: sed quàm malè ingenia torqueat norunt studiosi omnes: suū fundamentum duplex est, primum sumitur ab Aristotele lib. de lineis insecabilibus vbi argumentis mathematicis probat nullam dari lineam indivisibilem.

Secundò inducuntur in hanc sententiam ex ratione motus localis, & temporis quod cum semper fluat nullamq; habeat partem totam simul sitq; in infinitum diuisibile sequitur eius etiam partes infinitas esse syncategorematicè; Sed facilè his rationibus suo loco satisfaciemus, dum ipsi in spinis defixi hærebunt, sic enim inuoluuntur in numero, distinctione, diuisione, comparabilitate, & motu, vt quæ responsa nunquam percipere potui aut argumētis nitidissimis commodè aptare, neq; etiam illis quidquam dare possim probabilitatis, cum optimus veritatis character sit lux, & claritas, in illis autem meras tenebras reperi. V. Arriagam, Complutenſes, Quiædum, Suarem, aliosq;

PROPOSITIO XVIII.

Numerus partium continui non est sicuti numeri finiti possibilis.

HÆC opinio nititur ingeniosissimo analogismo quantitatis discretæ ad continuam.

I. Sicuti tota collectio numerorum finitorum possibilium est finita, sed limitibus incertis; ita tota collectio partium finita est sed indeterminatè. II. Sicuti numerorum finitorum maximus assignabilis non est, ita neq; in partibus assignari nequit minima. III. Omnis numerus finitus est secundū quid distinctus, & secundum quid indistinctus: nam idem numerus

terna-

ternarius potest comparari cum alio ternario à quo distinguitur realiter adæquatè, vel potest comparari cum binario quem includit, & ab illo distinguitur realiter inadæquatè, vel potest comparari cum tribus vnitatibus collectiue sumptis, & sic distinguitur tantum secundum præcisam intellectus formalitatem. Sic palmus distinguitur adæquatè ab alio palmo, inadæquatè à semipalmo sui, & formaliter tantum à duobus semipalmis. IV. Sicuti numeri finiti possibiles dicuntur secundum quid indeterminati, communicantes, inassignabiles; ita & partes continui quæ necessariò in alijs includuntur: nullaq; communicans est quæ suis partibus non constet quarum respectu est totum. V. Sicuti per intellectum numeri finiti possibiles ponuntur extra causas, ita intellectus vi pars indeterminata, & communicans fit totum determinatum, sublata habitudine quam cum alijs habebat.

Destruo hanc opinionem. I. Numeri finiti constant indivisibilibus vnitatibus suntq; entia formaliter intentionalia, & de omnibus numeris licet habere communem mensuram, id est vnitatem, atqui ex aduersario continuum non constat ex indivisibilibus, partes continui sunt omnes à parte rei, neq; cuiusvis magnitudinis datur mensura communis ex Euclide l. 10. ubi lineas incommensurabiles dari ostendit, ergo vitiosus est analogismus. II. Implicat omnes numeros finitos possibiles poni simul extra causas, quare cum non possint esse ne quidem per intellectum collectiue, quomodo concedit aduersarius esse realiter à parte rei, materialiter enim existerent si vera esset eius opinio. III. Tot erunt partes in grano coriandri quot in totius terræ globo, utrobiq; sicuti numerorum finitorum collectio, quod est contra primam notionem Eucl. totum maius est sua parte. Quod cognoscens acutissimus Lucretius l. 1. ita argumentatur.

*Ergo rerum inter summam minimamque quid esset
 Nis erit, ut distet, nam quamuis funditus omnis
 Summa sit infinita, tamen paruissima que sunt
 Ex infinitis constabunt partibus aequè.
 Quod quoniam ratio reclamatione vera, negantque
 Credere posse animi, victus fateri necesse est,
 Esse ea que nullis iam prædita partibus extant.*

Non est itaque vera opinio que dicit, numeros finitos possibiles
 & continuū in ratione numeri paritatione se se habere; quod
 erat ostendendum.

CAP.VT SECVNDVM.

Quod omnia ex atomis consent.

Prouissem quadraginta duas de compositione cō-
 tinni referre sententias, in quibus noua inuenta
 nouis, & inextricabilibus fruticant difficultati-
 bus, sic ut hydre videantur quibus dissecia capi-
 ta ex proprio interitu exitiali fanore nascendi, &
 multiplicandi se se ius habent. Nunc sepultam in pureo veri-
 tatem Democriti auspicijs hauriamus.

PROPOSITIO XIX.

*Continuum componitur ex atomis, siue corpusculis finitis numero, ada-
 quatè inter se distinctis, certæ & determinatæ ære.*

Hanc opinionem probabo cum aliquid ordine methodico
 de nomine atomi præmiserò. **ATOMOS** uocabulum,
 est græcum à radice *temno*, & uerbalitè **TOMH**, id est sectio,
 quare atomos idem est atque indiuisibile. Sumitur diuersimodè
 nam Isidorus l. 13. etymolog. c. 2. agnoscit atomos in corpo-
 re,

re, tempore, numero, & littera. Deinde vulgus minuiorem puluerem volanteſq; in aere feſtucarum laciniolas atomos vocat cum tamen mixta ſint. Tertiò, quamvis nominis ATOMOS deriuatio oriatur à radice *temo*, vt ait Iſidorus, Plutarchus, Scapula, Budæus, & alij, tamen dici poſſet cum Heſychio generari à radice ATMOS, quod ſignificat flatum, halitum, vaporem, fumum, præcipuorum naturæ corporum, aeris, terræ, aquæ, & ignis corollaria, & à mixtione ad diſſolutionem, vel ab interitu ad generationem pergentium ſymptomata, vt ſcilicet hac etymologia habeamus veluti anſam dubitandi, an diuini illi Nomenclatores, quos apprimè laudauit Plato in Cratylo, omnia ex atomis componi crediderint, cum huiusmodi vocabulum cum elementorum diſperſione, quæ per corpuscula fieret, non nihil habeat ſimilitudinis, quæ propter atomus iſtis, idem ſonabat quod nobis vaporum aut ſumi particula, nomen certè atmos etiã apud Plutarchũ in eo ſenſu ſumitur non ſemel. Tertiò propriè, & clarè nihil eſt aliud quã corpusculum tantæ paruitatis eiufq; genij vt nullatenus diuidi poſſit, diſſertq; à puncto mathematico quod huius nulla ſit pars neq; intrinſeca neq; per designationem, eademq; ſui virtualitate qua ſpectat orientem, occidenti adſpirat, neq; vllò modo concipi poteſt quacunq; diſſenſione donatum, atomus autem ſuas habet diſſenſiones, ſuas virtualitates correfpondentes ſpatio ſed cum perfectã indiuiſibilitate, & quamvis figurã coerceatur non idèò tamen phyſicam diuiſionem pati vnquam poterit. His ità præexplicatis, adduci poſſunt octo fundamenta, quibus hæc Democriti princeps opinio propugnari poſſet.

Primum fundamentum. Natura ex princip. 6. omnem reſugit infinitatem, ergo eius principiũ materiale non eſt infinitas: ſed ſi continuum haberet partes infinitas vel categorematicè

ticè vel indeterminatè eius principium materiale esset vagum, & indeterminatū, ergo partes continui non sunt infinitæ neq; numeri indeterminati, ergo datur prima, & vltima; quod admitti non potest quin atomi consequenter admittantur, quādoquidem evidentes sunt contra puncta mathematica præsertim finita demonstrationes. Ordo qui ita naturæ, & sapienti rerum omnium architecto Deo cordi est, sine numero seruari non potest, qui quidē numerus finitus est absolute sic vt suis mensuris contineatur.

Secundū fundamentum. Auicenna in 1. Fen. doctrina 1. c. 1. sic definit temperamentum, vt sit, *qualitas que oritur ex mutua actione, & passione contrariarum qualitatum elementorum quorum partes ita ad minima sunt redactæ, vt cuiusque earum plurimum contingat, plurimum alterius proueniat, cum enim ita mutuò patiuntur, & agunt &c.* Vnde sic argumentor. Elementa constant ex minimis, ergo constant ex indiuisibilibus, sed elementa ex præmissis sunt materia prima, ergo materia prima constat ex puris indiuisibilibus, hoc est atomis, prob. antecedens. Conditiones intrinsecæ ad agendum necessariae annumerantur inter dispositiones ad formæ introductionem aut rei conseruationem, ratio est quia cum esse sit propter operari, neq; sine illis conditionibus possit esse agens in actu 1. ad operandum, sequitur etiam neq; vllomodo sic esse posse connaturaliter. Conditiones autem illæ ad agendum necessariae dicuntur intrinsecæ cum se tenent ex parte agentis, extrinsecæ cum ex parte mediij vel passi, atqui inter conditiones intrinsecas ad agendum necessariae est extensio certa, & determinata, infra quā si restringatur agens, nullam omnino actionem parere poterit, ergo neq; vt sic, poterit existere, quare philosophi communi fere consensu etiam in elementis admiscere minima, quæ ab alijs termini paruitatis, ab

alijs

alijs termini extensui, ab alijs minima quod sic, ab alijs diminutę entitates à Virgilo in physica sua allegorica, hoc est in Sileni Ecloga, semina rerum, à Democrito nostro atomi, & radices corporum nominantur, his ita stabilitis,

Probatur conf. primi argumenti minima scilicet illa esse atomos Democriticas, hoc est corpuscula diuisionis omnis incapacia. Primò quidem contra eos qui negant materiam primā peripateticam posse esse sine forma cum tamen minima dari constentur, sit minimum ignis A, peto vt diuidatur: debent ipsi ex suis principijs admittere hypothesim, & concedere ignē destruendum, quod scilicet nulla deinceps forma subitura sit, tū quod non sint dispositiones, tū quod omnium formarū simplicissima sit elementaris quę cum ibi subsistere non possit, multò minus de alia concedi debet. Ergo vel materia erit destituta omni forma vel dabitur annihilatio naturalis, quod aduersarius negauerat antea: restat ergo huiusmodi minima elementalialia esse indiuisibilia.

Probatur secundò etiam ad hominem, materia est propter formas sed formę non possunt esse in minori extensione quàm habent minima, ergo neq; materia potest in minorem particulam diuidi, quod si supponatur diuisa, illi non conueniet definitio materię primę, erit enim vt sic, formę omni ineptę, ergo ex minimorum doctrina redditur probabile dari atomos.

III. Fundamentum sumitur à ratione creationis: Tot sunt creationes in materia prima quot sunt indiuidua, sed nullum indiuiduum est indeterminatum ergo nulla creatio pariter erit indeterminata, sequitur itaq; quod omnes partes continui sunt adæquatè distinctę à quibuslibet alijs, ergo sunt indiuisibiles, & ratio à priori est, quia nihil ponitur extra causas nisi in indiuiduo, quidquid autem est in indiuiduo distinguitur adæquatè à quouis alio per princip. 3.

IV. Fundamentum sumitur à natura vnionis, ad cuius intelligentiam suppono ens modale eius esse naturæ vt iungatur semper absoluto neq; sine ipso possit subsistere. Sic, exempli gratia, intellectio sine intellectu non potest esse, quamuis intellectus esse possit sine intellectione; vnio non potest esse sine partibus quamuis partes esse possint sine vnione. Vnde sic argumentor.

Illud tantum quod fit independenter à subiecto est terminus creationis, sed vnio non fit independenter à subiecto, ergo vnio nō est terminus creationis: Cum ergo terminus creationis in materia prima careat omni vnione, sequitur quod est ex indiuisibilibus, diuisibilitas enim oritur ab vnionis solutione.

Confirmatur ex princip. 7. subiectum vnde elicitur aliud prius est natura illo quod elicitur, sed partes materiæ primæ sunt subiectum vnde elicitur vnio, ergo sunt prius natura omni vnione, ergo in illo priori naturæ debent intelligi sine vlla vnione, ac proinde indiuisibiles.

Dices non posse intelligi sine vnione aliqua implicita. Sed contra. Illud quod non est de essentia rei non ingreditur conceptum rei, sed vnio non est de essentia partium materiæ primæ ergo non ingreditur earum conceptum; Maior est certa ex princip. 1. probatur minor, nullus modus actualis est de essentia rei, sed vnio est modus actualis partium, ergo non est de essentia neq; de illarum conceptu, si ergo partes concipiuntur sine vnione intelliguntur indiuisibiles: dixi modum actuale, quia modus quatenus abstrahit ab existentia est de essentia aliquarum potentiarum quæ ab illo specificantur: sic intellectus dicit essentialē ordinem ad intellectiōem, actualitas tamen intellectiōis non est de eius essentia, alioqui necessarid semper intelligeret actu. Cum ergo in illo priori naturæ vel temporis partes materiæ primæ intelligantur sine vlla vnione sequitur

sequitur eam etiam intelligi constare ex atomis neq; dicas posse carere hac vel illa vnione non tamen omni, quia cum vnio siue distributiue siue collectiue, siue determinate, aut indeterminate intelligatur, educatur è partibus, sequitur partes esse priores naturà, ac proinde in illo priori intelliguntur sine vlla vnione, ergo indiuisibiles. Hoc certè fundamentum satis est pro Democrito validum.

V. Fundamentum sumitur ab impossibilitate partium infinitarum in continuo. Tot sunt extensiones quantitatiuæ quot sunt physicae partes, sed nemine cogitante sunt infinitæ syncategorematicè, erunt ergo totidem extensiones, atqui impossibile est vt infinitæ actu existentes extensiones faciant tantum vnam finitam, ergo etiam est impossibile finitam extensionem constare ex infinitis actu existentibus.

Dices primò esse tantum syncategorematicè infinitas.

Sed contra, nihil est hìc in potentia, ergo omnes sunt actu, sed infinitum syncategorematicum dicit aliquid actu, aliud in potentia, ergo hìc non sunt infinitæ syncategorematicè, cum enim nulla sit quæ non augeat continuum sequitur esse incrementa actu infinita.

Dices secundò argumentum transire à partibus indeterminatis ad determinatas.

Sed contra. Nulla est quæ non existat, ergo nulla est indeterminata, quidquid enim existit, existit in indiuiduo, omne autem indiuiduum est determinatum.

Dices terziò à distributiuo ad collectiuum non valere.

Sed contra, si hoc argumentum non concludat, sunt extensiones actu infinitæ, ergo totum resultans est infinitum in extensione: quomodo probabunt infinitis cubitis fieri infinitum categorematicum in extensione.

VI. Fundamentum. Rationibus istis accedunt experien-

tiæ Chymicorum quas videbis apud Daniele Sennertum in hyponeumate 3. c. 2. vbi de atomis illo vnico capite tractat, quod illibatum tibi relinquo in fonte videndum. Curiosiorrem habeo experientiam, & naturali miraculo propiorem ex Iacobo Gasarello in suis curiositatibus inauditis. Illam paucis expono quod scilicet in ea tanquam in speculo, Democriticæ philosophiæ mysterium omne resurgat. Narrat, ille oculatosq; testes appellat suo nomine, viros graues, & suæ domi satis notos, qui in Poloni Medici musæo phialas complures viderunt, in quarum fundo pulueres ex arte præparati florû animas in cineribus conseruabant, viuabantq; veluti suis in urnis. Spectaculum hospitibus gratum exhibiturus doctissimus ille chymicus, accensam candelam detentæ in aere phialæ qua rosę cineres præparati asseruabantur certâ distantia supponit, vix calor se se in vitrum insinuaerat, cum ecce tibi, moueri corpusculorum puluerisq; populos, cinerem illum leniter agitari, dum tandem post horę fere interuallum totus ille puluis collecto calore in media phialæ area suspensus, varijs deinceps confusisq; motibus vndiquaq; cieri cepit: sicut dum apes alucaria mutantes in aeris medio in nubem coactę confuso volatu hinc, & inde per sua castra volitant: tandem varijs agitationibus, quasi se se atomi ad vnionem queritarent, paulatim in rosam perfectissimam corpuscula illa coaluerunt, cui neq; in folijs ordo, neq; color, neq; meditullium croceum deesse videbatur. Sed spectaculum remotâ candelâ statim desijt, recidentibus ad phialę fundum atomis, quæ calor vi in aere detinebantur, vt quotidie radiorum solarium beneficio festucis puluerisq; contingit; & vnaquæq; quem in rosa nondum dissoluta locum occupauerat, eundem in huiusmodi artificiosa restitutione obtinebat, non secus ac subtilissimus huius seculi philosophus Cabeus post Gilber. l. 1. c. 18. in philosophia magnetica

gnetica refert, quod si auelleretur à suo loco terrę globus, non modo in eundem recideret, verum etiam, pars septentrioni respondens se se ad illum converteret, seu uarentq; cœteræ partes, eosdem quos habent cum Sole aspectus, ita, & minimum vnũ quod meditullium in rosario efformabat, in phiala suum repetit locum, neq; foliorum texturam subit, & omnem motus rationẽ experiundo sua in sede cõsistit, vt ait Lucret. l. 1.

Omne genus motus, & catus experiundo

Tandem deueniunt in tales disposituras.

Scio Fretagium in noctibus medicis hanc de rosa fabulam appellare, verum Quercetanus magni nominis Gallorum Regis Consiliarius, & medicus, eam à se visam refert in defens. contra Anonymum c. 23. adducitq; alios testes oculatos idem Gasparellus, Democritus autẽ chymiz mysterijs, & Ægyptiorum doctrina eo argumento astiuebat mortuorum resurrectionem ex Plin. l. 7. c. 55. vtq; naturę magis faueret conseruari suum in melle corpus iussit, Lacedæmoniorum consuetudine, quibus ita in vsu fuisse possum ait Cornelius Nepos, & Xenophon. Illudq; institutum à Democrito manasse testis est Varro apud Nonium Marcellum, *quare Herachides Ponticus plus sapit, qui precepit vt combutarent (corpora) quam Democritus, qui vt in melle seruarent, quem si vulgus secutus esset, peream, scilicet centum denarijs calicem mulsũ emere possemus.* Confirmatur auctoritate Plinij l. 7. c. 3. qui ait visum à se Hippocentaurum in melle. Columella l. 12. c. 45. Cum enim mortuorum resurrectionem ab Ægyptijs didicisset videretq; balsamo conditi, & asseruari in Ægypto cadauera antiquissimo more vt patet ex Genesi c. 5. v. 2. deficiente in Thracia balsamo mel adhiberi iussit.

Hoc autem reformationis rosę exemplum Democriti sensum in totius mundi ortu sub oculos ponit, quẽ fusiũs explicabimus proposit. 32.

VII. Fundamentum sumitur à Lucretio qui ita argumentatur l. 1.

Præterea nisi erit minimum, parvissimaqueque

Corpora constabunt ex partibus infinitis,

Quippe ubi dimidia partis, pars semper habebit

Dimidiam partem nec res præfiniet ulla

Quod absurdissimū est; & si processus in infinitū passim damnant, quare in continuo admittunt? probat insuper itidem l. 1. Lucret. dari minima corpora quæ sint inuisibilia, inductione venti, odorum, dispersi humoris, attritionis, & consumptionis annulorum, marmorum, metallorum &c. cum autem omne mixtum resoluatur in sua principia, sequitur omnia corpora ex minutissimis, & indiuisibilibus corpusculis constare.

VIII. Fundamentum. Experientiæ, & rationi subuenit autoritas præclarissimorum philosophorum, & facilitas omnia explicandi. Indiuisibilia itaq; agnouit Empedocles cuius ingenium Lucretius tanti facit; Securus est Leucippus, Zeno, Anaxagoras, Epicurus, Protagoras, Plato, Hippocrates ut patet in l. de carnibus si tamen apogryphus non est, subscripsit inter latinos Lucretius, Isidorus, Sennertus, & alij; inter Arabes, Auicenna, & Mesue, & innumeri alij quos recensere minoris utilitatis est quam laboris, suffragia enim ponderamus, non numeramus. Quam autem facili omnia explicentur admissis atomis aliorum esto iudicium. Ego quidem arbitror re diu perpenſa, nullius vnquam scientiam naturalē fore absolutam, quin Empedoclem, Democritum, Aristotelem, Platonē, & Anaxagoram iungat recentioribus, & ab vno quoq; quod verum est reiectis falsis eligat: his enim principibus peculiari ratione cæleste lumen affulsit, & quamuis corporis imbecillitate multa corruerint, plurima tamen quæ fidei lumine discernimus scripsere verissima.

Probauimus ergo octo rationibus omnia ex atomis constare quod erat designationis nostræ.

PROPOSITIO XX.

Atomis definitionem dare.

Obseruo primò dari Entia quædam quæ nullo modo nequidem per intellectum diuidi possunt, vt punctum mathematicum, si tamen inter possibilia recenseri debet.

Observo secundò dari Entia quædam intrinsecè indiuisibilia, extrinsecè verò penes designationem, vel commensurationem quam habent ad aliquid aliud esse diuisibilia, sic Angelus qui commensuratur spatio diuisibili, anima quæ adæquatur corpori, Dei æternitas cui tempus correspondet, quæ quidem diuisibilitas vocatur à me mathematica, ad distinctionē physicæ quæ partium vnionem re ipsa soluit.

Observo tertio rationem materialitatis non esse sitam in ipsa indiuisibilitate ita vt omne indiuisibile censeatur esse spirituale; quod nouum videri non debet cum multi philosophi existimarint brutorum perfectorum animas esse indiuisibiles totasque simul perire, & ipse Vasquez censuit materiam primam sine quantitate esse totam in toto, & totam in qualibet parte, sufficit igitur ad conceptum materialitatis vt dicat vel dependentiam a subiecto, vel ordinem ad quantitatem, vel etiam appetentiam vnionis cum alijs eiusdem secum naturæ quorum interuentu possit fieri totius ab illis compositi diuisio physica, his positis.

Atomus defini potest, *Materialis physicaque extensionis radix, & initium.* Vt enim quantitatis discretæ vnitas est radix lineæ mathematicæ principium est punctum, sic etiam physicæ, & sensibilis continuitatis origo est atomus, dixi *materialis extensionis*, vt definitio atomis omnibus conueniret tum sub-

stantialibus, tum accidentalibus; cum enim ex princip. 7. Quidquid recipitur per modum recipientis recipiatur, sequitur ex vna atomo ignis, educi vnā atomum quantitatis, & aliorum, accidentia enim tum in intensiōe tum in extensiōe atomis constant, dixi *physica*, quia atomus vna, etsi habeat suas dimensiones non tamen facit continuum physicum sed tantum mathematicum, neq; enim sub sensum cadit. Verum vt melius hæc doctrina percipiatur subdo atomorum categoriam vt singulas specificè definiamus. Atomus diuiditur in substantialem, & accidentalem. Sub accidentali sunt absolutæ, & modales. Sub titulo substantialium repono elementares, non elementares. Sub illis pono igneas, aqueas, terreas, & sub istis æreas, neq; enim mixta corpuscula sunt atomi, quamuis de illis sub atomorum nomine egerit Sennertus loco citato.

Atomus itaq; substantialis est Entitas corporea substantialis simplex, & purissimè homogēnea indiuisibilis ex natura sua per se primò exigitua quantitatis cuius beneficio fit impenetrabilis, & ad continuum physicum componendū ordinata.

Atomus ignea est entitas corporea substantialis simplex, & purè homogēnea indiuisibilis ex natura sua, calida, & lucida secundum quid, ordinata à natura ad mixtum cum alijs elementorum atomis faciendum: dixi lucida secundum quid, nam atomi igneæ non lucent nisi certis conditionibus de quibus suo loco cap. vltimo disp. 3.

Atomus aquea est entitas corporea substantialis purè homogēnea indiuisibilis ex natura sua, humida, & diaphana, ordinata à natura ad mixtum cum alijs elementorum atomis faciendum.

Atomus terrea est entitas corporea substantialis simplex, & purè homogēnea indiuisibilis ex natura sua, frigida, & adia-phana secundum quid, ordinata à natura ad mixtum cum alijs
elemen-

elementorum atomis faciendum. Dixi adiaphanam secundum quid, quia certis conditionibus positae sunt diaphanae, illis sublatis sunt terminatae, de quibus disp. 3. cap. ult.

Atomus aerea est entitas corporea substantialis simplex, & pure homogenea, indiuisibilis ex natura sua, nullis qualitatibus primis secundisve sensibilibus praedita, omnium tamen fere capax, ordinata à natura ut agentium actiuitatem sinceram, & puram ad passum transmittat, poros subeat vapores diluat, vacuum impediatur, &c.

Atomi viuientium vel mixtorum quas multò melius minima naturalia vocaremus, sunt exiguae quaedam particulae heterogeneae indiuisibiles secundum quid, hoc est, eà conditione ut eadem forma in ipsis maneat, diuisibiles verò in atomos simplices, sed de his sermo non est cum propriè loquendo huiusmodi sint mixta.

Vnum annoto. In viuentibus v.g. in homine est quaedam minima extensio sub qua potest esse anima humana cum organis sibi necessarijs ad operandum, & huiusmodi extensio dici debet terminus paruitatis humanae, at verò in textura partium, compositae sunt particulae ex atomis simplicibus, & alibi maiores, alibi sunt minores prout textura subtilis est, vel prout elaboratam partem exigit forma, & istae sunt atomi secundariae quas Democritus infinitas potuisset appellare, hoc est indeterminatas in numero, figura & magnitudine, aliter enim se habere credò particulas leonis, & elephanti, aliter leporis, & gemmae. Atque ex istis corpusculorum elaborationibus plurima exui possunt mysteria medicinae, & physicis explicationibus valde appositae, sic enim specierum miracula, ingeniorum varietates, nascentium ex putri causas, spirituum naturam scrutari possemus. Hic pariter corpusculis fiunt exhalationes, profluviaque corporum quorum meminit Aristoteles.

les lib. 2. de plantisc. 1. & in lib. de historia animalium. Ille autem atomi ut superius monui sunt verè mixta sed ob paruitatem, & quod sint texturæ viuentis veluti origines, & rudimenta, idè nomine atomorum donatæ sunt etiam ab antesignano nostro Abderitis: diuidunturq; subinde per vltimam disgregationem in atomos puras, simplices, homogeneas, & vsquequaq; indiuisibiles.

Quæ omnia difficultate omni carent, meâ quidem sententiâ; definitiones quidem supra allatæ quia omnes constant proprio genere, & propria differentia; Annotatio verò quia id ex poris deprehendimus, qui illam viuentium texturâ oculis sensuiq; subiiciunt: definiuimus itaq; atomum quod nobis erat præscriptum.

CAPVT TERTIVM.

De atomorum proprietatibus.

Atomorum proprietates aliæ sunt communes omnibus atomis aliæ verò particulares, & propriæ quarto modo. Communes omnibus sunt tres mobilitas, sympathia, quantitas. Acreis insita est vnionis fuga: Igneis, alijsq; communis est amor sâciturq; à natura foedus, singulis deinde sua est qualitas figurâ, & ordo qui spectat ad intèrionem, quæ omnia ligillatim explicabimus, & probare conabimur.

PROPOSITIO XXI.

Omnibus atomis conuenit triplex mobilitas prima ratione vniuersi, secunda ratione vacui, tertia ratione mixti.

Explicatur, & probatur propositio, triplex est atomorum consideratio; primò pro ea quam habent, respectu totius,

tius, habitudine, quo fit ut alię centrum alię circumferentię
querant, deinde cum sit aded sancta, & illibata corporum con-
tinuitas, & series vacui abhorrens, fit ut singulis atomis replē-
di locum, & impediendi vacuum ardor sit insitus: ea nempe
est mundi conditio, ut nihil penetrabilitatis capax habeat unde
cum plenus sit, motū vnā parte aliquas alias moueri necesse est
cum singulis suus sit locus, neq; vlla cum alia in eodem loco
esse possit. Tertiū cū intrinsecum ordinem dicant ad mixtio-
nem, quę sine motu locali fieri non potest, sequitur etiam ato-
mis concedendam huiusmodi facultatem mottricem in gra-
tiam forme introducendę: feruntur autem per omnes lationes
in mixtione deorsum, sursum, in transversum, circulariter, &
motu mixto, ut videre est in mixtionibus artificialibus pate-
bitq; inferius.

In his naturę rudimentis mirum quā perfectē seruetur hęc
politicorum regula, publicis priuata cedant, & publica priua-
tis anteponunt. Prima enim mobilitas respectu loci in vniuer-
so cedit illi, qua ad mixtionem feruntur; prius est enim con-
currere ad mixtionem quam centrum petere: sed tamen prius
est fauere toti naturę impedito vacuo quā factā mixtionē.
Primę mobilitati satisfaciunt atomi per morum perpendicula-
rem siue sit realis ex Aristotele, siue apparens ex Aristarcho,
siue insensibiliter deflexus ex Lucretio. Tertię mobilitati ad-
mixtionē necessaria est latio omnis tū vt atomi atomis concur-
rerere, tum vt suā sede acquisitā in illa tandē sub formā auspi-
cijs conquiescant. Moueri autem in inanē atomos fulminis
velocitate canit Lucretius.

Probatū tota hęc doctrina ex princip. 7. qui dat esse dat
etiam consequentia ad esse, sed hęc tria consequuntur natu-
ram atomorum, alioqui finī, & intentioni naturę satisfacere
nō possēt, ergo he tres mobilitates ipsi insit sūt, quod erat de-
monstrandum.

PROPOSITIO XXII.

Datur Sympathia inter atomos.

Sympathia nihil est aliud quam amicitia quēdā, & consensus inter aliqua ob mutuam naturæ concordiam, & convenientem dispositionem, vt explicat Plutarchus; sex autem illius species agnosco.

Prima ratio sympathiæ est secundum phases motus localis, ita vt corpus vnum eisdem cum alio patiatur motus: quæ sympathia non conuenit magneti, quia magnes non mouetur ad motum ferri. Illustre verò ipsius sympathiæ exemplum dedit Famianus Strada in prolusionibus academicis, quod fabulosum est Cabzo, illiusq; mentionem facit doctissimus Kircherus in lib. artis magneticæ; horum alter si moueretur eadem alter ferebatur latione, ita vt etiam alphabeticos orbes stilopererrarent, vnde & instituta in Indijs, & Lusitania colloquia, tanto terrarum mariumq; interuallo. Qui lapides si darentur omni pretio maiores essent: naturæ profectò vim nō superat, neq; naturæ maiestatem contemplantī quidquam ex his mihi videtur fide maius. Hæc autem sympathia primi generis cum sit ad fugam vnionis potius quam ad concordiam, & vnitionem atomis non conuenit.

Secunda sympathia sumitur à tarantula, vnguēto armario, & chirurgiacurtorum, de qua doctissimè egit Gaspar Talliacotius Bononiensis professor opere singulari, anno 1597. Tarantula coxuum sibi venenum fundit, & easdem mutationes in ægro facit quas in tarantula commotæ veneni reliquiæ habent. Reparatus verò serui carne Domini nasus coaluit, sed mancipio vitæ functo computruit recutitus nasus libertate omnimodā mortem sanciente, nullus enim post mortem seruus aut fideiussor. Oritur hæc sympathia à crasi, & temperamento vtro-

proportionatis, nasus quidem quamuis esset agglutinatus, & veluti appendix refecti in nasi, quia tamen primarium suum humidum, radicalis, & primigenia substantia nulla arte valet immutari, factum est vt quamuis alia forma, anima nempe Domini viueret nasus, nihilominus tamen suam periodum humido insito determinatam absoluit perinde ac si in proprio fundo, seruili scilicet brachio esset implantatus. Huius medicinæ cōplemēti primus autor fuit Brāca Siculus, vt patet epistolā Calentij ad Orpianum, sed historiam de seruili naso refert autor thesauri rerum admirandarum, eamq; prætermisit Talliacotius, quinimo l. 1. c. 19. etsi Brancæ, Orpianiq; ex Gourmelio faciat mentionem de illa historia silet, & lb. cap. 18. vbi ex professo disputat an ex alieno corpore, an verò ex proprio tradux eligendus sit, cum ostendisset ex proprio corpore esse eligendum, ita concludit, *difficillimum, & fere impossibile de propagatione iudicium, atq; singularem illum individui characterem omnino dissuadere, quo minus in alieno corpore hoc opus aggrediamur.* historiam verò illius nasi prætermittit, quam nisi senio seruus defecisse dicatur difficilem esse ardua q; philosophiæ censeo, debetq; referri ad

Tertiam rationem sympathiæ quam Gasarellus explicat in suis curiositatibus inauditis, oritur. n. à similitudine rerū, & consensu partiū cū suo toto, subductis iisdem in totū & partes astrorū formæq; influxibus: idē de vnguento armario iudica.

Quarta ratio sympathiæ reperitur inter animalia imaginatione prædita; cuius instrumentum est species externa habitā ratione proportionis quam cum phantasia habet, ita ignotus placebit mihi qui Socrati erit exotus; quod fit à motum, sanguinis (spirituumq;) similitudine, & proportionē quæ iudicium nostrum præoccupat, & abblandienti habitudine irrepit.

Quinta ratio sympathiæ est omnium vniuersalissima, & quæ paucio.

tiæ Chymicorum quas videbis apud Danielelem Sennertum in hyponeumate 3. c. 2. vbi de atomis illo vnico capite tractat, quod illibatum tibi relinquo in fonte videndum. Curiosiorrem habeo experientiam, & naturali miraculo propiorem ex Iacobo Gafarello in suis curiositatibus inauditis. Illam paucis expono quod scilicet in ea tanquam in speculo, Democriticæ philosophiæ mysterium omne refulgeat. Narrat, ille oculatosq; testes appellat suo nomine, viros graues, & suæ domi satis notos, qui in Poloni Medici musæo phialas complures viderunt, in quarum fundo pulueres ex arte præparati florū animas in cineribus conseruabant, viuebantq; veluti suis in urnis. Spectaculum hospitibus gratum exhibiturus doctissimus ille chymicus, accensam candelam detentā in aere phialæ qua rosę cineres præparati asseruabantur certā distantia supponit, vix calor se se in vitrum insinuaerat, cū ecce tibi moueri corpusculorum puluerisq; populos, cinerem illum leniter agitari, dum tandem post horę fere interuallum totus ille puluis collecto calore in media phialæ area suspensus, varijs deinceps confusisq; motibus vndiquaq; cieri cepit: sicut dum apes alucaria mutantes in aeris medio in nubem coactę confuso volatu hinc, & inde per sua castra volitant: tandem varijs agitationibus, quasi se se atomi ad vniōnem queritarent, paulatim in rosam perfectissimam corpuscula illa coaluerunt, cui neq; in folijs ordo, neq; color, neq; meditullium croceum deesse videbatur. Sed spectaculum remotā candela statim desijt, recidentibus ad phialę fundum atomis, quæ calor vi in aere detinebantur, vt quotidie radiorum solarium beneficio festucis puluerisq; contingit; & vnaquæq; quem in rosa nondum dissoluta locum occupauerat, eundem in huiusmodi artificiosa restitutione obtinebat, non secus ac subtilissimus huius seculi philosophus Cabæus post Gilber. l. 1. c. 18. in philosophia magnetica

gnetica refert, quod si auelleretur à suo loco terre globus, non modo in eundem recideret, verum etiam, pars septentrioni respondens se se ad illum converteret, seuarentq; ceteræ partes, eosdem quos habent cum Sole aspectus, ita, & minimum vnū quod meditullium in rosario efformabat, in phiala suum repetit locum, neq; foliorum texturam subit, & omnem motus rationē experiundo sua in sede cōstitit, vt ait Lucret. l. 1.

Omne genus motus, & cæcus experiundo

Tandem deueniunt in tales disposituras.

Scio Fretagium in noctibus medicis hanc de rosa fabulam appellare, verum Quercetanus magni nominis Gallorum Regis Consiliarius, & medicus, eam à se visam refert in defens. contra Anonymum c. 23. adducitq; alios testes oculatos idem Casarellus, Democritus autē chymiz mysterijs, & Ægyptiorum doctrina eo argumento astiuebat mortuorum resurrectionem ex Plin. l. 7. c. 55. vtq; naturę magis fateret conservari suum in melle corpus iussit, Lacedæmoniorum consuetudinē quibus ita in vsu fuisse posuit ait Cornelius Nepos, & Xenophon. Illudq; institutum à Democrito manasse testis est Varro apud Nonium Marcellum, *quare Herachdes Ponticus plus sapit, qui præcepit vt comburerent (& corpora) quam Democritus, qui vt in melle seruarent, quem si vulgus secutus esset, periremo, si centum denarijs calicem mellei emere possemus.* Confirmatur auctoritate Plinij l. 7. c. 3. qui ait visum à se Hippocentaurum in melle. Columella l. 2. c. 45. Cum enim mortuorum resurrectionem ab Ægyptijs didicisset videretq; balsamo conditi, & asseruati in Ægypto cadauera antiquissimo more vt patet ex Genes. c. 5. v. 2. deficiente in Thracia balsamo mel adhiberi iussit.

in Hoc autem reformationis rosæ exemplum Democriti sensum in totius mundi ortu sub oculos ponit, quē fusiùs explicabimus proposuit. 32.

VII. Fundamentum sumitur à Lucretio qui ita argumentatur l. I.

Præterea nisi erit minimum, parvissima quæque

Corpora constabunt ex partibus infinitis,

Quippe ubi dimidia partis, pars semper habebit

Dimidiam partem nec res præfiniet ulla

Quod absurdissimū est; & si processus in infinitū passim damnant, quare in continuo admittunt? probat insuper itidem l. I. Lucret. dari minima corpora quæ sint inuisibilia, inductione venti, odorum, dispersi humoris, attritionis, & consumptionis annulorum, marmorum, metallorum &c. cum autem omne mixtum resoluatur in sua principia, sequitur omnia corpora ex minutissimis, & indiuisibilibus corpusculis constare.

VIII. Fundamentum. Experientiæ, & rationi subuenit autoritas præclarissimorum philosophorum, & facilitas omnia explicandi. Indiuisibilia itaq; agnouit Empedocles cuius ingenium Lucretius tanti facit; Securus est Leucippus, Zeno, Anaxagoras, Epicurus, Protagoras, Plato, Hippocrates ut patet in l. de carnibus si tamen apogryphus non est, subscripsit inter latinos Lucretius, Isidorus, Sennergius, & alij; inter Arabes, Auicenna, & Mesue, & innumeri alij quos recensere minoris utilitatis est quam laboris, suffragia enim ponderamus, non numeramus. Quam autem facile omnia explicentur admissis atomis aliorum esto iudicium. Ego quidem arbitror re diu perpensa, nullius vnquam scientiam naturalē fore absolutam, quin Empedoclem, Democritum, Aristotelem, Platonē, & Anaxagoram iungat recentioribus, & ab vno quoq; quod verum est reiectis falsis eligat: his enim principibus peculiari ratione celeste lumen affulsit, & quamuis corporis imbecillitate multa corruperint, plurima tamen quæ fidei lumine discernimus scripsere verissima.

Probauimus ergo octo rationibus omnia ex atomis constare quod erat designationis nostræ.

PROPOSITIO XX.

Atomi definitionem dare.

Obseruo primò dari Entia quædam quæ nullo modo nequidem per intellectum diuidi possunt, vt punctum mathematicum, si tamen inter possibilia recenseri debet.

Observo secundò dari Entia quædam intrinsecè indiuisibilia, extrinsecè verò penes designationem, vel commensurationem quam habent ad aliquid aliud esse diuisibilia, sic Angelus qui commensuratur spatio diuisibili, anima quæ adæquatur corpori, Dei æternitas cui tempus correspondet, quæ quidem diuisibilitas vocatur à me mathematica, ad distinctionē physicā quæ partium vnionem re ipsa soluit.

Observo tertio rationem materialitatis non esse sitam in ipsa diuisibilitate ita vt omne indiuisibile censeatur esse spirituale; quod nouum videri non debet cum multi philosophi existimant brutorum perfectorum animas esse indiuisibiles totasque simul perire, & ipse Vasquez censuit materiam primam sine quantitate esse totam in toto, & totam in qualibet parte, sufficit igitur ad conceptum materialitatis vt dicat vel dependentiam a subiecto, vel ordinem ad quantitatem, vel etiam appetentiam vnionis cum alijs eiusdem secum naturæ quorum interuentu possit fieri totius ab illis compositi diuisio physica, his positis.

Atomus definiti potest, *Materialis physiceque extensionis radix, & initium.* Vt enim quantitatis discretæ vnitas est radix lineæ mathematicæ principium est punctum, sic etiam physice, & sensibilis continuitatis origo est atomus, dixi *materialis extensionis*, vt definitio atomis omnibus conueniret cum sub-

stantialibus, tum accidentalibus; cum enim ex princip. 7. Quidquid recipitur per modum recipientis recipiatur, sequitur ex vna atomo ignis, educi vnā atomum quantitatis, & aliorum, accidentia enim tum in intensiōe tum in extensiōe atomis constant, dixi *physica*, quia atomus vna, etsi habeat suas dimensiones non tamen facit continuum physicum sed tantum mathematicum, neq; enim sub sensum cadit. Verum vt melius hæc doctrina percipiatur subdo atomorum categoriam vt singulas specificè definiamus. Atomus diuiditur in substantialem, & accidentalem. Sub accidentali sunt absolutæ, & modales. Sub titulo substantialium repono elementares, non elementares. Sub illis pono igneas, aqueas, terreas, & sub istis aereas, neq; enim mixta corpuscula sunt atomi, quamuis de illis sub atomorum nomine egerit Sennertus loco citato.

Atomus itaq; substantialis est Entitas corporea substantialis simplex, & purissimè homogēnea indiuisibilis ex natura sua per se primò exigitiua quantitatis cuius beneficio fit impenetrabilis, & ad continuum physicum componendū ordinata.

Atomus ignea est entitas corporea substantialis simplex, & purè homogēnea indiuisibilis ex natura sua, calida, & lucida secundum quid, ordinata à natura ad mixtum cum alijs elementorum atomis faciendum: dixi lucida secundum quid, nam atomi igneæ non lucent nisi certis conditionibus de quibus suo loco cap. vltimo disp. 3.

Atomus aquea est entitas corporea substantialis purè homogēnea indiuisibilis ex natura sua, humida, & diaphana, ordinata à natura ad mixtum cum alijs elementorum atomis faciendum.

Atomus terrea est entitas corporea substantialis simplex, & purè homogēnea indiuisibilis ex natura sua, frigida, & adia-phana secundum quid, ordinata à natura ad mixtum cum alijs
elemen-

elementorum atomis faciendum. Dixi adiaphanam secundum quid; quia certis conditionibus positae sunt diaphanae, illis sublatis sunt terminatae, de quib. disp. 3. cap. ult.

Atomus aerea est entitas corporea substantialis simplex, & pure homogenea, indiuisibilis ex natura sua, nullis qualitatibus primis secundisve sensibilibus praedita, omnium tamen fere capax, ordinata a natura ut agentium activitatem sinceram, & puram ad passum transmittat, poros subeat vapores diluat, vacuum impediatur, &c.

Atomi viuentium vel mixtorum quas multo melius minima naturalia vocaremus, sunt exiguae quaedam particulae heterogeneae indiuisibiles secundum quid, hoc est, ea conditione ut eadem forma in ipsis maneat, diuisibiles vero in atomos simplices, sed de his sermo non est cum proprie loquendo huiusmodi sint mixta.

Vnum annoto. In viuentibus v.g. in homine est quaedam minima extensio sub qua potest esse anima humana cum organis sibi necessarijs ad operandum, & huiusmodi extensio dici debet terminus paruitatis humanae, at vero in textura partium, compositae sunt particulae ex atomis simplicibus, & alibi maiores, alibi sunt minores prout textura subtilis est, vel prout elaboratam partem exigit forma, & istae sunt atomi secundariae quas Democritus infinitas potuisset appellare, hoc est indeterminatas in numero; figura & magnitudine, aliter enim se habere credo particulas leonis, & elephantis, aliter leporis, & gemmae. Atque ex istis corpusculorum elaborationibus plura erui possunt mysteria medicinae, & physicae explicationibus valde appositae, sic enim specierum miracula, ingeniorum varietates, nascentium ex putri causas, spirituum naturam scrutari possemus. Istis pariter corpusculis sunt exhalationes, profluuiasque corporum quorum meminit Aristoteles.

les lib. 2. de plantisc. 1. & in lib. de historia animalium. Ille autem atomi ut superius monui sunt verè mixta sed ob paruitatem, & quod sint texturæ viuētis veluti origines, & rudimenta, ideo nomine atomorum donatæ sunt etiam ab antesignano nostro Abderita: diuidunturq; subinde per vltimam disgregationem in atomos puras, simplices, homogeneas, & vsquequaq; indiuisibiles.

Quæ omnia difficultate omni carent, meâ quidem sententiâ; definitiones quidem supra allatæ quia omnes constant proprio genere, & propria differentia; Annotationis verò quia id ex poris deprehendimus, qui illam viuētium texturâ oculis sensuiq; subiiciunt: definiuimus itaq; atomum quod nobis erat præscriptum.

CAPVT TERTIVM.

De atomorum proprietatibus.

Atomorum proprietates aliæ sunt communes omnibus atomis aliæ verò particulares, & propriæ quarto modo. Communes omnibus sunt tres mobilitas, sympathia, quantitas. Aëreis insita est vnionis fuga: Igneis, alijsq; communis est amor sâciturq; à natura foedus, singulis deinde sua est qualitas figurâ, & ordo qui spectat ad intèrionem, quæ omnia ligillatim explicabimus, & probare conabimur.

PROPOSITIO XXI.

Omnibus atomis conuenit triplex mobilitas prima ratione vniuersi, secunda ratione vniuersi, tertia ratione mixti.

Explicatur, & probatur propositio, triplex est atomorum consideratio; primò pro ea quam habent, respectu totius,

tius, habitudine, quo fit ut alię centrum alię circumferentię
quęrant, deinde cum sit adeo sancta, & illibata corporum con-
tinuitas, & series vacui abhorrens, fit ut singulis atomis replē-
di locum, & impediendi vacuum ardor sit insitus: ea nempe
est mundi conditio, ut nihil penetrabilitatis capax habeat unde
cum plenus sit, motu vna parte a liquas alias moveri necesse est
cum singulis suus sit locus, neq; vlla cum alia in eodem loco
esse possit. Tertię cū intrinsicum ordinem dicant ad mixtio-
nem, quę sine motu locali fieri non potest, sequitur etiam ato-
mis concedendam huiusmodi facultatem motricem in gra-
tiam formę introducendę: feruntur autem per omnes lationes
in mixtione deorsum, sursum, in transversum, circulariter, &
motu mixto, ut videre est in mixtionibus artificialibus pate-
bitq; inferius.

In his naturę rudimentis mirum quā perfectē seruetur hęc
politicorum regula, publicis priuata cedant, & publica priua-
tis anteponunt. Prima enim mobilitas respectu loci in vniuer-
so cedit illi, qua ad mixtionem feruntur; prius est enim con-
currere ad mixtionem quam centrum petere: sed tamen prius
est fauere toti naturę impedito vacuo quàm factā mixtionē.
Primę mobilitati satisfaciunt atomi per motum perpendiculara-
rem siue sit realis ex Aristotele; siue apparens ex Aristarcho,
siue insensibiliter de flexu ex Lucretio. Tertię mobilitati ad-
mixtionē necessaria est ratio omnis tū ut atomi atomis concur-
rerere, tum ut suā sede acquisitā in illa tandē sub formā auspi-
cijs conquiescant. Moueri autem in inanē atomos fulminis
velocitate canit Lucretius l. 1.

Probatu tota hęc doctrina ex princip. 7. qui dat esse dat
etiam consequentia ad esse, sed hęc tria consequenter natu-
ram atomorum, alioqui finis, & intentioni naturę satisfacere
nō possēt, ergo hec tres mobilitates ipsis insitę sūt, quod erat de-
monstrandum.

PROPOSITIO XXII.

Datur Sympathia inter atomos.

Sympathia nihil est aliud quam amicitia quēdā, & consensus inter aliqua ob mutuam naturæ concordiam, & convenientem dispositionem, ut explicat Plutarchus; sex autem illius species agnosco.

Prima ratio sympathiæ est secundum phases motus localis, ita ut corpus unum eisdem cum alio patiatur motus: quæ sympathia non conuenit magneti, quia magnes non mouetur ad motum ferri. Illustre verò ipsius sympathiæ exemplum dedit Famianus Strada in prolusionibus academicis, quod fabulosum est Cabzo, illiusq; mentionem facit doctissimus Kircherus in lib. artis magneticæ; horum alter si moueretur eadem alter ferebatur latione, ita ut etiam alphabeticos orbes stilo pererrarent, unde & instituta in Indijs, & Lusitania colloquia, tanto terrarum mariumq; intervallo. Qui lapides si darentur omni pretio maiores essent: naturæ profectò vim nō superat, neq; naturæ maiestatem contemplantī quidquam ex his mihi videtur fide maius. Hæc autem sympathia primigenis cum sit ad fugam vnionis potius quam ad concordiam, & vnitionem atomis non conuenit.

Secunda sympathia sumitur à tarantula, vnguēto armario, & chirurgiacurtoꝝ, de qua doctissimè egit Gaspar Talliacotius Bononiensis professor opere singulari, anno 1597. Tarantula coræum sibi venenum fundit, & easdem mutationes in ægro facit quas in tarantula commotæ veneni reliquiæ habent. Reparatus verò serui carne Domini nasus coaluit, sed mancipio vitæ functo computruit recutitus nasus libertate omnimodā mortem sanciente, nullus enim post mortem seruus aut fideiussor. Oritur hæc sympathia à crasi, & temperamento vtro-

biq;

proportionatis, nasus quidem quamvis esset agglutinator, & veluti appendix refecti nasi, quia tamen primarium suum humidum, radicalis, & primigenia substantia nulla arte valet immutari, factum est ut quamvis alia forma, anima nempe Domini viveret nasus, nihilominus tamen suam periodum humido infuso determinatam absoluit perinde ac si in proprio fundo, servili scilicet brachio esset implantatus. Huius medicinae complémenti primus autor fuit Braca Siculus, ut patet epistolâ Calentij ad Orpianum, sed historiam de servili naso refert autor thesauri rerum admirandarum, eamq; prætermisit Talliacotius, quinimo l. 1. c. 19. etsi Brancæ, Orpianiq; ex Gourmelio faciat mentionem de illa historia silet, & lb. cap. 18. ubi ex professo disputat an ex alieno corpore, an verò ex proprio tradux eligendus sit, cum ostendisset ex proprio corpore esse eligendum, ita concludit, *difficillimum, & fere impossibile de propagatione iudicium, atq; singularem illum induideri charactærem omnino dissuadere, quo minus in alieno corpore hoc opus aggrediamur.* historiam verò illius nasi prætermittit, quam nisi senio servus defecisse dicatur difficilem esse ardua q; philosophiæ censeo, debetq; referri ad

Tertiam rationem sympathiæ quam Casarellus explicat in suis curiositatibus inauditis, oritur. n. à similitudine rerum, & consensu partium cum suo toto, subductis iisdem in totum & partes astrorum formæq; influxibus: idè de unguento armario iudica.

Quarta ratio sympathiæ reperitur inter animalia imaginatione prædita, cuius instrumentum est species externa habitâ ratione proportionis quam cum phantasia habet, ita ignotus placebit mihi qui Socrati erit exosus; quod fit à morum, sanguinis spirituumq; similitudine, & proportionem quæ iudicium nostrum præoccupat, & ablandienti habitudine irrepit.

Quinta ratio sympathiæ est omnium unjversalissima, & quæ paucio.

paucioribus erratis subiacer, oriturq; ab occulta proportionē quę est inter agens, & passum; ita magnes ferrum trahit & remisso, heliotropium solem sequitur neglecta lunā, de quibus vide Atahanasium Kircherum in doctissimis libris artis magneticę.

Sexta ratio sympathię oritur à dominio siderum, & naturę occultioribus ad quandam designationem stimulis, consistitq; ut celesti imperio inferiora cieantur ad explendos vniuersitatis fines generationum varietate, & indiuiduorum perpetuitate successiuā, ita mares feminis consentiunt, & stupendis miraculis minutissima animalcula se se inuicem ad generationem quaritant.

Alias sympathię rationes faciliē reduces ad hęc capita, vel certe quod habeant apertas causas, & primario visu inuestigabiles. ex sympathiarum censu expunges, quales refert Theophrast. l. 2. de causis plant. c. 24. 25. 26. Is omnes amicitias, & inimicitias plantarum refert ad vtilitatem aut damnum, vtilitatis tres modos ponit, materiam alimentī, nociui repulsionem, & adminiculum: damnum facit strangulationem, alimentī furtum, opacationem, odoris grauedinem, & alimentī deprauationem.

Prima ratio sympathię vocetur consensio impetus, quia impressas vni mobili eandem in alio facit lationem. II. dicatur cōsensus durationis quod ista sympathica sint coęua. III. sit sympathia configurationis quod à similitudine corporum, & figura celi ortum habeat. IV. Est sympathia ciuilis. V. appelletur sympathia Aristotelica. VI. verò est sympathia Democritica, atq; ut alię puris atomis non conueniunt, sic ista ijs propria est: quod patet ex Laetio qui atq; ex Democriti placitis, cuncta secundum necessitatem fieri, est autem necessitas calicū uertigo generationum omnium causa.

Prima-

Primaria impulsio atomorum, seu ratio cur moueantur est motus cœli, inquit Democritus; quia scilicet ex quo coaluerunt è floribus elementorū sphaeræ cœlestes motuq; vertiginoso cieri cœperunt, succedentibus idemtidem nouis influxibus syderum propter alias aliasq; coniunctiones, oppositiones, ortus, occasusq; fit vt inferioris mundi atomi, huiuscemodi irradiationibus cieantur ad motum, tùm quod cum superioribus consentiant, tùm quia natura nouis formis facta illas parturire gessit, vnde & variè fusæ atomi sibi ea proportionē coniunguntur, quæ maximè apta est introductioni formæ; verum enim verò non simplices tantum primariasq; elementorum atomos mouet ad generationem cœli vertigo, verum etiā multo magis secundarias, & quæ minima naturalia àb alijs vocantur, cum habeant iam rationem mixtorum quæ ad vltiorem compositionem venire debeant, fit vt ob multiplicatē, & heterogeneitatē sibi insitam influxibus sint magis obsequentes, quia scilicet alterari, & mutari facilius possunt. Sympathia itaq; Democritica supponit atomos complures eodem influxu siderum moueri, iungi, & ad naturæ generationes in vnā venire compositi fabricam. Sicuti si daretur dispensatus tanta arte impetus qui secundum architecti Idæam, lapides, calcem, & ligna moueret, ita vt singula suis locis reponerentur explerentq; illud exemplar palatij quod in capite suo peritus ille architectus impressum habet, haberemus naturæ, & generationis ex atomis perfectam similitudinem. Natura enim rei faciendæ idæam seminis aut succi analogi beneficio habet, cœloq; tanquam ministro ad consilia sua exequenda vtitur, cœlum influxibus suis ita singulas compositi particulas mouet vt non modo locum occupent sibi conuenientem, faciantq; aptum formæ domicilium, verum etiam non tam habet rationem proportionis extrinsecæ, quam tamen in palmarijs

palmaris suis operibus non negligit, quin potius qualitatum gradus pro ratione requisita sapientissimè dispensat. Existimabam ante exactius de sympathia Democritica examen totum illius mysterium in figurarum ratione consistere. Scilicet cum sint diuersi ordinis, variae positionis, multiplicisq; figurae, fieri suspicabar ut aliae alijs similes, aliae contrariae quadamtenus essent, sic sphaericam omnibus esse antipathicam dum sphaerica permanet, quia cum singulis refugit vnionem nisi inueniretur quaedam concava quae illam conuexitatem sinu appposito exciperet, refugit enim vnionem cum alijs superficiebus sphaera, quia omnes in puncto tantum tangit ac proinde non potest dari vnio; in puncto enim mathematico non potest sustentari actio physica aut modus. Cubus pyramidi non consentiet quia cum illa non potest replere locum, potentiores figurae infirmioribus sunt tyranni, potentior autem figura est, quae magis est dissolutiua minus vnita, qualis est quae à cubo maximè recedit cuius facies alijs suae speciei iuncta locum non replet. Sed figurae contrarium nihil est neq; ita obstinatè vnā seruant atomi figurā quin eam quadamtenus mutare possint ut dicemus inferius. Itaq; à ratione caeli, & maximè à ratione ordinis intrinseci quae ad mixtionē, & generationē dicunt, petenda est earum sympathiae ratio: quā dari nullo modo negari potest: sympathia. n. sexti generis est mutua ad vnū consensus, atqui atomi elementares habent mutuū ad vnū, & eundē finē consensū nempe ad generationes, & mixtiones, ergo habent sympathiam: quod erat propositum.

PROPOSITIO XXIII.

De atomorum paruitate aliquid coniecturā asequitur.

Certum est primò nullam atomū cadere posse sub sensum, unde nec tangi vna singulariter potest, quamuis plurimae simul

simul positæ sint sensibiles; quapropter nulla est atomus quæ habeat extensionem quæ sit æqualis vlli quæ sensu percipitur.

Certum est secundò atomis suam inesse figuram, ac proinde extensionem quam appello mathematicam, primò quod non sit diuisibilis physicè sed tantùm per designationem, secundò quia illam imaginari solùm, & lineis imaginarijs, id est, mathematicis dimitiri possumus, non verò physicis.

Certum est tertio quantumvis statuatur parvæ atomi earum tamen numerum iniri posse, & finitas esse finitate determinata ad mundi totius vniuersitatem constituendam.

Archimedes in libro de arenæ numero reprehendit Samium Aristarchum illius quæ Copernicus innouauit astrologiæ principem, quod orbitæ terrestris nullam esse proportionem cum firmamento dixerit, siue circulû quem terra in Pythagoræorû systemate percurrit esse instar puncti ad stelliferum. Loquebatur autè Aristarchus de proportionem sensibili, sicuti eo in sensu apud Astrologos certû est terrâ esse instar puncti ad firmamentû. Archimedes verò demonstrat dari proportionem etiâ inter granum papaueris, & totum mundum, cuius rationis securus hanc audacem fecit propositionem ille ingeniorum Phœnix, *Datum pondus data potentia mouere*, rectèq; demonstrauit propositum imo inter vnicam atomum totamq; rerum vniuersitatem dari proportionem necesse est, licet enim conijcere quot sint in vniuerso atomi. Nunc autem videamus quantæ sint paruitatis.

Plinius l. 11. c. 1 & 2. *nusquam alibi, ait, nature rerum artificium spectabilius est, quam in insectis: In magnis siquidem corporibus aut cerè maioribus facilis officina sequaci materia fuit. In his verò tam parvis atq; tam nullis quæ ratio, aut quanta vis, tamque inextricabilis perfectio? Vbi tot sensus collocavit in culice? Quæ sunt alia dicta minora. Sed, ubi visum in ea prætendit? ubi gustatum*

statum

statum applicauit? ubi odoratum inseruit? ubi truculentam illam,
 & portione maximam vocem ingenerauit? Quà subtilitate pennas
 adnexuit, praelongauit pedum crura, disposuit ieiunã caneam, uti aliu,
 auidam sanguinis, & potissimum humani sium accendit? Telum verò
 perfodiendo tergori quo spiculauit ingenio? et atq; cum exilitate pene non
 videatur, ita reciproca generauit arte, ut fodiendo acuminatum pa-
 riter sorbendoq; fistulosum esset? Aspice vnicum culicis caput tot
 sensuum officinam, ibi oculos humoribus, tunjcis, neruisq; di-
 stinctos, spiritibus animalibus plenos miraberis: quanta autẽ
 tenuitas est horum? in pede sunt membranæ, ossa, medulla,
 nerui, tendines, musculi, vasa deferentia animalculo nutriendo
 humorem, multiplexq; partium compages. At cum spiritus
 vnicus vel vitalis vel animalis vnius cironis multis atomorum
 millibus constet, pauca enim non possunt facere mixtionem
 neq; præparare formæ alicui præsertim viuenti domicilium,
 quot in ipso animalculo atomos esse conijcies?

Aduerti non semel granum thuris combustum fumo ita di-
 spergi ut locum repleuerit septingentis, & amplius millionibus
 se maiorem.

Ille enim locus grana huiuscemodi facillè cepisset.

Secundum altitudinem _____ 720.

Secundum latitudinem _____ 900.

In longitudine _____ 1200.

In superficie _____ 648000.

In area _____ 7776000000.

Cum ergo nulla aeris sensibilis portio esset quæ odoros non ha-
 beret halitus, granumq; thuris æquaret ciccerem qui sine igne
 in partes sensibiles saltem mille diuidi posset, sequitur parti-
 culas odoras sensibiles fuisse istius num. 777600000000.
 Atqui singulæ illæ particulæ mixtæ erant, nullamq; fuisse pro-
 babile est cui vnus ad minimum elementalium atomorum

millio

millio inesset, unde secundum hanc regulam fuissent in hoc thuris grano pisi magnitudinem non superante atomi elementales ad minimum ————— 777600000000000000.

Ex quibus patet quantæ sit paruitatis atomus vna, coniiciq; potest quantus sit atomorum numerus in toto vniuerso. Clavius in cap. 1. spheræ, computat quot arene grana possent implere orbem ex suppositione quod 10000. æquarent vnum milij granum, inuenitq; totum illum numerum comprehendi vnitate, & chiffris quinquaginta. Sed multo plures atomos dari conuincunt superius adducta animalculorum exempla. At in his nihil aliud quam coniicere possumus quis enim nouit an atomi igneæ maiores minoresue sint aqueis, & terreis? quis dignoscit aerearum paruitatem, celorum profunditates omnes, & extimam illam Beatorum sedem? *Furor est mensuram orbis animo agitare atq; prodere ausos? quasi verò mensuram nullius rei possit agere, qui sui nesciat.* Plin. l. 2. c. 1.

PROPOSITIO XXIV.

Atomis aeris insitum est, & proprium cum alijs vniri nunquam.

Nolui diutius in superiori propositione immorari, ne in nos iaci posset illud Aristophanis comici dicerium quo Chærephontis curiositatem perstrinxit, et Chærephon qui pulicum cognouit vestigia. Nunc atomorum proprietates non euidentibus quidem ratiocinatione apertas, sed tamen probabiles exequamur.

Cum supra dixerimus aerem non ingredi mixtionem, sed dare tantum veluti transitum alijs, sequitur eius atomos nullis adhærere, sed suæ semper esse libertatis: si enim, adhærerent motum præpedirent, retardarent aut accelerarent, at supra videmus experientijs repertis hoc non fieri, ergo non adhærere alijs. Deinde cum aer careat qualitatibus primis

secun-

secundum quas fit ad mixtionem, & vnionem dispositio, consequens est ipsum vnioni esse ineptum. Adde quod si vniretur, non tam facillè transpiraretur, neq; posset ità poris egredi vel illos subire.

Quæres an atomi aereæ alijs aereis sint iunctæ? Respondeo mihi esse dubium: in eam tamen partem propèdeo vt sint tantū contiguæ: ratio quæ me mouet hæc est. Quia quæuis mobilia æquè citò, & æquè velociter descendunt, & diuidunt aerem, ergo signum est nullam omnino esse resistentiam, si enim esset resistentia ratione vnionis quæ solui debet, cur oui crusta inanis, æquè velociter ferretur, ac plumbum ouale paris magnitudinis sed ducentupli ponderis? Superficies corporis ambientis vtriusq; æqualis est, ergo par est in sustinendo vtrobiq; aeris quantitas: sed maior est virtus deorsum motrix in plumbo, & maior est vis diuidendi aerem, vtrumq; tamen mobile paribus motus incrementis ad terræ centrum fertur, ergo signum est nullam esse resistentiam in aere, ac proinde nullam vnionem soluendam; vnde tota aeris extensio, & moles est atomorum omni vnione solutarū cumulus, & fortasse neq; inter se neq; cum alijs vnibilem, cum à posteriori videatur id sequi, & satis superq; intelligatur aer suo fungi officio etiam si non vnibilis intelligatur. Ergo atomis aereis insitum est alijs non vniri, quod erat probandum.

PROPOSITIO XXV.

Quomodo se habeant atomi ignea, aquea, & terrea ad vnionem determinare.

EPicurus Democriti affecta in epistola ad Herodotum, Corpora alia quidem (ait) concretiones sunt, alia verò ex quibus concretiones facta sunt, ac ista indiuidua sunt, & immutabilia nisi omnia in id quod non est interitura sunt, hoc est, alia sunt corpora quæ
ex pri-

ex primis coaluerunt, alia verò sunt corpora prima, id est atomi indiuisibiles, & immutabiles nisi annihilentur. Quanam autem ratione concreſcant non aliter explicat idem Epicurus quam per deſiderium quoddam mutum quod habent ad inuicem: quapropter vnionis inter ſe ſunt amantes atomi igneæ, aqueæ, terreæ.

Prob. primò materia prima appetit formam ergo, & ea quæ ſunt neceſſaria ad eam aſſequendam, & retinendam, nam quidat eſſe dat etiam conſequentia ad eſſe, & qui vult finem, etiam, media appetit ad illum neceſſaria ex p. 9. Sed vnio atomorum inter ſe eſt neceſſaria ad formam, ergo atomi vnionis illius ſunt appetentes: eamq; non ſoluunt niſi irritatæ ab extrinſeco: cùm itaq; triplicis ſpeciei atomi ſint materia prima, ſequitur ipsis eſſe inſitam vnionis cupidinem ratione finis intrinſeci quem habent ad mixtum, & generationem ſubſtantialem.

Prob. ſecundò à poſteriori omnis reſolutio, & corporum corruptio eſt naturæ violenta ſecundum quid, ſed corruptio fit per diſſolutionem vnionis atomorum ſiue illarum diſperſionem, & ſegregationem, ergo ſequitur huiusmodi ſegregationem, & diſſolutionem eſſe violentam ſecundum quid, ac proinde à cōtrario vnio atomis eſt cōnaturalis, & expetita.

Prob. tertio nunquam quieſcunt atomi niſi ſint coniuncti inter ſe quo fit vt corruptio vnus ſit generatio alterius, ergo cum illa quies mediante vnione obtineatur, conſequens eſt vnione matomis eſſe acceptiſſimam, & reuerà perpetuo agitari dicit Democritus vſquequò ad naturæ inſtituta, caliq; vertiginis imperium coaluerint.

Quæres an atomi terreæ terreis vniantur, aqueæ aqueis, igneæ igneis?

Reſpondeo videri atomos terreas terreis vniri, ea tamen

I lege,

lege, vt alterius vnionis amor præualeat sic vt. facilius terrea atomus cum ignea vel aquea, quam cum alia terrea vnienda sit, ratio à priori petitur ab intrinseco sine quem dicunt ad mixta, & videtur colligi à posteriori quod refusa terræ aqua, continuo ita immisceatur vt fiat limus, cuius in minimas partes diuisionis argumentum est, quod nihil ad tactum mollius sit, nihii minùs asperum. De aqueis atomis idem esto iudicium: quæquidem terræ, & igni potius quam suæ speciei atomis coniungentur, aeri autem nullo modo quod inde patet, quia si aeri facilè vnirentur, non ita conseruaretur aqua in sphaerulas collecta si quando mensæ roratim affundatur deinde quomodo ex vaporibus coalesceret iterum in pluias? fieret enī ex aqua, & aere, aliquid medium mixtum imperfectum quale limus inter aquam, & terram. Quod si aquæ id proprium est, multo magis terræ.

At an igneæ atomi igneis, vniri possint, dubium mihi est, primò quia igneæ atomi extra mixta sunt sphaericæ figuræ vt probabitur inferius, quare non se tangent nisi in puncto mathematico quod vnionis capax non est: cum enim sit modus physicus certam requirit extensionem. Secundò quia ratione suæ perfectionis quâ sunt instar animæ in vniuerso videntur potius cupidæ communicandi sui quam vnionis inter se, vnde ad illius appetitus stimulos sunt maximè dispersi locis, & ad naturæ arbitrium huc, & illuc feruntur quo maximè generationes cœlum, & causæ particulares moliuntur: tertio quia si vnirentur, tantum abest vt mixtioni fauerent quin potius omnia dissoluerent, earumq; effectus, & vis satis patet in ipso actu dissolutionis mixtorum, in flamma scilicet, quamuis vaporibus sua actiuitas non parum hebetetur: quid ergo contingeret si vnitæ simul agerent, & in sua perfectione intentioneq; naturali positæ? Rectè ergo cautum fuisse suo operi à

Deo

Deo Opt. Max. videtur, dum actiuitatis tantę elementum in minimas particulas dispersum reddidit infirmius, magisq; obsequens formis: virtus enim vnita fortior, dispersa debilior, & quod ad naturę totius vtilitatem magis æstimabilem facit non debet in contrarias partes, & nocumenta traduci.

Fauet huic meę suspicioni (quę fortassis causam dabit cur ignem seruari nequamus) experientia, videmus enim cęteris elementis certā mole suam stare, & perennare cumulum, igni autem, si alimentum subtraxeris, abire, & disparere necesse est quod in atomos dispersus indispisibilis fiat, nulla enim atomus seorsim videri potest: agilitate verò sua fit vt non sint diu contigę sed semper ferantur etiam ad nubes vsq; vbi generationes moliuntur, dum cęlesti beneficio formę cuiusdam allicijs in corporis compositionem veniant; mirum cęteroquin est cur nullus ignis apud nos perennet, cū tamen, & aerem, & mare, & terras habeamus.

Diximus itaq; quomodo se habeant atomi ad vñionē inter diuersę, & eiUSDē speciei atomos. Quod nobis erat pręscriptū.

PROPOSITIO XXVI.

Atomis sua inest figura.

HÆC propositio clarissima est, cum enim atomi sint corpuscula, differantq; à punctis mathematicis sequitur quod suas habebunt dimensiones, & terminos ac proinde superficies, & latitudinē, longitudinē profunditatemq; ex post. itaq; 3. habebunt figurā quā de finiuimus ex Eucl. l. 1. def. 14. at nō planā modo verum etiam solidam de qua Idem Eucl. l. 11. def. 1. *Solidum est quod longitudinem, latitudinem, & crassitudinem habet.* Atomus itaq; sua inesse debet figura, quod erat probandum.

Sed enim cum quatuor posuerimus atomorū genera, igneas

1 2

aereas,

æreas, aqueas, & terreas quid de singulis dicendum sit determinandum videtur, quod cum in sequentibus propositionibus exactè fieri debeat præmittenda est Platonici dogmatis de elementorum figuris explicatio.

Examen doctrinae Platonicae de elementorum figuris.

Apuleius libro de dogmate Platonis ita loquitur ex diuini illius philosophi mente. I. *Initium omnium corporum materiam esse memorauit: hanc signari impressione formarum: hinc prima elementa esse progenita, ignem, & aquam, terram, & aëra. Quæ si elementa sunt, simplicia esse debent, neq; ad instar syllabarum nexu mutuo copulari.* Hoc est, elementis non adest vlla heterogeneitas qualis est in syllabis quæ consonantibus, & vocalibus constant. *Quod illis euenit, quorum substantiam multimodè potestate, coitione conficitur. Qualia sunt mixta quæ coalescentibus inuicem elementis tanquam vocalibus, & consonantibus in vnum coalescunt compositum.*

II. *Quæ cum inordinata permixtaq; essent, ab illo edificatore mundi Deo ad ordinem numeris, & mensuris in ambitum deducta sunt. Hæc è plurimis elementis ad vnum redacta esse.*


His Apulei verbis explicandis opus est Oedipus. Prima quidem sententia videtur à biblijs sumpta vbi legitur quod *Deus fecit omnia in pondere, numero, & mensura*, at quid sibi secunda vult propositio cum dicit, *hæc è plurimis elementis ad vnum redacta esse?* Existimo Platonem censuisse materiam primam atomis constare, quæ deinde formis substantialibus sigillatæ, illæ quidem ignis, illæ verò terra, aqua, ærue fierent, pro idææ informantis natura, atq; ita clarus erit sensus Apulei, quasi diceret, Architectus rerum omnium Deus numeris mensurisq; instructus elementa in ambitum deduxit, dispersasq; particulas homogeneas quæ eiusdem sunt elementa corporis siue principia, in vnum congregauit, aqueas atomos iungens aqueis,

aqueis, terreas terreis, igneasq; igneis, unde, & à plurimis huiusmodi elementalibus particulis vnum coaluit elementum quod in ambitum propriâ regione deduxit.

III. Et ignem quidem, & aera, & aquam habere originem atq; principium ex trigono qui sit angulis rectis non paribus.

Prima mensura quâ Deum instruit, primusq; numerus hic est expressus radices enim exordia, & origines ignis, siue prima ignis elementa constant, & gignuntur, ex triangulo scaleno cuius basis sit dimidium laterum, & latus secundum perpendicularare ad basim, tertium autem latus obliquo ducta utramq; lineam iungat, sic ut angulos ad basim sit minus acutus quam angulus ad verticem, atq; huiuscemodi triangulum duplicatû facit triangulum æquiangulum. Sit. n. triangulû æquiangulum A B C per prop. 1.

Eucl. 1. 1. diuidatur bifariam per lineam C D ex prop. 9. eiusdem, habebis duoscalena B A D. B C D. cuiusmodi vnum est prima mensura quam Plato dat summo rerum architecto, & principium figure quam habent atomi ignee, aeree, & aquee iuxta Platonem, primus autem numerus est ternarius omnium imparium primus. Quod autem



de scaleno intelligendus sit Apuleius, inducor vltra explicationem aliâ lectione quæ sic habet, principium ex triangulo quod sit angulis rectis non paribus angulis, ita enim in triangulo D B C, est vnum latus rectum B D C, & duo acuti inæquales, nam maior est D C B quia minorem subrendit lineam per prop. 18. primi Eucl. & per 19. eiusdem, minor autem est angulus D B C. cæteroqui stante primâ lectione cum nullum possit

esse triangulum quod non habeat tres angulos, cum, per 32. primi Eucl. illi tres anguli sint æquales duobus rectis sequitur quod ex menis rectis non potest fieri triangulum, adde quod omnes recti anguli sunt æquales inter se ex princip. 10. primi Eucl. ergo non potest stare prima lectio à me adducta, sed secundæ est insistentium.

IV. Terram tetrè directis quidem angulis, trigonis, & vestigijs paribus esse. Atomi terreæ sunt directis ad se inuicem angulis, trigonis solidis, & faciebus quæ vestigium in inani faciunt imaginarium æqualibus, hoc est anguli constituentes terreæ rudimenta prima sunt omnes recti, trianguli autem ex tribus lineis sibi inuicem perpendiculariter insistentibus, quæ faciunt tres angulos, & tres illius corporis dimensiones, facies autem omnes sunt æquales, quæ lineæ nisi in cubo esse non possunt, ergo particule terreæ sunt cubicæ; Atq; hoc est secundum instrumentum secundusq; numerus, quæ summo Architecto dedit Plato, angulum scilicet rectum solidum, & primum numerum parem, dualitatem.

V. Et prioris quidam forme tres species existere pyramidem, octangulam, & vigintiangulam. Ab huiusmodi prima mensura seu angulo scaleno, & imparium numerorum primo tres generantur figuræ, pyramis, octangula, & vigintiangula: quo fit ut nullo modo sit concedendum, prioris conclusionis verba, anguli recti non paribus angulis, intelligenda esse de isoscele quod duo latera æqualia habet, primò quia si rectus ei insit angulus nunquam ex eo coalescet perfecta pyramis, deinde quod videatur Apuleius tres angulos indicare, rectum unum, & duos alios impares uti explicuimus.

Pyramis autem constat quatuor tantum triangulis æquiangulis cum perfecta est: Pyramis verò irregularis leges non habet, cum Euclides l. 11. def. 12. pyramidem in genere definiat

niat figuram solidam quæ planis continetur, ab vno plano ad vnum punctum collectis; Certum autem est de pyramide regulari seu tetraedro audiendum Platone in vtr probabitur mox autoritate Laertij.

Octangula quam Apuleius appellat non est alia figura quàm octaedrum, quod definitur ab Euclide l. 11. def. 27. *figura solida quæ octo triangulis æqualibus, & æquilateris continetur.* Malè autem octaedrum, octangulam vertit Apuleius in mathematicis parum, vt licet conijcere, versatus, cum octaedrum octo quidem superficies, sed angulos solidos sex tantum habeat: reuera octaedrum græca est vox quæ figuram significat quæ octo faciebus possit consistere siue cui sint octo plana, idem de vigesies angula quam Eicosaedrum esse non dubitamus.

Eicosaedrum autem ex eodem Eucl. l. 11. def. 29. *Est figura solida quæ viginti triangulis æquiangulis, & æquilateris continetur,* tantum verò abest vt Eicosaedrum viginti angulos habeat vt sint ei duodecim solùm: dicitur autem eicosaedrum quod viginti planis possit consistere.

Confirmatur hæc expositio luculento testimonio Diogenis Laertij qui l. 3. de vita philosophorum Platonis opiniones referens ita loquitur: *Ex elementis mundum ipsum, & quæ in ea sunt nasci, solam terram esse immutabilem, causam esse putans figurarum ipsius ex quibus constet differentiam, aliorum quippe figuras eiusdem generis dicere, compositas nimirum omnes ex vno oblongotriangulo, terræ vero propriam esse figuram.* Ignis enim elementum esse pyramidem, aeris quod octaedrum vocat, aquæ eicosaedrum, terræ autem cubum, quocirca neq; terram in ista mutari, neq; in terram conuerti, & corpora hæc quatuor cum sphaera, sunt corpora quinque regularia Platonis de quibus Euclides, & doctissimus Clavius libro vndecimo, Celsus alijq;


Vl. Sphaeram, & pyramidem figuram ignis in se habere. Quid

obscurius? An ignis est in potentia ad sphaeram, & pyramidem in figuracione? at cur non etiam ad cubum? magis enim distat sphaera, & tetraedrum quam sphaera & cubus, quod pauciores angulos habeat tetraedrum, unde, & ex scientia figurarum isoperimetrarum magis recedit a sphaerae natura: Si autem ab extremo ad extremum in figuracione transit ignis, quare non etiam per figuras intermedias? an ignis est sphaera, & pyramis simul? at implicat unum, & idem corpus diuersis terminari sibi; contrariis superficiebus, & simul sphaeram simulque pyramidem esse. Restat ut dicamus Platonem intellexisse quod dum ignis sui ex iuris, & liberè pergit ad sphaeram tunc sphaericis atomis facit cuneiformem diuidendo aeri figuram, si autem dissolutionem, aut generationem moliatur tunc atomorum ignearum, figura ad faciliorem penetrationem fit tetraedica: atque ex hac configuratione oritur ingens ignis vis, quia cuneus ex Guido Vbaldo reducitur ad duos vectes secundi generis quæst. 17. mechanicarum Aristotel. vide Blancanum ibidem: in locis Aristotelis mathematicis eleganti libro explicatis.

VII. *Octangulam verò aeris: angulatam vigesies sphaeram aquæ dicatam esse*, hoc est, aer octaedricæ est figuræ, aqua ei cosaedricæ; vocat autem sphaeram angulatam vices quod viginti triangulis constet hoc corpus, & parum distet a forma sphaerica ob multiplices angulos.

VIII. *Equipedium verò trigonum efficere ex se se quadratum; quadratum verò cubum quæ terra sit propria, figura.* Id est, isosceles triangulum quod habeat pedes, siue latera utrimque recto angulo insistentia, si per se ipsum multiplicetur, efficiet quadratum, nam triangulum A B D. est isosceles, & illud multiplicatum per se ipsum facit quadratum A B D C. quod est duplum trianguli A B D. quadratum autem multiplicatum per suum isosceles facit cubum qui tertiae figura

A



B. Figura est, quod idem numeris exprimitur, cum enim secunda mensura quam Deo adscribit sit angulus rectus ex num. 4. huius pariter & numerus inter pares primus, nam 2. per 2. faciunt 4. at 2. per 4. reddūt 8. primumq; numerum radicem, secundum numerum planum, tertium cubum vocant

C

D


2. 4. 8. Cubus itaq; conficitur ex duodecim Iloscehbus, & sex quadratis qui numeri sunt proportionales inter radicem, planum, & cubum ut patet 2. 4. 6. 8. 12. Octaedrum constat sexdecim scalenis quorum singula per se reuoluta faciunt octo triangula æquilatera. Eicosaedrum ex quadraginta scalenis quæ complicata faciunt viginti triangula æquilatera, harum autem figurarum nulla est radix, ideòq; imparium numerorum primo instruxit Deum Plato.

IX. Quapropter mobilem pyramidis formam igni dedit, quod eius celeritas agitationi videatur esse consimilis. Secunda velocitatis octangula sphaera est, hanc aeri detulit, qui leuitate, & perniciositate post ignem secundus est, & Vicinalis sphaera est loco tertio huius forma fluida, & volubilis, & aqua similior est visa. Restat reserarum figura quæ cum sit immobilis terra substantiam non absurde sortita est. Et alia iniuriæ reperiri forsitan posse quæ aut Deo nota sunt, vel ei qui Dijs sit amicus. In hoc contextu conatur infeliciter Apuleius reddere doctrinæ Platonice rationem, primò enim errat cum dicit mobilissimam figurarum omnium esse pyramidem, difficilius enim mouetur quam sphaera, imo quam octaedrum, nam in octaedro eiusdem areæ cum pyramide, linea directionis minus distat ab angulo, quàm in tetraedro:

dro : leuissima verò ratio est ignis formam esse pyramidalem quòd. flamma in acumen desinat , primò quia vt sic est. potius conoidea siue in metèformam, nisi ab alimento determinetur, secundò quia est ignis impurus fumo exhalationibusq; immerfus, ergo ab illa agitatione cuspidis malè colligit Plato ignem esse pyramidalem. Sin autem velocitatis mōtus in elementis habenda esset ratio, cum omnibus par sit videretur eadem tribuenda figura, nam æquè velociter terra fertur deorsum ac ignis sursum, ratione verò densitatis fluiditatisq; tribuenda esset è quinq; corporibus Platonice sphaerica figura igni, cubica terræ, eicosaedrica aeri, octaedrica aquæ.

At enim ad refutandum Platonis literalem sensum, cum elementa debeant replere locum quannam amabo ratione id facient si terra sit cubica aqua ei cosaedrica, aer octaedrus, ignis autem sphaericus vel pyramidalis? nam meri quidè cubi locum replent, tetraedri autem id nequeunt vel cubis iuncti aut per se, octaedri vel eicosaedri multò minus, de sphaera manifestissimū est; Quæ clarissimè demonstrari possunt quia ad id vt locus repleatur figuræ debent ità inter se coalescere vt angulos faciant quatuor rectis æquales, si enim deficient se tangent quidem, sed relinquent in medio hiatus, si autem superent nunquam angulum explebunt cuius : propositionis demonstrationem videre potes apud Euclidem Clauij. l. 4. elem. Quo spectans Aristoteles argumentatus contra Platonē tertio cæli t. 66. ità pronuntiat. *Omnino autem eniti simplicibus corporibus figuras tribuere irrationabilia est, primò quidem quia accidit non repleri totum; nam in planis tres figuræ videntur implere locum, triangulus, quadratum, & sex angulus, in solidis verò duas solum pyramis, & cubus.* Quò in loco nota Aristotelis crassissimum lapsum dū ait pyramides, siue tetraedra (de illis enim ex assumptis à Platone loquitur) replere locum; ex figuris. a solidis

solidis regularibus soli cubi replent locum solidum per se sumpti, octaedra vero compacta tetraedris idem præstant, ut demonstrat Mauiolycus libro de figuris planis solidisq; locum replentibus. De cubis quidem non est difficultas cum enim octo suis angulis cubi quatuor concurrant qui ex utraque superficie æquales sunt quatuor rectis, sequitur quod replent locū



solidum. At vero tetraedra per se locum non replent, quia vel conflarent unum ex corporibus regularibus vel aliud quodpiam; non aliud, neque enim datur ex scholio 13. element. neque ullum ex illis quia diameter huiusmodi corporis esset dupla lateris eiusdem, cum enim pyramides ad centrum sphaeræ concurrant sequitur quod ex duobus lateribus diameter constat, ergo diameter illius corporis, & sphaeræ inscriptæ esset in dupla proportionem quæ proportio in corporibus regularibus non reperitur ex 13. elem. Eucl. ergo tetraedra vacuum non implent. At octaedra compacta tetraedris locum replent faciuntq; corpus irregulare. Erravit itaq; Aristoteles in hoc textu: quod erat demonstrandum.

Platonem vero existimant nonnulli primò locum de singulorum elementorum massa, ita terræ molē cubicam, aliasq; mundi regiones suis figuris insignitas; Alij mysticè commentatum aiunt, plures Pythagoræ arithmeticam voluisse coniungere geometriæ ægyptiacæ, alij alia pro studio, & eruditione comminiscuntur. Tu vide Clauij sphaeram cap. 1. Marcellium Ficinum, Eugubinum de perenni philosophia &c. Concludo autem Platonem existimasse elementa constare ex atomis ut patet ex consequentia quæm hæc Aristoteles l. 3. de

czło t. 65. vbi sic ait. *Necesse est autem eos qui figuram faciunt vniuscuiusq; elementorū, et hac determinant substantias ipsorū facere ipsa indiuisibilia, sphaera n. diuisa sphaera non est &c.* Attamen cōmodissimè ex Democrito singulis elemētōrū atomis figuras dabimus neq; vllū sequi videbis aut in loci repletionē aut in mixtione inconueniens. Tu verò hanc abstrusioris philosophiē digressionem Platoni, & Apuleio condonabis: Cum n. arduissimam aggressuri simus de elementorum figuris primigenijs disquisitionē visus mihi est Plato qui audiretur dignus, licet ipsi nulla tenus subscribam nisi quantum ille Democrito.

PROPOSITIO XXVII.

Atomis igneis figuram assignare ex Democrito.

SCio Epicurum in epistola ad Herodotum, & Pythoclem apud Laertium existimare *atomos nullam qualitatem sensibilem admittere præter figuram, grauitatem, magnitudinem, qualitas enim omnis mutatur atomi verò nihil mutantur.* Democritus autē aliter censuit, & quamuis nullam qualitatem quæ sensu percipi posset in atomo concederet primas tamen, quas intueretur mēs, admisit, easq; immutabiles posuit, vt supra diximus, dissoluitur autem mixtum turbata œconomia, & atomis ad nouamolienda conuolutis ab extrinseco agente, cuius vis alliciendis ijs potētior sit quam formæ potentia coercendis: excutuntq; iugum plerumq; primæ omnium igneæ atomi, quæ suæ primigeniæ figuræ restituantur atq; ita per aërem, (quem inane, & vacuum appellabat Democritus vt supra diximus confirmaturq; ex Galeno aduers. empir. l. 36.) vagantur nouæ generationis appetentes.

Determinauit autem atomis igneis figuram sphericam Democritus vt ostendimus in synopsi huius libri pag. 24. numero 9. & pag. 26. num. 8. quæ doctrina probatur.

Primò

Primò. Amobilitate figuræ sphaericæ quæ quod tangat in puncto, vt demonstraui Theodosius 1. sphaeric. prop. 3. sequitur quod linea directionis eius motus nullo negotio mutari possit, ignis autem mobilissimus esse debet, & veluti generationum omnium choragus.

Secundò. Cū sphaera angulis omnibus carcat nihil hamatū aut retinentis offender, faciliè permeabit, & quoquo versus ad naturæ penetrabit instituta, diuider, instar cunei, & quod nulli alteri figuræ contingit contactu puncti labefaciens planum statim amplo sinu sibi viam facit, cum nihil habeat anguloso quo possit detineri, quod eius actiuitati necessarium fuit.

Tertiò. Cum ignis nobilissimum sit totius naturæ agens ei conuenit figura omnium nobilissima, quæ sphaerica est, cuius viginti proprietates admirabiles, igniq; affines annotaui.

I. Proprietas. *Figura est simplicissima*, cuius generatio fit à semicirculo circa suam diametrum circumuoluto: circuli autem origo est duplex, prima ex semidiametro circa extremitatem suam immobilem circumducta, alia verò est à sectione paralela basi conj atq; vt sic circulus easdem habet fere proprietates quas ellipsis, vt annotat Leautaudus in suo de sectionibus conicis tractatu quæ geometricis problematibus inferuit. Videtur autem valdè congruum vt hæc figura igni conueniat non tantum tanquam corpori simplici, verum etiam quod globorum progredientium instar volutentur, quasi se illo motu perpetuò circinarent: Isq; volutationis motus in globorum tormentariorum eiaculatione probabitur à me suo loco, & in sole manifestus est quod igne constet, ex Scheinero in rosa Virginea.

II. Fortissima figurarum est sphaerica, cum non sit ratio cur vnum potius cedat quam aliud, ex quo iuuatur ignis actiuitas.

III. Inq-

III. Inæqualiter virtualitates suas omnes seu partes mathematicas situatas habet, nã in spherę superficie nulla est imaginabilis quæ ex æquo alteri adiaceat, alioqui cūrua nõ esset.

IV. Sphæra habet hoc proprium vt sub exiguis terminis multum comprehendat areæ, est enim figurarum omniũ sibi isoperimetrarum capacissima, vnde ex illa collectione, & adunatione maiori, atomo nullo modo dispersa per locum expansum, augetur eius actiuitas.

V. partes omnes sphæræ sunt similiter positæ, & superfici ei puncta omnia pari inflexione, & ordine coronantur.

VI. Nulla figura regularis potest moueri circa suum centrum quin locum mutet saltem secundum quid exceptã sphærã, quæ moueri potest, & girari loco nulla ratione mutato. Dixi regularis, nam conus, ellipsis solida, cylindrus, parabola, & hyperbola solida sic etiam moueri possunt. Hæc autem mobilitas seu giratio concessa videtur atomis igneis, à natura vt magis vegeti sint caloris, actiuitasq; sua eo motu propageetur.

VII. Nulla figura mouetur facilius sphæricã, siue naturaliter, siue violenter. Naturaliter in motu deorsum per aquã (nam per vacuum aut inane, qui est aer, æqualis omnibus figuris est mobilitas) citius descendunt lapidei globi quam plani aut lati lapides. Violenter autem, in motu volutationis id patet, quia difficilius sistitur impetus adedò vt linea directionis ad centrum mundi sit in axi globi, tria enim sunt puncta per quæ debet transire linea recta imaginaria in qua sola quiescere potest globus: primum est centrum mundi, alterum centrum grauitatis globi, tertium punctum contactus, si alterutrum istorum sit extra lineam quietis nunquam firmabitur, sed eo vsq; mouebitur globus dum huiusmodi tria puncta sint in linea directionis, quàm autem faciliè sit globum impellere

pellere, patet inde quod si sit in plano perfecto illud in puncto tanget ac proinde vno tantum puncto innititur, debiliq; illo fundamento eijcitur facile. Contrariâ ratione se se habent figurę planę. Deinde melius impetum concipit sphaera, dilutiùs retinet, violentiùs vrget, æqualiùs dispensat ex quibus ignea mobilitas augetur. Videbis Theoricam nostram militarem Theor. 4. & 5. lib. primi.

VIII. Vnum tantum habet punctum cœlo vicinius quocunq; in situ ponatur, vnoq; tantum propius accedit ad centrum mundi.

IX. Omnium figurarum solidarum est regula præsertim regularium, quæ tales sunt cum earum latera segmentis vndi. quaq; æqualibus sphaeram detruncant. Præterea omnes figuræ sphaerica inscribuntur, & circumscribuntur, proprietatis igneæ symbolum, ignem enim motibus, & figurationibus præsidere voluit Plato.

X. Circulus vna linea, sphaera vna superficie finitur quod istis figuris est singulare, ellipsi solida exceptâ quæ ideo sphaeroides dici posset, reliquæ enim figuræ vel plures lineas aut plures habent superficies.

XI. Oppositæ partes omnes æqualiter à se distant.

XII. Longitudo latitudo, & profunditas sphaeræ sunt æquales, nempe tres diametri.

XIII. Initio, & fine caret sphaera vt etiam circulus.

XIV. Sphaerę superficies est incommensurabilis cum superficie plana.

XV. Sphaera est commensurabilis potentiâ non antem longitudine cum alijs sphaeris maioribus vel minoribus.

XVI. Sphaera circa suum centrum volutata simul & semel sursum deorsum, & in transuersum mouetur, quod egregiè, & ingeniosè demonstrat Aristoteles in mechanicis agens de motu circulari in principio.

XVII.

XVII. Sphæra non habet ullam secum proportionem; tantum abest ut sit ei aliqua cum alijs figuris ratio, nam superfici ei ad suam diametrum hæcenus non potuit reperiri ulla proportio geometrica.

XVIII. Sphæra est prima, & vltima figurarum solidarum, omnes enim ab illa oriuntur, & omnes in eam desinunt: planarum prima est circulus, planarum vltima circulus, ortus enim trianguli æquianguli est à circulo æqualium intersectione mutuâ per centrum ex Euclid. I. 1. pro. 1. omnes pariter figuræ planæ desinunt in circulum, & cum eo componuntur ut patet ex lib. 4. element. Euclidis figuræ autem solidæ ad sphæram reducuntur, & quo pluribus angulis sunt præditæ eo magis ad illam accedunt quamvis sphæra sit figura solida omnis anguli expers, quæ autem pauciores habent angulos magis distant à sphære perfectione: & quamvis figurarum, numerus sit infinitus in hoc tamen infinito datur primum, & vltimum, cum prima figurarum planarum sit circulus idemque sit vltima: solidarum verò prima, & vltima sphæra est.

XIX. Perfectissima est figurarum eademque facillimæ constructionis, quo fit ut Deum rotundæ figuræ somniauerit Anaximenes, & pretiosa facilia esse inuentu, & praxi Diogenes Cymicus pronuntiauerit. Natura verò cui perfectio, & facilitas acceptissima sunt, pleraque sua rotundæ figuræ facit, fructuum plerique sunt spherici aut ad illam figuram accedunt, circulares certè sunt trunci arborum, radices, rami aliaque facta videntur ad tornum, quia scilicet facilius illis terminis plura continentur, & speciosiori apparatu mundum exornant.

XX. Quidquid tangit, excepta concauitate eiusdem cum sua conuexitate rationis, tangit tantum in puncto ut demonstrauit Theodosius, & ratio est quia curua nulla linea potest adæquari rectæ, adæquaretur autem si tangeret in pluribus punctis quam in uno.

Hanc

Hanc sanè originalem esse atomorum ignearum figuram non difficile persuadeor, ob potissimas sphaerae proprietates quae igni conueniunt, nihilominus tamen illam figuram in quamlibet aliam commutari posse duobus indicijs adducor, ut ita censeam.

Primò quia cum ignis sit liquidus ex Democrito, & Virgilio Ecloga Sileni *Et liquidi simul ignis*, sequitur eum facile coerceri alienis terminis difficile suis, ergo facile mutat figuram.

Secundò quia mutatio illa figurae necessaria est ad unionem cum alijs atomis faciendam, neque enim in puncto mathematicè indiuisibili potest unio, modus nempe physicus, consistere, ergo illam relinquit ut commodiorem habeat: addendum quod formarum inclinationi, & materiae organizationi debent subseruire: Vnde, & Democritus infinitas esse atomorum figuras censuit, hoc est indeterminatas quoad aptitudinem eademque atomus quae in pluma erit cylindrica, in carne erit parallelepipeda, in osse pyramidalis. Ceterum atomi in libertatem asserunt, & ab unione segregatae ad natiuam figuram se se continuò reducunt quae igneis est sphaerica. Ignearum ergo figuram, & qualitatem atomorum determinauimus ex Democrito, quod etiam nobis faciendum.

PROPOSITIO XXVIII.

Atomorum terrearum figuram ex Democrito determinare.

EA est ignem inter, & terram differentia, ut ille diuisus in particulas pluribus locis sit immixtus, suamque agilitate abusus per omnia loca vagetur, neque vltum in vniuerso locum occupet determinatum, cum ea, quae de ignis sphaera somniant veteres, ne minimam quidem veritatis umbram contra recentiorum astrologorum animaduersiones obtineant. Terra verò suis conglobata nitibus atque in vnum globum compacta centrum mundi obsidet, quo etiam singulae, tum aquae, tum

terræ particulæ perpendiculari via feruntur, quare de atomis igneis aliter quam de terreis nobis philosophandum fuit.

Primò itaq; cum sibi inuicem terrę particulę cohæreant debet ipsis conuenire ea figura quâ locum repleant, alioqui inter atomos, & atomos vacuum daretur, vt si sphericę essent, hiatus inter puncta contactuum inanes remanerent sed quæ locum repleant figuræ simul iunctæ sunt tantum tres, triangulum, quadratum, & hexagonum, ex quibus fiunt figuræ solidę pyramis, cubus, & hexagonum solidum duobus hexagonis oppositis, & sex circumquaq; parallelogrammis terminatum. Verùm vt melius figuram terrearum atomorum inuestigemus.

Obseruo primò ex Corollario 15. 1. Eucl. duas rectas se mutuo interfecantes efficere ad punctum sectionis 4. angulos 4. rectis æquales, imo quotcunq; fuerint anguli circa vnum punctum, rectos quatuor non excedent simul sumpti, vt. circa punctum A sunt quatuor anguli B A E, C A D, D A E, E A B, quatuor rectis æquales.

Obseruo secundò ex eodem Euclid. 1. in schol. p. 32. omnes angulos figurę B A C rectilineæ cuiusuis æquales esse bis tot rectis angulis quota ipsa est inter figuras rectilineas, prima autem figura est triangulus cuius omnes anguli simul sumpti sunt æquales bis vni recto angulo, id est duobus rectis, anguli figurę 2. seu quadrati sunt æquales bis duobus rectis id est quatuor. Anguli tertię figurę seu pentagoni sunt æquales ter duobus rectis id est sex rectis, & sic de alijs: horum autem omitto demonstrationes cum geometriæ tyrocinio sint propriæ, & cuius apud Euclidis interpretes obuiæ his præsuppositis.

Demon-

Demonstro quod superius tanquam pro minore mei argumenti posui, sed ex omnibus figuris quæ simul iunctæ locum repleant sunt tantum tres triangulum, quadratum, hexagonum ita ut inter ipsas deinceps positas nihil intercedat vacui. Cum enim sex triangulorum anguli, & quatuor quadratorum, & tres hexagonorum sint æquales quatuor rectis, quod spatium unicuique puncto circumfunditur, sequitur his figuris locum repleri posse, alios vero nequaquam: pentagoni enim v.g. anguli tres sunt æquales rectis 3. $\frac{2}{3}$ tantum ergo deficiunt à loco replendo; quatuor vero anguli æquales sunt rectis angulis 4. $\frac{2}{3}$ ergo excedunt, idem de alijs figuris dictum esto.

Egi tantum de figuris regularibus, neque enim dubium est quin terrearum atomorum figura sit simplex, & regularis, videtur enim hoc corporis simplicis conditionem sequi: neque ulla est ratio cur aliter, & aliter se habeant anguli ad suum centrum mathematicum: quare eam ob causam rejicio figuram hexagonorum solidam quæ fit 6. parallelo grammis, & 2. hexagonis quamque alvearibus suis apiculæ adstruunt, rejicio pariter cuboides ex rhombis sex, & parallelepipedum. Super sunt ergo duæ tantum figure de quibus potest institui controuersia.

Prima est pyramis vel tetraedrum pro qua militant rationes duæ, primò quod sit in ordine figurarum solidarum prima; secunda quod simplicior sit. Sed duabus deficit conditionibus necessarijs videlicet, ut possit locum replere, quod nequaquam potest, ut supra demonstravi, & vnā lineam physicā facere. Radix enim corporis physici est superficies radix superficiē, linea, & radix lineæ physice; est atomus, addebat lineæ fundamento Pythagoras ex Alexandro in successione philosophorum principium quidem omnium esse unitatem, porro ex unitate inde finitam dualitatem, veluti materiam auctori unitate subis-

cisse. Ex monade vero ac indeterminata dualitate numeros gigni, ex numeris puncta ex punctis lineas ex quibus plane figura consistunt. vide plura apud Laertium lib. 8. At non potest componi linea physica ex tetraedris; quia ex quatuor faciebus tetraedri vna tantum aliud deinceps tetraedrum excipiet, ac proinde prominentię sinuq; inęuales in illa erunt lineę, & tantum abest vt equam oculi dimensionem per radium patiatur vt etiam veluti serratim serpet, quod lineę perfectioni ne utiquam conducit. Ergo atomi terreę sunt figurę cubicę, quod hoc argumento probaui.

Atomi terreę simul iuncti debent eius esse figurę quę lineam faciat, & locum repleat; sed sunt tantum due regulares quę locum replent ex quibus reieciunt hexagonum solidum; restat ergo solus cubus, qui sine ulla imperfectione lineam potest physicam facere, plures enim cubi simul iuncti lineam physicam facient quę erit parallelepipedum mathematicum. Quę quidem lineas suas atomos ex equo interiacet, vnde, & vera radix lineę physicę erit cubus, & ex huiusmodi lineis perfecta superficies fiet, quę ex equo suas lineas dispositas habebit, vnde & pari ratione corpus solidum perfectum compingetur.

Confirmatur hæc ratio quia sicut prima radix numerorum est 2: ex quā conficitur primus cubus (vnitas enim seipsam nō multiplicat) quī quidem primus cubus 8. est vnitatum, & octonarius solidorum numerorum est primus, ita etiam radix corporum atomus terreā ex quadratis erit cubica, in ordine figurarum secunda, octo angulis constans.

Confirmatur, secundo quia cubi proprietates, terrę conueniunt, illę autem sunt octo præcipuę.

Prima, inter omnes figuras solidus cubus omnium difficillime mouetur: immobilitatis terreę argumentum; ratio est quia centrum grauitatis est facilius in lineā directionis, aut certe in ea parte

ea parte quā corpus innititur. Non arguētor nunc de tota vniuersę telluris immobilitate quam vertigine cęli indeterminatam ad iter versus cælum dixerē nonnulli, alij innatare aquis, nonnulli radicibus infinitis suffultam esse, Barbariq; philosophi Peguani quatuor innixam columnis quas elephanti quatuor sustinerent: sed tantum similitudine quadam, & analogicē probo difficilius totum illud moueri cuius singule partes difficilē mouentur, certē cubi non itā faciliē volutantur, quia vt dixi amplior est lineę directionis basis quę vtrobiq; ad superiores partes collibratur, quod alijs figuris non contingit.

I I. Sequitur ex hac prima, quacunq; enim sui facie planum tanget habebit lineā directionis in ea parte quā planum erit, hinc facillimē quiescit.

I I I. Eius tres dimensiones sunt sibi mutuo perpendicularē res, & singulę magnitudinis eiusdem, cubus enim ex Euclid. est figura solida quę sex quadratis equalibus continetur, in quadrato autem lineę, & anguli equales sunt ex def. 30. 1. & demonstrat. lib. 11. p. 24.

I V. Eius diameter est incomparabilis cum lateribus, vt demonstrat Euclides lib. 10. prop. 116. *Propositum nobis esto demonstrare in figuris quadratis diametrum esse longitudine incomensurabilem ipsi lateri*, colligiturq; ex prop. 9. 10. & ex lib. 1. prop. 47.

V. Cum habeat superficies omnino patentes, & apertas magis est aptus vnioni, nullo epim flexu, nullāte irregularitate illam refugit, & secūndum totam suam latitudinē admittit.

V I. locum cum alijs cubis perfectissimē replet vt supra demonstrauimus.

V I I. Omnes partes cęli sex suis faciebus respicit, duabus quidem oppositis polos duos, alijs verō 4. circumpositis quatuor cardines cęli: ex quibus nonnulla de magnetica telluris virtute possent colligi.

VIII. Vltima cœlorum regio scilicet empyreum cubicę est figurę, nam est *Cinitas in quadro posita*, & infima vniuersi atomus terrea scilicet cubica est, sic primis vltima conueniunt, & ita videtur cubus prima regula normalis, primumq; operis mundani rudimentum, vltimumq; complementum.

Quod autem iuxta Democritum hæc ita se se habeant satis superq; patet ex ijs quę supra de igneis atomis adduximus, tū etiam in synopli ex authoritatibus Aristotelis initio diductis. Confirmaturq; testimonio insignis, & sua ætate facilię principis philosophi Epicuri, cuius conditum voluptate nomen porcinam videtur in moralia sectam induxisse, cum tamen ipse ex prisca authoritatibus anachoretarum seueriora instituta sit secutus, ille inquam eximius naturę lynx Epicurus non solum de atomis scripserat commentaria quę glorię ingluuies Stagiritæ polteris inuidit verū etiam *de angulo atomi* librum fecerat singularem, ergo certum est Democriti fuisse placitū atomos quasdam angulis insignire, ceteroqui frustra istud lemma suo operi Epicurus præfixisset: Quid autem potissimum in eo libro disputarit certò scire non possumus, sed cum libri titulus sit veluti propylæum quod totius architecturę specimen dat, sitq; tanquam gratum quoddam operis vniuersi compendium; duo in hoc libro ab Epicuro disputata fuisse suspicor; primò quidem quomodo darentur anguli indiuisibiles, & contra huiusmodi opinionem egit Aristoteles libro de lineis infecabilibus; secundò quam ratione angulosa conuenirent cum nō angulosis, id est, cum sphericis, quapropter geometricis ratiocinationibus in hac opinione atomorum magnus est locus, & si Platoni placuit hunc scholę suę titulum apponere, nullus ingrediatur sine geometria, sanè Democriticę philosophię apprime necessaria est illa inscriptio.

Sed ex occasione istius Epicurei quæsitū scire vis an figuram

mutet terrę atomus, an scilicet circuli quadratura, mutatio spherę in cubum, & cubi in spheram quam tot hæcenus frustra inuestigarunt naturaliter ad praxim reducatur? Respondeo mihi probabilius esse non mutari: ratio est quia potissima ratio cur alias atomos figuram mutare concedam, est quod alienis terminis facilius quam suis coerceantur, at terra contrario modo se habet, cum alienos terminos respuat neq; quidquam fortius sit aut durum magis quod eius angulos possit retundere: deinde ad corporum firmitatem conducere videtur, ut sint aliqua immutabilia. alia verò mutationis capacia, sic in artefactis v.g. in pariete lapides suam formã tenent, calx cedit.

PROPOSITIO XXIX.

Atomorum aquearum figuram determinare.

Archimedes initio libri de his quę vehuntur in aqua acutissimè demonstrat omnem humorem liquoremue sphericum esse, ratione habitã centri grauium, probaturq; ab Aristotele 2. celi t. 3 1. cuius dilucidam argumentationem appositã figurã conuenienti quęq; desiderabatur, illustrat Blancanus In locis mathem. Arist. explicatis distinct. 107. At verò quamuis satis apertum sit aquę superficiem esse sphericam, de illius tamen elementi particulis indiuisibilibus res manet indecisa: ut itaq; illis suam demus figuram pauca de humidi liquidiq; natura dicenda sunt.

Obseruo primò liquidum humidumq; plurimùm differre, metalla enim sicca sunt, & liquida fiunt, Mercurius liquidus est de eius autem humiditate nõ satis constat. Humida quędam igne durantur ut mel quod itidem frigore concrescit in grumos, eodem extremo parem pene reddente consistentiã, Igne Vesupiano inuenta sunt anno 1632. mella planè saxea, de melle petram fundente Vesuio ut ait elegantissimus

Recupitus in suo Nuntio; frigore violentiori indurantur aliquando in saxeam firmitatem in Norruegia. Multa actu humida sunt quæ liquida non sentiuntur vt grando, nix, pruina; Quædam absq; humiditate fluida, & liquida vt ignis, cælum, aer, exhalationes, metalla fusa &c.

Obseruo secundò aquam de cuius humiditate, & liquiditate hic sermo est tres habere status, alterum quo in glaciem concrescit, alterum quo in vapores soluitur, tertium quo sua naturâ consistentiâ gaudet vt in fontibus fluuijsq;. Glaciata aqua leuior est fluida, imo licet tanta sit differentia in pondere aquæ dulcis, & salis, salsa tamen glaciata innatat dulci ob rariorem partium situm, & aerem poris frequentibus constrictum: vnde non satis possum mirari philosophorum turmas nullâ habitâ experientiarum ratione has sententias pro oraculis colere. *I. frigus condensat, & grauius reddit. II. Corpus concretum minus occupat loci quam fluidum* quæ licet in aliquibus vera sint in plurimis tamen inductio deficit, status autem aquæ in vapores dissolutæ explicabitur disp. 3. c. 2.

Cum verò suo in situ connaturali manet aqua habet eam proprietatē ab humiditate insita vt faciliè adhæreat, à fluiditate autem vt alienis terminis faciliè, difficilè suis coerceatur. Quare cum ea sit liquidi corporis conditio vt in sui diffusione nullâ parte eminere debeat cum sit primum postulatum Prolog. I. de ponderibus corporum, *Nullum corpus in seipso graue esse vt aquæ in aquam, oleum in oleum, aerem in aerem, nullusq; esse quantitatis*, quare vniuersa aqua se se ita collibrat vt sphericam superficiem habeat quo melius vndiquaq; paribus momentis accedat ad mundi centrum, vnde ad decliuora fit defluxus dum tandem omnia æquali altitudine consistent, hinc istud hydraulicorum axioma: *Non altius ascendit in cursu naturali fons quam sit sua origo.* Et si sursum eat hac vtuntur regula,

gula; Par est resistentia aquæ ad motum sursum atq; inclinatio ad motum deorsum: quod si se ita non haberet, motum per syphones perpetuum inuenissemus. Atq; hæc ratione fluidi, aquæ conueniunt: humiditatis verò beneficio partes partibus nullo negotio vniuntur idq; in triplici humorum genere, viscoso, pingui, & rorido. Viscosum hamatis, & veluti concatenatis constat particulis ita vt dilaceratione opus sit vixq; certà auferas mensurà ob adhæsiōem. Pingue in oleis butyro, adipe depræhenditur. Purum in aquis, & antiquorum balsamo, quod nullo maculæ periculo vestes fragrantia suâ aspergebat: at sicuti omne humidum facili est vnibile ita solum purum, & roridum facili diuisibile est.

Atq; ideo quod aqua superficie sphericâ semper circumambiat terram, quod scilicet reperiat in fundo terminos, & ad latera, apertum verò aerem in suprema sui parte, quæ imbecilliori corpori non cedit, debet necessariò aliquibus terminis diffiniri. Sphæricam autem induit superficiem quia natura quàm breuissimis vtitur vijs, & nihil facit frustra, breuissimi autem termini habitâ ratione gravitatis corporis, & centri grauium est sphærica, quæ à centro mundi per puncta terminantia aquæ limbos duceretur, ad eam ergo se se reducit. Unde instituta sunt iucunda quedam problemata quibus probatur cyatho plus aquæ contineri in valle, quam in montis iugo, quod facili negotio demonstratur ex coroll. prop. 33. l. 6. Euclid. Cum enim aqua, vt diximus se se colligat in sphæram cuius centrum est centrum grauium siue mundi, sit circulus AC pro aqua in valle, circulus DB pro aqua in monte, quoniam ergo ex scholio 33. l. 6. Eucl. æquales rectæ lineæ ex circulis inæqualibus auferunt arcus inæquales, maiusq; est segmentum minoris circuli quam, vt sit simile segmento circuli maioris, erit ergo cyathi in valle, siue in circulo CA sphærica

rica aquę superficies in segmento maiori quā in circulo montis DB. quod erat demonstrandum, his itā prelibatis. Dico primigeniam atomorum aquearum figuram esse sphericam, ceteroqui fluxa illa est, & versatilis incertisq; terminis finita vel in mixto aut in ipsius aquę congregatione.



Probat. primò quod sit spherica. Si daretur atomus aquea in inani ab omnibus alijs separata, illa se se in spheram colligeret, ergo spherica figura illis atomis est primigenia, probatur antecedentis sequela à priori, frustra sit per plura quod potest fieri per pauciora, sed hæc atomus debet suis terminis contineri ergo paucissimos, & angustissimos admittere, at spherę fines sunt huiusmodi, nam ex scientia figurarum isoperimetrarū ea figura maioris est areę quę plura habet latera quęq; est regularis, sed spherica est in potentia lateribus infinitis, est quę regularissima, ergo omnium tibi isoperimetrarum capacissima est.

Probat. secundò. Illa figura est fluxa, & versatilis quæ alienis terminis est obsequens, at aquę atomi ob humiditatē, & fluiditatem sunt huiusmodi, ergo sunt figurę inconstantis, & mutabilis; si autem considerentur absq; alienorum terminorum adminiculo sphericę sunt, in mixto verò eam habent figuram quam situs, violentia vicina, exigentia formę, cęliq; influxus imprimit.

Confirmatur hæc ratiocinatio principio 10. Eadem est ratio totius homogenei, & omniū eius parrium, quare cum certum sit totam aquarum conglomerationem sphericam esse, & aquę guttas, quę quod non satis sint in copia ut disfluant, spherarum figuras induere, & Mercurium seu argentum vivum si diuidatur, in globulos perfectissimos colligi, atomis
certè

certe aqueis idem omnino conuenire par est. Neq; de terreis eadem est ratio, terra enim primò non est perfectè, & exactè spherica, quiescens autem aqua, loquendo geometricè globosa est; præterea liquiditate omni terra caret quapropter de atomis terreis longè diuersa pronuntiauius.

Præterquam quod hæc dicendi ratio satisfacit exigentiæ particulari atomorum, exigentiæ totius elementi quod vnione sua delectatur, exigentiæ mixtorum in quibus atomi aqueæ formis faciliè obsequuntur, exigentiæ fluiditatis, & humiditatis, repletioni loci, & cuius deniq; aquarum officio, quapropter ex atomis aqueis infinita fiunt figurarum genera prout agentibus externis placet. Ex hac philosophia deduci faciliè posset ratio figurarum quas in grandine niuisq; floccis natura exprimit: niuem certè adeò perfectè in stellulas efformatam vidimus anno 1644. Ticini, quod doctissimis viris adstantibus ostendi, vti portentum artis non fortuitum nature opus legitimè admiratione diceretur.

Determinauimus itaq; figuram atomis aqueis iuxta Democriti placita quod nobismetipsis præscriperamus faciendum.

PROPOSITIO XXX.

De atomorum æreæ figuræ iuxta Democritum pronuntiare.

A Tomi æreæ omnium subtilissimæ sunt, versatiles, polyformæ, ipsisq; est incomparabilis promptitudo cogendi se sub alijs alijsq; terminis ferme in instanti, si ita corporibus alijs, natureq; totius continuitati quæ facta tecta foueri debet, sit opus. Hæc verò agilitas summa, duabus de causis concessa est aeri, primò vt quiduis vacui impediat, & locum repleat commodius, secundò vt melius pororum angustias subeat, extrudentiq; se cuius alteri cedat. Habent hoc præterea atomi æreæ vt nunquā vel inter se vel cū alijs vniantur sed sint tantum contigæ vt supra ostendimus.

Vnum

Vnum subiungo quod si aeris atomus vnica in spatio imaginario vel in aquis poneretur, se se continuo in sphericam colligeret; in spatio quidem imaginario quia breuissimis terminis veller comprehendj vt supra de igneis aqueisue demonstrauimus ex scientia figurarum isoperimetrarum, & principio physice quod natura semper breuiorem viam sequatur. In aqua verò pariter sphericę essent, quia quam minimam diuisionem inter aquam, & aquam facerent; & reuera vt hoc obiter annotem non in aqua tantum quod ex bullis, & aere per aquas extruso patet, verum etiā in oleo, melle, sanguine, alijsq; liquoribus idem fit, in quibus spuma constat globulis, aut certę spherarum portionibus, in oleo verò ubi nulla est spuma, aer etiam se in spherā colligit, ut corpus illud crassum penetraret: quod non benę aduertens Cardanus censuit lampadem suam quā in lib. primo de subtilitate proponit idē semper ardere succedereq; oleum oleo, quia quod superest olei rare fit semper, atq; itā plena manet lampas, sed neutiquam itā se res habet, in vitreis enim huiuscemodi lampadibus aduerti post singula ferē minuta subire globulum aeris, & rectā viā summum lampadis fastigium per olei continuitatem petere, ut illic vacuum impediatur: itā ut cum huiuscemodi lampas esset cylindrica succederet per foramen aer, qui collectus in spheram quā breuissimā lineā emergebat in summa cylindri axe, & nunquam à centro huiuscemodi aberrabat.

Sunt itaq; atomi igneę originaliter sphericę illiusq; figure amantes, per accidens autem quamlibet aliam induunt in gratiam formarum substantialium, & naturę commodā.

Atomi terreę sunt originaliter cubicę neq; figuram mutant; quia nihil est illis solidius firmiusue, & reuera si metus nacui sit in terra, diuiditur, uiolenterq; laceratur ut fluxa corpora succedant,

Atomi

Atomi aqueæ cuiusvis figuræ sunt capaces, separatis verò conuenit spherica.

Atomi aeræ sunt originaliter indifferentes ad quamvis figuram per accidens tamen, & aliorum ratione in spheram colliguntur. Atomis itaq; figuras determinauimus quod erit postulatum.

Ex quibus vides rectè censuisse Aristotelem 3. calit. 66. Elementis non posse inesse diuersas figuras singulas singulis, sed vnum tantum modo figurari posse, *reliquis informibus*, ego verò non informia dico sed vertibilis figuræ tria constituo, quæ originarijs tamen terminis sunt spherica, vnā terram immutabili esse figura opinatus.

PROPOSITIO XXXI.

Motus atomorum ad figuram seu atomorum figuratio potest explicari analogicè.

CVM atomi igneæ, aqueæ, & aeræ figuram mutant vt diximus ex mente Democriti, nunc est videndum quænam sit illa virtus intrinseca secundum quam ipsis conuenit ille motus ad figuram.

Figuratio est actus entis in potentia prout in potentia in ordine ad figuram: Quæ in rebus diuisibilibus est triplex, per additionem per deductionem, per transpositionem solam partium, sic si ceræ ceram addas figura mutabitur, si detrahas eandem. Deductione constat ars statuaria, additione plastica: transpositio verò partium mathematicis ad eò usurpata, physicè loquendo fieri potest vel per compressionem, vel per adiunctionem à separatione præsuppositâ consequentem, vel si aliquid ab intrinseco eius est virtutis, vt alium aliumq; situm, possit obtinere figuramq; suam variare; vt species visibiles quæ in puncto confusionis seu decussationis obscure sunt, &

vix vllà figurà certà præditæ, ab illo verò puncto progressæ dilatantur, & figuram suam prototypo correspondentem obri-
nent; Compressio fit dum partes diffunduntur ad latera ob
corpus vicinum cogens, & coarctans, hæ sunt tres transposi-
tionis rationes quas etiã in artefactis deprehendimus, vel cer-
tè ars ipsa naturæ mysterijs abutitur ad illa reflectenda quo lu-
bet, vt dum species per refractiones crystallorum ex inuersis
sunt rectæ, & unius crystal-^{li} beneficio, imagines dissuæ, &
aliud omnino oculo puro representantes, collectæ per refra-
ctionē nouam imaginem pingunt. Oblatæ sunt **CARDINA-**
LI INFANTI tres in vno octangulo Cardinalium effigies,
qui in administrandis rebus excelluerunt, Albornoz, Gran-
uellani, Ximenes. Contuentiq; per polygonam crystallum
ingeniosâ refractione disparentibus illis, vnus apparebat in
tabula **INFANS**, vt quorum absorberet species visibiles,
etiã haberet prudentiam in se cumulatam.

Omnes autem hæ mutationes sine motu locali concipi non
possunt. Ex prima, & secunda ratione figurationum nihil in
rem nostram venire potest, cum atomo nihil vel addi vel de-
mi possit, quapropter eas immutabiles appellabat Epicurus
in sua Epitome naturali ad Herodotum. Tertia verò aliquid
lucis præfert quã præeunte nonnihil verosimile reperiemus.

Atomus quidem est substantia simplicissima absq; compo-
sitione, sine vlla vnione, virtualitates tamen habet intrinse-
cas, & extrinsecas, secundū quas eadem omnino mole, & quan-
titate permanente potest occupare modo maiorem, modo mi-
norem locum extrinsecum, minorem cum erit sub spherica fi-
gura aut alijs regularibus polygonis, maiorem cum sub irre-
gularibus delitescet: quod non facit vt totum elementum cres-
cat in extensione minuaturue, sed toto elemento immoto ma-
nente commotis solummodo quibusdam atomis, atomus **A**
maiori-

maioribus modò, modò breuioribus terminis comprehendetur. Neq; verò inflata illa puncta, Neotericorum ad rarefactionis soluendas difficultates figmentum admitto, sed tota hæc mea doctrina in isoperimetrarum figurarum propositionibus innititur, maiorem enim locum cera occupat extensa in parallelepipedum, quàm collecta in sphaeram, nihilominus tamen inflata non est, maioribus similiter terminis gaudebit atomus A. cum erit in conum exporrecta, quàm in cylindrum, cuius basis eadem esset atq; coni. Et sicuti figura pondus non auget, ita neq; quantitatem vel molem, sed terminos tantum mathematicos: eadem est manus in volam expansa, & contracta in pugnum, sic eadem atomus tetraedrica, & cubica erit, neq; mole cum terminis augetur, hæc inquam geometriæ initiatis manifestissima sunt ex tractatu figurarum isoperimetrarum, quem à Clauio in geometria practica poteris repetere. In cera quidem rectè id concipimus quia mutatio figuræ fit per aliã partium situationem, & vnionem, at verò in atomo nullæ sunt huiuscemodi diuisiones, & situationes, cum partibus careat secundũ quas sitũ mutare posset.

Nihilominus tamen cum non possimus in rebus abditis meliorem inuestigandi modum habere, quàm analogismum, inuenio quatuor entia, quæ nobis similitudine quãdam in his obscuritatibus aliquid lucis afferunt, figuratio cere supra allata, figuratio specierum visibilium, & earum imaginum quæ in obscuris cubiculis per exiguum foramen in cartam allapsæ conspiciuntur, figuratio Angeli, & motus animæ in corpore humano se se extendentis, & colligentis ad corporis incrementum vel decrementum.

Angelus potest se se porrigere in cylindrum, & colligere se in globum, isq; est entitas simplex purè spiritualis, indiuisibilis, itaq; figuræ mutatio non continuò infert diuisibilitatem, si enim

si enim Angelus se ponat in cylindro, deinde eiusdem areæ globum occupet, quamvis diuersa sit utrobique peripheria, certum est neque auctum neque diminutum, ac proinde nullam virtualemente reproductionem inibi somniamdam.

Animus præterea humanus corpori diuisibili, cum sit indiuisibilis aptatur, figuramque ad corporis modum mutat.

Finge tibi animo ceram esse adæquatè indiuisibilem, diuisibilem autem secundum quid, siue stante partium cum toto adhesionem, optimè percipies mutari figuram sine diuisibilitate adæquata & totali, sed cum atomi sint simpliciter, & absolute indiuisibiles, videndum porro est quidnam de illis aptius dici possit, sentio enim rei spiritualis cum materiali comparationem reiiciendam, neque verò idem habent virtutis atomi, ac proinde neque eundem agendi modum, modus enim operandi sequitur essentię rationes, siue ut vulgò aiunt, modus operandi sequitur modum essendi.

Species itaque visibiles quas primus adinuenit Democritus quasque corpora appellabat, non physica quidem, sed mathematica, constant enim suis dimensionibus figuræque sunt solidæ, nobis aliquid singularius dabunt.

Obseruo primò, nonnumquam in flexu, & viâ longioris decursu mutari specierum figuram, nam omnia è longinquo spherica apparent, ut si sol v. g. cubicæ esset figuræ, nihilominus tamen globosus à nobis conspiceretur, cum ad eò distet ut 9482202000000000. minor, quam sit, appareat, quod incredibile foret, nisi astronomica obseruationes geometricis, & arithmeticis ratiocinationibus fulcirentur. Si itaque datur aliqua stella aliter figuræ, quàm sphericæ, verbi gratiæ eicosædri, illa emittit species sui secundum pyramidem, quæ tot facies habet, quot sūt quas complectitur sectio, quæ sit ab oculi positione ductis ad eius circumferentiam rectis, & tamen

in de-

in decurſu anguli quænes ita retunduntur vt perfectæ ſphæræ imago oculis excepiatur. At cum ibi ſit imminutio, aliud affero exemplum, ſit triangularis ſpecies A B per vitra, & cryſtallos refracta, fiat quadrangularis eà ratione vt quadratum ſiue cubus ſit æqualis tetraëdro: mutauit figuram ſine additione vel diminutione aut detractiōe.

Obſeruo ſecundo, ſic eſſe viſibiles ſpecies, vt ſit earum centrum tanquam cardo circa quem verſantur, atq; cum pyramidaliter diffundantur ab obiecto tanquam à baſi, ad oculum, tanquam ad verticem pyramidis, ſequitur iſſis ſuam in eſſe axim, quæ non eſt alia niſi linea imaginaria vel potiùs potentior radius, qui ad oculū perpendiculariter cadit, & circa eius axis punctum decuſſans veruntur, inuertuntur, ſuſdeq; apparent determinatæ à foraminibus, cryſtallis, lentibus concavis, ſpeculis alijsq; quæ vel ſors, vel ars obijcit, mutant itaq; circa illud punctum ſuam primigeniam figuram, videturq; inibi vim præcipuam ſpecièrum eſſe reſpoſita.

Nunc itaq; hoc illuſtri analogiſmo vtamur ad atomorum figurationem inueſtigandam. Poſſunt ad huiuscemodi motum determinari atomi, primo ob aliorum fortiorum vim quâ comprimuntur, vel ad forme exigentiam ſecundum quàm eo, & eo modo ad mixtionem venire debent, vel tandem vt ſe ſuis terminis coerceant, quacunq; autem lege id contingat, à centro ſui mathematico tanquam à machine puncto principali virtuales partes quibus atomi ſunt præditi diffunduntur, vt eſt opus, neq; verò vlla ſequitur diuiſibilitas neq; reproductio, ſed tantum adductio, & retractio virtualium atomi partium, ſic autem figuram atomi mutant vt in omnibus par ſit area, neq; vnquam vel augeatur vel minui poſſit, omnis autem figure centrum datur, vnum nempe punctum quod diametris duabus ſe ſe interſecantibus ſignatur. Atq; hæc de ato-

morum figuratione sint dicta. Si plura de specierum, & lucis figuratione desideres lege Aquillonium in Optica, Kepplerū in paralipomenis &c.

CAPVT QVARTVM.

De mixtione, & dissolutione atomorum:



Vinq; propositionibus caput istud expediam. I. Quam ratione mundus ex atomis coaluisse potuerit. II. Quomodo atomi alterentur. III. Quomodo misceantur. IV. De poris, & mixtionum gradibus. V. Quomodo dissoluatur mixtum. Subdam paradigma philosophandi ex atomorum doctrina.

PROPOSITIO XXXII.

Mundi genesis explicare per atomos iuxta Democritum.

NVlli dubium est quin Democritus in crassis gentilium tenebris errauerit dum fortuito atomorum concursu mundos coaluisse innumeros pronuntiavit, quos interire redireq; ad concretionem aliā formā alijsq; ornatibus non dubitabat. Sed tamen opinio quæ atomos admittit Deum creantem nullo modo respuit, quin imo Mundum Dei opus appellabat Democritus, Cleanthes l. de atomis censuit *Verbū Deū omnia facere, hunc quippe sempiternum per ipsam materiam omnem singula creare. Ponit autem hoc decretum Zeno Citticus in libro de essentia, Cleanthes l. de atomis, & Chrysippus in primò phys. in fine: Arche-demus quoq; in libro de elementis, & Possidonius in secundo naturalis rationis. Hæc ad verbum ex Diogene l. 7. de vita philos. in Zenone Cittico. Mundi autem ex atomorum congregatione in inani siue aere generationem ex Democriti placitis describunt*

eribunt Lucretius l. 2. Hipp. l. de Carnibus, Leucippus apud Laertium. Sic itaq; canit subtilissimus T. Carus.

*Contemplator enim cum solis lumina cunq;
Inscrtim fundunt radios per opaca domorum,
Multa minuta modis multis per inane videbis
Corpora misceri radiorum lumine in ipso,
Et velut aeterno certamine praelia, pugnasq;
Edere turmatim certantia nec dare pausam,
Concilijs, & dissidijs exercita crebris:
Conijcere ut possis ex hoc primordia rerum,
Quale sit in magno iactari semper inani.*

Explicat diuersitatem generationum ex atomis variâ transpositione sicuti iisdem litteris scribimus flumina, fulmina, & comœdia tragœdiaq; eisdem characteribus exprimitur.

*Sic ipsis in rebus item iam materia
Intervalla, via, connexus, pondera, plage,
Concursus, motus, ordo, positura, figura
Cum permutantur mutari res quoq; debent.*

Deinde sub libri finem ubi probare tentat mundorum pluralitatem ita canit.

*Cum præsertim hic sit natura factus, & ipsa
Sponte sua forte offusando semina rerum
Multimodis temerè incassum, iactat atq; frustra
Tandem coierunt ea quæ coniecta repente
Magnarum rerum fierent exordia semper
Terras, maris, & cæli generisq; animantum.*

At licet aliquatenus sententiam Democriti ista illustrent non tamen sinceram referunt, cum Empedoclis placitum exponat Lucretius, qui volebat dari infinita principia non multitudine tantum quod admittebat Democritus, verum etiam specie. Leucippus apud Diogenem Laertium l. 9. commodius scribit.

Multa corpora figuris omnigena in magnum vacuum ferri, eaq; in unum coacta, unam vertiginem efficere, secundum quam offendere ac circumuolui modis omnibus, atque ita discerni ut scorsum similia quae sunt sui similia petant. Caterum aequilibra cum ob multitudinem iam minimè circumferri possint, exilia quidem ad exterius vacuum concurrere sic ordinante natura, caetera subsidere, & innexa atq; in se implicata quicquam concurrere atq; ea concursione prius quādam concretionem efficere rotundam. Hanc autem veluti membranam subsistere, continentem in se omnigena corpora, quae dum secundum mediū reuolutionem circumuoluuntur tenuem per & rudem membranulam fieri iuxta vertiginis tractum, corporibus perpetuis semper confluentibus, atq; ita fieri terram, manentibus quae semel in medio imicta erant ipsa quoque rursus continentem membranam instar augeri iuxta externorum influentium corporum, & cum vertigine fertur quaecumq; attigerit ea acquirere. Ex his quadam complicata concretionem facere, primò quidem humidam ac luteam, exsiccata, & circumacta cum totius vertigine, deinde incensa, & ignita siderum efficere naturam; esseq; solis circulum extimum, lunae proximum terris, caeteris in medio positis. Hæc Leucippus: quæ recidunt in illud antiquorum chaos, quod admiserunt Orpheus, Homerus, Plato, & alij pleriq; tum philosophorum, tum Poetarum. Hippocrates vel autor libri de carnibus num. primo, ait elementa in circumuolutione turbata fecisse generationes. At cum isti ex proprijs locuti fuerint principijs, aut certè re obscurâ breuitate sint complexi operæ pretium est recensere, & per capita distribuere quonam modo existimari Democritus mundum fuisse creatum.

I. In generationibus omnibus externa primùm, tum verò interna componi voluit Democritus, vsus exemplo bombycū, qui virtutis instar formatricis in suo ouo laborant, quod autem ita censuerit probatur testimonio Aristotelis *lib. 2. de generat-*
tione

tionem animal c. 4. *Quamobrem qui ita ut Democritus aiunt, exteriora primū animalis discerni, tū interiora, quæ si lapideum aut ligneū animal condant, non rectè dicunt. Iuxta hanc Democriti methodum philosophandi, primū quod in inanem immensitatem coaluit ex atomis est exterior mūdi pars, inuolucrumq; omniū, nempe cælum extimum, quod in prima sui origine tenerum appellat elegantissimus Virgilius; Et ipse tener mundi concreuerit orbis.*

I. Hanc primā concretionem factā, cui præfideret principium illud sempiternum ab Democrito vocatum indemonstrabile. l. 2. de generat. an. c. 4. cæperunt in aere conclusæ atomi varijs cieri motibus, tū localibus tū etiā ad figuram, cumq; includerentur vastissimo illo carcere, seq; mutuo quærirarent ad generationes, in centro mundi cuitatē circumferentiæ vastitate sibi inuicem consenserunt, & primò quidem nobilissimum coaluit corpus sol scilicet, qui è delitijs elementorum compactus ingenti concretionem maximam ignis portionem cum haberet, in orbis centro tornatus adepta suā cōsistentiā gyrosis anfractibus motuq; volutationis se se perpetuò circinans sursum ad suam sedem, vnde nunc lucet, violentissimā rapiditate delatus, tribus in illa ascensione factis circa terram spiris; horis septuaginta duabus, tantum spatij est emensus, quantum hinc ad solem numerant Astronomi.

III. Hoc principe adminiculo influente, vertigo ipsa cæli solidior, tanquam excoquente calore, facta, ceteri planetæ efformati primū, à cetro mundi ad suas iuere sphaeras, turbinatim spirato meatu Venus, & Mercurius delati solem idè circumambiunt; Post stellas autem fixas, quæ itidem sunt in orbis centro circinatæ, & motu mixto ex perpendiculari, & circulari stelliferum adiere, omnium stellarum vltima compacta est luna, absumpta ætheris purioris parte, quantum superfuit, aquis temperatum in se se recepit, & tardo motu petijt eam par-

tem cæli quæ centro vicinior quam maximè à sole distaret, ne violentiori igne aquosa sua teneritudo dissiparetur, lentèq; tandem, veluti carbonibus ad mensuram datis induruit, ità vt post diem à sua natiuitate decimum quartum ardorẽ ecclipsis innoxie pateretur.

IV. Factis sideribus veluti vniuerso mundi seminario cætera atomorum multitudo crassa Mineruà inuicem permixta est & in centro orbis remansit vt generationibus animalium subseruiret, hinc terræ globus aqua, & terra coaluit. *Natura perinde ac prudens pater familias nihil amittere solet ex quo facere aliquid commodi possit, dispensatur autem in cura rei familiaris vt primò, & optime liberis, deinde socijs, postea seruis prouideatur.* Arist. 2. gen. an. c. 4. Ità, & in ortu rerum contigit, vt facto prius concretionis termino sine quo nihil in immenso fieri posset, distractis perperuò per infinitas regiones corpusculis, nobilissimis corporibus prouideatur, quæq; postea cæteris præsideant, hinc omnium primus sol, postea pro varia dignitate coaluerunt sidera. Solis autem compactio ità fuit vt concretionẽ exteriori primùm ex omnium elementorum figuratis aptè corpusculis, tanquam membranà coalescente remaneret inclusi ætheris ignisue purioris copia maxima, quæ cum omnis non posset concrefcere ob terræ, & aquæ minorem copiam in solis meditullio tanquã in quodam inani remanserunt atomi ignis copiosissimæ, quæ perpetuo agitantur motu, neq; inter se immediate vnibiles sunt, vt supra diximus, hinc soli contingit volutari circa proprium sui globi centrum, & agitatione istà atomorum per cæli liquiditatem deferri, sicuti ignium nitratorum artificioasă compagine contingere videmus. Luna verò quod maiorem aquarum copiam includat quam, vt vniuersa igni posset exiguo temperari concretionẽ illà exteriori compacta mansit aquæ in vacuo Lunæ meditullio quantitas, quæ ibi

viginti

viginti quatuor horarum interuallo circumuoluta supparē in luna facit faciei phasim, itā vt & luna vno die naturali semel circa proprium centrum circumgiretur. Reliquorum siderū ignotior est ob exiguitatem, & distantiam concretio singularisq; motionis character.

Hęc omnia ex mente Democriti qui cum irrequietas censerit in inani atomos, sequitur quod vbi illę reperientur, motum facient, qui licet non sit semper conspicuus, & sensibilis vt ait Lucretius, ratione tamen iureq; sequelę debet admitti. Alcinous c. 13. doct. Plat. dodecaedro ad vniuersi constructionem vsum fuisse Deum ait.

Illustrari potest hęc doctrina eleganti cogitatione Anastasij Sinaitę in 4. Exameron. vbi ait stellas omnes in terra fuisse compactas, itā vt Deus optimus naturę maiestate suam adumbraturus potentiam, in aeris diffusionē informes quasdam elementorum massas congesserit, à quibus tanquam Figulus ab aceruo luti accepit quantum ad cęlos stellasq; cōcinnandas esset opus, atq; itā cælum factum est ex elementorum delicijs, virgineq; natura, cuius flos in palmarium huiuscemodi opus diffusus est. Deinde accepit diuinus idem Figulus quo solem reliquasq; stellarum concinnaret, quas omnes in mundi centro veluti in rota circinavit, & perfecta illa corpora libimetipsis reliquit vt congruum naturę suę, toti; vniuerso vtilem locū peterent, vnde, & velocissimo motu probante opus suum Deo à centro ad circumferentię destinatas plagas venerunt. Expletis hisce officijs corporibusq; in natura principibus efformatis, quod supererat elementorum imperfectę atq; aded sine feueritate immiscuit, sic vt aquarum maxima portio sine terra, terra verò alicubi sine aqua esset, vtrumq; tamen vnico globo complexum in centro orbis veluti in officina libraretur, atque ex magis apparentibus elementis globum vocamus terrā, &

aquâ compactum. Plura elegantissimus Anastasius Sinaita in
4. Exameri; quæ deinde cælestibus imbuuntur sensibus sacro-
rum more, quæ, & mentem eleuant, & omnia ad mores como-
dissimè deriuant.

Quod si aliam rationem placeret comminisci, quid impe-
dit quo minùs ex atomis primigenijs compactæ sint atomi se-
cundæ, seu minima naturalia, quæ amicitia, & inimicitia sti-
mulis sese queritanti in medio aere veluti commissio prælio so-
laria corpuscula solaribus, lunaria lunaribus conuenerunt,
aliaq; deinceps stellæ sunt formatæ & residuæ verò illorum su-
periorum corporum particulæ ijs aliquâ vim adeptis sursumq;
delatis manserunt in informi terrarum globi massa incluse,
hinc superiorum cum inferioribus consensus, & occulta illa ar-
cana motuum qui philosophos hæcenus vexarunt. Verum
quidem est hæc etiam ratione quæ accedit ad Anaxagoræ
OMOMOROIAN de qua Lucretius l. 1. mundum ab Om-
nipotenti Deo potuisse creari, quam autem ratione sit fa-
ctus conijcere potiùs quam nosse concessum est. Aristas De-
mocriti sententias volui deducere quia vt ait Aristotel. 2. cæli
t. 60. *Veneratione quam temeritate digna est promptitudo illa, si
quis propter philosophiæ sitim, etiam in ijs paruas sufficientias amat,
de quibus maximas habemus dubitationes.* De mundi autem fa-
brica exactiùs disputare huius loci non est.

PROPOSITIO XXXIII.

*Modus agendi atomorum est triplex: Primus per intrusionem sui in
poros: Secundus per propagationem qualitatis in spatio libero:
Tertius per inhibitionem qualitatis contrariæ.*

CV M, vt supra diximus, mixtio sit miscibilium alteratorum
vnio, videndum est, quânam ratione miscibilia hoc est
atomi alterentur, quod sine explicatione modique agunt in-
telligi nequit.

Dico

Dico itaq; primò dari actionem in natura à diffusionè spirituum seu corpusculorum per poros subeuntium, quæ propositiō tanti est momenti vt enucleatè probari debeat.

Probatùr itaq; primò authoritatè Hipp. l. de aere, aquis, & locis, in libris epidemiorum. Galeni disertis verbis l. 1. de element. c. 6. l. 1. de sem. c. 16. Auicennæ l. 4. Fen. 6. r. 3. c. 22. ad 57. Senecæ l. 6. q. nat. c. 28. Plinius l. 2. c. 93. ita Vidus Vidius, Fernelius, Cardanus, Sepralius, Sanctorius, Fernelius, Augenius, Leuinus Lemnius, Vallesius, Langius, Fortunius Licetus, Iulius Cæsar Scaliger, Amatus Lusitanus, Mercatus, & alij tùm veteres, tùm recentiores Medici potiores.

Probatùr secundò ratione. Omnia corpora naturalia præsertim viuientia sunt in perpetuo fluxu, alia verò exeduntur, & imminuuntur, sed nihil perit in natura, quia non datur annihilatio, ergo superest vt huiuscemodi corpuscula huc illucq; vagentur, & vicinorum corporum poros subeant. Prima propositio certissima est experientiâ quotidianâ patetq; ex Sanctorijs aphorismis staticæ medicæ, secunda autem propositio dependet ex primo princip. disp. 1. sequitur ergo hinc & inde effluere, dariq; hanc spirituum propagationem, quam Græci vocant APORROIAN.

Probatùr tertio inductione multiplici: primò ex notione manifesta atmosphææ seu vapida circa terram regionis quæ refractionum cælestium causâ est. Secundò ex aquæ vaporibus, & humiditate aeris fluuijs, & paludibus incubant. Tertio infinitis penè venenatorû halieuum historijs quas referunt D. Augustinus l. 3. de Ciuit. Dei c. 31. Diodorus Siculus l. 12. Amatus Lusitanus cent. 3. curat. 83. Mercurialis de venenis c. 13. Vidius p. 2. s. 2. l. 1. c. 11. Iulius Capitolinus in Verò ait in Babylonia apertam veterem arcam equa, tam exitiosa pestis exhalauit vt ad Parthos usq; grassaretur. Guainerius de peste

peste c. 1. Barclaius in Icone animorum c. 9. Philippus Ingrassia, *Informatione del pestifero, & contagioso morbo di Palermo nell' anno 1575. & 1576. parte prima capo secondo*. Pargus l. 10. c. 13. Sabellicus Enneade 5. l. 9. & Enneade 7. l. 7. Cardanus l. 2. de uenenis c. 9. Fallopius de bubone pestilenti c. 2. Andreas Gallus Tridentinus fasciculo 2. de peste. Et illi spiritus cum respiratione subeunt, uel per poros cutis intrant, aut per arteriarum meatus, & uenarum oscula penetrant. Imo ipso oculorum intuitu id effluuij accidit unde (Ouidius,)

Dum spectant lasos oculi saduntur, & ipse

Multaq; corporibus transitione nocens.

Hanc autem minimorum corpusculorum diffusionem probatam uidebis apud Sennertum in Hypo. 3. c. 2. sed cum hæc in mixtis à nemine quod sciam negentur corporum e. luuia, & clarè explicentur ab Aquilonio Optic. l. 5. p. 2. Scaligero exercit. 12. f. 3. Faloppio r. de lue Gallica c. 89. in ipsis etiam elementis admisit disertis uerbis Galenus iuxta Hipp. doctrina *Ego enim (inquit) non difficile dico eum qui ad ignem uel calefiat accedit introducere ignem in suum corpus &c. l. 1. r. de elem. c. 6.*

Dico 2. Actio atomorum perpendi debet penes locum ubi agunt, nam uel considerantur in mixto, uel in aeris libera sphaera, uel quatenus patiens aliquod aggrediuntur. Hocq; ultimo modo per intrusionem, penetrationem in poros, infiltrationemq; uariam potiùs agunt, quàm propagatà qualitate. Sic aquam calefieri crediderint quod illam spiritus ignei peruadant, probaturq; quia si patinam aquâ purâ plenam igni superposueris uidebis è fundo plurimas bullas exiguas erigere, quod explicari non potest, nisi dicamus id contingere ob erumpentes igneos spiritus, qui suppetijs a duentijijs sociorumq; auxiliarijs copijs deinde ebullitionem concitant. Neque solum id igni proprium est, uerùm etiam glaci, si quidem

uinum

uinum in glacie refrigeratum contrahit nescio quam duritiē, & grauitatem, quam ab intrusis frigidissimis atomis oriri dubium non est, nociuāq; magis est stomacho debili frigiditas huiusmodi quam si ex fonte uel puteo frigeret.

Actio atomorum in aere fit etiam per propagationem suę qualitatis, cum enim aer sit indifferens ad omnes omnino qualitates, eas etiam faciliē poterit sustinere, propagata uerō huiusmodi qualitas, si ad mixtum aliquod perueniat, illud quidem afficiet, & alterabit, sed eā ratione ut cognatis sibi atomis societur, alijs uerō noceat quidem, sed ijs non subiectetur.

In mixtis enim non agunt propriē in se inuicem atomi, ita ut atomus ignea frigida fiat, atomus uerō aquea sicca uel calida reikdatur, sed uirtute sibi insitā mutuam retundunt actiuitatem, atomus enim ignea prępediet aqueam, eiusq; exportetā sphaeram restringet, & cohibebit, atomus uerō terrea uicinitate suā faciet, ne atomus ignea tantum exprimat uirium. Quare prout uigent atomi nonnullę aliarum debilitate actiuitatem suam exerere deprehenduntur, nullamq; aliam in mixtis alterationem admisit Democritus, quā istam, quā inhibitiuam, retundentem uoco, Iouertus autem in paradoxis refringentem maluit appellare: à nobis est Fernelius qui in l. 3. physiol. elementa alterari negat.

Ex triplici itaq; medio uel passo modus agendi atomorum est triplex quod erat exponendum.

PROPOSITIO XXXIV.

Modum quo atomi miscentur explicare.

TRia necessariō ad mixtionem, quā generatio substantialis sequitur, concurrunt, materia scilicet tanquam subiectum, instrumenta pro inducendis dispositionibus, & forma ultimum operis complementum. Sicuti ad statuam exsculpen-

sculpendam requiritur marmor pro materia, celte, malleus, scalpraq; pro instrumentis, & idæ artificis secundum quam instrumenta diriguntur, cuiq; si manus non fecellit, respondet resultans in marmore effigies. Pro mixtione naturali habemus materiam atomos aqueas, terreas, igneas; pro instrumentis erunt qualitates primæ atomorum, & siderum influxus, quem uertiginis nomine distinguebat Democritus; (de simplicissima mixtione nunc loquor, ad alias enim perfectissimas longè maior requiritur accidentium, & instrumentorum apparatus ut patet in generatione uiuentium.) & tandem est ipsius formæ nondum existentis afflatus intentionalis, idæalis, directiuusq; operis.

Ita itaq; atomi sic inuicem coniunguntur, ut antea motus localis multiplex inter ipsas fieri debeat: sicut enim in mixtionibus, coctionibus artificialibus contingit omnia susdeq; uerti, diuq; circumagi antequam in unius consistentiæ rationem uenire possint; pariter in mixtione naturali inter atomos id fieri necesse est: quia tantæ tamq; mirabiles mixtionum uarietates fortuito ordine fieri non possunt, multæ enim erunt aliquando simul quæ alijs debent attemperari: ad unionem deinde figura non rarò mutari debet, præterea interclusus aer eijciendus, nonnunquam exigit id mixti ratio ut intercipiatur: quæ sine motu locali fieri non possunt. Influxus insuper cœlestis est ueluti stimulus, calcar, & incentiuum atomis mouendis efficacissimum, eoq; influxu in rebus præsertim inanimatis sigillatur materia, nam pro exigentia mixti dispensat atomos, quapropter si ad calidum mixtum influentia dirigatur, fiet ut igneæ atomi numero terreas superent, atq; id diuersis neq; facile explorabilibus proportionibus, unde uaria temperamēta resultabunt. Et sicuti in uino uidemus uim concoctricem ita efficaciter omnia digerere ut impuritates per spumam eijciat,

cras.

crassiores uerò partes in faeces subsident, eaq; est disgregatio, ut quamuis impure sint tunc nihilominus tamen motu natiuo uinum redditur purissimum; pariter etiam influxus celestis sic attemperabitur, ut in mixto quod molietur, uarias atomos figat uarias autem eiciat. Contingit autem raro, quod optimè animaduertit Sennertus ut in elemēta pura dissolutio fiat, sed potius in minima physica plerumq; eam contingere innumeris chymicorum experientijs comprobatur.

In istis uerò naturæ operibus oportet semper recordari verissimi illius pronuntiati, opus naturæ opus intelligentiæ. p. 9.

Ex his causam afferre licet cur nonnulla alij sint calidiora quod scilicet suum temperamentum à mixtione, quam plures atomi igneæ ingrediuntur, resultet: Nihilominus tamen calidissima naturæ mixta ad tactum frigida sunt ut piper, sulphur, rosmarinus; quia sunt occultæ qualitates quæ vim earum modificant, quæq; à formæ penetralibus exortæ dominantur in elementales, & illis nouâ quâdam singulisq; formis aptâ ratione abutuntur. Quare eius sum mentis primas qualitates habere aliquid potentialitatis, cum in mixtis constitutæ uiuacius non raro agant, quam si puro essent elemento coniunctæ; & ubiq; fere diuerso modo, sic frigus cicutæ à frigore papaueris differt, non solum in intensione quam utrobq; fere æqualem medicorum principes sentiunt, uerum potius in modo agendi: Vnde etiam fit ut ignis alio modo in pipere alio in cinnamomo, alio uerò in melle agat, & idem in diuersis ventriculis aliter aliterq; alterabit, & alterabitur. Forma enim directrix est & applicatiua suarum qualitatū, & pro varia earum moderatione idem instrumentum non semper vniformi modo operatur ob diuersam figuram. Nunc ut reconditum hoc mysterium in lucem ponam rationemq; modificationis qualitatū occultarum aded arcanum explicem:

Obseruo primò non parum intendi vel minui vim qualitat-
tum à densitate, & raritate subiecti, sic ignis aquæ vitæ impu-
netratur, velocissimè verò comburit ferrum candens.

Obseruo secundo eundè solis radiû, quamuis ubiq; sit idem,
nihilominus tamen, vehementer alicubi ardere, alibi verò re-
missius, & pro varia reflectione, refractione, oppositione, direc-
tione, obliquitate, aspectuq; minuitur vel augetur solis calor.

Idem de internis corporum mixtorum ignibus dicere pos-
sumus, qui cum varijs itidem medijs excipitur, cumq; alibi
rarior sit textura, densior alibi, sit vt etiam diuersimodè appli-
catus diuersimodè agat, præterea non dubito vim etiam mul-
tarum ignis atomorum paucis aqueis infringi posse, & eludi,
si videlicet ità easum vis actiua excipitur vt à concavo in cõ-
uexum desinat, fiet enim quod in tubis opticis contingit vt di-
spergantur, tùm lucis, tùm caloris radij, atq; ità vis dispersa
debilissima fiet. Deinde si ars variâ ignis applicatione, tam
diuersa miracula patrat, quidni directrice formâ idem analogi-
cè fieri poterit? Atq; quod de calore insinuaui de frigore &c.
dictum esto. Igitur in gratiam formæ naturæ celestisq; influ-
xus ità mouet atomos, & mixtionem dispensat, ut modo sibi
connaturali qualitatibus vti possit, & pro modo essendi habe-
at operandi modum. Diximus itaq; qua ratione atomi in mi-
xtione dispensentur, qua de re instituti nostri erat differere.

PROPOSITIO XXXV.

*Plures sunt mixtionum gradus, vna ordinatur ad perfectiorem, &
mixta simpliciora perfectiorum sunt materia, mixtiq; plurimi
insunt pori qui ab atomorum seriatim positarum
connectione ortum habent.*

NON est omnino Rhetoris ea cogitatio, quâ dicitur na-
tura in violis, rosarum, & tulipparum rudimenta pone-
re, nam

re, nam sensum perficit se, & imperfectioribus ad perfectiora venit.

I. Gradus mixtionis is est quo atomi elementares miscentur elementaribus atq; in hunc primum gradum frequenter dissoluuntur perfectiora mixta, raro enim contingit vt in elementum purum resolutio fiat atq; huius mixtionis minima vocari possunt prima in ordine mixtionis.

II. Gradus mixtionis fit à mixtione primorum minimorum, quæ elaboratius aliquanto mixtum faciunt, quia scilicet forme perfectiori subijci debent, atq; huius mixtionis minima, secundaria dici possent.

III. Gradus mixtionis est quo secunda minima inuicem permiscuntur, faciuntq; ad vegetantium texturam, aut ad id quod in vegetantibus perfectius est mixtionem, cuius deinde minima sunt magis composita, & tertij ordinis dicuntur.

IV. Gradus mixtionis oritur à commixtione minimorum tertij ordinis sitq; mixtum cuius minima sunt quarti ordinis.

V. Pariter ex istis compactis minima fiunt elaboratiora, quæ quinti ordinis nominentur, & sic de alijs mixtionum gradibus, & perfectionibus. Vnde patet quod atomi elementales sunt radices omnium, & minimorum maximum compositum illud est quod perfectiori formæ subijcitur.

Sed ne gratis ista dici videantur prob. tota hæc doctrina experientiâ, nam plantæ succû quendam trahunt ex elementis inter se compactis, deinde in planta sunt partes magis minusque elaboratæ, pro belluis non ita requiritur exquisita partium temperies, vt pro homine cuius anima immortalis, & intellectiua eo perfectius operatur quo perfectioribus organis est prædita: ergo ista mixtionum diuersitas oritur à varijs minimis, & reuerâ si res ita se non haberet, cur vix quidquam ad victum assumimus quod vitæ fuerit expers? panis, vinum, carnes, her-

bæ tran-

hæ transeunt in nostri substantiam quia ex his minimis magis elaboratis humana facilius, virtute concoctrice coalescunt, nullum animal elemento nutriri potest, atq; inter dispensatrici naturæ munera illud obseruatu dignum est, quod nulla planta plantis viuat, quamuis agnus tartaricus portento similis plantas sibi circumpositas exsiccet, brutorum quædam alij vescuntur, sed homini in omnia ius est à Deo sancitum, minus tamen herbæ nutriunt quàm carnes quod magis in ijs sit elaborandū vt ex suis minimis alia fiant homini nutriendo appositæ.

Sic optimè seruatur ea subordinatio quam in formis imperfectioribus ad perfectiores fieri contendit elegantissimus Fernelius lib. 1. de abditis rerum causis c. 4. *Singularum partium formas quosdam veluti gradus esse quibus ad supremam illam totius formam promoueatur, nec alia de causa illas in subiectum impressas, nisi vt ista præparatione ad hanc introducendam via præsterneretur* & quam subordinationē demonstrat in formis Fernelius eandem in materijs agnouit Democriti amicus, & admirator Diuinus Senex noster, cum ait mixta imperfectiora, perfectiorū esse materiam.

Consentiuntq; physicorum principia duo, primum quod nullum animalelemento puro viuere possit, imò si mel, & manna excipias, quæ libro singulari probaui esse meteora, nullā re omnino vitam protrahimus quæ à viuentibus non sit excepta, melle sanè aliquamdiu vixit Democritus vsupra innui, & Israelitarum exercitus mannā: hic excipio ventriculorū monstra, virtutisq; concoctricis portenta hoc etiam sæculo visa, nā Lazarus quispiam viriuorax ab effectu dictus est, & alius Lugduni summa auaritate patinas saxulis plenas deuorabat: sed anijs vescerentus non parum dubito.

Secundū quo perfectior est forma eo plures, & elaborationes admittit dispositiones quæ in tres classes referuntur, ad temperiem,

periem, synthesin, spiritum calidum, & humidum rad. cale. Pro temperie est is quem explicui minimorum ordo, pro synthesi sunt ossa, nervi, caro, venæ, tendines, parenchymata, singula sua sede reposita. Spiritus verò insitus, & humidum radicale quod ultimam dispositionem ponit, oritur à totius naturæ nixu, cum ad illum concurrat parentum semen, influxus cæli, & partium temperiës: atq; vt formę ignobiliores nobilioribus substernuntur, pariter & materia rudis, ad elaboratiore est apposita.

Ex his explicari plurima possunt in Theorica medicinæ difficillima degeneratione rerum toto genere differentium, in nostro corpore quales sunt lapides, vermes, lumbrici, & solui quæstio illa quæ ad *ranam*, vt dicunt, *vagam*, non paucos philosophos neque ignobiles, tanquam ad bonum hospitium deduxit, cum degeneratione animalium insectorum quæque ex putri materia fiunt disputarent: quo de argumento omnibus palmam eripuit Doctissimus huius ætatis philosophus Fortunius Licetus primarius Bononia professor in libris desponataneo viventium ortu.

Sunt enim huiuscemodi vermium, & lumbricorum minima tertij verbi gratia ordinis, quæ cum alimentis assumpta vim concoctricem subterfugerunt, atq; quod debiliior esset, non ita potuerunt edomari, quin seruant seminales spiritus formamq; partialem, vnde ex aliqua horum copia, quæ tanto facilius cumulantur quo sympathia ea ad se inuicem trahit, & iungit, fit vt excitati spiritus qui in minimis diutissime conseruantur, se paulatim perficiant, & abducto ad se alimento crescant. Calculi verò fiunt ex renum qualitate Lithopoiitica, id est petrifica, quæ aliunde non provenit nisi quod excisum à parentibus semen illi parti efformandæ destinatum quidpiam minus elaborati habuit quod huiuscemodi lapidum insensibi-

les particulas semimaceratas, ac veluti colliquatas tantum deueheret, vnde & paremchyma de illa qualitate participat, & viscosa arenosaq; magis trahit sibi; natiuo quodam visco agglutinat, vt ex princ. 12. facillè est subducere; sequitur quod tandem coalescet calculus, & ex pluribus insensibilibus particulis, vnum valde sensibile, & summè dolorificum exurget: adde quod ipsè lapidum particulæ ob virtutis expultricis debiles conatus, & humoris circumfusi glutinum adhærent alijs, & paulatim agglomerantur complura; videturq; hæc philosophandi ratio ipso calculorum aspectu non parum habere probabilitatis, cum ex granulis compacti esse percipiantur, præsertim si nondum recocti friabiles sint.

Sapienter ergo diætetica nephriticis alimenta in arenosis nata prohibet, quod omnia è solo vbi oriuntur participant ex Theophrasto l. 1. & 2. de causis plant. c. 5. 6. vt patet in vinis, frumentis, ciceribus quorum aliqui ratione soli vix arte vllâ macerari vnquam possunt, quapropter alimenta grumis lapidiformibus prædita vt pira cidonia &c. nephritici ne attingant cautum est medicis legibus. Nam cum succo attraxerunt arenulas aliq; insensibilia, quæ non satis edomita, in corpore humano non parum pariunt incommodi, ex visco lapides fiunt, & ex insensibilibus particulis calculi, sex & amplius tunciarum. De illa autem attractione succi varij qui aliam naturam quam viventis induat dubium esse non potest. Narrat Godignus in vita Sylueriæ, esse longissimum in Monomotapa terrarum tractum aurifodinis ditissimum, in quo non rarò arborum trunci auri ramentis insignes deprehenduntur, atracto scilicet eo succo qui in aurum transire debuit, ibi enim ob soli siccitatem arbores sunt famelicæ, vnde obuijs quibusuis sese explent; ac enim succi illius qualitates indomabiles proprio indulgentes genio in ipso trunco aurum fiunt. Ità scilicet

licet infinitum est formis ad natium statum reducere se se exp. 8. si quando dispositionibus adhuc vigentibus, neq; alijs potentioribus superinductis, id moliri possint. Hæc & infinita alia ex Democriti principijs licet deducere, vnde claro testimonio nobiliq; laude Aristoteles loco supra citato, *videtur* (inquit) *Democritus omnia præuidisse, & principia supposuisse, quibus omnia possent explicari.*

Quoad poros, elementa pura ijs carent, mixta imperfecta paucos habent, quia crassior illis temperies est, neq; exigunt tanta profluvia spiritum, vel transpirationem, quæ non nisi per poros fieri possunt, quare vitrum, lateres coctiles, vas marmoreum, aliaq; huiusmodi odorata spirituosaq; seruant melius, essentialq; chymicorum quàm pixides eburnæ, buxæ aliaq; lignea osseæ. Ista enim transudant manifestè, in alijs autem sensim fiunt effluia: Nemo de poris in ligno dubitabit qui hederaceum viderit poculum, quod à Plinio, & alijs obseruatum est aquam capere non posse, vino verò fidelem esse custodem, cuius rei non semel feci experimentum. Ratio dari posset quod atomi a quæ illis poris proportionatæ sunt vt pote figuræ magis conuenientis minorisq; magnitudinis, vini verò minima non item; nō tamen inficianda est occulta hederæ dōs qualitasq; recondita oriens à propria partiū contemperatione. Humani pori sub sensum cadunt, & substantia viuientium tota est peruia, sicuti domus vndiquaq; columnis tantum suffulta, vel cui plurimæ per ambitum sūt fenestræ, portæ plures, aliaq; excipiendo aeri apertæ viæ, neq; vllum est cubiculum cui porta sua fenestraue desit, ita vt ab vno ad aliud sit via, textura insuper multiformi, variè se se pori habent ita vt optimè comparetur textura viuientium tibialibus sericis quæ ita sunt confecta vt facile dilatentur, & constringantur, quia annulatim se se connectunt fila, & foramina nunc grandiora, nunc patentia

minùs pro pedis modo habent. Orpheus sanè *ut retis implexum animal constitui* suis in carminibus cecinit ex Arist. l. 2. de gen. anim. c. 1.

Quod si subtilitatis pororum quispiam habere velit argumenta, consideret culicis tenuitatem, qui cum vitæ sit particeps, alimentum ex fugit, porosq; habet quibus illud distribuit.

Quo perfectiora sunt mixta eo plures habent poros, nam varietati partium, organiq; compingendis plura sunt necessaria, atq; ex hac mixtionis explicatione, viuentiumq; textura, intelligitur quomodo fiat nutritio augmentatioq; quid sit transpiratio, effluuium, halitus insensibilis, sudor, attractio ambientis &c. Plures itaq; sunt mixtionum gradus &c. quod erat ostendendum.

PROPOSITIO XXXVI.

Explicatur dissolutio mixti ex Democriti principijs.

Generatio, & corruptio sunt veluti choragi duo naturæ, formarum admissionales, & subductores: Quæ licet ad eò contraria sint tamen manu se tenent, ut altera aliam statim sequatur sicuti dolorem voluptas, & voluptatem dolor; quare Aristoteles, *generatio vnius est corruptio alterius, & corruptio vnius, est alterius genesis*. Breuiter in Superioribus explicui mixtionis gradus, hoc est generationum mysteria, quòd hìc doctrinæ potiùs fundamenta indicem, quam ut atomorum diffusam vniuersalemq; tractationem, cubitale opus, mihi scribendam proposuerim.

Ex principio 8. supposuimus omnia reuocare se ad natium statum, quantum quidem possunt, quare si illum deperdunt, vi extrinsecus adhibita tribuendum est: atqui status ille naturalis atomorum non modo qualitarum est primarum verum etiã figuram complectitur: quare statim ac extrinsecum quidpiam,
verbi

verbi gratià ignis, atomos igneas in mixti penetralibus refusas, & ad formæ partiumq; sibi vnitarum exigentiam figuratas proritat, atomi auxiliaribus illis copijs motæ, contempto formæ imperio, natiuæ primæq; libertatis cupidæ, figuram recuperant primum, quæ cum sit sphærica, & vt sic, vnionis, vt diximus, cum cubo inca pax, statim exiliunt, & cum sint valde mobiles erumpunt à vinculis, vnde dissolutionem continuatis huiuscemodi defectionibus consequi necessarium est.

Formæ enim illud exercent in qualitates elementales imperium vt quamdiu vegeta est, istæ maneat sibi obsequentes, & subditæ, at verò si debili quodam agente proritentur facili negotio administris formæ qualitatibus quæ ab ipsa promanant immediatè coercentur, cogunturq; ijs gradibus exerere suam vim quæ principi formæ magis est apposita. Verùm vt est virtus formæ certis limitibus coercita, eo nonnunquã excrescunt elementorum vires, vt spretis eius imperijs sibi potiùs studeant, languorum, & tandem corruptionis causæ: hoc autem dominium formæ necessarium fuit, vt aliquandiù mixta consistere; facili enim negotio separantur elementa cum nullum agnoscunt huiuscemodi principatum, vt in mixtis imperfectis animaduertimus.

Ignis qui maximè dissoluit mixta eò velocius agit, quò minùs compactæ sunt compositi particule; In aliquibus enim tenaciter sibi omnia adhærent, in alijs vnio laxior facillimè cedit: videntur autè tenacioribus vinculis ea contineri in quibus certà proportionem terra prædominatur vt in faxis, & metallis. Corruptit verò ignis, vel cum flamma, vel sine flamma, vt in carbonibus contingit. In corruptione quam flamma comitatur consideranda, præter ipsum mixtum, corpus flammæ, deinde fumus.

Flamma ergo definiri potest mixtum imperfectum è mixto

perfecto tendente ad corruptionem vi ignis in humido pingui prædominantis, dicitur mixtum imperfectum, quia tunc temporis non insunt mixti conditiones saltem perfectæ, etenim flamma est veluti via ad perfectam resolutionem: Ignis autem resoluendi vim habet, neque flammam emittit nisi pinguis alimentibeneficio, quo deficiente lucore omni catet; In flamma itaque est pinguedo, exhalatio, vapor, halitus, spiritus ignei, qui ob suam raritatem, & viuacitatem totum corpus pro varia refractione variè tingunt, & tandem non desunt quædam pertinaciores magisq; inclytæ mixti qualitates, quod ab odore colligitur.

Concatenantur autem atomi atq; sicuti catenæ contingeret quæ annulis quibusdam idemtidem, & alternatim priuaretur hoc mixto euenire est intelligendum, sed antequam integra fiat dissolutio trahunt se se quæ firmiùs hærent, & in flamma reliquias suæ vnionis dissoluunt, quo fit ut flamma in metæ formam, siuè conoidem figuram terminetur; cùm enim aliæ particule nondum sint solutæ, aliæ adhuc humido pingui irrorentur fit vt paulatim, modo scilicet agentibus naturalibus proprio, soluantur, & per cuspidis extrema auolent in fumum, vbi in secunda veluti probatione depurantur magis, secretioq; elimatio humido pingui absumpto consequitur. Ex quibus facili negotio rationem reddes cur in eadem candela depressior modò, modò elatior sit flamma, & cur quædã ligna flammam diutius foueant, quàm alia.

Ex flamma fit fumus qui ità est cum flamma compactus, ut coni duo videantur oppositi ità tamen vt pars dextra dextræ & sinistra uerò sinistræ respondeat, sitq; axis intermedius utriq; cono communis nulla tamen decussatione intermediâ quamuis aliqua contingat confusio partium.

Fumus uerò dehniri potest, aggregatum per accidens ex uapore,

uapore, exhalatione, spiritu igneo aerisq; particulis compactū, residuisq; mixti qualitatibus quibusdam uirtute ignis dissoluti. Sed ne longius abeamus experientijs duabus affero dissolutionis mixti paradigmata. Quotidie uidemus cineres è ligno fieri qui manifestè ostendunt ex minimis particulis omnia constare, diffatis enim intermedijs minimis quibus ille partes terre uniebantur, remanent dissolutæ. Et uiolentiori calore liquidum sæpius plumbum, exhaustis aquæ ignisq; uinculis mutatur in subrufum quendam puluerem, qui deinde arte magis comminutus pictorum usui cedit.

Ceteras corruptiones facili negotio poteris explicare, si imminutum formæ imperium, elementales qualitates nū externā proritatas, natiui status, ac ueluti libertatis appetitum, definitionemq; Democriti qui dissolutione atomorum, siue disgregatione corruptiones definiebat, attentè perpēderis: his enim principijs quatuor, ueluti rotis tota hæc doctrina circumfertur: neq; est quod diutius in hoc immorer uel in carbonum resolutione, uel in cadauerum putredine aut in ijs quæ in aquis corumpuntur explicandis.

Moneo tantum ex occasione flammæ nullo modo secundū spheram ignem agere, hoc est, ut in ipso igne sumatur centrū è quo ad circūferentiam æquales lineæ ductæ paribus omnino caloris gradibus sint affectæ; de lumine secus pronuntio, si enim liberum detur illi spatium undiquaq; diffunditur æqualiter tamq; prodigiosa latitudine ut expertus sim spheram illuminatam ab lampadis unius ordinariæ flammæ, habuisse diametrum 140. passuum, quare locum occupabat lumen uiginti-millionibus millionum maiore, cum ipsa flamma dimidij tantum digiti esset. At uerò calor, ut ex hoc Democriti etiam placitum stabiliam, qui spiritibus igneis potius quam diffusioni qualitatibus actionem tribuebat, adeo inæqualiter diffunditur,

ut in distantia cubiti plus agat secundum flammæ axem quam ad latera ad quatuor tantum digitorum distantiam. Ibi enim nempe in cuspide, ut pote lineâ perpendiculari, uia spirituum, & genuino atomorum ignearum decursu potentissima actiōnē exerit, sunt enim frequentiores ibi spiritus ignei, & suapte natura illac delatæ magno impetu corporibus obuijs insinuant se se. Quod adueriti primùm cum Italum qui solâ lampadis flammâ durissima quæuis metalla, imò etiam uitrum colliquabat uidissem, is enim propulsâ per tubum flammâ ità admovebat flammę lateribus digitos ut tantum non tangeret, idq; impunè, cùm tamen uitro metallisq; in cuspide liquatis ut placebat abuteretur ad omnem figuram. Olla igni imposita citiùs aliquanto bulliet quam quę lateribus applicabis. Fumi autem actiuitas pari ratione propagatur ut secundum axem potentior sit, quo magis ab eâ lineâ remouetur eo minori uirtute est præditus; Neq; fit ulla inter flammam, & fumum decussatio quod initio specierum uisibilium exemplo persuasus suspicabar, sed compositâ candelâ quę alterâ quidem parte uiridem, alterâ uerò communem lucis colorem habebat, deprehendieâ parte fumi quę uiridi flammę è directo imminabat easdem uigere qualitates quas in ipsa flamma cernebam, unde admitto confusionem quidem in conorum cuspidibus aliquâ, sed sine decussatione quam satis impedit spirituum imperus, & motus sursum. Prætereâ flammâ circumuestiri subtiliori corpore uidemus, quę in basi angustior eo dilatatur magis, quo altiùs prouehitur, dum tandem fumo suis angustijs initium det, constituatq; finito cono angustam quandam uiam quâ quidquid enucleatè dissoluitur ad libertatem medijs pergit. Licet autem plerumq; contingat quod Aristoteles ait l. 2. de gen. animal. c. 4. *Euenit namq; omnibus ut quod ultimum sit, id primū deficiat, & quod primū id ultimum: quasi natura de cursione reducem*

ducem agat, & à meta ad carceres, unde proruit, redeat. Id tamen in uiolentis corruptionibus non semper accidit, cum, & à fundamentis, & à tecto possit ruina incipere. Explicuimus ergo mixtorum dissolutionem quod erat intentionis nostræ.

DEMOCRITVS DOCENS

Sive paradigma explicandi ardua quæuis per corpusculorum doctrinam.

THEMA PHILOSOPHICVM.

O Laus Magnus in historia septemtrionali narrat Gothis fuisse familiare ex balnearum ossibus extruere tuguria in maris littore, ubi deinde gens potus auida sese ingurgitarent; Contingebat autem omnibus sub hoc ossium tecto dormientibus quasi sub umbra mortis, tetricis vexari insomnijs tempestatum, naufragiorum, iactationum in mari: & si quæ vel diuersa in sua inconstancia oceanus, aut scæua in procellis, aut horrenda in gurgitibus haberet.

STATVS QVÆSTIONIS.

Quæritur causa horum insomniorum, quæ quod constanter omnibus qui somniabant, & sæpius accidebant diuersis eadem, debet esse statuta, & determinata: fortuita enim non habent statos fixosque recursum.

INVESTIGATIO GENERALIS.

Nullus penè in natura assignabilis est effectus ad quem plures causæ non concurrant, arduumque est singulis suam effectus portionem assignare. In nostro autem casu concurrunt, balnearum ossa, somnus, imaginatio, ebrietas, cæreuisia, homo mari assuetus, quæ se habent ex parte causæ materialis, & efficientis; causæ autem formalis, & finalis hîc non videntur inuestigandæ.

PRÆ

PRÆNOTIONES.

I. Omnia corpora sunt in perpetuo fluxu vt probauimus prop. 33. & à singulis corporibus emanant corpusculorum effluvia, quæ cum sint mixtorum halitus, eorum etiam qualitates aliquamdiu retinent.

II. Res naturales conantur redire ad statum sibi connaturalem ex principio 8. disp. 2. cõfirmauimusque prop. 19. fund. 6. Illa autem rerum omnium restitutio fit quinque modis, primò generando aliquid sibi simile si adsint seminales spiritus, ita tartarum vini surculum dedit, & arbor vegetabilis chymicorũ succrescit. Secundò tentant sui restitutionem expulsis contrarijs, ita succi depurantur, fæces subsidunt, & singula sui similibus iunguntur ex princip. 12. disp. 2. Tertiò impetum sequuntur à natura impressum. Quartò proprietatibus suis quamdiu possunt vtuntur quia agunt necessariò, & in illarum vsu perfectionem videtur adipisci Quintò omnes suas partes quantum fieri potest in situ conaturali adaptant, ita vt infirmæ cum supremis nõ confundantur quod exemplo rosæ probauimus prop. 19 fund. 6. hinc nubium signaturæ, spectrorum plurimorum ab halitibus cadauerum vespertinæ apparitiones, & in medicina pronuntiatum Hipp. 2. prorhet. t. 1. *Si quippiã in vrina sublimè petierit, occultato coxæ dolore delirium pøtendit*, & Galen. 3. epid. com. 3. ægrot. 12. l. 83. *qui etiam in alijs ægris cum dixerit, suspensiones elata, statim subiecit, delirauit*. Cuius rei ratio à solo statu adæquata non est, sed quia contenta in vrina restitunt se ad statum quem habituri essent in corpore, vnde quæ sursum ibant, sursum in vrina eleuantur.

III. Quæ non agunt per electionem determinari debent ab extrinseco ad modum actionis, ita arbores ab alimẽto, pecudes ab obiectis extrinsecis mouentur, & imaginatio nostra ab alijs aduentitijs excitatur.

IV. Dor-

IV. Dormiens, ebriusque sui iuris non est neque cogitationibus imaginatione imperat cum sit interregnum rationis, unde tunc temporis imaginatio vaporibus debilitata redit ad eas actiones quæ cum obiectis familiarissimis sunt annexæ, cū autē somnus sit mortis imago, dormientibus ex pura assuetudine actiones adscribēde, ut mortuis facit Vigilius l. 6. *Æneid.*

Stant terra defixa basta, passimq; soluti

Per campos pascuntur equi, quæ gratia currum

Armorumq; fuit vivis, quæ cura nitentes

Pascere equos, eadem sequitur cellare repostos.

V. In ebrietate plurimifursum ad caput vapores feruntur colligiturq; ex Aristotele l. 3. probl. contingere ebrietatem à capitis repletionē, & eius quod replet motu, hinc *ebrijs omnia videntur circumferri* probl. 9. & probl. 10. *Res una plures representat*, ob velociorem motum fumi, & spirituum; Nihil autem interest conspectus moveatur an res conspectui obvia sit enim ratione utralibet ut id quod dixi videatur: Idem imaginationi quod oculis contingit, plura de ebrietate, & somnis videbis in libro de tabaco Exercit. 5. §. & Exercit. 6. §. 3. 4. 5. 6. 7. & Exercit. 10. §. 4.

COLOR SIVE ADAPTATIO.

Balæne ossa præsertim recentia magnum habent corpusculorum effluuium, & plurimas fundunt sui particulas ex prænot. I. Illæ insinuant se in apertos hominum poros qui habent corpus transpirabile ex prop. 35. & 36. illi spiritus, siue minima retinent de balænæ qualitibus, & conantur se se ad pristinum statum reuocare exerendo eas actiones quas in bellæ membris moliebantur ex prænot. II. Nauta autem ex prænotione III. Debet determinari ad agendum ab extrinseco cum dormiat, & cū ebrius sit, exeret actiones ab obiectis sibi familiarissimis ex prænot. IV. Vaporibus autem, & hali-

halitibus balænæ habet caput agitaturn speciesq; internas illo atomorum siue minimorum motu agitas, nam perpetuò ex se se iaculatur in viuètes circumfusus corpuscula sceletus carni. Agitantur omnia in ebrij capite ex p. 5.

RESOLVTIO QVÆSTIONIS.

Ob istas igitur causas à priori assignatas, vel huiuscemodi homo nihil somniabit, vel determinatâ imaginatione ab corpusculis balænæ ossium, familiaritate oceani, nauigationisq; frequentia, de mari somniabit, at cùm habeat agitaturn caput ob cereuisiæ delatos sursum vaporosas atomos, concurrente balænarum afflatu, de mari agitato habebit insomnia cùm autem flatuosa sit cereuisia ventos, ob specierum circumgirationem vortices, ob humiditatem naufragia tempestatesq; sibi repræsentabit, nam ob refractionem internam specierum motumq; multiplicem *exigui motus videntur in somno magni*: vt ait Aristoteles l. de diuinatione per somnum c. 1.

ANNOTATIONES.

I. Corpora humido suo exinanita non habent amplius effluuiorum copiam sed per attritionem consumuntur, & cum sicca sint attrahent potius externas impressiones vt ijs imbibatur quam vt suas effundant: hinc seminum post triennium effete vires, & medicamentorum statura est virtutis ætas, post quam inutilia sunt, & carie consumuntur, quod patet in radice Chinæ quæ ob vetustatē cum ad has partes venit vix alicuius est adiuitatis, quare & ossa balænæ post aliquot ætates modica corpuscula eiaculabuntur, hinc minùs ad insomnia concurrent.

II. In somnijs plurimum affert modificationis temperies corporis, curæ solitæ, ætas, anni tempus, & alia huiusmodi, copiasq; alimēti, nam cùm abundantissimè caput undiquaque replet, somnium non contingit, vt in pueris ex Arist. c. 3. de insomnijs. Ebrijs verò contingere sepe semper horrenda somnia

notauit

norauit Doctissimus Alinus aureus l. 1. metam. *Nemeritò medici fidi cibo, & crapulâ discentos scâua, & grania somniare autumât.*

III. In conatu quo corpuscula, tùm balenę, tùm cereuisię tentant redire ad suum statum connaturalem, fit pugna inter spiritus hominis, & illos hospites siuè aduentitios hostes, qui cum sint à forma principali remoti etli in ventriculo, & cerebro tanquam in inani diu multumq; agitentur, vincuntur tamen à calore humano vel dissipantur, vel resoluuntur, vel immutantur figurâ, ordine, connexu, itâ vt in hominis partes transcant.

REFLEXIO.

Hanc exercitationem Democriti docentis volui intexere vt modum in hac via philosophandi non præceptis modo verùm etiam exemplo aperisem. Posuimus ergo primò princip. 1. 5. d. 2. experientiam. Deinde statum quæstionis aperuimus ne videlicet ad alia vagaremur. Tertio indicauimus causarum capita quæ è narrationis visceribus debent depromi, quare circumstantię in experimentis omittendę sunt nullę. Quarto cum omnis scientia discursiua omnisq; doctrina ex antecedenti fieri debeat quæstione, vt ait Aristoteles l. 1. posteriorum c. 1. t. 1. prænotiones afferre debuimus. Quinto cum omnis prænotio ex eodẽ Aristotele sit vniuersalis, debuit colorem accipere restricta ad particularis quæstionis nostrę statũ, ex quibus Sexto quæstionem difficilem clarẽ solimus. At cum semper supersint aliquę difficultates, idod in annotationibus nonnullas attigimus. Ex quibus vides methodũ, & methodi rationem.



CAPVT QVINTVM.

Difficultatum in quæstione continui solutio ex proprijs atomorum principis.

Diximus c. 2. prop. 19. disp. 2. num. 8. maximam esse omnes difficultates explicandi in doctrina atomorum facilitatem, nunc vt fidem meam liberem, Obseruo omnes obiectiones quæ in disputatione de continuo fiunt reduci ad tres classes, aliæ enim sunt obiectiones mathematicæ, aliæ physicæ, aliæ de vtraq; participant scientia, idèd; physicomathematicas appello, Deinde cum quælibet opinio suas habeat difficultates peculiares, idèd per soluto vniuersali debito ad proprias atomis obligationes deueniam cap. sequenti. Verùm cum infinita aduersariorum pro ingeniorum varietate proposita sint communioribus, & difficilioribus explicatis, cetera philosophus in Democriti sensis exercitatus ex eo quod præmitto seminario responsionũ facili negotio soluet.

SEMINARIVM.

Responsionum ad argumenta mathematica.

L E M M A I.

Mathematica abstrahit ab omni materia, & subiecto reale.

Formale mathematicarum, geometriæ præsertim, obiectum est terminatio extensionis, totale autem, & adæquatum est ipsa extensio quatenus terminata est ex ea enim varieg figure varijq; oriuntur numeri. Atque hæc extensio, siue quantitas est subiectum, siue materia intelligibilis mathematicarum quæ distinguitur à physica quod hæc actus sit, mathematica autem

sola

Sola intellectus formalitate subsistat. Id ex naturâ linearum, mathematicarum quæ ex punctis fiunt, & ex postulato 4. lib. 1. Eucl. manifestum est: sic enim ille, *quacumq; magnitudine data potest dari maior vel minor*. Ergo si mathematicus non abstrahit ab quolibet subiecto reali non potest dari linea maior quam axis mundana, ac proinde postularum illud Euclidis admittendum non est. Instrumentis tanquam causis per accidens uti, dummodo nihil assumant sibi in consequentis, omnibus conceditur: Sunt autem hæ lineæ, & superficies tanquam instrumenta mathematicorum, & ut loquitur Blaucanus *additamenta de natura mathematicarum*, omnes figuræ sunt exactissimi idearum diuinarum humanarumq; characteres, quorum typos Deus, & artifex in mente habet: concluditq; idem elegans mathematicus. Quapropter dicendum est entia hæc geometrica omnibus numeris absoluta, esse entia per se, & vera: figura verò, tum naturales, tum artificiales quæ in rebus existunt esse entia per accidens, imperfecta, & falsa, ut triangulum in carta verum non est, sed verum est illud quod in idea diuina est, unde, & dixit Plato Deum geometrizare. Consentit his Aristoteles 1. 13. metaphys. Summa 1. c. 2. Et reuera uti sunt mathematicorum numeri ita & lineæ, sed numeri abstrahunt à materia quauis, ergo etiam lineæ. Itaq; mathematica supponit tantum extensionem quamlibet terminatam abstrahentem ab reali existentia quod erat assumptum.

L E M M A II.

Diuisibilitas extrinseca non infert diuisibilitatem intrinsecam.

Multa sunt essentialiter, & ab intrinseco indiuisibilia quæ tamen designatiue, mathematicè, extrinsecè, per conceptum diuisibilia sunt, sic Angelus collectus in spherâ potest extrinsecè, & per intellectum diuidi per diametrum, segmenta, &

ra, & sphericas curuasq; lineas (cū enim habeat extensionē finitam subiacet figurationi) omnis autē figura diuidi potest. Deinde Angelus dici potest diuisibilis extrinsecē quatenus correspondet spatio diuisibili, vt Æternitas Dei virtualiter diuisibilis est, quia correspondet tempori, Anima humana indiuisibiliter corpori diuisibili cōmensuratur. Duo itaq; in atomo quauis concipienda sunt, primò eius atomi substantia physica, quę vt sic est indiuisibilis, secundò eius respectus extrinsecus, siuē figura, & spatium extensione mathematica penes quam atomus quauis diuisibilis est in infinitum, suas enim dimensiones habet; vnde diximus in synopsi pag. 26. num. 9.

• Atomos indiuisibiles esse modo communi, & non proprio ex Auerroe 1. phys. comment. 35. quorum terminorum explicationem v. *Ibid.*

LEMMA III.

Non sunt expendendæ actiones physicae regulis geometricis.

HOC lemma fuit iam assumptū pro axioma 13. huius disp. verū cum non sit prima notio, & apud vulgares philosophos vix vsurpetur, ob illius necessariam in hac disputatione applicationem videtur declarandum, & confirmandum acuratius. Geometre in suis demonstrationibus lineis vtuntur imaginarijs quę ab hypothefi falsa sequuntur, neq; idcō mathematicis quidquam derogatur quin imò multum. accedit authoritatis, alioqui materię imbecillitati immergē nihil admirandi dēmonstrarent, facto autem suo linearum immutabilium instrumento abstrahentes à materia, plurima adinueniunt exponuntq; supra praxim, quia ad actum deduci nihil potest nisi corporum beneficio quę variabilia sunt, & multis casibus obnoxia, adde quod quę physice sunt emanationes lineis physicis propagantur, quę aliquam necessariò habent

cum

cum longitudine crassitiem, & latitudinem, nam ad omnem physicam actionem certa requiritur extensio. Adde quod intensio accidentium non est purè proportionata vt numeris exprimi possit, vti neq; actiuitatis sphaera exacta est, cum illa ratione medij, passi, aliarumq; circumstantiarum fiat diuersæfigurationis. Egregiè verò ad hæc intuens Aristoteles l. 2. moral. Eudem. c. 7. *Immobilia autem, vt in mathematicis, non per se quidem sed similitudine quadam principia appellantur. Hic enim ipso principio labefactato, labefieri omnes, quæ ab illo principio fluxere, demonstrationes oportet: cum ipsa inter se demonstrationes altera alteram non euertat, nisi quantum communis illa suppositio, unde lucem ista habent, non euertitur.* Et Plato 7. de Repub. ait *Mathematicos circa quantitatem quodammodo somniare.* Itaq; cum demonstrationes geometricæ procedant ab hypothese quam probare non est mathematici, sed alterius facultatis, quæ eâ refellit, idè lineis mathematicis regulisq; strictè geometricis actiones phisicæ nõ sunt expendendæ, quod erat assumptũ.


OBIECTIONES MATHEMATICÆ.

Ex his tribus Assumptis omnia mathematicorum argumenta quæ vulgò in doctrina de continuo adducuntur facili negotio per propria atomorum principia diluo.

OBIECTIO I.

De triangulo.

SI continuum constat ex atomis non potest construi triangulum, Construaturn enim triangulum ABC. sit linea AC. basis duarum atomorum, BC, BA trium, ducantur à singulorum atomorum sinibus lineæ basi parallele DE, FG. Cum ergo EG



N sit


fit maior quam DE, vt demonstratur in scholio 29. 1. excessus eius erit vnus saltem atomi, nihil enim dari potest minus, ergo etiã si DE sit vnica atomus, FG duarũ erit: erũt ergo æquales lineæ FG, AC, quod implicat, estque contra prop. 16. primi, & axioma 13. primi. Non itaq; potest triangulum constitui admissis atomis.

Respondeo ab Assumpto 3. fieri transitum à lineis mathematicis ad phycas quæ atomis constant: dico autem triangulum lineis mathematicis esse mensurandum, vel certè à physico physicis radijs regularibus; Et quidem concedo lineam AC esse duarum atomorum, AB, BC trium, DE vnus, FG duarum, nego autem à multitudine atomorum sequi longitudinem, aut breuitatem linearum, vt manifestum erit ex prop. 45. disput. tertię; transit autem aduersarius à constitutione phycica ad geometricam, contra lemma tertium.

OBIECTIO II.

De quadrato.

CVM ad primam obiectionem responsum sit atomos potuisse irregulariter configurari, accipio nunc atomos quatuor terreas quæ cubum suum non mutant, sint autem illę in superficie quadrata ABCD, sequitur lineam AB æqualem esse diametro AC, vtraq; enim duabus atomis similiter con-



D figuratis constat, atqui hoc implicat, cum enim angulus ABC sit rectus per constructionem, sequitur ex prop. 32. primi esse maiorem angulo BAC, & angulo BCA scorsim sumptis, ijs autẽ simul sumptis ex eadem prop. æqualem; ergo angulus ABC ex 19. primi maiori lateri sub-

tendi.

renditur, erit ergo maior linea AC quam CB vel BA demonstrariq; idem posset per 47. primi, 8. secūdi, 12. sexti, 9. decimi Euclidis nō ergo cōstrui potest ex atomis quadratū qd erat pbādū ergo nec dātur atomi. neq; si dātur vlla cubica est.


Respondeo ex lemmate tertio fieri transitum à lineis physicis ad mathematicas, dico autem lineam AC maiorem esse quam linea AB, quia linea AC ducitur per diametros atomorum, linea verò AB per latera, est autem in vna atomo cubica diameter imaginaria, & mathematica maior latere, quare licet atomi quatuor A, B, C, D, sint similiter figuratę, non sunt tamen respectu linearum AB, AC, similiter constitutę, debet autem situs attendi, & linearum imaginaryarum per indiuisibile spatium deductio.

OBIECTIO III.

De circulis concentricis.

Sint circuli duo concentrici exterior quidem maiorq; ACF interior, & minor E. Dico supposita atomorum doctrinā eos esse æquales.

Sic enim circuli ACF peripherię portio CA eorum septē, cū ex primo postulato primi Euclidis liceat à pūcto ad pūctum lineam ducere poterunt ab illa



peripherię portione ad centrum D duci lineę septem quę circulum interiorem E scabunt, erunt ergo pariter in cir-

culo E tot atomi quot in FA, ergo erunt equales quod implicat non itaq; potest constare continuum ex atomis.

Respondeo ex lemmate tertio fieri transitum à lineis mathematicis ad physicas, nego enim à peripheria CA septem atomorum, ad punctum D posse septem lineas physicas duci adequatè inter se distinctas, ac proinde argumentum nihil conuincit, cum sint quatuor termini, & contra lemma secundum confundat extensionem realem, & materiam sensibilem cum imaginaria, & mathematica.

OBIECTIO IV.

De circuli tetragonismo.

Impossibilis est circuli quadratura, esset autem possibilis si continuum atomis constaret. Probaturs prima propositio; tetragonismus non potest insitui quin inueniatur proportio diametri ad peripheriam, & compareretur linea recta cum curua siue longitudine, siue potentià, nulla autem datur huiuscemodi proportio, imò neq; circulus circulo nisi mediante quadrato potest comparari ut patet ex lib. 12. Eucl. prop. 2. Neque diameter comparari potest cum sua peripheria, multò minus cum superficie, quæ tamen ad tetragonismum necessaria sunt, non ergo possibilis est, dato enim medio impossibili eoq; unico impossibilis est finis. Quæ demonstrari faciliè possent ex 20. 6. per 2. lib. 12. Eucl. & per 11. prop. 1. 5. Pappi Alexandrini, &c. circuli autem impossibilem quadraturam agnoscens Aristotel. c. 3. de prædicamentis ait, *circuli quadratura, si est scibilis, scientia quidem eius nondum est, ubi illa additio conditionata, si est scibilis, ostendit satis quid de ea philosophus existimarit. Quod autem positis atomis hæc omnia sunt falsa patet, primò quia datur commensurabilitas, & longitudine, & potentià inter diametrum, & peripheriam se habent enim in-*

ter se pro ratione compositionis, sit ergo diameter 10. atomorum, peripheria 31. se habent ut numerus ad numerum, datâ autem proportionem longitudinis sequitur proportio potentie, ergo circuli quadratura datis atomis contra demonstrata à mathematicis per comparabilitatē poterit reperiri, quod implicat: ergo continuum atomis non constat.

Respondeo ex lemma tertio, non debere fieri transitum à lineis mathematicis ad physicas, sumitur autem comparabilitas, & incomparabilitas linearum, & figurarum à spatio mathematico non verò reali. Et quidem in terminis mathematicis nego circuli quadraturam esse impossibilem, aut id satis conuinci ab adductis probationibus, neq; verò vnicum mediū est comparabilitas immediata, sed fortasse circulo, & quadrato reperiri potest mensura communis quam hactenus inuestigarunt tot eximij mathematici, ut Orontius, Clavius, & iam pridem ingeniorum apex Archimedes, & septem ab ipso seculis Nicomedes, & alij plures, qui si quadraturam inuestigarunt non existimauere impossibilem, cognito enim non esse comparabilem diametrum quadrati cum suo latere, nullus in ea re inuestiganda laborauit; At hactenus latuisse mathematicos tetragonismum, difficilem inuentu, non autem impossibilem videtur inferri. Multum Dei prouidentie in abstrusis debemus, ad ea enim inuestiganda dum se se accingunt viri insignes etsi punctum non ferant pulcherrima tamen reperiunt. Imò multi inuentam à se quadraturam putauere, ut Hippocrates Chius abductionis author in nobili illo paralogismo quem affert Aristoteles 2. priorum c. 26. qui licet adeò sit notus tamen quia admirandum est inuentum quodq; possibilem circuli quadraturam esse ostendit idè illud subdo omisis Hippocratis erroribus.

PROPOSITIO XXXVII.

Problema. Meniscum, siue lunulam quadrare.

SIT circulus ABH utcumq; ducta diametro AH & semidiametro ad illam perpendiculari BC, & subtendente BA, fiat circulus FACB, diametro AB, erit circulus in diametro AH duplus circuli in subtendente AB descripti per 2. 12. Circuli enim eam inter se rationem habent quam descripta à diametris quadrata, sed quadratum lineæ AH duplum est quadrati lineæ AB per 47. primi, est enim diameter eius quadrati quod per lineam AB. construitur, ergo circulus etiã ABH duplus est potentiã circulo AFBC, erit ergo segmentum in subtendente AB duplum segmenti AKC in subtendente AC, sunt enim similes figurę, & similiter descriptę per 31. 6, duo itaq; segmenta minora lineis BC, AC comprehensa si sumantur simul



æqualia sunt maiori segmento AEB, quarta itaq; circuli maioris pars æqualis est semicirculo minoris ex 2. 12. cum itaq; eiusdē circuli semicirculi sint æquales, & si ab æqualibus æqualia demas quę remanent sunt æqualia, sublato segmento AEB manebit meniscus, siue lunula AEBF, similiter ab altero semicirculo ACB tolle segmenta BIC, CKA manebit residuum triangulum ACB æquale lunulæ AEBF quod erat inueniendum. Verũ cætera non potuit exequi Hipp. & paralogismo vsus reliquum tentat tetragonismi, ut videbis

videbis apud Arist. loco cit. Antipho. apud eundem in primo Elenchorū c. 10. & Bryllo quadraturā diuersis vijs tentarunt. Hęc autem Hippocratis demonstratio insitit rei inuestigandę scilicet problemati constituendo ad tetragonismum, Theorema enim inuentum est ab Archimede, l. de dimensionē circuli prop. 1. & l. de lineis spiralibus prop. 18. inuenit rectam lineam æqualem circumferentię primi circuli spiralis lineę, & prop. 19. aliam rectā æqualem circumferentię secundi circuli, idemq; quadrauit parabolam. Vide Pappum in collect. l. 4. Ioannem Buteonem in lib. quadraturarum omniū vetrū, & recentiorum, ex quibus conijcies an problema demonstratiuē construens aream quadratā æqualem areę circulari sit impossibile, si enim naturaliter sit quare demonstrari non poterit? Detinentur autem hæcenus mathematici in probatione minoris syllogismi Hippocratis qui ita se habet. Omnis figura rectilinea quadratur, sed circulus ad rectilineam deduci potest ergo quadrabitur. In probatione minoris facta est APAGOGĒ, seu abductio, dūm quisq; medium quæreretur quo circulus ad rectilineam figuram deduceretur, hinc Hipp. minorem abduxit ad lunulę inuestigationem, alij ad quadratricem, vt fecit Pappus, & Clauius l. 6. elemen. & alij ad alias vias sunt deflecti, in quibus hæcenus frustra viri extra omnem doctrinæ ingenijq; aleam positi insudarunt.


OBIECTIO V.

De linea conchili.

EX linea conchili Nicomedis arguitur manifestē continuū omne diuisibile esse in infinitum, idē etiā ex lineis asymptoticis pro quarum explicatione sit.

PROPOSITIO XXXVIII.

Dantur linea quæ productæ in infinitum semper magis, ac magis accedunt, nunquam tamen vel intersecant se, vel se tangunt, & quamvis aliunde distent magis, & magis in infinitum, nunquam tamen ultra certam distantiam à se inuicem abesse possunt.



D Vclineas AB, CD parallelas in infinitum, à puncto E vt libet extra lineas assumpto duc lineam perpendicularē EFG, deinde à puncto E duc infinitas rectas secantes obliquè lineam AB quales sunt EH, EK, EM, eâ tamen lege vt lineæ pars quæ lineam AB superabit sit æqualis lineæ FG segmento, qualia sunt HI, KL, MN, æqualia ipsi FG, nunc verò puncta G, I, L, N, aliaq; intermedia pari ratione inuenta connecte ductâ lineâ G, I, L, N, & habebis lineam conchilem quam Nicomedes inclytus inter geometras est imaginatus: apud quem punctum E vocatur polus, quodd circa illud tanquam circa cardinem voluantur lineæ, & sui segmento designent lineam conchilem: lineam AB vocat

vocat normalem, quodd sit linea dirigens lineas ortas à puncto E, lineam verò EG axem dicite, & lineam FG sagittam directam, alias verò HI, KL, sagittas obliquas appellat.

Iam verò appello etiam illos qui Euclide non sunt initiati, nonne patet quòd longius prouehitur linea GILN eo magis accedere ad lineam AB & magis distare à linea CD. nunquam tamen vel cum AB coibit, & semper minus distabit à CD quam sit mensura FG. Ratio huius rei satis clara est à lineæ generatione, cum enim tota oriatur à lineis ductis à puncto E interfecantibus lineam AB sequitur angulum, qualis est NMB, semper intercessurum inter conchilem, & lineam AB. alioqui ducta linea EM fieret parallela lineæ AB, quam tamen interfecat, & sic duæ rectæ haberent vnum, & idem segmentum commune contra axioma 10. lib. 1. Eucl.

Neq; solum id in linea conchili particulare est, verum etiam Apollonius Pergæus in suis asymptotis eandem proprietatem demonstrat in hyperbole, & rectâ conï diametro correspondente huiusmodi sectioni. Preterea Leutraudus meliori dignus mathematicus peculiari subtilissimaq; demonstratione eandem asymptoton proprietatem ab omni dubitatione eximit: nouamq; in sua quadratrice reperit asymptoton idem. probl 57. Plura de linea conchili habet Clavius in geometria practica.

Ex hac doctrina sic argumentor: Vbi excessus sunt infiniti in materia, ibi est diuisibilitas in infinitum, sed excessus perpendicularium quæ excitantur à punctis sagittarum extremis ad normalem AB sunt infiniti, ergo aderunt infinitæ diuisibilitates ac proinde atomi innumeræ; ceteroqui tot essent excessus quot atomi, quod implicat.

Respondeo ex lemmate 2. omne continuum ex Democrito esse infinitum mathematicè, extrinsecè, & designatiue, intrinsecè

secè verò, & physicè finitum, tum penes indiuiduas atomos, tum penes diuisibilitatem realem, argumentum ergo peccat contra lemma 3. fit enim transitus à lineis mathematicis ad physicas, & à spatio imaginario ad reale contra lemma primum. Verùm vt hæc responsio cui totus Democritus innititur, facilius admittatur.

Obseruo triplicem esse proportionalitatem quarum naturã complecti omnè, non est pronũ, pauca ad rem meam delibo. Arithmetica proportionalitas augetur in infinitũ, sed in infinitũ non decrescit. Ita natura continui realis ex atomis in infinitum crescere potest, infra atomi extensionem non potest decrescere, Harmonica proportionalitas decrescit in infinitum sed in infinitum augeri non potest. Ita lineę asymptoti, & conchilis in infinitum decrescunt ratione approximationis, & tamen non augentur in infinitum in ratione distantie ab alia à qua magis ac magis recedunt. Geometrica proportionalitas, & augetur, & decrescit in infinitum sicuti spatium mathematicum, cui cum adæquantur atomi, etiam illo mediante extrinsecam, & imaginariam diuisibilitatem habent. Ex quibus quidquid contra nos à linea conchili dici potest satis refutatur. Vide Campanum, Proelunz, Clauium in definit. lib. 5. Eucl. si plura de proportionibus cupis.

SCHOLIUM.

Vulgò in scholis ad probandum infinitum in magnitudine implicare adducitur hic syllogismus.

*Lineę decussatę quo longius producantur, eo magis distant,
Sed producantur in infinitum, Ergo distant in infinitũ.*

Maior fundatur ratiocinatione geometrica, & maximè p. 29. 1. vbi demonstratur principium 13. Euclidis Clauiani: atq; aded in illo principio phycorum è proportionis natura petito, *vt se habet simpliciter, ad simpliciter ita magis ad magis.* Illud tamen

tamen argumentum meo iudicio sophisticum est, etius defectum et si ostendere nequeam vel in materia vel in forma vt aiunt logici, tamen analogiâ ostendo esse sophisma, quia ex iisdem præmissis elicio consequentiam falsam vt hic videre est. *Linea decussata quo magis propagantur eo magis distant, sed ex suppositione propagantur in infinitum conchilis G I L N N, & linea DC quæ se decussant in G, ergo distant infinitè.* Primus syllogismus videtur in Barbara, secundus in Darij, cuius minor cū sit particularis assumpta sub vniuersali minoris primi syllogismi, concedi debet ab aduersario, & tamen consequentia falsa est, neq; enim vnquam distabit linea conchilis ab linea DC per lineam GF, ergo primū argumentum sophisticum est. Hanc digressionem mihi condonabit Virbanus lector si præsertim sciat interesse Democriti infinitum in magnitudine propugnare. Ille enim infinitum admisit aerem quem inane, & vacuum appellabat, neq; multum repugnauit Aristoteles cū l. 2. de anima t. 68. *perpetuum corpus quod sursum est* nominet.

OBIECTIO VI.

De contactu globi, & plani.

Globus perfectè sphericus tangit planum in puncto mathematico, ergo continuum ex ijs constat, non autem ex atomis, probatur antecedens à Theodosio l. 1. sphericorū prop. 3. & sequitur manifestè à propof. 2. & 16. l. 3. Eucl. conuinciturq; hac ratione quam mathematicarum expertes melius capient, linea curua potest tangere rectam, ergo cum non possit adæquari rectæ eam tantū in puncto mathematico tanget.

Respondeo in atomo esse puncta mathematica virtualiter non autem formaliter, vnde atomus sphaeræ, tangit atomum plani non adæquatè sed secundum aliquam sui virtualitatem quæ puncto respondet, illiq; æquiualeat.

Ad

Ad idem recidit argumentum à figurarum perfectione petitum, tetraedrum, pyramis, conus, cubus, & aliæ figuræ angulares in punctū desinere debent ut pronuntiauit Euclides.

Respondeo enim sufficere ut sit punctū virtualiter, & æquualementer, negando autem debere adesse puncta mathematica formaliter.

OBIECTIO VII.

De lineis infecabilibus.

Contra atomos est integer Aristotelis libellus de infecabilibus lineis cuius argumenta facili negotio eade mq; distinctione diuisibilitatis physicæ, & mathematicæ diluuntur. Vnum validissimum de multis accipe.

Sidatur linea infecabilis, (qualem in vna atomi dimensione admittere necessarium est) omnes lineæ erunt commensurabiles, nam omnes ab indiuiduis lineis dimetientur quæq; longitudine quæq; potentia sunt commensurabiles: indiuidua autem lineæ sibi ipsis commensurabiles sunt longitudine cum inter se sint æquales: quare potentia quoq; quod si hoc est, diuiduum erit quadratum.

Ecce obscurum Aristotelis telum quod clariùs ita in formam syllogisticam contorqueo. Illæ lineæ sunt commensurabiles quibus datur mensura communis, sed datur omnibus lineis mensura communis, nempe linea infecabilis, quæ cum sit vltima, & minima quæ dari possit, omnes alias componit ac proinde etiam metitur, licet enim dicere quoties in quauis contineatur, ergo omnes lineæ sunt commensurabiles, ergo diameter, & costa quadrati sunt cōmensurabiles, nō potentia modò verum etiam lōgitudine quod implicat ut patet ex propositione sequenti.

PROPOSITIO XXXVIII.

Latus quadraticeſt incommenſurabile longitudine cum diametro ſua.

CV M enim ex 47. 1. quadratum diametri duplum ſit quadrati ex latere deſcripti habebit quadratum ex diametro ad quadratum ex latere proportionem 2. ad 1. vel 4. ad 2. vel 8. ad 4. ſed ſumptis in proportionem dupla quotcunq; numeris ab unitate 1. 2. 4. 8. 16. &c. ſolū tertius ab unitate nempe 4. quadratus eſt per decimam noni, & reliqui numeri vnum inter ſe omittentes, nam primus ab unitate nempe 2. quadratus non eſt, erunt ergo tantum hi numeri quadrati 4. 16. 64. reliqui verò 2. 8. 32. non quadrati, quare cum 4. ſit quadratus, & 2. non ſit quadratus, non habebit 4. ad 2. proportionem, quam quadratus ad quadratum, ergo nec quadratum ex diametro ad quadratum coſtæ, ergo ſunt incommenſurabiles coſta & diameter, deinde cum inter numeros proportionales duplâ proportionē habentes ex octava octavi nullus cadat proportionalis, ſequitur diametrum, & coſtam eſſe incommenſurabiles, nam ex nona decimi, quadrata inter ſe proportionem non habentia quam quadratus numerus ad quadratum numerum, neq; latera habebunt commenſurabilia; Verū non arithmeticè modo ſed etiam geometricè noſtram propoſitionē ex profeſſo demonſtrat Euclides propoſ. ultimâ lib. 10.

Vis itaq; argumenti Ariſtotelis qui callebat ſatis mathematicas in coſita eſt, vt prober à noſtris lineis inſecabilibus iſtud impoſſibile, coſtam, & diametrum eſſe commenſurabiles, ſicut enim unitas omnes numeros metitur, ita, & linea inſecabilis omnes alias lineas dimetietur.

Reſpondeo itaq; coſtam, & diametrum eſſe incommenſurabiles mathematicè, noſtraſq; lineas eſſe quidem phyſicè inſecabiles ſed non mathematicè, à mathematicis verò lineis
non

non autem à physicis sumenda est ratio commensurabilitatis, & incommensurabilitatis: neq; ideo quod detur linea physice inseparabilis ea propter debet assumi tanquam communis mensura, cum ut supra diximus mensuræ proprietas sit esse una, & inuariabilis, atqui istæ lineæ pro varia figuratione atomorum variantur, ergo non possunt assumi tanquam cæterarum mensura.

Cætera argumenta Aristotelis nil moror, cum hæc unica solutione ruant, & adducto sint aliquanto inbecilliora: omniaq; contra lemma tertium, & primum procedant.

OBIECTIO VIII.

De angulo contactus, & angulo acuto.

NON tantum atomus diuisibilis est in infinitum verum, etiam partes habet determinabiles maiores unâ quapiam determinatâ.

PROPOSITIO XXXIX.

In atomo ABC potest designari pars B quâ maiores, & maiores in infinitum in eadem atomo ABC possumus assignare.

Demonstratur ex Eucl. prop. 16. I. 3. *Quæ ab extremitate diametri cuiusq; circuli ad angulos rectos linea ducitur, extra circulum cadet, & in locum inter ipsam rectam lineam, & peripheriâ comprehensum altera recta non cadet, & semicirculi angulus quouis acuto rectilineo maior est, reliquus autem minor, hæc propositio quatuor habet partes quarum prima, & secunda ita clarè demonstrantur ab Otonio Finæo, tertia verò, & quarta à Clauio in Euclidem ut dubitationis omnis aleam vel suspensionem tollant quamvis Peletarius erroris Euclidem hic pene damnare sit conatus, neq; hic eas demonstrationes transcribere debeo cum omni plagiatus abstinere decreuerim.*

Euclidi consentiunt Proclus lib. 3. ad prop. 4. lib. 1. Eucl.

Apol-

Apollonius Pergæus lib. 1. ptop. 32. Proclus, addiscemus, inquit, quod cornicularis angulus semper est inæqualis acuto, id est minor, ratio est quia cornicularis angulus potest semper esse pars anguli contactus, ac proinde cum totum illud cuius potest esse pars sit semper minus quouis angulo acuto, quantumvis paruo, necessario dicendum est angulum cornicularem multò minorem esse, neq; dicas vocem illam *inæqualem* intelligi debere de incommensurabilitate, vel de omnimoda incomparabilitate, nam ipsemet Proclus demonstrat huiuscemodi angulos cornicularē, & acutum esse commensurabiles potentiam quod videbis apud Clauij Euclidem lib. 5. def. 5.

Apollonius verò Pergæus lib. 1. prop. 32. In locum qui inter confectionem, & rectam lineam interjicitur, altera recta non cadit, atq; ad eò angulus ille contactus minor est quouis acuto rectilineo, & reliquus angulus si perpendicularis excutetur omni acuto rectilineo maior, quod in parabola hyperbola, & ellipsi demonstrat. Et qui theoricę practicam iunxit ingeniosissimus machinarum artifex Archimedes idem innuit libro abstrusa scientiæ de sphaera, & cylindro, neq; ullus est qui clarissimis illarum positionum demonstrationibus possit obistere.

His ita constitutis sic argumentor: In quauis atomo potest designari angulus contactus, & angulus acutus, sed angulus acutus potest in alios acutos diuidi in infinitum, qui quantumvis parui sint, quouis angulo contactus sunt maiores, ergo data vnâ parte determinatâ in atomo, possunt dari aliæ determinatę maiores in infinitum, infiniti nempe anguli acuti angulo contactus maiores, quod erat ostendendum, quare pro corollario huius propositionis merito Cardanus; potest, inquit, una quantitas infinite augeri, & alia infinite minui, & tamen augmentum illius quantumcumq; sit semper erit minus decremento istius. Augeatur enim in infinitum angulus contactus, minuaturq;

in in-

in infinitum angulus acutus semper tamen hic maior erit illo: quia scilicet quivis angulus acutus applicatus perpendiculariter diametro circuli intra circulum cadit, angulus verò contactus cadit extra circulū, ergo angulus contactus cuiuscumque sit magnitudinis semper se habet ad angulum acutum ut pars ad totum.

Dices primò vel inter circulum, & lineam contingentem intermediat spatium vel non, si primùm poterit in eo duci recta linea, quia quolibet spatio dato quælibet construi potest figura, si secundum, hoc est, si non intermediat spatium, sequitur quod recta contingens non cadit extra circulum.

Respond. intermediare spatiū sed asymmetron cum linea recta, proportionatum verò circularibus, & inflexis per quas angulus ille divisibilis est in infinitum: ad probationem, quolibet spatio dato quælibet construi potest figura, distinguo, de spatio complectente aream concedo, de spatio siue area indeterminata qualis est inter angulorum lineas, nego.

Dices secundò latitudo anguli contactus potest dividi per lineam rectā, ergo, & ipse angulus, nam propagatio linearum non mutat naturam anguli cuius natura sita est in inclinatione alterius ad alteram quæ productis lineis non variatur.

Respondeo negando propagationem linearum curvarum non mutare naturam anguli, quamvis de rectis lineis id concedam, ratio est quia lineæ mixtæ, & circulares irregulariter duci possunt, at recta vnico fluxu, & vnica viā ducitur, rectæ enim duæ non possunt habere vnum, & idem segmentum commune, hoc est ut vna pars rectæ sit pars alterius, ut patet axioma 10. 1. curvæ autem id possunt ut patet in ellipsi, & lineis mixtis.

Dices tertio contingit transire à maiori ad minus, & per omnia media ergo etiam per aqualē, circumducatur diame-

ter incumbet tandem, & coincidit cum linea contingenti ergo transiit à maiori ad minus, & per omnia media, & consequenter per æquales, ergo datur angulus acutus æqualis angulo contactus.

Resp. distinguendo, si detur illud æquale concedo; si nō detur nego, & afferō duplicem instantiam, prima est de proportionē diametri circuli ad circumferentiam, quæ non est ut 7. ad 22. exactē loquendo, siue non seruat rationem proportionis triplæ sesquiseptimæ, & excedit vērō proportionem 7. ad 21. deinde daretur angulus acutus æqualis angulo semicirculi, nam circumducta linea contingens vsq; dum coincidat in diametrum transiit à maiori ad minus, & per omnia media, non tamen per æquales, nullum enī datur.

Dices 4. Euclides lib. 10. prop. 1. Si, inquit, *duabus magnitudinibus inæqualibus propositis, de maiore detrahatur plus dimidio, iterumq; de residuo detrahatur plus dimidio, idq; semper fiat, relinquetur quedam magnitudo minor altera minore ex duabus propositis.* ergo angulus acutus ita per dimidia frequenter imminutus tandem fiet minor angulo contactus.

Resp. propositionem illam libri decimi intelligendam de quantitibus cuiuscunq; generis dummodo veravis multiplicata alteram excedere possit, sed multiplicatus angulus contactus non potest excedere angulum acutum, ergo de huiusmodi magnitudinibus non agit hæc propositio ex quibus ita argumentor. Non potest intelligi hæc partis determinatio sine diuisibilitate ergo atomus est diuisibilis.

Resp. demonstrationem Euclidis esse opinatam, sicut, & Pappi, Apollonij, Cardani, Procli, & aliorum, sed dico in sequela argumenti duplex errorum committi, & primus quidem paralogismus est contra lemma, i. materiam enī physicam, siue atomos mathematicis principijs tribuit: secundus quod

vocet angulum contactus partem determinatam, cum tamen aream non claudat sitq; inassignabile illud spatium quod latitudinē anguli facit, quod si assignabile esset divideretur vtiq; per rectam, quare cum angulus contactus spatium non comprehendat, sicuti neq; angulus acutus ex principio 12. primi, duę enim rectę spatium non comprehendunt. Sequitur neutrum esse partem determinatam, unde apparet illud argumentum etiam habitā ratione spatij mathematici esse sophisticum.


OBIECTIONES PHYSICOMATHEMATICÆ.

Harum obiectionum conclusiones sunt plerumq; vitiosę vel certē non conuincentes, oblemmata superius adducta, conclusio enim deteriorem sequitur partem, quare si præmissa habeat aliquid defectus vel ex mathesi vel ex philosophia, consequela inficitur.

OBIECTIO IX.

De motu rota.

SI continuum componitur ex atomis, sequitur debere frangi totam in motu, sit enim rota ACBF maior, rota autem minor HEQ, angulus ab axe O ad circumferentiam ductus AOG, arcus exterior AG



duarum atomorum, arcus interior EH, vnius atomi, moueatur circa eundem axem O ab A in C, & ab E in H, sequitur quod dum
atomus

atomus AL reperitur in LG tota atomus EH pertransierit, ergo atomus AL non ipsamplius adhæret, quod si non mutauit locum atomus EH, fuit immobilis contra hypothesein, si mutauit locum, minor rota tantumdem conficit spatij atq; maior in pari velocitatis gradu, vt patet ex lineis IH, ML perpendicularibus, & dissoluta est rotæ compages, quæ absurdissima sunt.

Respondet 1. Arriaga partes magis vicinas centro quiescere, sed par est de intermedijs partibus difficultas. Sebastianus Basso post Empedoclem ait partes insensibiliter diuelli. Respondeo ego ex lemmate 2. Atomo inesse mathematicam extensionem secundum quam potest locum mutare in adæquatè secundum aliquam sui virtualitatem, dum ergo atomus exterior totum locum mutat, interior pro rata parte mutat locum secundum quid, non autem absolute, ita dum atomus AL mutauit locum in LG atomus EH secundum mediam sui extensionem delata est ultra punctum H, & sic de cæteris, interior autem vicinaq; centro atomus cum habeat simihter innumeras virtualitates extensionis mathematicæ, ideo secundum quid sui locum mutare potest.

OBIECTIO X.

De comparatione maioris, & minoris extensionis.

TOT essent partes mathematicæ in vna atomo quot in toto celo, sequela absurda est, nam etiam mathematicè loquendo totum maius est sua parte, probatur antecedens, sint circuli duo concentrici interior vnus atomi, exterior verò linea Ecliptica, dico tot esse partes in vna atomo quod in toto celo, nam ab singulis celi punctis ad interioris sphaeræ centrū lineas diduces, ergo vtrōq; par est partium etiam mathematicarum numerus, quod est absurdum.

Respondent aliqui domi suæ nobiles philosophi non posse dici tot, & quot, puerile responsum. Alius negabat posse comparari circulum cum circulo in ratione partium. Respondeo sensum propositionis huic esse, tot posse fingi distinctiones, lineas, figuras, designationes in spatio vnius atomi quot in cælo transeat, neq; verò id absurdum est cum vtrobiq; spatium sit infinitum extrinsecè, & per imaginationem, vt aiebat Democritus, quod autem ab intellectu fingente rei inest, absurdum in natura dici non potest: sicuti autem rerum imagines vâstissimas lumen exiguis terminis coerces, quid impedit quominus imaginatio idem præstet, designetq; in vnius atomi angustijs omnes firmamenti constellationes? lineæ non possunt duci distinctè, & separatim à singulis firmamenti atomis ad orbis centrum, argumentum itaque procedit contra lemma 2. & 1.

OBIECTIO XI.

De luminis propagatione, & figuratione.

CV M superius responsum sit fieri transitum à alienis mathematicis ad physicas, nunc argumentum ex meris radijs siue lineis physicis afferro, & primum suppono illud perspectiue principium, *A quouis corporis lucidi puncto ad quodlibet mediij punctum, lumen quoquo versus emicat, ita vt à quouis puncto lucidi tanquam à centro circumquaq; effusum in modum spheræ diffundatur.* Deinde præpono experientiam quotidianam figurationis lucis de qua egit Aristoteles, si. 1. 5. probl. 5. quando ita quærit, *Cur sol per quadrilatera profluens, non rectis lineis figuram describit, sed circulum format vt in cratibus patet?* & quidem ex prima suppositione ita argumentor, si sol, verbi causâ, atomis constet, cum vndiquaque. lineas lucis effundat, tot erunt à sole lucis lineæ quot eius superficies atomis componitur, quia ab vna
atomo

Ad idem recidit argumentum à figurarum perfectione petitum, tetraedrum, pyramis, conus, cubus, & aliæ figuræ angulares in punctū definere debent ut pronuntiauit Euclides.

Respondeo enim sufficere ut sit punctū virtualiter, & æquiuenter, negando autem debere adesse puncta mathematica formaliter.

OBIECTIO VII.

De lineis infecabilibus.

Contra atomos est integer Aristotelis libellus de infecabilibus lineis cuius argumenta facili negotio eade mōq; distinctione diuissibilitatis physicæ, & mathematicæ diluuntur. Vnum validissimum de multis accipe.

Sidatur linea infecabilis, (qualem in vna atomi dimensione admittere necessarium est) omnes lineæ erunt commensurabiles, nam omnes ab indiuiduis lineis dimetientur quæq; longitudine quæq; potentia sunt commensurabiles: indiuidua autem lineæ sibi ipsis commensurabiles sunt longitudine cum inter se sint æquales: quare potentia quoq; quod se hoc est, diuiduum eris quadratum.

Ecce obscurum Aristotelis telum quod clariùs ita in formam syllogisticam contorqueo. Illæ lineæ sunt commensurabiles quibus datur mensura communis, sed datur omnibus lineis mensura communis, nempe linea infecabilis, quæ cum sit vltima, & minima quæ dari possit, omnes alias componit ac proinde etiam metitur, licet enim dicere quoties in quauis contineatur, ergo omnes lineæ sunt commensurabiles, ergo diameter, & costa quadrati sunt cōmensurabiles, nō potentia modò verum etiam lōgitudine quod implicat ut patet ex propositione sequenti.

PROPOSITIO XXXVIII.

Latus quadrati est incommensurabile longitudine cum diametro sua.

CVM enim ex 47. 1. quadratum diametri duplum sit quadrati ex latere descripti habebit quadratum ex diametro ad quadratum ex latere proportionem 2. ad 1. vel 4. ad 2. vel 8. ad 4. sed sumptis in proportionem dupla quocumq; numeris ab unitate 1. 2. 4. 8. 16. &c. solū tertius ab unitate nempe 4; quadratus est per decimam noni, & reliqui numeri vnum inter se omittentes, nam primus ab unitate nempe 2. quadratus non est, erunt ergo tantum hi numeri quadrati 4. 16. 64. reliqui verò 2. 8. 32. non quadrati, quare cum 4. sit quadratus, & 2. non sit quadratus, non habebit 4. ad 2. proportionem, quam quadratus ad quadratum, ergo nec quadratum ex diametro ad quadratum costæ, ergo sunt incommensurabiles costæ & diameter, deinde cum inter numeros proportionales duplâ proportionē habentes ex octaua octavi nullus cadat proportionalis, sequitur diametrum, & costam esse incommensurabiles, nam ex nona decimi quadrata inter se proportionem non habentia quam quadratus numerus ad quadratum numerum, neq; latera habebunt commensurabilia; Verum non arithmetice modo sed etiam geometricè nostram propositionē ex professo demonstrat Euclides propo. vltimâ lib. 10.

Vis itaq; argumenti Aristorelis qui callebat satis mathematicas in eo sita est, vt probet à nostris lineis insecabilibus istud impossibile, costam, & diametrum esse commensurabiles, sicut enim unitas omnes numeros metitur, ita, & linea insecabilis omnes alias lineas dimetiatur.

Respondeo itaq; costam, & diametrum esse incommensurabiles mathematicè, nostrasq; lineas esse quidem physice insecabiles sed non mathematicè, à mathematicis, verò lineis
non

non autem à physicis sumenda est ratio commensurabilitatis, & incommensurabilitatis: neq; ideo quod detur linea physice inseparabilis ea propter debet assumi tanquam communis mensura, cum ut supra diximus mensuræ proprietates sit esse una, & invariabilis, atqui istæ lineæ pro varia figuratione atomorum variantur, ergo non possunt assumi tanquam ætæræ mensura.

Cætera argumenta Aristotelis nil moror, cum hæc vnicâ solutione ruant, & adducto sint aliquanto inbecilliora: omniaq; contra lemma tertium, & primum procedant.

OBIECTIO VIII.

De angulo contactus, & angulo acuto.

NON tantum atomus divisibilis est in infinitum verum etiam partes habet determinabiles maiores unâ quapiam determinatâ.

PROPOSITIO XXXIX.

In atomo ABC potest designari pars B quæ maiores, & maiores in infinitum in eadem atomo ABC possumus assignare.

DEmonstratur ex Eucl. prop. 16. 1. 3. *Quæ ab extremitate diametri cuiusq; circuli ad angulos rectos linea ducitur, extra circulum cadet, & in locum inter ipsam rectam lineam, & peripheriâ comprehensum altera recta non cadet, & semicirculi angulus quovis acuto rectilineo maior est, reliquo autem minor, hæc propositio quatuor habet partes quarum prima, & secunda ita clarè demonstratur ab Orontio Finitio, tertia verò, & quarta à Claudio in Euclidem ut dubitationis omnis aleam vel suspensionem tollant quamvis Peletarius erroris Euclidem hic pene damnare sit conatus, neq; hic eas demonstrationes transcribere debeo cum omni plagiatu abstinere decreuerim.*

Euclidi consentiunt Proclus lib. 3. ad prop. 4. lib. 1. Eucl. Apol.

Apollonius Pergæus lib. 1. prop. 32. Proclus, addiscemus, inquit, quod cornicularis angulus semper est inæqualis acuto, id est minor, ratio est quia cornicularis angulus potest semper esse pars anguli contactus, ac proinde cum totum illud cuius potest esse pars sit semper minus quouis angulo acuto, quantumvis paruo, necessariò dicendum est angulum cornicularem multò minorem esse, neq; dicas vocem illam *inæqualem* intelligi debere de incommensurabilitate, vel de omnimoda incomparabilitate, nam ipsemet Proclus demonstrat huiusmodi angulos cornicularē, & acutum esse commensurabiles potentiam quod videbis apud Clauij Enclidem lib. 5. def. 5.

Apollonius verò Pergæus lib. 1. prop. 32. In locum qui inter confectionem, & rectam lineam interijcitur, altera recta non cadit, atq; ad eò angulus illè contactus minor est quouis acuto rectilineo, & reliquus angulus si perpendicularis excutetur omni acuto rectilineo maior, quod in parabola hyperbola, & ellipsi demonstrat. Et qui theoricę prædicam iunxit ingeniosissimus machinarum artifex Archimedes idem innuit libro abstrusæ scientiæ de sphaera, & cylindro, neq; vllus est qui clarissimis illarum positionum demonstrationibus possit obistere.

His ita constitutis sic argumentor: In quauis atomo potest designari angulus contactus, & angulus acutus, sed angulus acutus potest in alios acutos diuidi in infinitum, qui quantumvis parui sint, quouis angulo contactus sunt maiores, ergo datà vnà parte determinatà in atomo, possunt dari aliæ determinatę maiores in infinitum, infiniti nempe anguli acuti angulo contactus maiores, quod erat ostendendum, quare pro corollario huius propositionis merito Cardanus; potest, inquit, una quantitas infinite augeri, & alia infinite minui, & tamen augmentum illius quantumcumq; sit semper erit minus decremento istius. Augcatur enim in infinitum angulus contactus, minuaturq; in in-

in infinitum angulus acutus semper tamen hic maior erit illo: quia scilicet quivis angulus acutus applicatus perpendiculariter diametro circuli intra circulum cadit, angulus verò contactus cadit extra circulū, ergo angulus contactus cuiuscumq; sit magnitudinis semper se habet ad angulum acutum ut pars ad totum.

Dices primò vel inter circulum, & lineam contingentem, intermediat spatium vel non, si primùm poterit in eo duci recta linea, quia quolibet spatio dato quolibet construi potest figura, si secundum, hoc est, si non intermediat spatium, sequitur quod recta contingens non cadit extra circulum.

Respond. intermediare spatiū sed asymmetron cum linea recta, proportionatum verò circularibus, & inflexis per quas angulus ille diuisibilis est in infinitum: ad probationem, quolibet spatio dato qualibet construi potest figura, distingo, de spatio complectente aream concedo, de spatio siue area indeterminata qualis est inter angulorum lineas, nego.

Dices secundò latitudo anguli contactus potest diuidi per lineam rectā, ergo, & ipse angulus, nam propagatio linearum non mutat naturam anguli cuius natura sita est in inclinatione alterius ad alteram quę productis lineis non variatur.

Respondeo negando propagationem linearum curvarum non mutare naturam anguli, quamvis de rectis lineis id concedam, ratio est quia lineæ mixtæ, & circulares irregulariter duci possunt, at recta vnico fluxu, & vnica viā ducitur, rectæ enim duæ non possunt habere vnum, & idem segmentum cōmune, hoc est ut vna pars rectæ sit pars alterius, ut patet axioma 10. 1. curvæ autem id possunt ut patet in ellipsi, & lineis mixtis.

Dices tertio contingit transire à maiori ad minus, & per omnia media ergo etiam per a quales, circumducatur diame-

ter incumbet tandem, & coincidat cum linea cōtingenti ergo transiit à maiori ad minus, & per omnia media, & consequenter per æquales, ergo datur angulus acutus æqualis angulo contactus.

Resp. distinguendo, si detur illud æquale concedo, si nō detur nego, & afferō duplicem instantiam, prima est de proportionē diametri circuli ad circumferentiam, quæ non est ut 7. ad 22. exactè loquendo, siue non seruat rationē proportionis triplæ sesquiseptimæ, & cedit vērō proportionem 7. ad 21. deinde daretur angulus acutus æqualis angulo semicirculi, nam circumducta linea contingens vsq; dum coincidat in diametrum transiit à maiori ad minus, & per omnia media, non tamen per æquales, nullum enī datur

Dices 4. Euclides lib. 10. prop. 1. Si, inquit, *duabus magnitudinibus inequalibus propositis, de maiore detrahatur plus dimidio, iterumq; de residuo detrahatur plus dimidio, idq; semper fiat, relinquetur quædam magnitudo minor altera minore ex duabus propositis.* ergo angulus acutus ita per dimidia frequenter imminutus tandem fiet minor angulo contactus.

Resp. propositionem illam libri decimi intelligendam de quantitatibus cuiuscunq; generis dummodo verais multiplicata alteram excedere possit, sed multiplicatus angulus contactus non potest excedere angulum acutum, ergo de huiusmodi magnitudinibus non agit hæc propositiō ex quibus ita argumentor. Non potest intelligi hæc partis determinatio sine diuisibilitate ergo atomus est diuisibilis.

Resp. demonstrationem Euclidis esse optimam, sicut, & Pappi, Apollonij, Cardani, Procli, & aliorum, sed dico in sequela argumenti duplex erratum committi, & primus quidem paralogismus est contra lemmam, nempe materiam enim physicam, siue atomos mathematicis principiis imbuunt: Secundum quod

vocet angulum contactus partem determinatam, cum tamen aream non claudat sitq; inassignabile illud spatium quod latitudinē anguli facit, quod si assignabile esset divideretur utiq; per rectam, quare cum angulus contactus spatium non comprehendat, sicuti neq; angulus acutus ex principio 12. primi, duę enim rectę spatium non comprehendunt. Sequitur neutrum esse partem determinatam, unde apparet illud argumentum etiam habitā ratione spatij mathematici esse sophisticum.

OBIECTIONES PHYSICOMATHEMATICÆ.

Harum obiectionum conclusiones sunt plerumq; vitiosę vel certē non convincentes, oblemmata superius adducta, conclusio enim deteriorem sequitur partem, quare si præmissa habeat aliquid defectus vel ex mathesi vel ex philosophia, consequela inficitur.

OBIECTIO IX.

De motu rotæ.

SI continuum componitur ex atomis, sequitur debere re frangi totam in motu, sit enim rota ACBF maior, rota autem minor HEQ, angulus ab axe O ad circumferentiam ductus AOG, arcus exterior AG duarum atomorum,



arcus interior EH, unius atomi, moueatur circa eundem axem O ab A in C, & ab E in H, sequitur quod dum
atomus

atomus AL reperitur in LG tota atomus EH pertransierit, ergo atomus AL non ipsamplius adhæret, quod si non mutauit locum atomus EH, fuit immobilis contra hypothefim, si mutauit locum, minor rota tantumdem conficit spatij atq; maior in pari velocitatis gradu, vt patet ex lineis IH, ML perpendicularibus, & dissoluta est rotæ compages, quæ absurdissima sunt.

Respondet 1. Arriaga partes magis vicinas centro quiescere, sed par est de intermedijs partibus difficultas. Sebastianus Basso post Empedoclem ait partes insensibiliter diuelli. Respondet ego ex lemmate 2. Atomo inesse mathematicam extensionem secundum quam potest locum mutare inadæquatè secundum aliquam sui virtualitatem, dum ergo atomus exterior totum locum mutat, interior pro rata parte mutat locum secundum quid, non autem absolute, ita dum atomus AL mutauit locum in LG atomus EH secundum mediam sui extensionem delata est ultra punctum H, & sic de cæteris, interior autem vicinaq; centro atomus cum habeat fimiliter innumeras virtualitates extensionis mathematicæ, ideo secundum quid sui locum mutare potest.

OBIECTIO X.

De comparatione maioris, & minoris extensionis.

TOT essent partes mathematicæ in vna atomo quot in toto calo, sequela absurda est, nam etiam mathematicè loquendo totum maius est sua parte, probatur antecedens, sint circuli duo concentrici interior vnus atomi, exterior verò linea Ecliptica, dico tot esse partes in vna atomo quod in toto calo, nam ab singulis cali punctis ad interioris sphaeræ centrū lineas diduces, ergo vtrebq; par est partium etiam mathematicarum numerus, quod est absurdum.

Respondent aliqui domi suæ nobiles philosophi non posse dici tot, & quot, puerile responsum. Alius negabat posse comparari circulum cum circulo in ratione partium. Respondeo sensum propositionis huic esse, tot posse fingi distinctiones, lineas, figuras, designationes in spatio vnius atomi quot in cælo transeat, neq; verò id absurdum est cum vtrobiq; spatium sit infinitum extrinsecè, & per imaginationem, vt aiebat Democritus, quod autem ab intellectu fingente rei inest, absurdum in natura dici non potest: sicuti autem rerum imagines vastissimas lumen exiguis terminis coercet, quid impedit quominus imaginatio idem præstet, designetq; in vnius atomi angustijs omnes firmamenti constellationes? lineæ non possunt duci distinctè, & separatim à singulis firmamenti atomis ad orbis centrum, argumentum itaque procedit contra lemma 2. & 1.

OBIECTIO XI.

De luminis propagatione, & figuratione.

CVM superius responsum sit fieri transitum à alienis mathematicis ad phycas, nunc argumentum ex meris radijs siue lineis phycis afferò, & primum suppono illud perspectiue principium, *A quouis corporis lucidi puncto ad quodlibet mediij punctum, lumen quoque versus emicat, ita vt à quouis puncto lucidi tanquam à centro circumquaq; effusum in modum sphaera diffundatur.* Deinde præpono experientiam quotidianam figurationis lucis de qua egit Aristoteles, si t. 5. probl. 5. quando ita quærit, *Cur sol per quadrilatera profluens, non rectis lineis figuram describit, sed circulum format vt in cratibus patet?* & quidem ex prima suppositione ita argumentor, si sol, verbi causà, atomis constet, cum vndiquaque lineas lucis effundat, tot erunt à sole lucis lineæ quot eius superficies atomis componitur, quia ab vna
atomo

atomo non possunt duæ lineæ physicæ promanare, cum autem illæ lineæ se se simul tangerent in superficie solis, sequitur quod pro ratione elongationis distabunt, magis, ergo inter se maxima tenebrarum spatia relinquent, contrarium autem sensu patet, aer enim vniiformiter illuminatur ergo, corpora non constant ex atomis. Ex secunda suppositione ita argui potest, sit conus lucis subiciens per foramen quadratum, quomodo restituet se post decussationem in formam rotundam si dentur atomi? an peribunt aliquæ, an verò de subiecto in subiectum possunt transire istud dici non potest, cum lumen sit accidens ut probauit Aristoteles 2. de an. primum autem gratis asseritur. Ergo admissis atomis figuratio, & propagatio luminis fieri nequit.

Respondeo ad primum, negando à singulis atomis lineas physicas lucis effundi, sed illud perspectiuorum principium, intelligendum esse de puncto sensibili: atomus autem sub sensum non cadit. Deinde omne totum agit per modum totius, singule autem partes secundum se sumptæ non agunt nisi concomitanter cum toto: nisi enim res ita se haberet esset breuissima omnium agentium sphaera aëuitatis. Adde quod nego ab vna atomo vnam tantum diffundi posse lineam, cum intensio lucis, & calor exigit multas atomos in eadem subiecti parte. Ad secundam difficultatem de lucisfiguratione. Respondeo atomos illas quæ in angulis quadrilateræ fissuræ reperiuntur sensim deficere, ob violentiam figuram quæ obiectioni contraria est. Natura autem ut diximus principio 8. huius disput. Semper connaturali sibi statui se se restituere conatur. De illa autem lucisfiguratione vide Vitellionem nu. 39 l. 2. Aristotelem, & Septalium loc. cit. Maurolycum in suis posthumis photismis, Kepplerum in paralipomenis ad Vitellionem. Aquilonium l. 1. opt. Blancanum in loc. Arist. numero 345. Aliosq;

alba
tum

rum mathematicos tum philosophos in lib. de anima ubi de
specierum natura disputant.

OBIECTIO XII.

De illuminatione globi.

SOL applicatur nostro horizonti continuè successiue, ergo pa-
riter illuminat continuè successiue, & consequenter eius
lumen diuisibile est in infinitum, deinde si hoc non admittatur
erit falsum istud theorema optico omnibus astrologisq; certis-
simum: Sphæra luminosa illuminat semissem sphære opacæ
æqualis, plus autem semisse, sphære opacæ minoris, minùs de-
niq; semisse sphære opacæ maioris, quare etiam inde colligi-
tur plusquam mediam terræ partem a sole illuminari: Vitellio
enim Alhazen prop. 10. pag. 59. 180. gradus cum minutis
27. & secundis 52. ponit: Clavius verò 180. gr. min. 26. cõ-
terum clarissimè hoc Theorema demonstratur ab Aquilonio in
optico, à Clauio lib. de crepusculis, à Vitellione loco citato, &
ab alijs passim. Sit itaq; opacus globus quatuor atomorū, dispo-
natur eo modo ad luminosū globū vt lineæ contingentes inci-
dant in medias atomos, sequitur vel mediam atomum obscu-
ram fore, aliam illuminatam, ac proinde sequetur luminis diui-
sibilitas, vel hoc Theorema esse falsum, contra demonstratio-
nes virorum in mathematicis principum.

Respondeo ad hoc argumentum, solis motum, & eius illu-
minationem differre, nam licet applicetur continuè successiue
eo sensu quo inferius explicabimus, tamen illuminatio non se-
quitur seuere leges motus, ratio est, quia motus connotat ex-
trinsecum spatium, illuminatio verò etiam subiectum exigit in
quo recipiatur, ac proinde debet illud extensum esse, mini-
ma autem extensio est vnius atomi, vnde vnā totā simul il-
luminat, & vna tota simul lumen perdit: vnde in forma, transe-
at antecedens nego consequentiam.

Ad in-

Ad instantiam deductam à theoremate optidorum respōdeo. In mathematicis duas esse scientiarum species, alię sunt purę mathematicę vt geometria speculatiua, & arithmetice Theorica, alię verò physicomathematicę vt optica, astrologia, mechanica quam physicę, & mathematicarum horizontem vocat Aristoteles. Harum scientiarum propositiones verę sunt si nudę, & ad sensum sumantur, sin verò examinentur in rigore geometrico sunt falsę, sic qui radium visualem existimaret lineam esse mathematicam erraret toto cęlo, opus enim est certā quādam extēsiōne ad agendum; pariter non quęuis quantitas ponderis bilances mouet vt pulueris granulum, quia certa ponderis ratio requiritur. Geometricę itaq; loquendo hęc propositio quę sciothericorum horologiorum fundamentum est, falsitatis conuincitur, *terra puncti instar obtinet ad firmamentum*, datur enim proportio terrę cum firmamento vt demonstrat Archimedes lib. de arenę numero; & hanc pariter assero falsam, *umbra matutina sunt æquales vespertinis*, & hanc *crepusculum matutinum æquale est vespertino*, pariter etiam quę de globorū illuminatione adducta est ab aduersario in mediū, geometricę, & strictę loquendo vera non est, quamuis ad sensum hę omnes extra dubium sint positę. Ratio à priori est quia conclusio sequitur deteriorem partem, ergo in optidorum syllogismis aliorumq; qui naturalem scientiam cum mathematica miscent, maior propositio erit geometrica, minor physica, conclusio ergo debet esse physica hoc est deterior, & minus exacta, neq; verò sunt examinandę actiones physice regulis geometricis ex lemmate 3.

OBIECTIONES PHYSICÆ.

Quanto obscurior est naturę maiestas altioribusq; penetrabilibus velata manet, tanto difficiliore sunt rationes ab ipsa deriuatę: quatuor aut quinq; tm vitę plixitatis causa afferz.

OBIECTIO XIII.

De continuo, & tempore.

TOT sunt partes in continuo quot in tempore, sed in tempore sunt infinitæ realiter inter se distinctæ, ergo & in continuo. Maior fundatur in principio 17. huius, minor patet quia instans quod nunc fuit differt à fluxo, & fluxuro, ergo diuiduntur realiter, sunt autem infinita instantia, ergo, & totidem diuisiones, & distinctiones.

Respondeo concedendo maiorem, & distinguendo minorem, sed in tempore sunt infinitæ realiter penes connotatum concedo, absolute nego: continuo, motui, & tempori respondent tria quæ diuisibilitatem patiuntur infinitam, continuo quidem spatium mathematicum de quo supra, motui connotatio loci, & tempori duratio cum fluxu. Sed hæc solutio percipietur tantum cap. 1. disput. 3.

OBIECTIO XIV.

De quantitatis ratione.

Quantitas est realiter diuisibilis in infinitum cum eius gratia materia diuisibilis fiat, sed atomus A est quanta ergo est diuisibilis, quod si dicas atomi substantiam non esse diuisibilem, sed tantum quantitatem, redibunt omnes difficultates quibus alij obruuntur.

Respondeo hanc obiectionem à me fuisse perquisitam in totius operis huius fundamento, cum hoc axiomate usus sum, quidquid recipitur per modum recipientis recipitur, sed atomi elementales, vt probauimus sunt indiuisibiles ergo, & eductæ ab ipsis accidentia: quare ad argumentum Nego maiorem, nam quantitatis essentia non est sita in diuisibilitate, sed in impenetrabilitate actuali. Ratio à priori est quia intelliguntur
atomi

non accipiet indiuiduorum multiplicationem ab accidente, accidentibus enim non multiplicantur substantiæ.

Instabis si corpus non esset quantum non posset diuidi, ergo habet à quantitate diuisibilitatem. Respondeo corpus sine quantitate futurum penetrabile ac proinde physicè corporeis instrumentis non diuidetur. Vt autem animo tibiingas corpus quantitate destitutum, reuoca in mentē poeticas apparitiones quæ oculos explent sed tactum non sustunt, ita Æneas Anchisem in elysijs videns.

*Ter conatus ibi collo dare brachia circum,
Ter frustra compensa manus effugit imago,
Par leuibus ventis volucriq; simillima somno.*

Neq; verò aufugit Anchises qui filium comitabatur sed quod non esset impenetrabilis, ided Æneæ manus sunt elusæ: & inspectri militisq; monomachia.

*Nil gladios remorata cutis, nihil ossa ruentis
Impetum, & immani per fessum vulnere pectus.
Oculis vulnus subito tenuitq; cruorem.*

Anchisem non poterat tenere Æneas vt pote penetrabilem, & militis gladius videbatur spectrum fodere sed quod abesset quantitas ideo in eodem loco reperiebatur, & nihil hiatus relinquebat. Accipe speculum parabolicum exquisitum egredi videbis è speculo imaginem tuam, & in aeris medio extra speculum subsistere, illamq; impunè fodies, & tenere frustra querēs: ex quibus vides triplicem esse diuisibilitatē, altera est crassa, & popularis, altera metaphysica quæ indiuidua ab indiuiduis distinguit, tertia mathematica penes spatium imaginariū, diuidetur autem corpus quantitate, destitutum separatis ab inuicem atomis, siue indiuiduis.

OBJECTION XV.

De indivisibilibus simul iunctis.

Indivisibile iunctum indivisibili non facit maius, quia tangit secundum se totum, sed atomus est indivisibilis, ergo atomus iuncta atomo non facit maius.

Respondeo maiorem de punctis mathematicis esse evidentem non autem de alijs indivisibilibus quæ suas habent dimensiones secundum quas iungi vnitq; cum extensionis inerementum possunt.

OBJECTION XVI.

Argumentum Zenonis.

Motus non potest fieri per spatium quodvis nisi prius mobile pertranseat minus quam maius, sed quancunq; assignes partem alia est minor, & alia minor in infinitum, ergo non potest fieri motus, numquam enim incipiet.

Respondeo huic argumento satisfieri non posse nisi admissis in continuo indivisibilibus, & id contendebat Zeno deducendo ad absurdum, neq; enim motum negabat. Respondeo itaq; aliam esse minorem mathematicè concedo, realiter nego, motus autem consideratur ab adversario penes realem rerum existentiam. Respondebat Empedocles puncta mathematica transiri tota simul, & quietibus interpolatis motuum velocitatem, & tarditatem distinguere. Cæteræ quæ à motu petuntur aut rarefactione objectiones non possunt dilui nisi disput. 3.

OBIE.

OBIECTIO XVII.

(Contra indiuisibilitatem atomorum.)

Quod est materiale existit modo materiali, hoc est, habet partes extra partes; quod autem partes habet extra partes diuisibile est, sed atomus existit modo materiali, ergo est diuisibilis.

Respondeo conceptum materialitatis dicere duo, primum exigentiam impenetrabilitatis per quantitatem, secundò ordinem essentialem ad aliquid aliud quod erit tanquam sui perfectiū in ratione entis completi aut subiectiū, quę duo atomis conueniunt, ordo ad quantitatem, & ad mixti formā: quare nego existere modo materiali esse habere partes extra partes. Hęc autem obiectio soluenda est Vasquez qui materiam primam absq; quantitate ait esse totam in toto, & Thomistarum nonnullis qui animas brutorum dicunt esse indiuisibiles, negant tamen esse spirituales.

Dices pars orientalis atomi A non est realiter occidentalis B ergo possunt separari. Respondeo partem occidentalem, & orientalem esse realiter idem, connotatiuè verò differre.

CAPVT SEXTVM.

Responsa ad Obiectiones singularem atomorum doctrinam impugnantes.



Mnes attingere difficultates non vacat neq; cui vacat potest, paucas ergo potissimis quę mihi occurrunt delibo.

Obiectio

OBIECTIO I.

*Pro Aristotelis textu 66. 3. de celo contra id quod diximus proposuit.
26. tetraedra non posse replere locum.*

ME diu sequens ratiocinatio in errore cum Aristotele detinuit. Ille figure replent locum quorum anguli simul iuncti faciunt angulos æquales quatuor rectis, atqui anguli tetraedrorum iuncti faciunt angulos sex quatuor rectis æquales, ergo replent locum. Probatur minor, sint sex triangula æquiangula, & æquilatera ABI, BIC, CID, DIE, EIF,



FIA, circa punctum **I** dico angulos sexilli puncto circumfusus esse æquales quatuor rectis, cum enim ex Eucl. I. r. p. 32. Anguli tres cuiuslibet trianguli sint æquales duobus rectis, triangula autem **AFI**, **ABI**, **BIC**, & alia sunt equiangula per prop. 8. primi, quoniam per constructionem sunt æquilatera, sequitur quod tres eorum anguli quomodolibet sumptis, ergo **FIA**, **AIB**, **BIC**, sunt
Idem de alijs tribus **FIE**, **EID**,
cum **I** cir-

cum

cum

eum fusi sunt æquales quatuor rectis, ergo implent locum, quod erat demonstrandum. Excitentur itaq; in illis basibus tetraedra sex, replebunt locum, & si hiatus adsint, cum oriantur à tetraedris, alijs similiter positjs tetraedris implebuntur, fietq; figura ex tetraedris solida, quod erat pro Aristotele demonstrandum.

Et confirmatur à constructione Octaedri, si enim delinees octo triangula æquiangula & æquilatera, deinde complices & vnias habebis confectum octaedrum regulare: ergo optimè censuit Aristoteles tetraedris locum repleri.

Respondeo ad hoc argumentum cuius fallacia me aliquam diù fascinauit, concedendo triangula sex circa punctum 1 esse æqualia quatuor rectis, & replere locum planum quod manifestè demonstraui Aduersarius; ac nego superpositis in illis triangulis tanquam in sua basi tetraedris sex, ijs repleri locum solidum de quo hic sermo est, sit enim.

PROPOSITIO XL.

Tetraedra non replent locum solidum.

EXcitantur enim tetraedra in illis planis: Dico primò eorum verticem futuram in punctis sublimibus G. H. L. M. N. O. quoniam enim æqui, distant anguli basis ab angulo verticis sequitur quod in basis ad horizontem constitutæ centrum oculo in axe posito debet proijci vertex, axis enim est linea recta, ergo cius extrema obumbrant media, debet itaq; tota axis in puncto H colligi; quod cum sit in diametrorum AQ, BP. RI, intersectione sequitur esse centrum basis, confirmaturq; ex propof. 4. l. 4. Euclidis.

Dico secundò inter tetraedra excitata super planis illis sex futuros hiatus seu vacuum cuius mensura sunt lineæ GH, HL, LM, MN, NO, OG, quos hiatus alijs tetraedris

dris impleri posse nego. Cum enim punctū H in vertice axis distet à puncto H in basi per totam rectam IR , quæ triangulum AB bifariam secat per 9. 1. sitq; recta IR perpendicularis, & vera mensura profunditatis vacui, quod inter tetraedra dehiscit ex coroll. 19. 1. sequitur, quod in tetraedris quæ vacuum illud replebunt, linea IR profunditas vacui, minor erit quam linea GH latus tetraedri. In triangulo enim æquilatelo latus est maius sua diametro per prop. 1. & 9. primi: atqui hoc falsum est.



Dico enim tertio lineam IR maiorem esse quam lineam HG . cum enim linea HG & HI sint eiusdem circuli semidiametri per 15. quart. sequitur per definit. 15. primi esse æquales ut pote ab eodem centro H ductæ, erit ergo excessus lineæ IR supra lineam HG , segmentum HR , ac proinde linea IR maior est quam linea HG : quod erat demonstrandum.

Dico autem quarto hos hiatus consequenter repleri non posse tetraedris, quia cum profunditas sit maior quā latitudo, & lōgītudo, sequitur nullo modo posse constitui tetraedrū sed
debebit

debebit impleri hoc vacuū pyramide irregulari cuius duę facies erunt triangula æquilatera, & æquiangula, alię autem duę extra figuram visendę erunt Isosceles. Ergo benę notauimus Aristotelem tetraedris locum solidum repleri non posse, quod autem ipsum sefellit est omissa tetraedrorum inclinatio ad se inuicem, quā angustius sursum spatium faciunt, nā angulum exteriorem inter se relinquunt 60. gradibus minorem, ergo tetraedro non potest repleri, quod vides delineatum circulo H G O N M L, & tamen deberet idem circulus sex capere tetraedra sex hiatus replendis, quod fieri nequit, cū profunditas sit maiori latitudine.

Ad Confirmationem, Respondeo, Eam sapere crassam in mathesi ignorantiam. octaedri enim centrum est in superficie quadrati, ergo pyramides octaedri non sunt tetraedra, sed faciunt in centro angulos quatuor rectos, angulus autem tetraedri quilibet deficit mediā sui parte à recto. Videsis Euclidem lib. 12. 13. 14. & 15. vbi agit de corporibus solidis. Adduximus autem ex his libris aliam demonstrationem pag. 137. sed quod ea non iret obuiam difficultati sed thesim tantum probaret placuit hanc faciliorem, & ex rudioribus principijs mathematicis construere.

Ex quibus mirari satis nō possum Alcinoū ed impegisse vt diceret ex quinque corporibus solidis Platonis omne vacuū repleri itā vt nihil inanis esset in natura. Sic enim ille c. 13. Isagoges ad doctrinam Platonis, *His cum ab ipso Deo figuris (cubo, octaedro, icosaedro, tetraedro, dodecaedro) esset materies formata, primò quidem rudibus vestigijs absq; ordine mouebatur, donec in ordinem reducta esset ab eo, singulaq; inter se apta coniuncta sunt proportionē, & composita. Neque tamen hæc loco discretæ manent, sed, & ipsa in motu sunt perpetuo, eundemq; materię afferrunt, ab ambitu enim mundi constricta pelluntur, atq; alternis ipsa pulsibus*

pulvis agitata seruitur, cœna semper in regione solidarum. Quis
de causa nihil omnino iuane relinquitur, nihil corporis vacuum, atq;
in illis inæqualitas permanens concessione affert. Ab ijs enim mate-
ria, & ista percussim à materia agitantur. Equidem terra quam
cubum facie locum replebit, at tetraedra iuncta cubis locum
non replent, nec cubi iuncti octaedris, nec tetraedra iuncta
tetraedris, nec icosaedris, aut dodecaedris sed ex omnibus istis
figuris locum replent cubi quidem per se, octaedra, verò iuncta
tetraedris, relique figuræ vacuum relinquunt, ergo male infert
Alcinous ex istis figuris nihil vacui in mundo relinqui. Apu-
leius verò de quo superius propos. 26. nihil de dodecaedro di-
xit: quâ tamen figurâ plurimum usum fuisse Deum recenset
Alcinous. Dodecaedron autem ad vniuersi constitutionem adhibuit
Deus: unde & animalium forme duodecim in Zodiaco conspiciuntur
quorum quodlibet in partes triginta secatur. Similiter in dodecaedro
quod pentagonis duodecim constat, si in triangulos quinq; quidlibet eo-
rum diuiseris sex insunt singulis trianguli (id est in vnoquoq; trian-
gulo sex scalena inuenies) atq; in tota dodecaedro trecenti sexaginta
reperiuntur trianguli quot in Zodiaco sectiones sunt. At libra certè
animal non est, illa autem reflectio Alcinoi pro circuli Zodiaci
diuisione est ingeniosa, & acurata nam sunt Pentagoni 12. que
diuisa in 5. triangulos, faciunt 60. triangulos, quorum quilibet
diuisus in 6. exprimit numerum 360. vt patet ex hac
multiplicatione numerorum. Cetera Alcinoi sensa ex-
plicuimus loco citato, nisi quod ipse subdit pyramida-
lem figuram igni conuenire quod melius diuidat, &
sit rarior vt pote minoris areæ. De spherica autem
figurâ non meminit. Rectè itaq; Platonem, Aristò-
telemq; in figuris locum replentibus reiecinus, &
obiectionem diluimus quod erat faciendum.

12	30
5	
60	
6	
360	

Obiectio

OBIECTIO II.

De Atomis, & vacuo Democriti.

O Bijcies Democritum admisisse vacuum cum atomis, unde dicebat apud Gal. l. de elem. nihil esse absolutum nisi atomos, & vacuum.

Respondeo atomos à nobis admitti itemq; vacuum, siue inane quod Democrito nihil aliud fuit quam aer, duplicis autē generis vacuum ipse appellabat, alterum quod nobis est imaginarium spatium, alterum verò inane siue aerem, ubi tanquam in medio indifferenti omnes qualitates se se manifestarent, quapropter Aristoteles libro 2. de anima textus 74. *Non enim bene hoc dicit Democritus, opinatus si fieret vacuum quod medium est, perficere utiq; exquisitè etiam si formica in caloe set;* ergo duplex fuit vacuum Democriti, alterum extra mundum, quo distarent mundi à se inuicem, alterū quod in singulis mundis esset, & primum quidem vacuum imaginarium, secundum reale appellauit, unde dicebat atomum dari, & vacuum, per vacuum intelligens medium in quo atomi mouerentur. Confirmatur hæc doctrina pag. 25. ubi distinctio fit de magno, & paruo inani ex Virgilio, item Claudiano qui vacuum, & inane distinguit Ibid. deinde pag. 23. autoritate Caleni ibi adductā, præterea totā proposit. 13. disp. 1. conueniunt enim aeri ea quæ vacuo adscribit Democritus, par omnium in aere motus naturalis, omnium qualitatum primarum, & secundarum carentia, & alia quæ de aere diximus.

OBIECTIO III.

De mixtionis imperfectione.

SI atomi suas habent dimensiones non miscerentur perfectè, sed omnia sunt aggregatum per accidens, nam atomorum medulla manet illibata.

P Re-

Respondeo ex definitione temperamenti adducta secundum Auicennam l. 1. Fen. 1. doct. 3. c. 1. sufficere ad mixtionem perfectam ut elementa sint diuisa in minima siue atomos, ita ut si de quibusdam multum capias de alijs plurimum habere necesse sit, & reuera mixtionis definitio pro nobis est, mixtio enim est miscibilium alteratorum unio, miscibilia sunt atomi quæ alterantur, & uniuntur.

OBIECTIO IV.

De motu, tempore, rarefactione condensatione, intensione, & remissione.

Multa difficillima explicata contingunt in motu admissis semel atomis, tum in causis, tum in temporum commensuratione, proportionibus motuum, & alijs quæ ita non possunt exponi sicuti admissa continui diuisibilitate, motus enim est ens successiuum, ac proinde diuisibile in infinitum, at motus & spatium tempusq; sunt analogæ. Deinde quomodo poterit fieri rarefactio vel condensatio cum atomi, nec crescant, nec minuantur? Tum quot in alijs tractatibus philosophicis difficultates occurrent? facilius itaq; omnia per partium diuisibilitatem intelliguntur.

Respondeo his difficultatibus tanquam consequentijs à me fuisse dicatam disput. sequentem, in qua omnia faciliè, & consequenter iuxta Democritum exponere sum conatus.



DISPVATIO III.

De consequentijs præcipuis ex Democriti philosophia deductis.



Vm ea quæ de rerum coagmentatione instituitur quæstio nullo modo possit enucleari, quin de motu locali tractetur deq; rarefactione, & alteratione, has tres difficultates paucis enodare iuxta Democritum volo, & tandem quartò ingeniosam eius de coloribus sententiam ex atomorum mixtione elicitam aperire probareq; tentabo.

DEFINITIONES.

I. Motus localis est actus entis in potentia prout in potentia in ordine ad locum, vel spatium.

II. Rarefactio est acquisitio maioris extensionis, vel occupatio maioris loci intrinseci, vt si palmus solidus extendatur in duos palmos solidos.

III. Condensatio est restrictio corporis ad minorem locum, vt si palmus solidus restringatur in semipalmum solidum.

IV. Figura regularis est ea quæ lateribus æqualibus constat, vel cuius omnes partes æqualiter distant à centro vt in circulo contingit.

V. Figura irregularis est ea cuius latera sunt inæqualia vel cuius partes inæqualiter distant à centro.

VI. Grauitas est virtus motrix deorsum tantum, leuitas est virtus motrix sursum tantum; hæc autem particula tantum diligenter noranda.

VII. Rarefactio improprie dicta est occupatio maioris loci

ob immixtionem alterius corporis vel partium dispersionem; ut palmus aquæ addito palmo aeris occupabit duos palmos, & pulvis dispersus totum cubiculum implet, collectus verò pugno coercetur.

VIII. Densum illud est quod paucissimos habet poros, vel quod nullos, vel quod habet paucos eosque angustissimos. Rarum è contra quod multos, eosque latos, & patentes.

IX. Lux, & lumen idem sunt apud me: quæ vocabula magnà religione ab alijs distingui auctoribus notum est.

PRINCIPIA.

I. Omne agens debet continere effectum suum vel formaliter vel eminenter hoc est, debet habere vel eam qualitatem quam producit, vel aliquam quæ sit præstantiæ cuiusdam ordinis; vniuersalioris sed secundi.

II. Gravitas, & leuitas sunt contraria.

III. Motus, locus, tempus sunt analogi, hoc est, proportionalia nulla enim est pars motus cui pars spatij temporisque non respondeat.

IV. Mobilia quæ naturaliter mouentur, ad locum quæ appetunt illuc tendunt quæ fieri potest breuissimè, & facillimè, natura enim compendiosa est suaque per lineas breuissimas omnia mouet.

V. Non datur vacuum in natura.

VI. Non datur penetratio naturalis, hoc est, ut duo corpora in eodem loco esse possint.

VII. Natura si non interturbetur in suis operibus ordinis est obseruantissima: opus enim naturæ opus intelligentiæ, princeps verò intelligentiæ scopus est ordo.

VIII. Non dantur motus in instanti metaphysico, siue in illo quod respondet puncto mathematico, atque hoc principium non modo de motu locali, verum etiam de alteratione proprie dicta, ubi præsertim datur reactio, est intelligendum.

IX. Inclinator ad locum deorsum æqualis est resistentiæ ad motum sursum.

X. Si aliquibus delatis differat aliquod non delatum, non delatum in contrarium ferri putabitur. Est propositio 34. perspectivæ Euclidis.

XI. Æqua magnitudine corpora sunt quæ loca replent æqua. Est primum principium tractatus Euclidis de levi, & ponderoso cuius fragmentum vidi ab Io: Heruagio editum anno 1546. Basileæ.

XII. Motus communes non sunt sensibiles.

XIII. Agens necessarium omnibus ad agendum prærequiritis necessariò agit.

XIV. Totum hoc vniuersum à Deo creatum est plenum, eaq; instructum quantitate quæ toti singulisq; corporibus sufficeret.

XV. Corpora pro varia suarum partium temperatione exigunt diuersimodè esse in loco vt patet in metallis fuis & solidis, in luto & terra siccæ, in glaciæ & aqua fluente actu.

XVI. Si non datur condensatio neq; etiam dabitur rarefactio, & si non datur rarefactio neq; etiam condensatio, & vno horum admissio aliud sequi necesse est.

XVII. Res omnes visibiles sub angulis tantum percipiuntur, quos emissis à se radijs constituunt in oculo, & quo ampliores sunt anguli eo maius videtur obiectum, quo minores minus. &c. Euclides in opticis ita pronuntiauit, nisi quod ab oculi emissiones fieri non autem ab obiecto fabulabatur.

P. O. S. T. V. L. A. T. A.

I. Statuimus quolibet motu dato posse dari velocierem.

II. Supponimus quod experiètià manifestum est dari impetum.

III. Qualibet datâ lineâ potest dari maior, & qualibet datâ figurâ potest dari maior.

IV. Concedatur dari colores reales non autem apparentes tantum.

CAPVT PRIMVM.

De motu locali atomorum.

HIC quantum sat est ad Democriti doctrinam percipiendam breuissimè me expedio, consistit autem difficultas quod in atomorum opinione successio perfecta negari debet alioqui motus erit diuisibilis in infinitum, ac proinde stabilitis in continuo atomis, iisdem difficultatibus iactabimur quæ peripateticos absorbent, neque quidquam à nobis erit factum cum spatium, & motus sint analogi ex princ. 3.

PROPOSITIO XLII.

*Quamuis admitti debeat grauitas, & leuitas popularis, nihilominus tamen non datur grauitas neque leuitas strictè,
& philosophicè dicta.*

Contendebat superius Abderites noster aerem neque leuem neque grauem esse, quæ ipsi etiam inesset indifferentia quamuis alia corpora graua forent vel leuia, nunc omnibus naturæ corporibus eadem immunitas à grauitate, & leuitate propriè dicta concedenda est, &

Probatur primò, grauitas est virtus motrix deorsum tantùm, leuitas virtus motrix sursum tantùm, sed nullū est corpus quod naturaliter non habeat alias lationes ergo nullum corpus graue est vel leue propriè loquendo, maior à nemine negatur cum sit definitio legitima, probatur minor

Primò, in pyrobolis rotatis, ignis nullo impetu sibi exterius impresso mouetur circulariter à se ipso, sed motus circularis est compositus ex omnibus lationibus, pars enim circuli quædam ascendit, alia descendit, ferunturq; in transuersum alia, ergo

ignis

ignis habet vim se se mouendi per omnes lationes, vnde neque grauis est neque leuis est simpliciter.

Respondit primæ notæ philosophus, hunc motum esse directum ab arte, neque de natura rerum ab artificialibus deducenda argumenta, cum ars naturæ proprietatibus cæcisq; impetibus abutatur, vt nautæ qui obliquè ventum sibi contrarium excipiunt illoq; ad institutam navigationem promouendam vri norunt. Sed contra.


Ars dirigit naturam tantum, ergo nihil naturæ addit, temperat enim moderaturq; eius vires, neque vnquam nautica, contrario vento vri potest, sed tantum lateralibus, & obliquis: & quamuis medicus arte maximè medicamentum calidum, componat illo sanè refrigerabit nunquam: hic autem ignis à figura tantum extrinseca determinatus circulariter fertur, determinatio autem est conditio extrinseca quæ supponit virtutem in subiecto, vt calcar vim currendi in equo.

Probaturs secundò ex p. I. Causa principalis debet continere effectum suum vel formaliter, vel eminenter, sed ignis est causa huius lationis ergo debet illam continere vel formaliter vel eminenter, vnde leuis non est simpliciter quia leuitas est virtus motrix sui sum tantum.

Probaturs tertio. Omne corpus naturale est productiuum impetus, ergo nullum corpus naturale est graue vel leue; Probat. antecedens inductione: terra enim vel saxum aut lignum deorsum cadens colligit impetum secundum quem auget motum; hinc variè subiecta ligna atteruntur pro distantia casus, & quod deest in pondere reparatur impetu, qui ponderi æquualet. Si enim corpus graue cadens è spatio cubitorum sex frangit asserem qui habet resistentiam vt tria, illud idem decidens ex alto in distantia cubitorum viginti franget asserem qui habebit resistentiam vt nouem circiter, hac verò de re possent

exacte institui regulę, quia licet corpora differenter expromant impulsione in subiectam materiam, tamen æqualibus momentis per aerem tanquam per inane feruntur: hinc Galilæus l. de motu hanc habet propos. quā momenta impetus quę mobile colligit explicat.

Si aliquod mobile descendat, à pūcto quietis sue, spatia, in temporibus æqualibus peracta, eam inter se retinent rationem quam habent numeri impares ab unitate consequentes. Sint quatuor temporis partes notatę in linea AB quibus mobile O descendit per lineam CD, primę parti temporis responderet spatium 1. secundę parti tēporis spatium 3. tercię parti temporis spatium 5. atq; ita secundum istam motus accretionē mobile suum motum accelerat. Hęc tamen an ita se se habeant videbimus in Theorica militari lib. 1. sed enim certissimum est velociorem esse motū in fine quam in principio pro mobilibus descendētib; quod medio impellenti assignare in incrementum mihi pene ridiculum videtur cum aeris imbecillitas, & ad diuisionem indifferentia id abunde refellat: superest igitur ut dicantur mobilia impetum colligere. De aqua pariter aere, & igne dubium non est quin non impetum colligant modò, verum etiam in alijs producant. Ut patet in tormento bellico alijsq; insuicis, tū in naturę, tū artis experimentis. Omne itaq; corpus naturale est productiuum impetus, quod erat antecedens probandum.



Ad consequentiam accedo, ergo nullum corpus naturale est graue vel leue in rigore loquendo, probatur, quia impetus est

est qualitas motrix in omnem locum, & per omnem lationem prout determinatur ab extrinseco, ergo omne id quod illam qualitatem poterit producere neq; graue erit neq; leue: nam capax esset virtutis motricis amplioris ac proinde leuitas aut grauitas essent frustra, deinde sibi esset contrarium producendo id quod suę qualitati connaturali vim afferret, ergo productiuum impetus neq; graue est neq; leue formaliter ex princ. 1.

Confirmatur propositio: sublato vno contrariorum tollitur etiam illud metaphysicę loquendo, sed non datur leuitas ergo neq; grauitas eius contrarium ex p. 2. prbatur minor, si leuitas esset in aliquo, esset tantum ratione elementi prædominantis, mixta enim vt ait Aristoteles mouentur ad motum elementi prædominantis: sed nullum mixtum mouetur sursum, quamuis in multis prædominetur ignis, ergo ignis non est leuis, ac proinde neq; vllum mixtum: piper, & euphorbium habent ignem prædominantem, cur ergo deorsum pari velocitate feruntur ac plumbum, nec pariter carbones accensi volant? Cur canis venenati morsus rabidus à spuma ignea fit, quę tamen deorsum cadit? cum ergo nullum corpus naturaliter sursum feratur, sequitur nullum esse leue simpliciter, ergo neq; graue.

Dice vapores ascendere & ignem.

Resp. ascēsum vaporum ideo fieri quia aqua vt sic dilatata rarefactaq; exigit ampliori loco diffundi, vnde latitudinem medię querit, tamdiu ergo in altum abit, quamdiu reflectione radiorum solis fauetur eius cursui, vt autem maxima sit hæc reflectio 52. milliaria non excedit vt demonstrant ij qui de atmosphæra, refractionibus cælestibus, crepusculisq; disputarunt. Ignis autem necessariò ex ratione dissolutionis, debet cuspidem pyramidalem efformare, quia punctum perfectę dissolutionis debet distare ab vltima superficie perfecti mixti, est autem mixtum perfectum candela, flamma verò est

est mixtum imperfectum à mixto ortū vi ignis, tendens ad dissolutionem, quæ fit cum in cuspide flammæ se se explicant, & expediunt ab alijs ignei spiritus, quæ vindictio cum sensum fiat, ideo necesse est flammam ita efformari, ut ostendi pag. 179. unde nullâ ratione probat hoc exemplum ignem esse leuem philosophicè, & strictè loquendo.

1. Dices, curigitur sunt quædam corpora quæ perpetuò deorsum feruntur?

○ Respondco determinari ab extrinseco ad illum motum deorsum, à naturali scilicet mundi constitutione quæ exigit ut ea quæ partium suarum dispersione gaudent amplumq; spatium amant ferantur ad circumferentiam orbis, locum nempe capacissimum, quæ verò stringi angiq; cupiunt neq; suas partes ita dispergi patiuntur, angustias medijsibi deposcunt, ubi collectior locus suæ inclinationi fauet; quo verò collectiores strictioresq; sunt mixti vel elementi partes eo magis ad centrum fori appetit; quem appetitum vulgus gravitatem, pondusq; vocat à quâ appellatione non recedam, dummodò de re confitet, scilicet non dari in illis corporibus virtutem motricem deorsum tantum, sed dari virtutem in omnem locum, & per omnes lineas motricem, prout ab extrinseco determinabitur. Determinant autem quinque. Primò mundi constitutio ordoque, qui cum nil aliud sit quam natura quædam vniuersalis, sit ut leges naturæ in agendo seruet, quare motus à naturâ præcisè determinati sunt simplices, & ex princip. 4. breuissimi, hoc est perpendiculares, vel circulares ut in coelis. Secundò mouens aliquod per directionem cursus, ut in sclopis, & telis quæ manu iaciuntur. Tertiò spatium intermedium per refractionē stupefactionem, & refractionem de quibus in Theorica militari lib. 1. Theor. 7. Quarto corpus occurrens, & transitum impediens, sicut sudum, solidum, vnitumq; per reflectionem,
de

de qua Ibid. Theor. 5. arena enim verbi gratia reflectendi globum capax non est, sed potius retundendi. Quintò mobilis ipsius compaginatio, figura, & pondus per receptionem, & implantationem impetus pertinaciorem: sunt enim quedam corpora impetui minus apta, sic carta non equè proijci potest, ac lapis: figura verò determinat etiam impetū vt patet in proiectis volutatis, si enim circulem lapidem per planum directà volutatione proicias in fine cursus efformabit lineam turbinatam. De implantatione, & concentratione impetus egi Theor. 3. lib. 1. atque hæc quinque, mundi ordo, mobilis status, corpus occurrens, spatium, & mouens impetum determinant. Vnde est maxima inter motus animalium, & inanimatorum differentia, animal enim determinatur ab intrinseco ad motum, ab extrinseco autem alia mixta.

Ex quibus probabile fecimus quod quamuis detur grauitas, & leuitas ad vulgi sensum, nihilominus tamen non datur in rigore philosophico quod Democriti placitum erat asserendū.

PROPOSITIO XLIII.

Motus localis est entitas permanens, tota simul in natura, & successiua in connotatione, cuius causa productrix est solus impetus.

HIC potius annoto opiniones atomorum doctrinam consequentes quam vt eas fusè persequi velim: pro hac propositionis prima parte, quæ necessariò admitti debet ab his qui atomis patrocinantur.

Obseruo quatuor esse quæ abstrahunt ab omni reali extrinseco, numerum, dimensionem, motum, & durationem; numeri sunt merum opus intellectus omnes enim intelligimus in Dei infinitate, quā tamen nihil est simplicius aut magis aucti expers. Dimensiones mathematicæ abstrahunt ab omni spatio reali, intellectus enim in spatijs imaginarijs dimetietur, & deli-

delineabit Archimedis, Pappiq; inuenta. Tempus autem realiter sumptum nihil est aliud quam ipse motus quatenus habet partes priores, & posteriores; formaliter verò duratio abstrahitur ab omni motu, cum etiam si quiescant celi, & omnis motus, anima immortalis perdurabit. Motus pariter ab omni spatio abstrahitur etiam si enim fieret in vacío esset successiuus. Ex quibus patet quanta sit analogia inter ista ut diximus princip. 3. spatium est diuisibile in infinitum extrinsecè, & mathematicè ut supra diximus non autem physicè; pariter etiam tempus, & motus. His positjs prima pars propositionis.

Probatur primò ut se habet spatium reale, ita & motus realis ex princ. 3. sed in spatio reali sunt atomi, ergo & in motu erunt atomi, sed atomi motus non possunt fingi animo quin intelligantur totæ simul, ergo datur motus totus simul, qui tamen erit successiuus in connotatione, seu extrinsecè penes spatium mathematicum. Sit, exempli gratia, atomus motus A—B. atomus spatij C—D. virtus illa A B. est tota simul, sed defert tamen mobile per spatium C D. successiuè sicuti quispiam orator habet integrum conceptum totum simul, illum tamen successiuè tantum promit, atq; ita illi atomo motus. A—B. respondebit præcisè spatium C—D. atomus integra, quæ elapsa si impetus magis vigeat pro vna atomo restituet duas aut tres, deinde pro tribus, quatuor vel quinque, dùm tandem fatiscens impetus fecunditatis erit minoris, sit autem illa multiplicatio atomorum aut intentio motus per ordinationem atomorum in eadem parte, ut explicabimus cum de alteratione erit sermo.

Probatur secundo illud non potest existere cuius nulla pars existit, sed motus successiuus intrinsecè nulla pars existit, omnes enim sunt priores, & posteriores, & nulla est præsens, ergo motus successiuus intrinsecè est impossibilis. Scio responduri

ab ad.

ab aduersarijs *fluenter*, sed qui potest capere capiat, pauci enim intelligunt hunc fluxum existentem.

Probat. tertio: si motus est diuisibilis physicè in infinitum tot erunt partes motus tardi quot velocis; at duæ partes velocis coexistunt vni motus tardi, ergo vel ista erit permanens cū existat in duobus temporibus, vel omnes motus sunt æquales aut in velocitate, & tarditate contra experientiam.

Respōdēt primò, esse partes motus tardi permanentes *fluenter*; quasi dicerem canem esse rationabilem irrationabiliter, mustum esse humidum sicco modo.

Resp. secundò alij, omnes motus esse æquales in velocitate, differre autem quod in tardis idem idem mobile quiescat, in velocibus verò pauciores sint pausa minusq; diurnæ: *Contrà*, eo enim puncto quo quiescit mobile vel id facit defectu virtutis vel spatij, sed spatiū est vniforme, virtus autem adest, ergo non quiescit, agens enim necessarium omnibus ad agendum requisitus necessariò agit ex p. 13.

Confirmatur tandem propositio Democriti, facilè enim explicantur omnes proprietates motus; primò *successio* in connotatione ad spatiū mathematicum diuisibile in infinitum extrinsecè, ita & motus penes connotatum est diuisibilis in infinitum; secundò *velocitas* explicatur quod plures atomi impetus sint simul in eadem atomo mobilis, vel quod fortior vna adsit aliqua, vtroq; enim modo dici posset, sed multiplicatio atomorum mihi videtur Democrito potiùs adscribenda, quàm specierū tanta varietas in atomis 3. *tarditas*, quod pauciores sint atomi vel maior medij resistentia: *regularitas*, & *irregularitas* sumitur ab extrinseco dirigente, & determinante: *comparabilitas* à spatio mathematico, *contrarietas*, & *subcontrarietas* à termino ad quem &c.

Plures sanè hic difficultates tollendæ essent, vt 1. de generatione

tione atomorum. 2. de fecunditate, & multiplicatione ipsarum.
3. an dentur diuerse speciei 4. an possit dari atomus inefficax
hoc est. quæ non moueat 5. an possit dari motus vniformiter
difformis 6. an detur quies inter mouendam 7. de interitu
atomorum &c.

R. ad primum generari atomos ab impetu, impetum au-
tem à forma substantiali, quæ est principium motus.

R. ad secundum fecunditatem sequi numerorum naturam,
& multiplicari vt hydræ Herculis capita quando intenditur
motus, imò omnis generis multiplicationem sequitur hæc foe-
cunditas ita vt non modo per impares numeros, verum etiam
per quadratos, & cubos sæpe multiplicetur.

R. ad tertium esse problema, inclinatur ad negatiuam Demo-
critus vt pote inutilem illam specierum multiplicationem cen-
sens.

R. ad quartum non posse dari, sed impetum efficacem di-
stingui ab inefficaci quod impetus efficax producat atomos mo-
tus, inefficax verò sit sterilis.

R. ad tertium ad sensum dari posse motum vniformiter dif-
formem non autem strictè loquendo, quia est semper aliquod
spatium per quod motus est æqualis, & vniformis idq; necessa-
riò atomorum naturam sequitur.

R. ad sextum non dari quietes in motu ob rationem supra
allatam.

R. ad septimum interire atomos quod scilicet cursu suo per-
acto, vel præpedito, detentoq; statim fatiscant, neque vltorio-
rem vim à causa productrice obtinuerunt. Essent etiam aliæ
plurimæ grauissimæ quæstiones quas fusiùs prosequi nolo nec
vacat.

Secunda pars propositionis impetum esse vnicam vim mo-
tricem, probatur, quia eà positâ reliquæ sunt inutiles, Impetu

in. fit quidquid per gravitatem, leuitatē, vim magneticā alijsq; vocabulis explicat Lycaum, & Academia: frustra enim fit per plura quod potest fieri per pauciora, natura autem nihil facit frustra. Motus ergo est entitas permanens &c. cuius causa productiua est impetus, quod nobis erat propositū cōprobare.

O B I E C T I O N E S.

Contra doctrinam Democriti de motu locali.

O B I E C T I O I.

De motu tardissimo, & velocissimo.

SI motus constat atomis, sequitur posse dari motum quo tardior dari nō possit, sit enim vnica atomus, cū nihil minus dari possit sequitur motum fore tardissimum, quamuis adeo velox assignari non possit quin velocior in infinitum detur; sed huiusmodi tarditatis extremitas videtur absurda cū ex postulato 1. nō detur velocissimus, ergo, & opinio vnde sequitur.


Respondeo hoc argumentum potuisse fieri contra atomos ipsas elementares, illis enim non potest dari corpus minus quamuis in infinitam pene molem possint excrescere ipsa elementa. Sicut arithmetica proportionalitas augetur in infinitum, sed in infinitum nō decrescit. Itaq; dico primò non esse absurdum concedere vltimam motus tarditatem in spatio determinato. Dico secundò idem spatium etiam determinatum posse tardius, ac tardius in infinitum transmitti, suffocatis scilicet atomis motus, antequam sint multum progressæ, & interpolatâ quiesce antequam gignatur alia. Sit, verbi gratiâ spatium A B C D quod vna atomus transmittit, quando erit in B suffocabitur fietq; quies, & morâ postea fiet alia, quæ pariter opprimetur in C, ac proinde non est difficultas quin hac ratione tarditas possit conciliari; sed cum quies non
fit motus,

fit morus, dico posse dari motum tardissimum, vt datur minima quantitas, minimus numerus, & minima proportionalitas arithmetica.

OBIECTIO II.

*De quietibus, & saltibus, sine transmissione spatiorum non
transiundo per medium.*

Sequitur dari actu quietes, & morulas in motibus velocissimis, imò etiam saltus ita vt ab extremitate lineę ad aliam extremitatem feratur mobile non transiens per mediũ; Prob. maior quia cum primæ atomi interierunt, impetus saltem vno instanti eget ad alias substituendas, sicuti cum rana natat vno quidem tractu per 2. palmos feretur, deinde recolligit se impetuq; nouo per alios 2. deuchitur, & sic suum natatum veluti internodijs distinguit; & opus est illam quiescere, quia ea quiete melius veluti innixu se propellit. Quod autem dentur saltus manifestè probatur hoc modo: sit quadratũ AB, quod



complectatur aliud minus quale est CD, producatũ EG ad E & DH ad F secundum rectitudinem laterum, sintq; duę parallelę DF, BE. Intelligatur quadratũ AB circa punctũ G tanquam circa polum volui ad conficiendum iter BE, certum est quod A cadet in I eritq; GA eo in loco vbi GI. at verò eo motu linea HC incumbet li-
neę

neæ MN. ergo saltu transfiliuit spatium sibi vicinum HM. & eo instanti quo quadratum AB circumuolutum per sua quatuor latera incūbet lineæ LE secundū latus BO, tunc latus DP erit in linea QF. transfiliit ergo spatia HM. NR. SQ. & saltus fecit, alioquin fatendum esset quadratū CD quatuor circumuolutionibus tantūdem pene emensum spatij quantum quadratum AB totidem circumuolutionibus, cum tamen latus AG duplum sit lateris CH etiam longitudine, & quadratum CD quatuor suis lateribus deinceps positus faciet tantū lineam DR paulò plus quam medium lineæ BE quæ quatuor quadrati AB lateribus longitudine responderet: ac proinde ex prima ratione constat constitutis atomis sequi quietem, ex secunda verò dari saltus in motu neque motum esse perfectè successiuum etiam in connotatione, siuè penes spatium.

Resp. ad hoc argumentum non esse opus ut virtus motrix habeat aliquid temporis ad atomos intereuntibus substituendas, sed ita prompta est, ut vna aliam sequatur, sicuti cum duo ligna aptantur inuicem non opus est ut detur hiatus intermedius: ad exemplum ranæ cuius natatus bellè explicat naturam atomorum in motu; Resp. negando paritatem, ratio est quia rana determinatur ab intrinseco fatigaturq; organa motus, lapis verò non fatigatur, & ab extrinseco determinatur.


Ad secundam partem argumenti quæ intendit probare motum non esse successiuum etiam penes connotatum, respondebo postquam explicuero naturam motus circularis secundū quem supponit aduersarius volutari quadratum, quod in circumuolutionibus facit circulum, cuius diameter eadem est ac quadrati nempe GO. ut manifestum est cum puncta diametro quadrati respondentia in volutatione faciant arcus, & pariter etiā singula laterū puncta circulos describunt, dū voluntur supra lineā BE vel DF. sit itaq;

Q Pro-

PROPOSITIO XLIV.

Circularis motus in volutatione tripliciter fertur, motu scilicet progressiuo, motu regressiuo, & circa centrum, maior autem est retrocessio in maiori circulo quàm in minori.

I Vre merito Aristoteles in mechanicarum quaestionum principio omnium pene artium miracula ab circuli motu oriri pronuntiauit, & *re vera*, inquit, *rationi id consentaneum est ex admirabili enim mirandum accidere quidpiam non est absurdum*, maxime verò admiratione dignum est simul contraria fieri. Circulus verò ex huiusmodi contrarietatibus genitus est, nam prima eius origo est ab immoto, & commoto simul, nempe lineà quæ circa vnum sui extremum immotum voluatur: at quid quiescente, & moto magis est contrarium? præterea linea quæ circulum ambit nullius latitudinis concava tamen est, & conuexa &c. Contrarietas præterea ista reperitur in circulo quòd ad exteriorem simul, & posteriorem partē feratur. Sic



circulus AB qui à
puncto C ferri de-
beat per lineam CD
motu incipiente à
puncto C. cum dia-
meter B fertur ad
partes E tunc C pū-
ctum vicinius ipsi D
retrocedit versus A.
punctū autem E ac-

Secunda


Secunda pars propositionis difficilior est quam hæc prima, retrocessionem scilicet in maiori circulo esse maiorem quam in minori; retractio tamen ad centrum maior est in minori circulo quam in maiori.

Retrocessio enim in minori circulo nunquam excedit diametrum QE , in maiori verò, erit per totam diametrum BA punctum enim B regredietur in A & punctum Q in E , excepto illo quod in progressivo motu circuli acquirent lineæ CD , nunc enim comparantur ipsæ circuli motiones quæ circa centrum sunt, certum enim est quod circulo adunatè considerato punctum B in motu volutationis semper accedet ad D sed respectivè ad alias partes circuli retrocedit.

Magis tamen in motu circa centrum coercet se minor circulus quam maior, punctum enim Q est vicinius quiescenti O quam punctum B . ducatur enim recta OG , & ex puncto H intersectione circuli minoris, & rectæ ductæ excitetur perpendicularis in I & item à puncto H ducatur HL parallela ipsi IA , & à puncto L excitetur item perpendicularis LN fietq; parallelogrammum $HILM$. iam itaque sic argumentor. A motum in L tantum confecit spatij secundum naturam quam E motum in H , utrobique enim perpendicularibus æqualibus ML , IH , hoc spatium metimur, omnia autem perpendicularibus sunt dimetienda, dum tamen punctum A motum est in L retractum est ad centrū per sinum versum AM ; dum autem E latum est in H retractum est ad centrū per sinum etiam versum EL . atqui EL maior est quam AM . quia ex 33. 6. æquales rectæ ex circulis inæqualibus auferunt segmenta inæqualia, maiusq; est segmentum quod à minori circulo quam quod à maiori auferitur. Sed sinus rectus IH est æqualis sinui recto ML , & maior est circulus AB quam EQ ergo minorem auferit par-

tem LM quam HI. Retractio itaq; ad centrum maior est in minori circulo quam in maiori mensurantur enim per sinus verfos AM, EI. Circularis ergo motus in volutatione &c. quod erat demonstrandum.

Ex his nunc respondeo difficultati supra positæ de saltibus quadrati minoris, pro quo resumamus si placet schema supra positum quadrata AB, CD,



parallelasq; DF, BE, mouentur ista duo conclusa quadrata circa polum G non autem solum circa centrum K, quare hic est complicatus motus septem circulorum quorum duo sunt circumscripti quadratis AB, CD eorumq; semicirculos vides descriptos à centro K: OBG scilicet, & PDH, alij verò quinq; circuli summuntur à centro G penes semidiametros GO, GH, GP, GA, GC, cadentes in puncta T, V, Z, à minori quadrato, & IX à maiori, cum ergo A fertur per arcum AI, tunc punctum C fertur per arcum CT motuq; illo naturali subdeficit per lineam TN. cum enim A est in I tunc C reperitur in N. ac proinde deberet sensibiliter etiam lacerari frangiq; quadratum, vel saltum facere, cum adeo sit magna deficiencia qualem notat lineola

neola TN , ac proinde si tantum aduerteretur ad motum maiorum circularum quæ describuntur à puncto G . certè aduersarij argumentum conuinceret, sed manifestus est paralogismus quod omiserit aliorum circularum considerationem, primò quidem nemo non videt quam ineptè dixerit saltum primum esse HM , etsi enim ibi non quiescat transgreditur tamen totum illud spatium secundum circulares CT , HZ . deficit autem Z à verò puncto quietis M ut punctum T à verò puncto quietis N . Equidem miraculo proximum est quomodo deinde restitui possit, & qua via linea HC . deinde occupet locum MN , cum GA occupat locum GI , quia scilicet in motu secundario quem intelligimus fieri secundum circulos à centro polygonorum K descriptos (iste enim motus est volutationis) punctum G retrocedere intelligitur in B , ac proinde cum absit magis à directione lineæ GE eiusq; distantia sit perpendicularis Yq . hoc est sinus versus quì duplus est potentia sinui verso $F2$, per 2. 12. quæ est aberratio puncti H delati circa centrum K , manifestè sequitur quadratum minus duplum sinus versi in progressu per arcus CT super lucrari, vnde æquantur postea in situ secundum suas lineas, quia ob immixtam retractionem circularum circa K descriptorum plus maior circulus aberrat, vnde & minor compensat hac occasione defectum in volutatione circa circulos descriptos à centro G . Hæc est demonstratio refellens satis superius argumentum quod ingeniosius est aliquanto quam validum. Aristoteles in mechanicis q. 24. quaerit cur maior circulus æqualem minori circumuoluitur lineam quādo circa idē cētrum fuerint positi, seorsum autem reuoluti quemadmodum alterius magnitudo ad magnitudinem se habet alterius, sic & illorum adinuicem sunt lineæ causamq; reddit quia vnus est vtriusq; motus, sunt enim alligati: sed meo iudicio non satis

facit problemati difficillimo, ad quod explicandum debuisset distinguere motum in circulis duobus quintuplicem, primò est motus raptus quem patitur minor, secundò est motus centrorum aut axis utrumq; circulum vincientis, 3. est motus subdeficientiæ, 4. motus retrocessionis in minori, 5. autem motus intercalarium momentorum, qui motus omnes ab admirandis circuli proprietatibus oriuntur. Cœterum breuissimè hanc demonstrationem, vt etiam superiorem constrinxi quia scio paucos abstrusorum mathematicæ mysteriorum esse intelligentes; nunc ab his linearum circularumq; labyrinthis commodum elapsi vnam de multis grauissimam præterea obiectionem diluere tentemus.

OBIECTIO III.

De successione motus.

Non potest negari perfecta successio in motu, quia si datur successio penes connotatum, accipiam cultrum calamarium motuq; continuato cartam secabo, vnde sic arguo, soluuntur vniones atomorum cōtinuè successiuè, ergo datur perfecta diuisibilitas continuata, ergo & perfecta successio in motu, ac proinde motus est diuisibilis physicè in infinitū, eo enim modo diuidetur carta quo modo mouetur culter.

Respondeo ad hoc argumentum motum quidem esse successiuum extrinsecè non autem intrinsecè. Ad instantiam Respondeo vnionem duas atomos iungentem solui totam simul, & cultrum deinde per diuisas pergere ad sequentes duas vnitas, quas pariter diuidit totas simul, peritq; vnio, iterumq; per vulnus victor culter transit, sicq; solutis omnibus vnionibus continuè discretè, fit etiam motus continuè successiuus penes connotatum; Ratio cur ità respondeam est quia non potest sub minori paruitate vnio consistere, vnde labefactato suo spatio,
aut

aut ultra modum compressio statim perit.

Responderent alij negando vnionem omnem in continuo soluiq; ea diuisione dicerent contiguitatem conlocatam, sed ego qui modis exilium non sanciuī, primā responsione difficultati satisfacio. Hæc pauca de motu sufficiant, cætera meliori otio referuantur.

CAPVT SECVNDVM.

De rarefactione, & condensatione iuxta Democritum.

Hic porro cæcutiunt pene omnes densissimisq; tenebris inuoluuntur qui aliò quā ad Democritum digressi de rarefactione, & condensatione secūdū Stoæ principia disputant.

PROPOSITIO XLV.

*Rerum quotidianus usus rarefactionis, & condensationis
naturam ostendit.*

Quotiescunque corpora compacta comminuuntur in puluerem si illi manu attollas, & per aerem deicias etiam vnum tantum pugillum, videbis statim pulueris nubeculam, & id quod manu complexus es vlnarum amplexum longè superare: recidens tamen huiuscemodi puluis cartā paruulā excipietur, & quod aded amplum occupauit spatium in angustos limites cogetur, obtegūtur huiuscemodi pulueris nulis equites, cū agglomerati per siccas vias currunt vnde Poeta.

It nubes inter sompes, neque fulmina Casar

Inuidet irato; sola tellure repulsā

Agglomerat nubes, quales Neptunia Thetis

Excisas Phœbi radijs submittit olympo.

Reuera nullam hic Poeta differentiam facit inter nubes à puluere petitas, & nubes ab aqua excisas nisi quod istæ sint aquæ illæ verò terreæ: quisenim hac imagine nubium quam puluis dispersus facit sibi non faciliè persuadeat etiam in minimas particulas dispersam aquam, ita in vapores attolli? Iride apparen-
 te nulla dubio procul est pluuia densa, sed solum nubes est rorida quæ in guttas minores conglomeratur; accipe aquam in ore eamq; ad solis radios cubiculum tuum subeuntes auerso soli tergo disperse statu violento compressisq; labijs, videbis in aere nubem roridam à te factam, & nullius Dæ commercio genitam Iridem. Cum eleuatur ab aquis vapores guttulas tenues eleuari par est credere, quæ deinde alijs iunctæ crescunt deciduntq; optimè verò lib 7. philosophatus est Virgilius vnoq; spumarum vocabulo arcanum philosophicum aperuit.

Iurit intus aqua vis

Fumidus atque altè spumis exuberat amnis,

Nec iam se capis unda, volat vapor ater ad auras.

Ecce primum ad rarefactionem gradum, commotio, quam furore explicat, spumam deinde fumido amni dat; Est autem, spuma sinuata in tenuè veluti superficiem aqua, quæ aere plena est: quod spumarum vocabulum meo iudicio optimè rem nostram explicat, siquidem inuisibiles spumæ ab sole eleuantur, conglobatæq; aeris atomi ab aqua expansa, calore solis aspirante circumstringuntur, & ob eam quam habent affinitatem aeris, & aquæ portiones sursum attolluntur, vsq; dum in eo suspendantur loco quem perpetuum haberent, nisi facto diuortio aqua ad suum locum recideret calore satiscere: quapropter vapores omnes subtilissimas esse spumas existimo quæ ob frigus deinde, complexum destituentes aerem, quod in alia temperie aliter in loco esse postulent, ut dixi principio 14. adunatæ in guttas stillasq; in rorem pluuiamq; decidunt. Hunc
 primò

primò haufi conceptum cum præcipites torrentium præalpiū prærupta saltus admiratus eſſem, vidiffemq; quā vectigal ab equitibus exigitur in Sangothardicis alpibus ad ſolem matutinum, & meridianum, his enim temporibus illac tertio iter facere contigit, perpetuam apparere eidem quod ab aquæ lapſu diſperſa aqua in guttulas effuſamq; ſpumā vndiquāq; cieretur


De fumi etiam natura nō aliter philoſophandum eſſe duxi diſſoluuntur enim atomi, & in huiſcemodi halitus diſfunduntur ſeparationem integram à ſe inuicem tot deuiationibus per aera quærentes, mixtus enim aeri aquæ, & terræ ignis neque ſatis commixtus habet vim diſperſiuam, vnde ſi pugillus pulueris, cinerumq; vncia commora, totum cubiculum opplet, ſi aquæ ciathus vaporibus ingentes cados obſcurat, quis dubitabit idem igni diſperſo contingere? pulueris itaq; ſpumarum, nubiumq; roridarum exemplis optimè ad rarefactionis naturæ noticiam deueniri poteſt, quod erat oſtendendum.

PROPOSITIO XLVI.

Unica atomus ſine rarefactione, ſine inflatione aut reproductione poteſt naturaliter occupare maiore, & maiore locum in infinitum.


ATomus eſt omnis figuræ capax, ergo occupare poteſt maiorem, & maiorem locum in infinitum: cum enim figure regulares in iſoperimetris ſint magis collectæ minoremq; locū occupent, ſequitur quod quo irregularior erit figura eo maiore occupabit locum, at non poteſt dari, ita irregularis, quin magis irregularis eſſe poſſit, ergo etiā maioris loci capax. Ducatur enim duæ parallelæ AF, CG in infinitum, conſtruaturq; quadratum AD, & ductis à punctis C, & D parallelis CE, DF conſtructū erit parallelogrammū CEDF. Intelligitur autem quadratum AD eſſe atomum, cum ergo parallelogramma ſuper eadem baſi, & in eiſdem parallelis cōſtituta

stituta sint equalia ex 35. 1. sequitur quod parallelogrammum



CHFD æquale est parallelogrammo ABDC. quod ita clarum est, ut quiuis mathematicus ignarus hanc demonstrationem palpare

possit: triangulum enim AEC æquale est triangulo BDE per 4. 1. est enim laterum equalium, dempto ergo communi utriq; triangulo BHE remanent trapezia ACHB, & HDEF equalia, ex equalibus enim equalia si demas quæ remanent sunt equalia, utriq; autem trapezio additur commune triangulum CDH: ergo parallelogramma AD, CF sunt equalia. Sed maior est extensio CF quam AD, & quo longius ducentur parallele CG, AF seruat isisdem basibus AB, CD semper eo magis extendetur parallelogrammum, nam EF est equalis AB, at EC quinquies, & sexies ferè superat latus BD, ac proinde, vna atomus cubica minus spatij occupabit quam eadem in parallelepipedum expansa, solidas enim figuras per planas dimetiuntur mathematici, quod autem maior sit locus occupatus à parallelogrammo CF,



quam ab AD manifestum est, locus enim est superficies corporis

poris ambientis, atqui maior est ambitus parallelogrammi CF quam AD ergo, & maior locus, quod ut videas ad oculum affero sequens schema: *Æqualis est peripheria figurę parallelogrammę AC, atq; figurę quadratę EF, quamvis EF quatuor constet partibus ex his quarum BD habet tantum tres, ex quo ingeniosā nequitia quispiam vicino suo imposuit, cui erat ager quadratus qualis EF, ipse verò habebat qualis est BD, persuasusq; antiquę simplicitatis vir ut commutaret agrum ratus æqualis esse arę quod æqualis vtriusq; esset peripheria, inuenit in experimēto minus fecundum BD quam esset suus primus EF, & sterilitatem imaginariam in terrę angustias nunquam reiecit, neq; enim figurę rationes nouerat, quod si hoc ita se habet quanto maioris peripherię esset BD si diuideretur per rectam intermediam à puncto I ad punctum G, & ita applicarentur in longum, duo parallelogramma IA, IB. excederet tunc figura DB in sua peripheria quadratū EF quod tamen maius est in area.*

At in his nulla est rarefactio, nulla reproductio, vel admixtio alieni corporis, ergo vnica atomus sine rarefactione &c. potest occupare maiorem, & maiorem locum in infinitum quod erat demonstrandum.

Dices ergo definitio rarefactionis non est bona cum sine rarefactione maior acquiratur extensio, aut occupatio maioris loci. Respondeo nō acquiri adęquate maiorem extensionem secundum omnes dimensiones, debet enim huiusmodi incrementum lineis perpendicularibus censerī, quę in parallelogrammo AD sunt AC, AB at verò in parallelogrammo CF quę exiguę sunt, tū quę excitabitur in basi CD ut DH, tū quę in linea DE à puncto verbi gratia G. vnde cum obliquę lineę cum perpendicularium detrimento crescant, non est quod ita censeatur adęquata extensio quę in

corporibus solidis, cuiusmodi sunt ea quæ rarefunt, debet sumi penes tres dimensiones longitudinem, latitudinem, & profunditatem: præterea est occupatio maioris loci extrinseci non autem intrinseci, utrobique enim par est area sub inequalibus terminis atque ita intelligendum est 1. principium ab Euclidis tractatu de leui, & ponderoso acceptum.

PROPOSITIO XLVII.

Quamvis admitti debeat aliqua in natura rarefactio improprie dicta, nulla tamen datur propria, & legitima: siue omnis rarefactio sit per intrusionem atomorum, condensatio per extrusionem.

S Vppositis his principijs non dari vacuum, non dari penetrationem corporum etiam inadæquatam, non dari reproductionem, annihilationemque; naturæ viribus, & præterea quæ ad hanc materiam spectant adducta disp. initio principia: Sed potissimum propositione 44. quæ exemplis confirmat, quod hic ratione sumus stabilituri.

Certum est primò dari aliquam rarefactionem in natura cum fumus, vapores, nubes, ebullitio caciabi, aliaque innumera eam adstruant: sed quomodo fiat non consentio cum peripateticis, eamque fieri dico per admixtionem alieni corporis ut explicui definit. 7.

Certum est secundò rarefactionem proprie dictam esse eam quâ corpus nullo alio sibi admixto maiorem locum occupat unicâ sui substantiâ, & quantitate, sic cubus palmaris ceræ fiet bipalmaris cubus cere puræ, & hoc fieri non posse contendimus in mea propositione quæ

Probatur primò quidquid existit determinatos habet extensionis limites ultra quos non potest porrigi, infra quos non potest adigi, ergo non datur rarefactio neque condensatio proprie dicta conseq. est certa, maior sequitur ex hoc principio modus existendi sequitur modum essendi.

Pro-

Probatur secundò: vel inter primam atomum, & secundam intermediat aliquid vel nihil, si nihil, ergo datur vacuum in rarefactione, si intermediat aliquid, ergo erit corpus exoticum, siue minimum illacillapsum; quod si rarefactæ duæ atomi A, B, dicantur se se tangere mutuo neque quidquam intermediare, sed cum essent ambæ vnius grani occupant nunc locum duorum granorum sic argumentabor; non potest dilatari materia ab accidente, ergo nullus calor poterit, atomum dilatare.

Probatur Primò antecedens, accidens educitur è subiecto, ergo supponit subiectum in suo esse etià extenso, nam ad subiectam actionem requiritur extensio; si itaq; calor sequitur necessariò rationem existendi atomorum quomodo potest atomos dilatare? in illo enim priori existenti intelligitur atomus cui superueniunt varij caloris gradus, aut ordines atomorū accidentaliū, ergo cum quidquid recipitur per modum recipientis recipiatur, sequitur quod isti omnes gradus sequantur modum existendi atomi quem habebat ante illorum receptionem, atqui vt sic non erat rarefacta, ergo neque postmodum rare fiet propriè loquendo; facient autem intrusa inter atomos aeris ignisue coopuscula, vt dispergantur ac proinde maiorem locū videantur occupare. Hæ duæ rationes sunt apriori.

Probatur tertio à posteriori experiētijs scilicet, quibus adducor vt ita argumenter. Nulla datur cōdensatio, ergo neque rarefactio consequens est ex princ. 16. Probatur primò antecedens experimentis. Primò si peluim aqua plenam aeri hiemali obijcias glaciabitur aqua, eā tamen lege vt quamuis ad limbos peluisq; oras depressior glacies, quam aqua fuerat, videatur, tamen in medio videbis assurgere, & quasi gibbam, ergo reparat eā mole dispendia depressionis in littoribus, ac proinde condensata non est, cum tantumdem spatij occupet quamuis in situ diuerso; ratio autem huius cōglomerationis est quia

con-

conuoluta in globum aqua plus resistit, est enim profundior, ac proinde ut se ab externa vi tueatur ita recolligit se se, ut etiam leges æquijacentiæ sibi adeo natiuas violet, alia deinde coniecturâ adducor, ut negem aquam glaciata[m] esse densiorem, fluidâ, quia scilicet glacies supernatat, atqui videretur ex ratione frigoris constipata magis debere fundum petere, nō itaq; condensatur aqua; sed supernatat quia subtilior aqua subsidētibus in fundo terreis partibus quæ multum plerumq; afferunt ponderis, & aere in transfugarum locum accito, fit, ut minus ponderet glacies, quod autem in glacie includatur aer videbis si luci oppositam intuearis, tota enim est ampullis distincta. Nix præterea quæ aqua est congelata ampliorem locum occupat quam liquata, quia scilicet immixtæ sunt plurimæ aeris atomi quæ ita delicatam, & veluti concameratam niuis structuram implent, degrandine idem esto iudicium. Tertio colligata metalla non plus occupant loci, quam solida concretaue, quod patet in arte fusoria, exprimuntur enim minutissimi in fabulo pili, quod fieri non posset si condensatio daretur, perirent enim minutæ lineæ, neque illas metallum referret concretum: at liquefactio rarefactioni est affinis, concretio condensationi, cum itaq; neutrum contingat signum est neutram dari.

Equidem aduersarij non possunt tueri se, aut argumentis satisfacere, vel aliquid intelligibile proferre, quin in absurda incidant, concedantq; vel vacuum, vel penetrationem partiū, aut aliquid aliud monstruosius,

Democritus verò rarefactionem per intrusionem copusculorum, cōdensationem verò per extrusionem fieri p̄dnuntiat, quæ rarefactio est improprie dicta, & mille quotidianis exemplis patet. Sed enim peripateticorum nunc fundamenta videamus, quæ eo fortiora vulgò existimantur quod experientijs consent.

Obiectio

OBJECTION

*De multiplici experientia quâ videtur concludi rarefactio,
& condensatio.*

Prima. Cucurbitulæ medicæ quibus aer inclusus igne extincto ad minorem locum coactus attrahit carnem spiritusque hominis, cum tamen si non daretur vera condensatio facilius esset existentes in cucurbitula partes detinere, quoniam enim abeunt illa corpuscula, quæ cucurbitulam replebant?

Secunda. Vaporum, fumi, flammæque adeo visibilis accretio est, ut etiam granum pulveris tormentarij in sphaeram adeo sui multiplicem porrigatur, ut dictum est cap. 3. disput. 1.

Tertia. Vasa obsignata igni applicata franguntur, non obsignata verò perdurant quia scilicet ob rarefactionem, quæ calorem sequitur his claustris coerceri non potest, vel aer, vel aqua, at verò amoto operculo euaporatur.

Quarta est condensatio aeris in pilam luforiam vi intrusi, quod autem densus reddatur aer probatur facili negotio quia quo plus ingeritur, utris eo est grauior: deinde accepi inquit Galilaus G. lagenam vitream satis amplam, cui os obturavi diligenter præterquam quod inserui digitale coriaceum cui iuncta erat strictissimè utris luforij animula, quâ deinde, instrumento ad id apto maximam aeris quantitatem intrusi, & quia faciliè condensatur, duæ aut tres aeris lagenæ intrudentur. præter eum aerem quo primum plena erat.

Hoc utitur experimento ad inuestigandam aeris gravitatem ita enim congestus aer ponderosior fatit lagenam, & aperto aditu subleuatur pondus: sed enim sicuti à se factum, ait, pro aeris pondere experimentum illud pro condensatione accipio, nam indicat experiendi medium ut possimus scire quantum etiam aeris intrusum est præter priorem qui inerat.

Igitur

Igitur ut ostendat aerem esse condensatum, & ut inuestiget quantum aeris præter solitum adsit, alligat lagenam alteram primæ, quæ in fundo ita aptè perforata sit, ut aditus possit commodè aperiri itaq; firmè iuncto hoc vase cum superiori, datoq; aeri condensato in subiectam aqua plenam aditu, tantum effluet aquæ, quantum aeris violenter congestum erat, & condensatum, apparebitq; hæc experientiâ quænam aeris quantitas in lagena præter primum aderat; quantitas enim aquæ expulsa æqualis est moli aeris quæ in lagenam intrusa erat.

Quinta experientia condensationis est ista. Præparetur lagena vitrea cum animula vrris, ut superius dictum est, & violentè intrudatur aqua absq; aeris exitu, qui ut irruenti aquæ locum det necessario debet comprimi, & sanè poterit etiam plusquam dimidium aquæ in sufflari in lagenam, quod autem maior sit aeris quantitas quam ut liberè medium lagenæ occupet, probatur, quia si exactè ponderetur cum arenæ granulis leuior est, cum locus datus est aeri quàm dum compressus erat ille aer.

Hæc sunt præcipua experimenta, nam quod de vase obijcitur cineribus pleno, quod tantumdem pene aquæ sit capax quam vacuum, de nummis in scyplum iniectis qui plenum omnino illibatumq; nullo effuso liquore magna quantitate demissi feruant, ita ut aliquando miserim in exiguum satissiatum quantum fieri poterat aquâ cumulatissimum, nummos auricos philippicos, quos vulgo *duplas* vocant 45. nullo effluente liquore, seditur enim conuexaq; sit in vitri limbis aqua, quam si vel accicula tangas, facile per medium, & veluti signatum iter decidet: Quæ inquam, huiusmodi vulgò afferuntur experimenta difficultate carent, ideoq; operæ pretium non est in ijs immorari.

Ad soluendas verò difficultates; suppono primò, corpus humanum summopere esse porosum, experimento est, & conjecturæ sudor, fures, aliæque transpirationes innumera de quibus libello singulari egit in Itatica medica Sanctorius à Sāctorio.

Suppono secundò inter ea quæ tractamus corpora vix inueniri minus porosum quam sit vitrum, ratio est quia frequenter fusione ita depuratum est, sicq; partes partibus hærent ob viscositatem, vt sint valde constipati contorriq; huiuscemodi pori vnde etiam difficilis est, cuius etiam subtilissimo corpori exitus.

Suppono tertio, maximum visibile cetera obruere, & cum plures colores minutim permixti sunt, resultare vnā speciem neutram quæ de vtroq; tamē extremo participat, sic magnum lumen minores luces absorbet, & diuersi coloris arenae mixtæ vnicum intermedium confusumq; repræsentant leucopheumplerunq; qui de albo nigro, & intermedijs coloribus participat.

Suppono quartò quod satis in hac materia inculcari nō potest principium 15. corpora enim pro varia sui contemperatione aliter exigunt esse in loco, & quidquid tandem molitionum sit inter accidentia, illud porò secundum naturæ præcipuam designationem tendit ad generationem quæ si non consequatur datur tamen quædam commotio, quæ illam intendit inchoare.

Suppono quinto ita esse immixtum vaporibus, exhalationibus, alijsq; corpusculis aerem, vt ne spirantes quidem possimus ab huiuscemodi impurorum attractiones satis cauere, id porò ad solis radios satis videtur, palpatur nebulis terram obruentibus, & tandem manifestè crepusculorum doctrinā conuincitur, crepuscula enim idè fiunt, quod vaporibus alijsque

erassioribus fumis immixtus aer solis radios refringat, unde, & sol cum est sub horizonte, supra conspicitur, sicuti argenteum nummum in pelui repositum sex passuum distantia non videbis adiecta verò in pelui aqua, videbis: idem pariter refractionis arcanum in crepusculis agnoscunt docti omnes.

Respondeo ad primam obiectionem negando comprimi aerem in cucurbitulis medicis, si enim condensaretur præcisè aer cur etiam applicatæ ligno cucurbitulæ illud non diuellunt cum naturæ tantus sit vacui horror? causa itaq; huiusmodi attractionis est quia commoti spiritus ignei quæ possunt irruunt, abeuntq; unde natura facili negotio succedente carne locum replet: quo fit ut etiam ad illam tractionem humores confluant: neque me de via quæ abeunt roges, sunt. n. tam lati humani pori, adeo subtiles ignei spiritus, ut ab alijs corporibus secreti quauis facillimè penetrent euadantq; etiam per poros strictissimos, & multò difficilius est igneos spiritus detinere quam mollissimam carnem vellicare quare natura quæ semper faciliori viâ sua facit, carnem trahit, dimittit spiritus: at si applies cucurbitulam ligno nihil attrahet, quia facilius est detinere spiritus igneos aliquantis per quàm lignum trahere.

Ad secundâ fumi, vaporis, ignis, grani pulueris tormentarij nihil noui dictum volo quam quod proposuit. 44. supposit. 4. & princip. 15. adduxi, ista enim tantum abest ut aduersarium iuuent, quin potius pro me faciunt, præsertim si suppositionem etiam tertiam ab opticorum principijs petitam illis experimentis ad aptes, est enim huic experientiarum ordini consecrata. Vide disp. 1. c. 3.

Ad tertiam, quod vasa obsignata frangantur applicita igni facile respondeo ex princip. 15. si quidem id quod inclusum est corpus calore adueniente stimuletur ad mixtionem, & generationem ambit, unde, & suas partes vult hinc, & inde ad aliarum

aliarum unionem querendam dispergi, eius autem, quod hian-
te est ore vasis, corpuscula facile auolant, & suae libertati relicta
stimulos caloris nullo negotio sequuntur.

Quarta, & quinta experientia eiusdem omnino sunt gene-
ris quibus satisfacio per suppositionem quintam, fit enim ut
intrudantur vapores aliaq; corpuscula loco aeris qui insensibi-
liter diffilatur, neque verò quidquam experimenti à se facti au-
det depromere aduersarius, sed tantum modum illius explo-
rationis ingeniosum indicat, quod facere saepius tentavi neque
quidquam ex his potui deprehendere, imo, etiam lagenam
capacissimam omni ope aere infercij, deinde magna vi aquam
immisi, & referato orificio appositq; tenuissimo filo accenso
explorabam num saltem ab erumpente violenter aere fluitaret
flamma, sed omnia manserunt æquè imperceptibilia atq; si suo
aere primo plenam reliquisssem: quod autem ponderosior fiat,
id propter corpuscula, & vapores continget.

Imo ab his experientijs, & præcipuè ab ea vacui fuga, quæ
apud omnes decantata est, cõtendo nullam dari rarefactionem
neque condensationem.

Si enim datur rarefactio, & condensatio equidem nihil faci-
lius est quam hæc duo, nullo enim negotio ad aliarum rerum
exporrectionem, & amplitudinem stringitur aer, nullo nego-
tio dilatatur, ad quid ergo siphonibus tubisq; tractorijs eleua-
bitur aqua ad vlnas 18. (nam vacui fugæ nihil plus in artefa-
ctis potest & siue angustus siue latus aquæ cylindrus) potest enim
aer rarefieri aqua statim cõdensari vnoq; aeris halitu siphonem
subeunte totus oppleri siphon tubusq;, facilius enim est aeri ra-
refieri quam aquæ ascendere cum tor machinis illud ars mo-
liatur, illud verò ad fumi, vaporum, motuumq; quorumvis ar-
bitrium fiat, si ergo datur fuga vacui sequitur non dari rarefa-
ctionem neque condensationem, quam quidem popularem, &

impropriam, hoc est ex aliorum corpusculorum admixtione admilimus, propriam autem, & stucte dictam qualem admittunt vulgò omnes Aristotelis Sectatores dari non posse probare sumus conati, quod Democrito placuerat in propositione nobis imperare.

C A P V T T E R T I V M.

De alteratione, intensiōe, & remissione qualitatum iuxta Democritum.



Voniam à vadis, & scopulis iam nostra euasit philosophia facillimus nobis reliquus cursus ostenditur, totum itaq; hoc caput ynica propositione expedio, modum enim agendi atomorum superius attigi prop. 33. & 34. & est apud Aristotelem lib. 1. de gen. et. 56. 57. apud Danielem fennertum quem superius laudaui.

PROPOSITIO XLVIII.

Potissima corporum alteratio fit per meatus insensibiles, intensio per ordinem, & positionem multiplicem atomorum, remissio per solutionem ordinis.

PRimam propositionis partē probauimus propos. 33. disp. 2. Secunda pars quod intensio per ordinationem atomorū fiat probatur. Omnia constant ex atomis, tūm accidentia corporea, tūm etiam substantiæ, nam de spiritualibus non disputo, atqui intensio fit cum in eadem parte subiecti sunt plures gradus qualiratis, ergo tunc subiectum intensiorem habet qualitatem cū plures subiecat atomos: Sit in atomo aque A atomus vna frigoris, in atomo B frigidiori erunt duę aut tres huius accidentis a tomi indiuisibiles, tūm secundum intensiōnem,

nem, tùm secundum extensionem: quàm autem multiplex sit huiusmodi ordo eâ assequi licet coniecturâ quæ ad paruitatem atomorum suspicandam nos deduxit, si enim aer noster impurus se habet in pondere ad aquam vt 10000 ad vnum, quanta erit proportio igneæ atomi viuide cû atomo aerea cui insita erit vnica caloris atomus, ea fortè quæ 1000000 ad 1.

Ex hac philosophia facilè explicamus quomodo intendantur propagentur, & finiant sphæræ actiuitatis, dùm eâ proportionē decrescunt vt vltima tandem quæ vnica est atomus in extrema sphæræ circumscriptione sit sterilis, aliæ autem quæ multæ sunt in eodem subiecto fecundæ sint, & parem numerum vnitate exceptâ generent in proximo sibi subiecto. Sint enim consequentes atomi substantiales A, B, C, D, E. Sitq; A quinq; atomorum ordinatione calidum, procreabit in B 4. atomos, B autem degenerans, educet tres ex C, C autē duas parturiet in D, quæ penultima sphæræ atomus cælibem vnā atomum eamq; infecundam generabit in E, vbi sphæræ actiuitatis nouissimus erit terminus, nō est tamen quod hæc regula exactè seruetur, sed paucis multa complector mysteria, dùm dico sphæræ actiuitatis radios propagari vt angulos pyramidū quarum basis in agente sit, apex in sphæræ termino sicut ergo modo claudūtur angustis spatijs lineæ, modò post grandē hiatus breui coeunt vt sit in obtusis angulis, modò latè funduntur vt sit in acutissimis angulis, qui ab exigua sui origine, modicaq; basi lineas propagant longissimè, pari etiam proportionē sphæram actiuitatis vario ordine, multipliciq; dispositione vniformiter difformiter ad sensum produci est existimandū: Refractionibus autem reflectionibusq; varia contingunt quæ ex his possumus etiam explicare, nam Democritus ad omnes omnino difficultates principia ponit, videturq; vt ait Aristoteles, omnia curasse.

Tertia pars sequitur manifestè ex secunda perit enim vna caloris atomus diuersusq; mater. ordo, quippe qui tota in immutat spheram actiuitatis: si pereat in eius centro, seu fontè, & in particulari suo subiecto aliam facit dispositionem quæ numeris alijs efferi debet.

Vnum superest argumentum Hippocratis lib. de natura humana, quod huc deducit Galenus lib. 1. de elementis cap. 2. vbi ostendit ex atomorum admissa doctrina sequi impossibilem alterationem dolorem præsertim. Sed concludit tantum ex hypothese contra eos qui vnicum admittunt elementum, aut atomos vnius tantum rationis, quare (inquit) *nequaquam sumus ex vna simplici vniiformiq; substantia constituti: quod concedit Democritus cum elementa dari tria præter aerem existimet, ut patet ex Aristotele citato in synopsi doctrinæ Democriticæ, deinde sensus non fit nisi ex atomis secundarijs, quod dico ut diluam quæ subdit Galenus eodem in loco.*

Quæres primò cur densitas subiecti inuict actionem.

Resp. quia magis vniuntur atomi fitq; ordo firmior collectiorq; neque ita à centro vigoris distant partes, virtus autem vnita fortior: densitas verò non agit, quia non intendit assimilare sibi passum hoc est facere illud densum, verus autem agentium character est assimilatio.

Quæres secundò an quatuor atomi caloris in atomo A possint producere totidem in atomo B.

Resp. non posse immediatè sed tantum mediante forma substantiali quam ad vltimum intensionis complementum stimulabunt.

Quæres tertio an atomi omnes caloris sint eiusdem speciei?

Resp. esse, neque enim vlla ratio cogit hanc inuilem multiplicationem specierum admittere.

Quæres quarto an in atomo quæ octo, verbi gratià, caloris gradus

gradus habet, sit quidam primus ratione aliqua, vt situ, prioritate, dignitate &c.

Respondeo posse esse primum aliquem, aliū secundum ratione temporis quo sunt educi, alteratio enim fit successiue.

Quæres quintò quomodo intereant illæ atomi, & quo ordine, cum enim nulla sit differentia nisi indiuidualis cur A peribit potius quam B, aut B quam C?

Respondeo modum interitus sumi in sphaera actiuitatis à prima infiltratione minuente angulum, qui deinde hac serie imminutus eadem manente basi, sed diminuta propagatione restat; in atomo autem singulariter si id quæras. Respondebo sequi analogicè hanc sphaeræ destructionem, & penes centri fluxus angulorumq; mathematicorum dimensiones,figurationesq; varias interitus ordinem sumi.

Quæres sextò an sphaera actiuitatis propagetur in instanti?

Resp plurima quidem agentia incredibili velocitate eam propagare vt sol qui ab densitate sibi innata, firmissimaq; partium compaginatione, qua fortasse vnicum orbis est corpus quod poris careat, quodq; ex elementorum delicijs compactum, tantum ex solidioribus aqua, terra, & igne hausit vt nihil aeris habeat, idèq; ob firmissimam, & æquabili tenore dispositam seriem atomorum longissimè, & pene in instanti lumen fundit ad nos, sed imperceptibili successione id fieri necessè est, cum nulla sit ratio cur de calore id potius quam de luce dicamus, videmusq; in nubibus frequentes lacis fontes, dum nubes viuaeiori radio sol peruadit; ceterum ratio ordinis dispositionisque Democritice id exigere videtur, cum pars vicinior agenti de ipso plus citiusq; participet quam remota.

Quæres septimò quomodo fiat antiperistasis?

Respon. fieri quia ambiens contrarium coerceat dispersionem corporuulorum impeditq; ne diffuant, quare viuuntur magis, virtus autem vnita viuidior.

Queres octauò an Democritus admiserit qualitates diuer-
sas à primis cum Galenus lib. 1. de elementis cap. 2. sic ex
mente ipsius loquatur: *Lege enim (dicebat Democritus) color
est, lege amarum, lege dulce; atomus verò, & vacuum verò est, ipse
ET EIS dixit; Credidit enim ille sensiles qualitates ex indiuiduo-
rum illorum corpusculorum conuentu per solam ad nos qui sentimus
collationem gigni, ipsa verò natura nihil esse album aut nigrum, fla-
uum aut rubrum, amarum aut dulce, quippe hoc illi lege, seu NOMO
significabat, ex nostra nimirum existimatione non ex ipsa rerum natu-
ra: ita etiam illi ETHEH ab ETEON deductum est, quod ve-
rum significat: ut vniuersi sermonis illius sensus sit: Arbitrantur
quidem homines quippiam esse album, vel nigrum, vel dulce, vel
amarum, sed re vera omnia sunt vnum, & nihil: nam & ille hoc
modo loquitur qui atomos vocat vnum, vacuum autem nihil; hæc
Galenus, qui subdit atomos omni qualitate carere sed ex illa-
rum synodo omnes oriri, & agitari atomos per omnem eternitatem,
quem integrum Galeni locum etsi satis feliciter verterit Trin-
cauellius, aliqua nihilominus addita alia imminutæ signifi-
cationis vocabula reperi, cum ad græci exemplaris fidem testi-
monium pro Democriti doctrina adeò luculètum reuocaui, est
enim mihi integer Galenus græcus, quod opus nuspiam repe-
riri existimāt aliqui viri doctissimi, Aldi characteribus editum
est ab Andrea Torrefano Venetijs anno 1525.*

Resp Democritum admisisse has omnes qualitates de qui-
bus hic est sermo, sed nihilominus tamen ità esse voluit in na-
tura ut cuiusdam vnū dulce esset, alteri verò amarum, quis enim
nescit ceruos serpentibus, capras cicurā pinguescere ut ait
Lucretius at nobis est venenum. Nonnullis rosæ sunt exose
vsq; ad animi deliquium, alijs sunt delectæ: coturnices vescunt
helleboro gallinæ araneis: pariter mulierem vidi quæ mo-
schum magis quam foetorem cadaueris horrebat, & saccharo
dulci-


dulcibusq; vexabatur, hoc itaq; voluit indicare Democritus certâ quadâ lege, & proportionē inter agens, & patiens aliud alteri dulce esse quod amarū est alteri; Cirus numquam voluptuosius bibit quam aquam turbidam, nomo ergo dulcis erat, æger saccharum ob impurōs succos amarum pronuntiat nomo ergo saccharum est amarum &c.

Si cui verò id parum probabile videatur legat *Maffcum* vbi de *Iaponum* moribus agit, illis nostra musica absurdissima est, insipide sunt epulæ nostro modo apparatus, *Europæana* dicitur a inutili egrotis quibus pisces exhibent crudos quos sani coctos comedunt, *Europæi* nullam in *Iaponum* musica harmoniam, nullum in suis epulis saporem offendunt, hæc omnia ergo nomo, siue proportionē sunt harmonica, sapida, & sana: nostros odores quibus delicatissimi quiuis in *Europa* recreantur vt fætores quosdam abhorrent, sui verò nobis non arident, nomo ergo odoratum est moschum, odora ambara, & zibetum: reuera cum inter agens, & passum debeat intercedere proportio, si illa desit non sequitur effectus, at primas elementorum qualitates non eâ voluit proportionē probari, neq; dixit *Galenus* nomo ignem esse calidum &c. De coloribus acturi sumus cap. seq. vacuum autem, & atomum verè dixit esse hoc est vniuersali intellectus acceptatione quia non requiritur ad hæc ea proportio quæ in qualitatibus nō rarò desideratur, sunt enim fortè quidam odores quos percipit canis quorum homo non est capax **ETEON** vocabulum est poeticum deriuatum ab **EO**, *sum.*



CAPVT QVARTVM.

De Colorum generatione iuxta
Democritum.

 Visquis in naturæ adyta familiarius se se ingessit, nihil penè ab intellectus vi de lumine, coloribusq; videri a se potuisse confessus est, sunt enim quatuor quæstiones, quæ humanum captum videntur superare: de compositione continui, de motu, de specierum intellectuum imaginationisq; æconomia, & de colorum causis: nihilominus tamen, ut imaginationis vires specierumq; naturam doctissime probauit Democritus ita etiam de coloribus sanissime, certè facillimè pronuntiauit.

PROPOSITIO XLIX.

Colore est lumen internum corporum ab atomis igneis diffusum, & per alias atomos refractum.

Quis fuerit author libelli de coloribus qui vulgò Aristotelis operibus adnectitur, quamuis & Stagiritæ, & Theophrasti ingenio principijsq; aduersetur, & vtriusq; sublimi mente sit indignus, satis disputatur inter doctos. Sed enim in primo capite primaq; fere linea, hoc absurdum pronuntiat: *æther & aqua per se sunt naturæ alba, ignis autem & sol flauus, terra vero naturæ alba est, & infra, niger autem color consequitur elementa cum in se inuicem mutantur*: Sed quam id mereatur audiri quemlibet facio iudicem: cuncti originales duos colores faciat albus, unus & flauum reliquosq; omnes ex his ortos, quam autem ratione fiet niger è tinctura enim nulla est nisi ab elementis quæ flaua sunt & candida, unde si eximium albedinis gradum

qualem

qualem in niue prima videmus, ad exquisitam flavedinem quā habent genistæ flores, per omnes omnino colorum intermediorum gradus deducas, omnes colores possibiles secundum istam sententiam attingere necesse erit, quamuis nec purpureus, nec cæruleus, nec viridis nec niger eorumq; affines sint libati.

Eleganter omnino Costæus l. 2. de stirpium natura cap. 44. Si color perspicui terminatiq; corporis extremum est quod admittunt omnes, ergo aer, aqua, ignis qui alienis terminis continentur colore carent, cum non sint terminata, terra autem colore carebit cum non sit perspicua, nullo igitur colore pura elementa tingi necessarium est. Sed enim an Claudiano assentiri debemus qui irā ait in Mallij paneg.

Sitne color proprius rerum lucisne repulsu

Eludant aciem?

an Lucretij sententiæ qui vult colores.

proigni luminis ætæ?

an alij qui à quatuor primarum qualitatum dominio omnes oriri colores crediderunt?

Suppositis autē his principijs elementa carere omni colore cum sunt defæcata, & ab omni mixtione immunia; Et ex mixtione perspicui, & opaci varios enasci colores (quos apparentes vocant, melius tamen dicerentur transeuntes, alij verò quos veros dicunt, aptius permanentes appellarent) sic explico sententiam Democriti.

Ad corporis cuiuscunq; compositionem concurrunt elementales atomi, hoc est terræ, aquæ, ignisq; particule, terra quidem cubos suos confert de quibus egimus initio eosq; perspicuos, & diaphanos secundum quid, hoc est, cum secundum latera lumen excipiunt ignisq; radios per aquæ atomos non habetatos hauriunt; aqua verò versatiles suas atomos omnisq; figuræ capaces, ignisq; tanquam nobilior mixti pars lumine

mine suo perfusus mixtionem ingreditur, & hoc quidem lumen cum atomi laxitatem non excedat videri seorsim non potest nisi plurimus ignearum particularum cumulus adsit ut in flamma mixtisq; omnibus contingit, itaq; aqua absolutè quidem diaphana est, terra verò secundum quid.

Quod autem hæc ità se habeant primò quidem lumen inesse igni dubium esse non potest, tum experientiâ tum etiam omnium pene philosophorum autoritate, & rationibus. Videamus enim focum, candelas, lampadesq; lucere, & hoc instrumento vicarios soles quotidie astraq; domestica facimus: at causa aliqua proxima luminis istius est assignanda, quæ nulla fingi potest quam ignis: Ille quidem licet in se ipso sit lucidus nihilominus effectum suum non promit nisi in humido pingui dominetur, ratio est quia humidum pingue videtur compactarum partium, viscosarumq; esse, difficilius ergo ab his laqueis se se expediunt ignei spiritus, vnde & plures simul cæteruatim in flamma morantur, factaq; multitudine conspiciuntur, lucentq;: eâ de causâ quæ pinguiora sunt, & viscidiora diutius flammam pascunt, ut cera quæ gluten habet immixtum, ut ait Apum Cæsarumq; Poeta Vigilius

collectum hæc ipsa ad nuraera glutem

Et visco, & phrygia servant picefirmius Ida.

Ob lentam etiam viscosamq; humiditatē pinguem diutissimè lampades viuunt, minus saxum, modico verò tempore lignū, minus viscosa, minus perdurant, pinguis plus flammæ lucentis edunt, ut pinus quæ pinguis est sed visco caret flammam reddit hilarem, sed nullius pene custodiæ, quercus viscidior est, quam pinguior, subtili ergo est flammâ quamvis diuturnâ, & æconomicae utili: fraxinus quod viscida pinguisq; sit focorum præcipuus est honor. Lumen itaque puro defæcatoq; ignis elemento inest.

Aquam

Aquam diaphanam esse dubium non est cum sit eadem ratio totius homogenei singularumq; eius partium, & istud sanè elementum videtur priscæ primæque suæ puritatis vestigia pulchra retinere in ijs duabus qualitatibus quas in aqua omni percipimus perspicuitate, & fluiditate. Ceteras enim ob necessarium cum alijs corporibus commercium corrumpit, etiam fœdus illud quo leuiores debet supernatantia ferre, nam in Peruvia, vt inquit *Incas Garcilasso de la Vega*, nobilis Peruanus, qui commentaria Regum Peruanorum edidit, Lacus est *Tiricaca* 48. vltis altus circumfusus verò per milliaria plusquam ducenta, qui omne omnino lignum absorbet, neque vel leuissimâ nauiculâ potest navigari; cum itaq; aqua omnibus fere qualitatibus alijs identidem varijsq; in locis priuetur, & maneat ubiq; gentium illæ duæ transparentia, & fluiditas quæ frigori tamen præpeditur, fatendum est primigeniam illam antiquamq; esse aquæ dotem;

Terræ verò atomos perspicuas esse secundum quid colligimus à posteriori, quia si nunquam essent luminī inuicē omnia corpora essent diaphana, & si semper essent, adiaphanæ nullis corporibus mixtis perspicuitas competeret, quam videmus in vitris, crytallo, adamante, smaragdo alijsq; tum solidis tum liquidis corporibus: præterea sal in quo terræ dominium agnoscunt plurimi Diaphanum est crytalli instar in Hispania Tarraconensi.

Annotanda præterea est differentia inter lumen purum, & impurum. Purum illud est quod omni alieno caret definiturq; forma accidentalis, quæ facit actualiter visibile perspicuum, quod alieno colore terminatum in potentia erat tantum visibile; hæc est explanatio eius obscuræ definitionis quam Aristoteles tradidit, actus perspicui vt perspicuū est, L. 2. de an. t. 69.

Lumen verò impurum est illud quod aliquam à terminante tincturam

tineat utram habet, nimirum aliud est quam color quidpiam lumen inficiens, vel quod istius radij sint refracti & velut quod in corpora aliquod impingunt terminati. Vel ut nitiidius ait Aguilionius lib. 1. prop. 38. & 41. suæ optice, lumen impurum est lumen in corpore aliquo variè refractum, vel à lumine sic refracto propagatum.

Lumen uerò purum uideri non posse, facile conuinci potest ratione, & experientia; Ratione quidem quia in omni uisione requiritur terminus, adiones enim debent limitari, atqui lumen purum non potest esse terminatum, ergo non potest uideri; Experientia uerò quotidiana est, quod enim lumen in pariete illapsum uides, in aere oculum etiam explorandum fallit, neque illuminatus aer uidetur nisi ratione corporum opacorum, ratio est quia aer nullo modo terminat lumen, & crystallus autem quamuis nullius esse coloris uideatur tamen ob uariatam refractamq; radiorum admissionem lumen terminat secundum quid. Vnde & ea ratione fit ut defecati spiritus ignei qui per aerem uolitant nullo modo uideantur quia non est terminatum eorum lumen, & nimis exiguum ab una funditur atomo quam, ut possit species excitare.

His præsuppositis accedamus propius ad fontem colorum probabiturq; postea assertio. Cum in mixtionem veniunt ista tria quatuorue ignis, aer, aqua, terra, necessarium est ignis lucem per aerem propagatam in aqua refringi, & in terram impingere modò, modò uerò reflecti; modò cum diaphana est aliam pati refractionem, præterea cum non à luce solum, & corpore obuiò petatur ratio refractionis uerum etiam multo magis à figura; crystallus enim sub prismatis formâ aliter lumen refringit quam sub sphaeræ cylindricæ typò. Inmo mixtam umbris lucem profundit ex omphaloptera crystallina, eius enim illuminata limbi sunt soli illuminati ce-

teris obscuris, nisi fortasse pro ratione conuexitatis circa centrum modica pars illustretur, at mutantur in diuersas figuras aqueæ atomi ergo etiam varias immo, & omnimodas pene facient refractiones; terreæ verò pro situ vario diuersimodè excipient lumen illudq; coercebunt. Ex quibus

Probatum primò sententia Democriti qui colorem dixit esse lumen ignis in corporibus mixtis variè refractum; non potest fieri mixtio sine multiplici refractione luminis, & proportionè perspicui, opaci, densi, rariue, ergo (etiam ex suppositione quod nulla sit alia causa colorum) istà ratione vnica multiplices imò infiniti generabuntur; antecedens est probatum. superius confirmaturq; varijs experimentis vt si diuersi generis immisceas corpuscula diaphana varièq; lucem applices variæ resultabunt refractiones opaci, & illuminati, sic animaduertit ingeniosè Sanctorius in artem paruam Galeni quæst. 48. sphaerulas vitreas aquâ plenas opacare lumen, tenebrasq; pro luce reddere, at verò si vacuæ fuerint albedinem habebunt quod quidem experimentum sic ipse præscribit, dimitti iubet in purissimæ materiæ vitreæ phialam vitreas pariter sphaerulas complures vacuas, & album oculis exhiberi colorem asserit; si compleantur aquâ, nigrum facient; non ergo poterunt complura corpora adhiberi lumini quin varias faciât refractiones, probatur itaq; consequentia.

Colores iridis oriuntur, ab opacatione luminis, sed in mixtis est opacatio ergo etiam in ijs oriri poterunt colores, nam eadem causa posita cum non eosdem effectus expectabimus? cum ergo illa opacatio variâq; refractione sit constans in mixtis constantes etiâ permanentesq; colores exhibet. Itaq; etiam si nulla inuenta esset alia colorum generatio hac vnica ratione, omnes explicari facillè possent; frustra igitur quæsnq; alias somniabis cum natura hoc ipso quod misceat, coloret.

Si enim refractione transiens facit colores transeuntes refractione permanens debet facere permanentes, sed datur in mixtis refractione luminis permanens, ergo debet in ijs facere colores permanentes. *Iridis autem reflexos esse in humidis nubibus radios definiuit Zeno Cithicus; & ut ait Possidonius in meteorologica, declaratio scissurae radiorum solis aut luna in nube rosida concaua atque continua quae circulo Iridis magni sui orbis circumferentiam ostendit coloratam.* Ita Laetius lib. 7.

Probatur secundò videmus in nubibus omnes omnino colores lacteum, nigrum, viridem; rubrum aliaque; innumeras differentias, sed earum causa vnica est lumen refractum, ergo à pari in corporibus mixtis vbi lumen varijs modis refringitur idem contingere debet. & reuera quod in nubibus videmus à radijs solis fieri id etià deprehendimus in varijs flammis: Ignis enim varios colores dat flammis, sic cartæ crassioris flamma caerulea est, cerei candida, sulphuris cianea, picis nigra obscuraue, subflaua olei, rubicunda in buxo, pallida in fœno; fumus pariter varius est pro materiæ varietate, sic lignorum siccorum leucophens est, obscurior est viridium, fumus mercurij sulphure mixti rubet, albescit stibij fumus, uirescit ortus ab ære fuso uapor, aliaque; alijs corporibus ob refractione luminis ignis in subiecto raro uel denso, perspicuo uel opaco, profundo uel parum alto, aliter aliterque figurato, vnde expressè Democritus nigredinem ab asperitate à lauitate verò albedine oriri voluit; quod scilicet multiplici refractione vmbraque; quæ in asperis fit necessariò maior sit opacitas, & consequenter, nigredo, leuia verò cum vmbra opacumue non faciant, sed aequalitatione lumen excipiant album repræsentant; quod si alios colores singulatim velis à refractionibus opacitateque; rimari, oportet in Iridis coloribus refractionum momenta perpendere; statuere figuram, densitatem, profunditatem, terminum,

num, lumenq; atq; ex his deuenies in multorum notitiam. Si enim refractione 10. graduum virorem facit, refractione vero 25. graduum repræsentet rubedinem fatendum est quod in intermedijs refractionis radijs intermedij colores poterunt reperiri.

Ex Sphærlis vt supra dixi vacuis emergere albedinem dixit Sanctorius eiq; fauet experientia spumæ, quæ tota sphærlis vacuis constat, & candida est: Sed necessaria est omnino leuitas, vt animaduertit Democritus in phisicis oculatissimus, quam in suis etiam globulis vult Sanctorius, & reuera ea spumæ inest perfectissima: Si autem hæc leuitas desit nequaquã albedo resultabit ob facierum multiplicitem, quæ varietatem nimiam effundenti se se lumini inducet.

Atq; ex hac philosophandi ratione problemata, quæ circa colores fiunt facillimè soluentur, tum quæ de multiplicitate, tum quæ de mutatione, aut effusione luminis specierumq; à corporibus disputantur.

Hanc de coloribus sententiam adorauit Plato in Timæo, sed cū in omnes esset implacidus ex Athenæo l. 11. c. 22. Democritum non laudauit. *Color est flammula quædam fulgorq; corporum à singulis corporibus emicans partes habens visui ad sēsū accommodatas; idemq; Diuinus philosophus authore Laertio lib. 3. sic existimabat. Constare mundum ex igne, aqua, aere, & terra. Ex igne quidem vt visibilis sit, ex terra vt solidus, ex aqua & aere vt proportionem non vacet &c.* Et in Timæo Locri asseruit; corpora proportionem videri, & propter terram tangi. Conuenit itaque cum Democrito quod Colorem vterq; censeat esse lumen internum corporum, vnde toto cælo abest vterq; ab ea sententia quam multi sequuti sunt veterū, à solo lumine extrinseco suum vnicuiq; corpori afferti colorem, quamuis enim lux extrinseca adesse debeat ad species à corporibus reflectione, medioq; il-

lustrato deuehendās, nihilominus felicibus etiam conatibus exerunt nonnunquam vires suas corpuscula, & ignis sui interni beneficio se se produnt, vt carbunculi, sapphyri crystalloidei, aliaq; cuius etiam rei si ad manum habere velis experimentum, accipe purpuram aut viride quidpiam, & eo supra mundam cartam linteum uè inclinato videbis virore nitidissimo, vel purpura delicatissima cartam perfundi quasi ipsa etiā umbra tingeretur.

OBIECTIONES.

Dices primò si hoc ita se se haberet omnes colores eiusdem essent speciei, nam omnes sunt lumen.

Resp. negando sequelam, ad probationem dico non concludere argumentum quia à specie ad genus non valet consequentia, siuè à minus vniuersali ad magis vniuersale: lumen autem internum est genus pro definiendis singulis coloribus, differētia verò sumi debet à ratione refractionis, & opacitatis.

Dices secundò si lumen est per se visibile deberent colores sine luce extrinseca videri, sunt enim lumen.

Resp. lumen opacatum non posse videri nisi excitentur eius species à lumine non opacato, quia radius refractus est debiliior quam vt possit se se expromere, & imagines ad oculum propagare.

Dices tertio si nihil est coloratum nisi ratione ignis sequitur nullam esse sensibilem terræ particulam in qua non sint spiritus ignei, cum nulla sit adeò modica quæ non videatur colorata, sequela est paradoxum ridiculum, deinde quæram ex suppositione quod detur aliqua ignis experts an videbitur?

Respondeo id non esse incredibile, imò id ita se habere argumento sunt generationes quæ ubiq; fiunt, succi, alimenta q; herbarum, arborumq; & reuera ad vniuersi commoda permixta sunt isthæc elementa, aqua, terra, ignis; ad suppositionē
respon-

respondebo si in eo sit situ vt diaphana non sit, tunc erit visibilis improprie per lumen scilicet quod terminabit, sicut enim corpus diaphanum visibile est per lumen quod recipit. ita corpus opacum, & non coloratum videri potest per lumen quod terminat; Si verò sit diaphanum apparebit vt cetera diaphana quæ colore carent.

Dices quartò inauditum esse terram posse esse diaphanam.

Respon. magis inauditum esset si quispiam id negaret cum in sale, crystallo, alijsq; infinitis sint terre portiones, imò & omnia corpora diaphana esse secundum quid rationibus optici probatur, & experientia, optici enim metallica, lignea, faxeaq; faciunt specula, at necesse est recipi speciem in speculo secundum aliquam profunditatem vt possit fieri commoda reflectio, ergo necesse est secundum aliquam sui portionem singula esse diaphana; & reuera ita contingit in vsu, lignæ enim taniolæ quales nonnunquam abscindunt qui assers poliunt lumen non arcent, sicuti neq; carta quæ certa quadam mixtione peruncta sit trāsparens, ita vt manus etiam ab vna facie applicata ab altera appareat non obscure modo verum etiam colorata; cornu opacum est cum plures adsunt superficies, sed ductū in laminas tenues est purissimi luminis capax: atque ita de singulis naturæ corporibus poteris philosophari: vnde absurdum non est terram certis quibusdam sitibus modo diaphanam modo verò opacam, & terminatam pronuntiare.

Dices quintò si mutatione mixtionis variaq; atomorum opacitate, & refractione fierent colores sequeretur quod attritu colorum, & infusione olei in marmore præsertim laeuissimo deberet fieri eorū aliqua mutatio, contra picturæ cōmoda.

Respondeo ita exiguas esse atomos vt nunquam ea attritione deueniatur ad vltimam diuisionem minimi, quod 10000 atomorū componitur; nihilominus tamen remittuntur aliquā-

do intendunturq; colores, non nunquam verò in aliam speciẽ transeunt, vnde etiam aliquid artis est in atterendo: si in infusum violarum guttam olei ex tartaro inieceris, fiet viridis color ex puniceo, gallarum, & calchanti diluta seorsim spectata diaphana sunt instar aquæ, si verò misceantur nigerrima fient, quod atomi in ea mixtione figuras mutant, & ex læuibus reddantur asperæ vnde nigredo resultat,

Dices 6. duo croci filamenta integrum aquę cyathum tingent flauo; vt qui potuerunt tot esse ibi spiritus ignei ad totam illam aquæ quantitatem peruadendam?

Resp. dissolui huiuscemodi filamenta, & sanè dispersionis atomorum corpusculorumq; miracula perpendenti istud nullo modo rarum videbitur, halitus subtiliores in croci filamentis eos esse qui aquæ phialam tingant, vt vna aquæ vitæ gutta odorem, & aliquẽ gustũ singulis eius particulis dispersa dabit.

Dices 7. debere videri atomos igneas cum sint luminosæ at non videntur ergo, ratio maioris est quia nihil est frequentius ijs in aere cum sint in perpetuo fere motu, sintq; spiritus quem descripsit Virgilius agitantem vniuersa.

Spiritus intus alit totamq; infusa per artus.

Mens agit at molem. neq; dicas non terminari eorum lumen quia toties ipsis alia occurrunt corpuscula eaq; contingũt aut ita vicina sunt vt facilè effusos radios possint excipere, quod cum aduersetur experientiæ signum est lucidos non esse spiritus igneos, quo sublato fundamento tota hæc de coloribus ingeniosa Democriti sententia ruit.

Respondeo primò quod iam supradixi, nimis exiles esse radios quam vt eos percipiamus, atomus enim adeo est exigua vt ne mille quidem simul positæ acutissimum sensum feriant quanto magis si de vna procedat argumentum, sed si hæc responsio physica quæ certam proportionem requirit inter agens, & passum

& passum non satisfacit affero responsonem mathematicam deductam ex principio 17. Res enim omnes visibiles ab oculo percipiuntur secundum angulos quos emissis à se radijs in ipso oculo constituunt, unde *quæ sub maioribus angulis videntur*, vt ait Euclides in opticis, *maiora apparent, quæ sub minoribus minora quæ sub equalibus equalia*: nihilque omnino cer- ni potest nisi sub angulo cuius basis sit in obiecto; ergo obiectum debet esse capax plurium radiorum, (nam à radijs physicis componitur angulus visorius non autem à mathematicis, sunt verò radij lineæ physica) vt possit facere non angulum, modò, verum potius conum vel pyramidem cuius vertex est in oculo, basis in obiecto; at atomus ignea non sufficit ad id, quia atomus est principium lineæ physicae ergo si aliquid posset, faceret tantum lineam physicam quæ vt oculum feriat, necessarium est inuisibilis, caret enim latitudine longitudine, & profunditate, cum secundum extremam sui atomum eamq; vnicam oculum feriat; cum itaq; sub nullo angulo physico, & sub nullis radijs possit comprehendì atomus sequitur eam siue lucida sit siue opaca esse inuisibilē. Sicut enim in puncto mathematico non potest statui basis pyramidis mathematicæ, ne quidem per aberrantem in chimeras intellectum, ita neq; in atomo quæ punctum est physicum potest erigi vel fingi pyramis aut conus physicus qualis necessarium interuenire debet ad visionem. Omitto plures alias implicantias huius rei cum hæc redargutio sit demonstratiua. Et statuamus post tot probationes solutosq; difficultatum nodos, Colorem esse lumen internum corporum variè refractum, & opacatum, quod erat nobis pro Democrito euincendum.

CONCLUSIO.

HÆC pro Democrito subscisuius speculationibus, & vigilijs quæ mihi somno gratiores sunt, conscripta, si quos habent defectus ingenio per tot occupationes distracto concedendi, vbi autem aliquid eliam acuratiq; occurrer, *Urbanelector*, EXCELLENTISSIMI SENATVS MEDIOLANENSIS auspicia venerare:

F I N I S.



I N D E X:

Rerum memorabilium quæ in hoc Opere continentur.

A

A Bductio Hippocratis pag. 196.

A Enneas in clypeis pag. 215.

A Polypus Vitruvii 79.

AER.

Aer est inane Democriti 23. 86. ingenerabilis, & incorruptibilis 43. non est elementum 65. caret qualitatibus primis à pag. 65. ad 69. aeris infectio 68. Aer non vnitur alijs elementis 69. Aeris grauitas quæ 84. In aere an possit nauigari 84. 85. aer caret grauitate, & leuitate 86. 87. aeris extensio 126. figura 134. aeris pondus 254. aeris impuritas 255.

Agens instrumentale, & principale in quo differant 83.

Alcinoi error in mathesi 221.

Analogismus in abditis adhibendus 157.

ANGVLVS.

Anguli figuræ rectilineæ 144. angulus atomi 148. angulus contactus, & angulus acutus 204. sophisma de angulo contactus 207. Antiperistasis 261.

Alterationis modus 258.

AQVA.

Aqua incorruptibilis 43. eius dotes 71. aqua non potest calefieri 81. figura 134. aquæ triplex status 150. proprietates ibid. Regulæ hydraulicorū ibid. aquæ superficies spherica 151. aqua quomodo calefiat 168. diaphana est 267.

ARISTOTELES.

Aristoteles Democriti libros combustit 14. iudicium de Democrito 18. Aristotelis commendatio 29. eius inuenta, & errata 35. error insignis

in mathematica 136. 221.

A T O M I.

Atomis omnia constant à pag. 104. ad 113. atomi elementales 106. atomorum creatio 107. vnio 108. mixtio 110. 111. congregatio ibid. doctrina atomorum facilis 112. quid sit atomus 113. atomorum categoriæ 114. proprietates 116. mobilitas triplex 116. sympathiæ 118. 121. atomorum ratio non est sita in sola figura 122. paruitas 122. numerus 124. vniones variez 125. 126. atomis sua inest figura 129. figuratio 135. inquietudo 165. atomorum rebus, retractione; 169. atomi materiales, & indiuisibiles 217. motus 234.

ATOMI AEREÆ.

Atomis aereæ neque inter se neque cū alijs vniuntur 125. 128. 153. spherice sunt. figuræ mutabilis 154.

ATOMI AQVEÆ.

Sunt sphericæ 149. 152. figuram mutant 152.

ATOMI IGNEÆ.

Atomis igneæ igneis vniri nequeunt 129. figura spherica igneis atomis conuenit 138. figuram mutant 143. sunt lucidæ 274. inuisibiles tamen ibid.

ATOMI QUALITATIVM.

Earum fecunditas, intensio, species, ordo 160. interioris 261.

ATOMI TERREÆ.

Cubicæ sunt 143. non mutant figuram 149.

Auri rameta in arboribus reperta 176.

I N D E X.

C

C Aleutrum generatio 175.
 Cardinali Infanti donum 156.
 Cerebrum 63.

CHYMICI.

Chymicorum obscuritas in loquendo
 51. 52. principia pro elementis 70.
 Chirurgia cirtorum 118.

CIRCVLVS.

Circuli generatio duplex 139. circula-
 ris figura naturæ amica 142. circuli
 concentrici comparati 193. circuli
 quadratura non est impossibilis 194
 ad 197. circuli miracula in motu
 240.

Cœlorû creatio 162. 163. influxus 170.
 Contactus globi, & plani 201.

COLOR.

Colorû confusio 255. quid sit ex De-
 mocrito 264. ex Platone 271. libel-
 lus de coloribus Aristotelis 264. co-
 lorum generatio 265. eius explica-
 tio 268. coloris albi, & nigri gene-
 ratio, & natura 269. colores in diis
 nubiumq; 270. Albedinis generatio.
 271. colorum mutatio 274.

CONTINVVVM.

Cur ignota continui natura 31. conti-
 nuitas supponit materiam 31. non
 constat punctis mathematicis 98.
 neq; ex partibus, & punctis 100. ne-
 que ex simplici entitate indistincta
 101. nec ex partibus infinitis 102.
 ex partibus vt numeris 102. conti-
 nuum, & tempus analogia 214.

CORPVS.

Corpus naturale quid sit 54. corpora
 platomea 132. corporum generatio
 ex Pythagora 146.

CORRVPTIO.

Corruptionis explicatio per atomos
 178. 181. corruptionis ordo 182.
 Cubi proprietates octo 146.
 Cucurbitulæ medicæ 253. 256.

Cyathus in valle quam in monte ca-
 pacior 151.

D

D Arijludus 5.

DEMOCRITVS.

Democriti nobilitas 1. educatio *Ibid.*
 præceptores 2. diuitiæ 2. peregrina-
 tiones 2. studium 3. paupertatis
 amor 3. secta 3. infania 3. occupatio
 4. solertia 4. eloquentia 5. consola-
tio 5. castitas 5. amici, & inimici 5.
 6. ritus 6. 17. mors 7. physiognomia
 7. dotes 8. scripta omnia, & libri à
 pag. 8. ad 14. laudes à pag. 15. ad
 21. Democriti inuenta 20. Deus 25.
 opinionem quæ spectant ad atomos
 à pag. 21. ad 27.

Densitas iuuat actionem 260.

Diameter, & costa quadrati sunt in-
 eomensurabiles 147. 192. 202. 203.

Dignitas rerum expensa regulis qua-
 tuor 44. 45.

Diuisibilitas triplex 215.

Dodecaedron mensura celi ex Alci-
 noo 222.

E

E Brietas 185.

EFFLVVIA CORPORVM.

An detur in elementis 75. in mixtis
 166. 186.

ELEMENTA.

Elementa symbola dissymbola 34. in-
 corruptibilitas elementorum à 38.
 ad 48. sunt formaliter in mixto 47.
 sunt materia prima 48. elementor-
 um definitiones variae 50. 51. 52.
 53. tria in elementis consideranda
 moles, qualitas, mobilitas 56. ele-
 mentorum officia in auxitione 57.
 62. Dati quatuor elementa cenum
non est à 59. ad 65. Dantur tria ele-
 menta 70. elemento puro nihilatur

174.

I N D E X

174. Elementa pura colore carent
265. sunt permixta locis 272.
 Empedoclis opinio de motu 216.
 Empyreum est abiciz figuræ 148.
 Euclidis methodus ad atomos tradu-
 ctæ 32.
 Excentricos quis inuenit 60.

F FIGVRA.

Figuræ quæ locū repleant 137.144.
218. pentagona non replent lo-
 cū nec tetraedra 145. figuratio quid
155. figuræ isoperimetra 248.
 FLAMMA.

Flamma 179.182. flammæ lux unde
266. colores varij 270.
 Formarum imperium in mixto 179.
 Fumus 180.

G

GAleni opera græca 262.

GENERATIO.

Generatio difficilior conseruatione
43. incipit ab exterioribus 162.
163. generatio mixti 170.

GLACIES.

Glacies leuior, & rarior quam aqua
150. glaciei consideratio 251.

GLOBVS.

Globi, & plani contactus 201. Globi
 illuminatio 212.
 Gothorum turgia ex offibus balnearum
183.

GRANVM.

Granum pulueris nitrati accensum
 eiusq; sphaera 77.

GRAVITAS.

Gravia omnia quæ cito per aerem de-
 scendūt 89. Grauitas, & leuitas nō
 dantur 228.

H

Hederæ proprietates 177.

HIPPOCRATES.

Hippocrates amicus Democriti, 8.
 Hippocratis de Democrito testi-
 monia 15.16.17. Hipp. primus om-
 nium elementa agnouit, & eorum
 qualitates 61.
 Horologium orontij 65.

HYMIDITAS.

Humidi, & fluidi differentiz 149. hu-
 mor omnis sphericus liquorq; om-
 nis *Ibid.* humidi triplex genus 151.

I

Iaponum sensus differunt a nostris
263.

IGNIS.

Ignis ingenerabilis est, & incorru-
 ptibilis 41. 46. eius dotes 41. Cur
 tāta copia videatur 78. lux 79. Igne-
 us fons 79. Ignis non potest frige-
 fieri 82. cur igne seruire nequeamus
129. figura 135. ætuitas 181. Ignis
 est lucidus 266.

IMPETVS.

Impetum colligunt corpora in descen-
 su. 230. quibus determinetur. 232.
 Atomorum impetus generatio, spe-
 cies, efficacia, interitus, 236.
 Inanimata sterilia sunt 46.
 Infinitum in magnitudine non impli-
 cat. 200.
 In inani omnia æquæ mouentur 86.
 Insectorum exiguitas 123.
 Insomnia ebriorum 185.

IRIS.

Iris perpetua 247. Iridis colores 169.

L

Lacus in Peruua non nauigabilis
267.
 Lampas Cardani 154.
 Lapilli alphabetici Scradæ 118.
 Lazarus vitriuorax, & lapillorum epulo

L I N E A.

Perpendicularis omnium mensura 55.
linea phisica 145. fit ex cubis 146.
linea infecabilis 148. 202. conchilis
198. lineæ asymptoti 199.
Lumbricorum generatio 175.
Luminis diffusio, & figuratio 210. 211.
Lumen purum, & impurum 267. 268.
Luna 163. 164.

M

M A T E R I A.

Materiæ primæ proprietates qua-
tuor 36. Materia prima Aristoteli
est chymica, & inutilis 49.
Mathematicarum natura 188. 189.
190. 191. propositiones quomodo
veræ 213.
Methodus generalis 32. particularis
187.

M E L.

Mel Democrito gratum 7. mellæ con-
dita cadauera 111. mella saxea
149. 150.

M I N I M A.

Minima elementalia 47. 96. minimum
quid sit 115. Variæ minimorum
elaborationes 173.

M I X T I O.

Quomodo ex atomis fiat 172. 223
mixta calida quæ 171. mixtionum
varij gradus 172. Mixta omnia mo-
uentur deorsum. 233.

M O T V S.

Motus perpendicularis tripliciter ac-
ceptus 117. motus rotæ 208. motus
perfectè successivus cum atomorum
doctrina dari non potest. 228. Mo-
tus, duratio, dimensio, numerus ana-
loga 233. motus perfectè successivus
est impossibilis 234. datur motus ex-
tremus 237. In motu non dantur
quietes neque saltus. 238. ad 244.

M V N D V S.

Mundus incorruptibilis 39. Creatio

ex Platone 130. ex Democrito 160.
ex Anaxagora 166.

N

Natura fugit infinitum 105. æco-
nomia 164.
Natura se se ad statum commodum
restituere 184.
Nix stelliformis Ticini 153. nivis na-
tura 252.

P

Pestis 167. 168.

PHILOSOPHI HODIERNI.
Horum secta triplex. 28. Varia prin-
cipia 50. 51.

P L A T O.

Plato vult comburere libros Demo-
criti 14. Platonis doctrina de ele-
mentorum figuris. 130. ad 136.
Plato fuit in omnes implacitus 271.

P O R I.

Pororum ratio 168. 177. Pori huma-
ni 255. vitri pori quales 255.

P R O P O R T I O.

Proportiones elementorum 92. pro-
portionalitatum miracula 200.
Punctum mathematicum 98. puncta
inflata 157.

Q

Quadratorum circumscriptorum
motus supendus pag. 239. &
242.

Q U A L I T A S.

Qualitates primæ 63. Earum defini-
tiones novæ reiectis Aristotelicis
72. 73. eæp m spha æctiuitatis, &
agendi n odus 75. qualitates primæ
habent aliquid potentialitatis 171.
qualitatum consideratio accurata
172. qualitates sunt tantum respectu
262. Quantitatu comparatio 209.
quantitatis essentia. 214.

R

Rana vaga 175.

RA.

I N D E X.

RAREFACTIO.

Rarefactionis, & condensationis vere exempla 245. rarefactio proprie dicta non datur 250. experimenta Galilæi. 253. 254. vana sunt 257.

REFRACTIO.

In atmosphæra 92. 93. in aqua 256. refractionis gradus 271.
Respiratio quare fiat. 91.
Rosa polonica 110.

Sapientie regio qualis 16.
Siccitas, dubium an sit priuatio 53.
SOL.

Solis descensus 40. paruitas apparens 158. creatio, volutatio 163. compactio 164. solis motus, & illuminatio quomodo differant. 213. Ra-
diorum solis reflectio quanta 231.

SPHÆRA.

Sphære diuersæ 12. sphæra actiuitatis 75. 211. proprietates sphære viginti 139. sphæra inter ipsa perimetros est maioris areæ 152. sphære actiuitatis propagatio 159. 261.

SPECIES visibiles 158. 159. earum tinctura 272.
Speculum parabolium 115.

Spectrum 215.

Sou quid; 89.

STATICA medica 167.

STELLÆ in mundi centro formate 165.

SUBIECTVM.

Subiectum primum, secundarium, initializationis; denominationis quid; 33.

Sympathia sex modis sumpta 118.

TERRA.

Terræ, & salis rationes 70. terræ ad aquam pondus 70. eius dotes 71. figura 132. 134. immobilitas 197. quantum terræ illuminetur à sole 212. diaphana est 267. 273.

Tetraedra non replent locum 219.

TRIANGVLVM.

Scalenum 231. æquilaterum Ibidem instrumenta Dei creantis ex Platone 138. constructio 191.

V

VACVVM.

Vacuum Democriti 227. 23. 86.
Vacui fuga quas habet vires 257.
Visio quomodo fiat 275.

F I N I S.

Quæ in librum irrepererunt errata; Typorum penuriæ, &
 Autoris occupationibus quæ breue ad correctionem in ne-
 que constans tempus concesserunt adscribi de-
 bent: potiora annoto, cætera tu ipse
 corriges, Urbane lector.

Pag.	Linea.	Errata.	Emendatio.
31	6	culloquium	colloquium
	9	idem	ideam
	20	4	hæc linea malè disposita est tollendumq; punctum.
	21	15	congestas
	27	27	qui dubium
	29	16	habuerit
	44	30	... tamen
	46	9	introductiori
	55	4	10
	61	29	Aristoteles
	68	2	insita
	80	12	alterat
	87	25	gravitas
	92	32	redeunt
	96	16	quod
	1b.	29	radix
	100	4	passum
	118	11	desunt hæc duo verba.
	118	15	Lusitania
	134	11	est
	142	23	Cynicus
	159	18	reposita
	167	26	incubant
	1b.	30	Vero
	189	12	additamento
	197	11	veterum
	205	11	potentia
	215	13	compensa
	231	10	aliud



